









Path 789.

Loseli

123

N. franchimont.

IOH. LOSELI, PORUSSI,

Rhil. & Med. D.

DE

PODAGRA  
TRACTATUS,


Morbi huius indolem & curam  
diligenter exponens.

*R* Editio secunda correctior, &  
duplo auctior.

Accessit insuper Hieronymi Cardani  
Mediolanensis, Podagræ  
Encomium.



LUGDUNI BATAVORUM,  
Ex officina IOANNIS MAIRE.  
c10 10 C XXXIX.



Ex officio Johannis Mariae  
Ludovici Batavorum  
c. 1. c. 1. c. 1.

*Serenissimo & Potentissimo*

PRINCIPI AC DOMINO,

DOMINO

GEORGIO RAKOCIO,

REGNI TRANSYLVANIÆ

PRINCIPI, PARTIUM

REGNI HUNGARIÆ DO-

MINO, ET SICULORUM

COMITI, &c.

Principi ac Domino meo  
clementissimo.

*Serenissime Princeps,*

**R**o clementiâ illâ  
Principali, quâ Ve-  
stra Serenitas me  
cum in Transylva-  
niâ præsentem, tum extra  
Transylvaniam gratiosè ac  
munificè excipere dignata est,

A 2

gra-



grates ago sempiternas. Et  
 ut animi quoquo modo grati,  
 in tantâ corporum absentiâ,  
 saltem aliquod exstaret ar-  
 gumentum, exiguum hunc de  
 Podagrâ eiusque curâ libel-  
 lum Serenitati vestræ inscri-  
 bere, Eidemque humilimè  
 offerre debui. Non quod ar-  
 bitrer, Tanto Principe (cuius  
 Virtus in utroque orbis Impe-  
 rio tam ad Tibiscum, quàm  
 Szaloncam fatis superque in-  
 claruit) dignum esse munu-  
 sculum, sed ut demonstrarem,  
 turpe ingraditudinis vitium à  
 quovis mortali pectore longè  
 alienum esse debere. Accipe  
 igitur Magne Princeps litera-  
 rium hoc exercitium sereno  
 vultu,

vultu , idque luce hæcenus  
 destitutum Inclyti Nominis  
 luce irradiat. Quod superest,  
 Serenitati Vestræ, ac vetustis-  
 simæ RAKOCIANÆ profa-  
 piæ, à vivo & vero DEO, fa-  
 nitatem inculpatam , vitam  
 longævam, Regimen æterna-  
 turum, ex animo devotè ad-  
 precor.

*Serenitatis Vestræ*

Subiectissimus & obstrictissi-  
 mus servus.

IOH. LOSELIUS, D.

A 3

AD

A D

## LECTORES.

**P**ARTES inter, vitæ mortali-  
 um grata servitia præstantes,  
 etiamsi infimum, nobilem ta-  
 men occupant locum Pedes. His  
 enim tota humani corporis fabrica ceu  
 fundamento innititur, fulcitur, susten-  
 tatur, & erectos ad sidera tollere vultus  
 iubetur homo. Pedibus stamus, pul-  
 tamus, calcitramus, eorumque alterno  
 explicatu ambulamus, oberramus, ac  
 diversas regiones, hominumque gentes,  
 accedimus & relinquimus. Pedum ad-  
 miniculo gravissima sæpè discrimina a-  
 vertuntur, auxilia implorantur, & vitæ  
 periclitanti parta salus invenitur. Pe-  
 dibus quæstum facimus, ac sustentatio-  
 nem honestam vario ac gentico more pro-  
 curamus. Cerdones & alutarii boum  
 tergora obviumque pelles lixivio prius e-  
 labora-



laborata, versando calcant, exagitant, eademque variis usibus destinata præparant. Linteones ac textores, in conficiendis carbasis ac linteis, stamini tramam subtexentes, suppositos variato pedum impulsu moderantur asseres. Tornatores scyphos, girgillos, & quidquid rasile torno subiicitur, tremulo pede exasciant, fingunt & elaborant. Cæmentarii luta innocentia pedibus tractant, conculcant, & figuli impulsâ ac corrente rotâ nunc urceos, nunc catinos exire patiuntur. Panificio operam dantes quid aliud agunt, quàm ut alibilem massam pedibus subigant, ac fermento exactiùs miscendam uniant? Quid Vindemiatores? Nonne decerptas, & vasi rotundo inclusas uvas, collutulatis pedibus (fortassean & hoc nomine partibus illis adeò infensus musteus ille Bacchi liquor) confringunt, ac torculari auxiliarem præstant operam. Sic organo canentes pedum moderamine & consonantias & dissonantias exhi-

bent : Hortulani areolas suas compla-  
 nant: baiuli rotæ insistentes , eamque in  
 gyrum ducentes , onustas naves exone-  
 rant, & magna pedibus extrahunt pon-  
 dera. Nec tantum in his , aliisque par-  
 tim ingenuis , partim sordidulis exerci-  
 tiis , pedum ministerium laudabile &  
 necessarium est, sed & Dædala opera, &  
 quæ manuum coniugio aliàs exercentur,  
 pedibus solerter peragi visa sunt. Etenim  
 memoriæ proditum novimus , fæmellam  
 brachiis destitutam , non tantum colum  
 tractasse, stamina nevisse , pecuniam nu-  
 merasse , sed & subtilissima quæque pe-  
 dū digitis artificiosè perfecisse. Similiter  
 Hispanus quidā, homo mutilus & man-  
 cus, arma bellica pedibus expeditè tracta-  
 vit , tympana pulsavit, & in arcu (quod  
 mirandū) intendendā, atq; sagittis excu-  
 tiendis, adeò fuit rectus, ut à scopo nunquā  
 aberrasse dicatur. Quàm eleganter quoq;  
 pedū subsidio Thomas SchWeickerus cala-  
 mos parare, literas pingere, & cōsimilia a-  
 gere

gere potuerit, hi versiculi satis attestantur:

Quod dextris alii tractant, peraguntque sinistris, (dū.

Ille ministerio perficit omne pe-  
Nam bibit, & scribit pedibus, comeditque, facitque

Singula. ----

*Ipse quoque non ita pridem hic Lugduni Bataavorum homuncionem vidi, per exile acus foramen traicientem filum, ligna secantem, clavum ferreum in asserem malleo adigentem, ac rursus converſi mallei auriculis extrahentem. Omnia hæc pedum digitis præstitit. Non dicam de morbidâ corporis constitutione, quæ pedum ope in integrum aliquandò revocatur. De Tarantalis, qui à Phalangio lentiginoso seu Appulo læduntur, omninò certum est, eos Choreas & tripudia ducere, usque dum omnis mali fomes exhaustus, & venenum saltando fuerit discussum. Febriles paroxysmos oberando ac cursitando quomodo in primâ*

*herbâ suffocare conetur vulgus, lippis & tonsoribus notissimum esse reor. Taceo alias utilitates, quas mortale hominum genus fulcris corporeæ molis unicè debet. Quemadmodum autem variis servitiis distinguuntur pedes, & homini immane quantum commodant, ita diversis quoque calamitatibus iidem obnoxii sunt, quibus actiones superiùs allegatæ turbantur, sufflaminantur, vel etiam penitus abolentur. Pedes sæpenumexò vulneribus, contusionibus, luxationibus, imò fracturis afficiuntur & obleduntur: aliquando erysipelata, œdemata, pernio- nes, ambustiones, varices, clavi, aliæque huius gentilitatis ægritudines exercent pedes, ac motui locali subitanæ adferunt remeliginem. Nec modò his infortunis pedes subiacere & excruciarî certum, sed & peculiare agnoscunt *πάσχα*, cui & nomen indulgent, & in proprio territorio habitaculum haut denegant. Affectus ille Podagra nuncupatur, confertque*

fertque inter initia laborantibus aliquid  
 eximii. Iubet ægrum sedere, cum alii  
 stant, & equitare, cum alii pedibus am-  
 bulant. Vbi verò furere occipit, hominem  
 non modò equitandi, vel sedendi delicio  
 arcet, sed lecto affirmatum, dolore adeò  
 funesto excruciat sæpè, ut æger etiam  
 languenti corpori aliquando existat iniu-  
 riosus. Præterea satis frequens malum  
 est podagra, cum ob intemperantiam &  
 ingluviem, tum alias in victu offensio-  
 nes, ac humano generi sexcenta ferè par-  
 turit damna. Omnes enim quotquot cru-  
 ciantis suis onerat, ambulandi impo-  
 tentiâ mulctat, cerdones, textores, cæ-  
 mentatores, pistores, & huius farinae ho-  
 mines, in statu ac conditione impedit,  
 eosque exercitiis ac operibus alimentariis  
 eximens, prorsus ineptos reddit, tam ad  
 quærendum victum, quàm alendam fa-  
 miliam, & totam rem æconomicam ad-  
 ministrandam. Quod si amplissimo loco  
 constitutos, muneribus honoratis fun-  
 A 6 gentes,



gentes, & ad clavum Regiminis sedentes, adoriatur podagra, quam multa (eheu!) ceu fecundâ matre inde propul-lulant, & enascuntur incommoda. Ne-gotia publicam salutem spectantia haut rarenter negliguntur, res civiles ac cri-minales differuntur, dilatae obliivis in-volvuntur, & si imperitis, vices illorum subeuntibus, fascēs rerumque guberna-cula tradantur, multa admittuntur, quæ in communem perniciem, & totius Rei-publicæ labem tendere videntur. Et sanè viris genere, autoritate & dignitate emi-nentibus, nimio perè insidiatur podagra, eorumque familiaritatem plebeiorum consortio anteponendam frequenter iudi-cat. Podagra quippe lautitiis, aliisque delicatulis cibis, quibus magnatum men-sæ onerantur, impensius delectatur. Vina Falerna, Cæcuba, & quicquid luxurianti arridet gulæ, studiosius commendat, & plenīs crateris hauriri suadet. Labores & sollicitudines spernere, conflictibus Vene-reis.

reis interesse crebrius hortatur eos, quo-  
 rum conversationem avidissime ambit.  
 Cum itaque Podagra variæ sortis homi-  
 nibus, tam infimatibus, quàm Magna-  
 tibus insidiosa sit, & complures regio-  
 nes ob gulæ blandimenta, & alios in vi-  
 ctu errores sæpiculè infestet, ad labora-  
 vi, biennio abhinc exacto, historiam di-  
 cti affectus exiguo comprehendere scripto.  
 Ast quia eius exemplaria, Rostochi ex-  
 cusa, opinione citius distracta fuere, a-  
 mici nonnulli publicationem de integro  
 urserunt, ac impetrarunt. Antequam  
 verò prælo iterum subiiceretur, à mendis  
 typographicis illud repurgatum, & in  
 plusculis locupletatum exhibere volui.  
 Tota autem ~~diægnosis~~ hæc causarum ex-  
 plicatu, prænotatione, præservatione, &  
 secundum indicationes institutâ curatio-  
 ne absolvitur, ac Dogmaticæ medicatio-  
 ni tandem subnectitur. Cura Podagræ  
 Transplantatoria, quæ à quibusdam ter-  
 geminis extollitur laudibus, eò quod com-  
 pertum,

pertum, arthriticos artis istius interven-  
 tu convaluisse, remediis reliquis frustra  
 & sine profectu adbibitis. Ratio insuper  
 istius Curæ qualis qualis allata est, non  
 ut Doctioribus hîc quicquam obtrudere-  
 tur, sed partim ut ansa daretur, ulte-  
 rius inquirendi & investigandi, quod  
 negligi hæctenus cœpit, partim ut infir-  
 miores abstraherentur à superstitione  
 imaginariâ, ne protinam Diabolici quid  
 prætendant, ubi effectuum causæ ab-  
 strusæ quodammodo, & huius vel istius  
 menti impenetrabiles obveniunt. Sed  
 plura præfari nolo, nisi ut candidos le-  
 cttores valere, eosque benevolos exoptem.  
 Dabam Lugduni Batavorum, IIII Ei-  
 duum Martii, C I O I O C X X X I X.



ΣΚΙΑΓΡΑΦΙΑ  
TRACTATUS.

SECT. I. THEORICA.

MEMB. I. Podagræ naturam &  
descriptionem exhibens.

ART. I. Nomen & ipsa definitio.

ART. II. Generis evolutio.

ART. III. Subiecti determinatio.

ART. IV. Causarū enumeratio.

SUBSECT. I. Causam conti-  
nentem eruens.

SUBSECT. II. Fontem deflu-  
xus proponens..

SUBSECT. IV. Causas pro-  
catarcticas explicans.

ART. V. Accidentium potiorum  
enarratio.

MEMB. II. Podagræ differentias  
& varietatem proponens.

SECT.

بَعُونِ اللّٰهَ تَعَالٰی

IOH. LOSELL, PORUSSI

De

PODAGRA.

Π Ρ Ο Ο Ι Μ Ι Ο Ν .



**O**SSA duplici modo connectuntur secundum Anatomicos: I. per διάρθρωσιν, quæ teste Galeno lib. XII. de usu part. propter motum voluntarium instituta est. II. per Σύμφυσιν, eamque vel sine medio, vel cum medio. Articulationi tres adscribuntur species, ἐνάρθρωσις, ἀρθρωδία καὶ γίγγλυμος. Symphysi verò cum mediata, tum immediata itidem tot assignantur species, & quidem illi ὤσχυρίδρωσις, ὤσυνέφυσις καὶ συνάρθρωσις; huic ῥάκη, ἁρμονία καὶ γόμφωσις. Prior ossium connexio, quæ fit κατ' ἀρθρον, arthritidi (quæ κατ' ἀρθρῶν πόρον est) sedem exhibi-

exhibet, quippe circa ἐναρθρώσων imperi-  
 tat ischias, omagra; circa ἀρθρώδιαν, sia-  
 gonagra; circa γίγγλυμον, trachilagra,  
 pechyagra, chiragra, gonagra & podagra  
 dominantur. Posterior connexio, quæ fit  
 ἐμύσως καὶ Σύμφυσιν, arthritidis habi-  
 taculum esse nequit, cum ossa illa motui  
 voluntario proximè non deserviāt. hoc no-  
 mine falli eos autumo, qui rhinagram  
 & odontagram arthritidis esse species ri-  
 gide contendunt. Quæ verò connexio fit  
 ἐμύσως καὶ σύμφυσιν, arthritico malo  
 hospitium indulgere potest, verum non  
 per se, sed quatenus διασπρώσει copulatur.  
 Cum itaque circa dictam articulationem  
 variae arthritidis contingant species, con-  
 stituimus impræsentiarum, reliquis di-  
 missis speciebus, solam podagram sub  
 incudem revocare; ac in eius indolem  
 pensiculatiùs inquirere, potissimum cum  
 hæc, inter contribules suas, gonagram,  
 ischiadem, chiragram principatum te-  
 nens, frequentius homines invadat, &  
 gressus

gressus sufflaminando è numero viventium eos ferè eximat, iuxta illud Luciani in Tragopodagra:

πειπαλῆν ᾧ ὅς αὖ δέλη

καὶ μὴ δυνάμει τῶτον ἐν νεκροῖς τίθει.

Disperschemus autem totam de podagra tractationem in duas Sectiones, quarum altera Theorica, θεωρίας vocabulo καλεῖται καὶ ἐκ ιδίως accepto, altera Practica nuncupabitur. Vtrique Membra & Articulos attribuemus, Articulis si res exegerit, Subsectiones quasdam subiuncturi. Cepta autem nostra ne, quod Pythagoras habet, μωρὰ πέμπει, cum Nazianzeno ita ingemisco:

Χάειν παρὰ χυρὸν χεῖρ ἐπὶ τοῖς ἐμοῖς λόγοις.

DE PODAGRA.  
SECTIO I. THEORICA.

MEMBRUM Primum.

*Podagræ naturam & descriptionem  
exhibens.*

ARTICULUS Primus.

*Nomen & ipsa Definitio.*



ODAGRA, quasi πο-  
δῶν ἄγρᾱ ἰσθμὲν, Ara-  
bibus قَرْسُ appella-  
tur, qui verò malo hoc  
discruciantur, podagrici & poda-  
grosi Latinis, Græcis ποδαγρὸς nomi-  
nantur, Iben-Sinæ مَقْرَعُون  
à Rad. قَرَعَ pulsare, pultare, verberare,  
percutere, confringere, conterere, con-  
quassare, eò quod dolor sæpenume-  
rò

rò adeò funestus sit , ut æger ex-  
clamare habeat necessum ,

Οἱμοι, παπάιγ' τείρομαι, δούλυμαι.

Αἴτιον παρέπαρμαι γῆον ἀσκόπω κακῶ.

Vocatur & podagra morbus po-  
dagricus , estque eius λέξις σωώνυ-  
μοι, & nihil prorsus aliud signifi-  
cat, quàm podagra. Diversum hîc  
sentit Hieronymus Sachetus , qui  
*in retractatione de podagricis & arthri-  
ticis morbis* , Brixiae M. D. XXCVI.  
editâ , statuit , podagricos morbos  
re & nomine esse diversos ab ar-  
thriticis morbis , & quod podagra  
inter podagricos sit morbos maxi-  
mè nobilis & insignis. Podagri-  
cos autem morbos non tantum eos  
appellitat, qui pedes invadunt , sed  
etiam qui quarumcunque partium  
articulos occupant : idque fieri ar-  
bitratur ob analogiam , quam ad  
podagram habent ; quod scilicet  
motum illius sequantur , sintque

ex



ex iis, qui certis temporibus recurrunt. Præterea satis protervè Galenum & reliquos flagellat Medicos, eosque valdè negligentes & oscitantes fuisse scribit, quod discrimen podagricorum morborum ab aliis articularibus morbis non tradiderint, nec quod unum commune genus articularibus morbis assignarint, quod distributum in suas species ac differentias explicari potuerit. Hinc tam in rebus ipsis, quàm in docendi ratione Medicos multifariam peccasse, & genus curationis talium morborum ignorasse profitetur. Ipse verò hoc discerniculi ponit inter podagricos & arthriticos morbos, quod podagrici statis temporibus, sensimque fiant, arthritici verò & recurrant & non recurrant: ideoque arthritidem nec inflammationem nec luxationem esse statuit, sed

sed simpliciter morbum, articulorum voluntarium motum impredientem. Verum enim verò in plusculis hinc erat Sachetus, & primò quidē fictitium illud discrimen inter podagricos & arthriticos morbos necessarium haut est, nam arthritici omnes illi morbi dicuntur, qui ab affluxu salini humoris, in visceribus abdominis geniti, ac in venis & arteriis cumulati, originem sumentes, circa articulamenta, in partibus nervosis ac membranosis, dolorem & tumusculum pariunt, & postea vel statim temporibus revertuntur, vel etiam emanent. Ita arthriticus acceptus morbus Podagricum respicit velut Genus suam speciem, totaque essentia arthritici morbi continetur in essentia podagrici, quod de natura ipsius generis esse solet. Itaque frustraneum & ridiculum planè est, hinc duo



duo genera effingere, arthriticum scilicet & podagricum, cum uno genere possimus esse contenti, ad quas species omnes commodè reduci queunt. Nec Medici negligentia ac oscitantia incusandi sunt, quod entia præter necessitatem multiplicare noluerint, cum arthritis & morbus podagricus non constituent diversa genera, sed potius alterum sit alterius genus, nec aliter differant, quam includens & inclusum. Deinde quod podagricos morbos quarumcunque partium articulos, genu, coxendicem, cubitum ac manum infestare scribat, in eo quoque enormiter peccat Sachetus, cum impropria illa dictio, ac contradictionem involvens, nequaquam toleranda sit, ubi convenientius occurrit vocabulum, quo generaliter hunc vel illum morbum insignire possumus.

Et si ob analogiam Chiragricum morbum podagricum nomenclare fas est, licitum quoque erit, hepatis inflammationem morbum dicere pleuriticum, & consimiles ἀκυρολογίας invehere, à quibus tamen sanior abhorret Medicina. Quod verò arthritidem simpliciter morbum, voluntarium articulorum motum impredientem, pronuntiet, in eo itidem à vero aberrat. Nam si arthritis ἀπλῶς morbus articulorum, motui περιεπικῶ incommodans, dicendus sit, sequitur indubiè, omne vulnus circa partes articulosas sive cæsim sive punctim factum, motumque auferens vel turbans, inducere arthritidem. Præterea nec luxatio arthritidi accenseri potest, nisi tartareus humor simul ad articulos deerret, gluten ipsorum collutulet, ac lancinando partes sensiles dolorem exci-  
tet.

ret. Quippe luxatio quâ luxatio arthritidem haud parit, sed potius id, quod luxationem consequitur, quemadmodum nec inflammatio absolutè arthritidem gignere potest, sed quatenus humiditatem salinam in consortium trahit.

Podagræ autem vocabulum etiam diversimodè sumitur ab illis, qui ἀντηκείμενον ἐν ποδοκείμενῳ susque deque habent. I. ὅπου, pro quavis arthritidis specie, sive nucham, sive manum, sive aliam corporis occupet partem, *Er bat den podagell im nacken*, &c. Paracelsus etiam in capite, futuris cranii, orbitis oculorum, aurium anfractibus, in naso, mento, costis, ubi cum sterni cartilaginibus connexionem habent, in renibus, vesicâ & membro virili, podagram vitiosissimè locat, *Tom. IV. lib. 1. de podagricis, p. 140. 141. & lib. 1. de morbis podagr. p. 164.*

eamque Epilepsiæ speciem, ↓ ἄδω; & ineptè statuit, *Tom. III. lib. II. de tartaro, tract. II. cap. IV. p. 163.*

II. Ioculariter & abusivè (1) pro dentiū dolore, ita Strobelbergerus tractatum suum de odontalgia inscripsit de podagra dentium. (2) Pro lateris dolore, ut factitatum à Capivaccio, qui dolorem podagricum in latere quendam cruciasse scribit, *Cons. ccxxvi, à Scholtz. coll.* Nos γυνῶνον ipsius podagræ ἔμπυον retinentes, sequenti modo eam definimus: Podagra est dolor partium nervosarum ac sensu præditarum circa pedum articulos, ab humoris serosi & tartarei defluxu & congestione eorum ducens.

## ARTIC. II.

*Generis evolutio.*

**D**Olorem diximus esse podagram. Ubi sciendum podagram dupliciter considerari posse, vel ut νόσημα, vel ut σύμπτωμα. Ut νόσημα considerata podagra, rectius statuitur morborum congeries, quàm simplex aliquis morbus. Diverso quippe respectu podagra modò similis morbus est, & quidem intemperiei, quatenus falsuginosum humorum lixivium partes pedum sensiles obsidet, ac temperiem illarum naturalem alterat, evertit, ac destruit : modò organicus, & quidem magnitudinis auctæ, ac figuræ depravatæ, quatenus tumor podagræ associatur, & tophi insuper succedentes figuram partium inæqualem reddunt ac viti-  
B 3 tiant.

esse appetitum, quem postea sensum communem vocat, causam verò immediatam doloris esse solam actionem obiectorum, ita ut solutio continui saltem sit causa sine qua non. Etenim si doloris subiectum proprium esset sensus communis, sequeretur omnium externorum sensuum eum esse subiectum, atque ita ratione subiecti, nulla daretur eorundem distinctio. Et licet centrum omnium sensuum externorum dicatur, adeoque illorum obiecta apprehendat, & à se invicem discriminet, attamen non existimandum, eundem propterea esse subiectum sensuum externorum. Nam si hoc, inferri quoque posset, & phantasiam & memoriam illorum esse subiectum, cum species ab externis sensibus ad sensum communem delatae, ulterius phantasiae & memoriae offerantur,



rantur, partim ut exactiùs exami-  
 nentur, partim ceu in promptua-  
 rio studiosiùs asserventur. Quod  
 vero Augenius imitatus Iben-Ra-  
 schid, solutionem continui ideò  
 causam immediatam doloris esse  
 neget, quia non est obiectum sen-  
 sibile, neque inter propria, neque  
 communia sensibilia referri potest,  
 in eo itidem falsus est Augenius.  
 Quippe largiamur, solutionem  
 continui non esse obiectum sensibile  
 (etiamsi Mercatus expressè eandem  
 sensibile commune esse dicat, *lib. III. de morb. p. 174*) sententiæ tamen  
 nostræ id parum officiet, cum do-  
 loris essentia non consistat in per-  
 ceptione obiecti, sed potius in mo-  
 lestia seu *ἀνία* quadam, quæ perce-  
 ptionem obiecti comitatur, ut  
 paulò ante fuit assertum. Com-  
 modè igitur Galenus *lib. II. de loc. affect. cap. II.* dolorem non sensum,

sed sensum tristem nominat. Et Campanell. *lib. 111. Medicinal. c. 111. articul. 11. p. 83.* definit dolorem, quod sit affectus sequens sensum præsentis mali.

Quercetanus in *Consil. de arithritide*, concedit quidem, solutionem continui esse doloris causam, & hanc induci à spiritibus salium resolutis, verum quid illud sit, quod sentiat ac doleat in parte, id Dogmaticos non expressisse scribit. Ipse verò arbitratur, spiritum scilicet astralem per totum corpus diffusum, seu balsami spiritum, qui omnes corporis functiones per sua instrumenta obit, esse id quod sentit & dolet: imò huic spiritui soli vim sentiendi attribuit, ubi vellicando & pungendo, vel etiam alio modo eius continuum solvitur ac dissecatur. Ast *εἰδὺς ὁ ῥημονέστροφου* hic esse censeo Quercetanium, dum balsa-



balsamo vitali *δωάμιν αἰσθητικὴν* ad-  
 scribit, quæ aliàs *αἰσθητικὴ* & for-  
 maliter animæ sentienti, *διδάσκου*  
 seu instrumentaliter spiritui ani-  
 mali, quatenus in parte sensui di-  
 catâ, ac benè dispositâ, radicatur,  
 refertur accepta. Imò quod bal-  
 samus vitæ in partibus membrano-  
 sis non sit id, quod sentit & dolet,  
 inde etiam manifestum est, quod in  
 paralyfi, salvo spiritu balsamico,  
 interdum nulla fiat sensatio, etiam-  
 si pars affecta immane quantum  
 vellicetur, pungatur, vel aliâ ratio-  
 ne tractetur. Quapropter scitè  
 scribit Campanella, ubi dolor non  
 sentitur in affecto membro, signum  
 est, Spiritum inde abcessisse.  
 Dolorem itaque quod sentit, dici-  
 mus esse animam sensitivam, con-  
 currente Spiritu animali, partes ve-  
 rò nervosas unâ cum balsamo vi-  
 tæ esse subiectum, in quod rin-

cturæ salium actione suâ destructi-  
vâ solutionem continui inducunt.

Campanella *l. c.* inficiatur, so-  
lam continui solutionem gignere  
dolorem, cum non sola sit malum:  
nam (inquit) compressio Spiritus  
in membro inclusi malum est, &  
luxatio membri ordinem detur-  
bans, & Spiritum afficiens com-  
pressione & torsione: Item intem-  
peries frigoris nimii, nimique ca-  
loris, & incrassatio nimia, & at-  
tenuatio nimia. Verum sciendum,  
reliquas à Campanella adductas  
saltem esse mediatas doloris causas,  
quæ necessariò reducendæ sunt ad  
communē quandā efficiendi ratio-  
nem, ad solutionē scilicet continui,  
utpote quæ proxima & immediata  
doloris causa *ὁμοδυμᾶδόν* à plurimis  
censetur. Antequam autem redu-  
ctio instituat, allubescit prius  
determinare, quid sit solutio con-  
tinui,

tinui, cum quibusdam obscura hæc videatur locutio. Est itaque solutio continui partium nervosarum ac membranarum tensio, divisio, vel ut Arist. v I. *Top. c. III.* loquitur, *διάσπασις καὶ συμφύτων μερῶν*, quæ à variis causis, tum violenter & confertim, tum paulatim agentibus inducitur. Deinde solutio hæc continui modò *ἔυδηλα* est & manifesta, modò *ἄδηλα* seu obscura, pro diversitate rei dividendis, à qua dependet. His suppositis, levi brachio causæ, à Campanella in medium allatæ, ad solutionem continui reducuntur, nam & compressio Spiritus in membro inclusi, & luxatio (sive sit *ὁλίσθημα* seu perfecta, sive *διακίνημα* seu imperfecta) partes sentientes tendere, & ita dolorem, inferre potest. Similiter frigus intensum, & calor insignis continuum dividunt, si non mani-

manifestè, obscurè tamen, & quidem frigus partes membranofas (quibus oppidò inimicum, ex *v.aph. xviii*) constringendo tendit, & calidum depauperando, vel alio modo efficit, ut partes extimæ *ὀγκῶδες ἢ ὀγκύλλεδες* in tumorem efferri manifestè conspiciantur. Calor nimius destruit continuum, comburendo, ebullitionem humorum, & affluxum excitando, partium humidum absumendo, & siccando, &c. Incrassantia verò & attenuantia quomodo continuum solvant, facilè animadvertet is, cui *παχυπικρὼν ἢ λεπτοπικρὼν* natura perspecta est. Attenuantia enim non modò calore valentiore, quo ut plurimum pollent, sed & beneficio suæ salinæ substantiæ, & quidem volatilis, partes tendere, & ita continuum dividere apta nata sunt. Incrassantia verò infrigidante qualitate

litate partes acutissimi sensus constringendo, terrenâ ac crassâ substantiâ partium meatus offarciendo, atque ita tendendo solutionem continui pariunt.

## ARTICULUS III.

*Subiecti determinatio.*

SUBIECTUM podagræ statuimus esse partes membranofas & nervofas circa pedum articulos: Explicatius determinando, membranas, tendines, ac vincula externa, à periofteo ortum ducentia, & extremitates ossium ac muscutorum tendines neſtentia, ſubiectum verum eſſe conſitemur. Ubi ligamenta non excludimus, etiamſi Galenus *lib. I. de uſu part. & lib. VI. M.M. & lib. XIV. M.M. ut & lib. III. de compoſit. medicament. ſ. gener. eadem ἀναίματα* pronunciet. Distinguimus namque inter ligamenta, & alia car-

cartilaginosa esse profiteamur, quæ cum ossis cartilagine nascuntur, & quasi ab eadem oriuntur, uti sunt ea, quæ femur cum coxendice, tibi-  
 biam cum coxâ connectunt, & *χονδροσυνδέσμοι* appellantur: alia membranosa statuimus, quæ vali-  
 dissimis nervorum filamentis in-  
 tertexta, à periosteo *διοικήσεως ἀρχὴν* mutu-  
 antur. Illa sensu prorsus de-  
 stitui, ἐκόντι θυμῷ Galeno & aliis  
 concedimus, hæc verò sensu gau-  
 dere, constanter cum Mercato *tom.*  
*111. lib. 1 v. cap. xviii. p. 432.*  
 asseveramus. Nec obstat illud,  
 quod dicunt, hominem hac ratio-  
 ne in *ἀναισθησία* fore constitutum,  
 si ligamenta sensu essent prædita.  
 Regero, idem fieri debere à perio-  
 steo, quo immediatè articuli in-  
 cinguntur, utpote quæ membrana  
 acutissimi sensus est, & sæpè *ὀστο-  
 κόπον* patitur dolorem. Reliquæ  
 ratio-



rationes, scilicet quod nullibi ad ligamenta feratur Spiritus animalis, qui omninò requiritur ad sensationem; Item quod ligamenta sint ossium & cartilaginum productiones, accipiendæ sunt saltim de cartilaginosis ligamentis, non membranosis, quæ sensu penitus carere, haut sunt dicenda.

Mercatus *l. c. p. 439.* largitur quidem tunicas ligamentorum & tendinum esse subiectum podagræ, non tamen vere. Nam podagram aliam facit legitimam, aliam spuriam. Legitimam oriri ait ab humore in articuli cavitatem prolapso. Spuriam verò duplicem esse opinatur, quarum alteram ab humoribus, in tunicis ligamentorum & tendinum, in nervis, aut in eorum venis turgentibus & distendentibus, nullâ eorum portione in articulos prolapsâ, ortum trahere.

here existimat : alteram verò fieri  
 censet ob absorptionem τῆς γλιχρῆ-  
 σματ<sup>ς</sup>, seu ut ipse habet, per sicci-  
 tatem humiditatis, intra cavitatem  
 articuli ad faciliorem motum præ-  
 stitæ. Verum hæc Mercati senten-  
 tia veritati haut litat. Etenim con-  
 cesserim, spuriam illam esse poda-  
 gram, quæ fit ob penuriam gluti-  
 nosi humoris, quo naturaliter arti-  
 culi inunguntur, altera tamen,  
 quam ab humoribus, in tunicis li-  
 gamentorum & tendinum hæren-  
 tibus, fieri dicit, illegitima non  
 est pronuntianda, cum hæc imme-  
 diato gaudeat subiecto, partibus  
 scilicet nervosis. Contra, quam  
 legitimam esse statuit, legitima non  
 est, cum cavitas articulorum non  
 sit verum podagræ subiectum, ut  
 iam demonstrabitur. Suppono  
 autem tria ad subiectum podagræ  
 esse necessaria : I. Ut subiectum  
 non

non destituatur sensu. II. ut humorem serosum admittat. III, ut via adsit, per quam humor tranare, & se in articulorum cavitatem insinuare possit. His positis, statim elucescit, articulorum sedem interiorem non esse verum & immediatum podagræ subiectum, quippe cum pedum articuli firmissimo nexu colligentur, & nullibi extrema eorum intrinsecus periosseo obducantur, sed potius cartilagine incrustentur, fieri non potest, ut sedes hæc interior aliquo sensu polleat. Deinde nec humorem serosum admittunt articuli, cum adeò exactè iungantur, ut nullum spatium se offerat, quod humoris *δοξείον* esse possit. Tandem via hîc nulla visitur, per quam humor in intimam articulorum cameram didi possit: & quanquam Mercatus autumet, per ligamentorum

rum substantiam fieri influxum, tamen via hæc satis commoda non est, cum crassiora sint ligamenta, & articulos tam accuratè sepiant, ut difficulter quid influere possit. Præterea licet aliquando per διαπίδνσιν nonnihil instillet, illud tamen tanti non est, ut huius occasione partes discedant, & ossa ab invicem separentur, quod vult Mercatus. His accedit, quod ραυλα & ἰχθῶρ, dolorem excitans, adhibitis quandoque apocruisticis, ex parte affectâ in vasa, & consequenter in corpus, suum legat iter, quod neutiquam fieret, si causa συνηλίκη intra cancellos articulorum esset conclusa. Insuper ubi εἰκονδυλοποροφία podagra tophos parturit, eos non in cavitate articulorum, producit, sed potius in partibus articulos ambientibus. Imo μακρόπυς fieret æger, si materia sedem interiorio-

teriolem occuparet, & ossa ab invicem distenderentur. Verum cum nec id fiat, & pes naturalem suam διαπλασιν ratione longitudinis servet, vero consonum est, non in dictâ sede, sed in partibus extremis stabulari humorem.

## ARTIC. IV.

*Causarum enumeratio.*

## SUBSEC. I.

*Causam continentem eruens.*

**V**ISO subiecto, ad causas Podagræ progredimur statuentes, causam συσπικνω' huius mali esse falsuginosum humorum lixivium, seu humorem serosum ac tartareum, partes sentientes circa pedum articulos distendentem, pungentem ac lancinantem. Vel potius τὰς ἀκρότητας καὶ ἰχῦς humoris serosi

ferosi (quas *δυνάμειον* appellat nomine Hipp. *lib. de prisc. Med.*) dicimus esse causam, quippe *ὅσα κακοπαθείη ἀνδρωπῶ, πάντα ἀπὸ δυνάμειον γίνεσθαι*, ut idem habet *l. c.* Paracelsus salem hunc podagram inducentem, diversi insuper ingenii esse statuit, secundum variantes salium species, ita ut modò aluminis, modò salis nitri, modò vitrioli, modò alterius salis referat naturam. Vid. *tom. I V. lib. I I. de podagricis, p. 155. 156. 158.*

Alii alias podagræ adferunt causas. Hipp. *lib. de affect. p. 301.* à sanguine in venulis à bile & pituitâ corrupto podagram oriri existimat. Galenus *de composi. Medic. s. loca. c. I I.* scribit, quod humor irruens aliquando sit sanguineus, ut plurimum veidò pituitosus, aut ex pituitoso & biliolo mistus, quibus etiam interdum sanguis miscetur.



tur. Pituitosum autem humorem rectius crudum appellandum esse censet, qui tractu temporis crassescit, & τὸ γλῆχρὸν acquirit, unde postmodum tophi generentur. Iben-Sina *lib. III. Fen. XII. tract. II. cap. V. p. 401.* ut plurimum à phlegmate cum cholera; deinde à crudo; post à sanguine, tandem à cholera, & raro à melancholia malum hoc generari tradit; Trallianus quoque *lib. XI. p. 179.* à sanguine, bile pituita & Melancholia podagricum deducit morbum, & asseverat, si & differentiae & species ipsius, quot & quales existant, probe internoscantur, facilem curatu Medicis futurum. Hos Medicorum αἰσῆς plurimi secuti sunt Medici, qui discerniculum facturi, podagram aliam à sanguine, aliam à bile, à pituita aliam, & aliam à Melancholia induci,

duci, & pro diversitate humoris,  
 podagram gignentis, τέλαμαρον δι-  
 εγερδόντων institui dixerunt. Spi-  
 gelius *de arthritide* p. 75. rarò à sim-  
 plici humore, plerumque à mixto  
 malum oriri asserit, & præcipuè à  
 bile & pituita. Verùm etsi conce-  
 damus, asseclas hos esse humores,  
 & cum seroso ac tartareo excre-  
 mento interdum coniungi, non ta-  
 men arbitrandum, vel sanguinem,  
 vel pituitam, vel bilem, vel etiam  
 horum miscellam, proximam &  
 genuinam podagræ esse causam. Et  
 quidem sanguis σπύλον αἵματος haud  
 est, quia podagri inflammationem,  
 & quæ eam insequitur ἐμπύησιν seu  
 suppurationem vix incurrunt, quod  
 sæpius fieri deberet, si malum hoc  
 à sanguine propullularet. Nec  
 valet hic quidquam κρητύχτην, seu  
 potius exceptio Iacobi Seidelii,  
 qui in *methodica arthritidis curatione*,

Bardi

*Bardi Pomeraniæ MDXC. editâ, tb.*  
XLII. p. 12. arbitratur, sanguinis  
affluxum phlegmonem, suppura-  
tionem parientem, haut excitare,  
nisi in musculum aut carnem  
fiat. Cum autem articulorum  
partes nervosæ sint, & carne nuda-  
tæ, hinc colligit, eas haut commo-  
dam inflammationibus sedem præ-  
bere posse. Ast fallitur Seide-  
lius, nam etiamsi sanguis, partes  
nervosas perpluens, non ita faci-  
lè phlegmonem inducat, non ta-  
men sequitur, inflammationem,  
inde nunquam generari posse. Ar-  
ticuli enim non tantum partibus  
constant nervosis, sed insuper mu-  
sculis, & carne suâ investiuntur,  
in quam sanguis procumbens tum  
ad inflammationem, tum ad sup-  
purationem invehendam, satis  
aptus est. Deinde nec partes ner-  
vosæ, aut membranosæ, penitus

inflammationis expertes proclama-  
 mandæ sunt , cum & nervorum  
 principium , cerebrum scilicet ,  
 eiusque involucria , crassa ac tenuis  
 meninx , pleura quoque , & consi-  
 miles membranosa partes , gravissi-  
 mis sæpè inflammationibus corri-  
 piantur. Pus verò in partibus ner-  
 vosis haut rarenter generari , ipsa  
*autoptica* luculenter demonstrat . Et  
 nuper etiam in Nosocomio Lei-  
 densi xiiii. Decembr. Anno m. dc  
 xxxviii. in iuvene quodam Hol-  
 lato Iohan Hacks , macritudi-  
 ne confecto & aperto , insignis  
 conspiciebatur vomica , in ipsâ  
 intercapedine mediastini enata ,  
 ac crasso pure repleta : simi-  
 lis etiam sterno sub pleurâ in-  
 sidebat eo loco , ubi mediasti-  
 num vomicâ affectum connexum  
 erat , habebantque inter sese  
 duæ hæ vomicæ communem  
 quen-

quendam aditum. Bilis flava, cui Galenus *lib. v. de usu part. c. iv. p. 143*, facultatē ad modum acrem, mordacem, & omnia abradentem tribuit, ad dolores excitandos quidem aptissima est, attamen cum in podagra pars affecta nunquam ferē erodatur, vel flavedine tingatur, à bile vix prodire hunc affectum verisimile est. Arbitratur quidem Æmilius Campalonus *lib. de arthritid. cap. viii. p. 7.* contra Trincavellium disputans, exulcerationem hīc loci nullam fieri posse, cum ad ulceris generationem non tantū requiratur humor valdē acris, sed etiam qui agat in partem ulceri generando idoneam, cuiusmodi nulla esse possit partium articulis proximarum, utpote quas duræ atque terrestris substantiæ esse, & ægrē admodum ab humore acri exulcerari statuit. Sed sciat Cam-

palongus, adesse etiam hîc circa articulamenta partes molliores, quæ ab affluxu acris istius materiæ obsessæ facilè exulcerari possunt, uti sunt musculi, periosteo incumbentes. Deinde etiam partibus illis, quas duræ atque terrestris substantiæ esse ait, non repugnat, ut aliquandò exulcerationem incurrant, si ab humore acri infestentur. Nam etsi partes spermaticæ (os & cartilaginem excipio) sanguineis partibus ægriùs exulcerentur, non tamen simpliciter asserendum est, eas exulcerari non posse. Sic stomachum, vel orificium ventriculi sinistrum, & quidem in parte anteriori, ubi ramus sextæ coniugationis nervorum inseritur, ulcus magnum & fœtidum occupasse, ægrumque iugulasse, narrat Wilhelm. Fabricius *observat. Chirurg. Centur. IIII. Observat. XX. p. 91.*

Ab



Ab humore pituitico, vel mélancholico, ut causa continente, itidem haud generari podagram cerum est, cum dolor, *ἔνθεν*, quodam velut unco lancinans, longè aliud persuadeat. Deinde cum invasio podagræ sit subitanea, & sæpè humor, vel sponte suâ, vel adhibitis repellentibus, per vasorum tubulos *εἰς τὰ ἄνω* affectet viam, colligere est, affectum non à frigidâ materiâ oriri, utpote quæ ad motum ineptior, sed potius à tenui, quæ derepentè & influere, & refluere apta nata est. Ardor etiam, qui podagræ sæpiculè iungitur, indicio est, eam non à frigido, sed calido humore proficisci. Falsus itaque est Fernelius, qui *lib. VI. de part. morb. & sympt. c. XVII, p. 635.* reliquis reiectis humoribus, solum pituitosum humorem arthritidis facit autorem,

& omnem arthritidem frigidam, ex frigido humore genitam esse statuit. Nec humores *μικροί*, biliosi & pituitosi, ex Spigellii & aliorum arbitrato, causæ continētis vicem commodè subire possunt, cum algidus humor, bili associatus, huius acrimoniam attemperet, & ita præcaveat, ne miscella tam insignem cruciatum inferre sit potens, qualem experiuntur podagri. Multò minus toleranda hic est sententia Iacob. Seidelii, qui *l. c. tb. xxxviii, & xliii.* causam proximam seu continentem duplicem facit, humores & flatus. Inter humores non tantum sanguinem, sed & pituitam, bilem, melancholiam, eorumque variam miscellam numerat. Verùm enimverò humores istos causæ continētis nomine venire haut posse, iam satis demonstratum esse autumo.

mo. Flatus autem proximè podagram, aliasque arthritidis species, excitare non posse, inde fit manifestum, quia morbi à flatibus oriundi citiùs remittunt, secus ac noster affectus, qui spatio demum quadraginta dierum exacto, plenariè ægrum absolvit, docente Hipp. VI, aph. XLIX. Interim haut diffiteor, flatuum assultu aliquandò spurios & tensivos circa articularum connexiones & musculorum interstitia, suboriri dolores, illi tamē nequaquam veræ arthritidis nomine digni sunt habiti. Nam & sanguis interdum ad articulos deerrans, dolores gravativos concitat, hos tamen non podagram, sed *φλεμέλια* seu flemina (Hippocrates *πένδυατα* appellitat) constituere arbitramur. Similiter nec intemperies sine materia (quam Guilhelm. Budæus in *Commentar. de curandis articular. morb. Parisiis*

anno M. DXXXIX. edito, p. 29. Gerhardus Borgenſis de præſ. & curat. morbor. articular. Antv. M. DLXIV. excuſa, p. 13. & Michaël Maierus in Civitate corpor. human. cap. XII. p. 204. cauſis arthritidis annumerant) podagrā, vel aliā arthritidis veræ ſpeciei, inducere poteſt, quicquid iſtius ſententię aſſeverant autores. Paræuſ lib. XVI. Chir. cap. II. p. 511. humorem arthriticū vult eſſe ἀρτηριον nec notioris naturæ, quam qui peſtem, luem venereā, aut epilepſiā gignit: & paulò poſt eundem tenuem & virulentum eſſe ſcribit, non tamen contagioſum, qualitate potius, quàm copiā peccantem. Plate-  
rus etiam arthritidis malignæ facit mentionem, ortæ ab humore ſeroſo, qui pravam vim, ſeu aliquid maligni ſeu incogniti ſit adeptus, tom. II. prax. lib. III. c. XVI. col. 589. Hoc μέγα λίαν αἷμα ad-  
ſtruere

struere conatur Paræus aliquot  
 ratiunculis, & primò quidem ma-  
 lignum esse probat humorem, quia  
 nunquam ad suppurationem per-  
 venit. (2) quia intensiorem parit  
 dolorem, ac reliqui humores, ubi  
 in pus vertuntur. (3) quia in no-  
 dosum & gypseum quid induratur.  
 (4) quia partibus, per quas decur-  
 rit, nullam molestiam infert, ex-  
 ceptis articulis. (5) quia humor  
 articulos hodiè calidâ, cras figidâ  
 intemperie afficit, seu partem af-  
 fectam modò urit, modò quavis  
 glacie frigidiorum reddit. (6) quia  
 malum ab adhibitis remediis po-  
 tiùs exasperatur. (7) quia Galenus  
*lib. de theriac. ad Pison. cap. xv. p. 96.*  
 theriacam pedum & aliorum arti-  
 culorum doloribus, ab influxione  
 excitatis, maximè ex usu esse dicit.  
 Verum enimverò has Paræi ratio-  
 nes clumbes esse statuo. Nam ut à

posteriori exordiar, tenendum, etiamsi Galenus podagris theriacæ usum suadeat, non tamen id facit ob humoris aliquam malignitatem infringendam, quæ hic nulla est, sed saltem ad cohibendum materiæ influxum, & ad absumendum id, quod in parte affecta stabulatur. Ita Galenus *l. c.* vires theriacæ enarrans, eandem in plurimis celebrat morbis, qui nullam malignitatem coniunctam habent, v. g. in *δυσκοιᾷ* & *ἀμβλυωσίᾳ*, in deperditâ genitalis membri *ἀπνίᾳ*, in asthma-  
te, calculo, hydrope, febris quarta-  
na, & id genus affectibus. Quod verò aliquando malum, efferatum quasi, augeatur ab admotis reme-  
diis, id non malignitati humoris, sed sinistræ topicorum applicatio-  
ni refertur acceptum, quippe pin-  
guia & unctuosâ, quæ sæpenumero  
in principio adhibentur, partem  
affe-



affectam ad influxus continuatio-  
nem invitant, præterea poros oc-  
cludunt, & ne quid exspiret, pro-  
hibent. Insuper & paregorica  
illa, quæ ex mica panis, cum lacte  
& croco, addito pulvere rosarum  
& chamæmeli, conficiuntur, vanè  
& sine profectu applicantur, non  
ob humoris virulentiam, sed quod  
spiritibus salium, à quibus conti-  
nuum dividitur, non sint contra-  
ria. Sal itaque sali opponatur, ac  
dolor ex salium vel coagulatione,  
vel resolutione aut effervescentiâ  
subortus, cum sale tanquam speci-  
fico oppugnetur. Deinde quod  
ægri modò urantur, modò fri-  
geant, id vel accidere autumo, ob  
indolem diversam humoris in-  
fluentis, qui hodiè calidus, cras fri-  
gidus esse potest: vel ob falsugi-  
nosum lixivium, quod & frigoris  
& caloris sensum gignere quitum  
C 6 est,

est, non secus ac in febribus humores biliosi tum horroris, tum æstus subsequenti sunt architecti. Quod verò partibus, per quas tranat humor, nullam molestiam inferat, id inde est, quia per venas & arterias deorsum labitur, in quibus ductibus dolorem excitare haud potest, cum natura ἀταίδευτοῦ ἰσχυροῦ & μαθῶσα sapientissimo consilio hisce partibus sensum tactus prorsus denegavit. Hinc Galenus lib. XVI. de usu part. cap. XII. p. 220. verè dixit: *arteriæ & venæ cuiusque partis, sensus omninò sunt expertes, sive illas frangere velis, sive urere, sive incidere, sive laqueis excipere.* Insuper nec id arguit malignitatem, quod humor nodos parti ingeneret, uti nec illud, quod dolores sint acutiores, siquidem omnia illa ab humore seroso, in quo τὸ παρρησιοντικόν, & variæ salium tincturæ delitescunt,

tescunt, proficisci queunt. Tandem nec *ἐμπύπτως ἀπύπτα* hic quicquam persuadet, nam etsi sanguis facilè in pus mutetur, bilis tamen & melancholia difficulter in id convertuntur, & compertum est, tumores ex bile & melancholiâ natos, adhibitis suppurantibus, non in pus abiisse, sed ita degenerasse, ut cancerum & maligna ulcera, *θνεώματα ἢ νομας*, Cheironeia & Telepheia aliàs dicta, excitarent: imò in totum repugnat fero suppurari, unde liquet, non statim illum humorem malignum & virulentum esse pronuntiandum, qui nunquam ad suppurationem devenit. Ex his iam constat, podagræ autorem non esse virus quoddam, sed potius serum seu tartarum, partes nervosas circa pedum articulos vellicans ac pungens.

Sache-

Sachetus *in retractione de podagr. & arthrit. morb. cap. XII. p. 95.* podagrici morbi causam principalem credit esse sanguinem, cui impura atque extranea materia miscetur. Illam autem neque bilem, neque pituitam, aut melancholiam profitetur esse, sed quiddam potius impurum, indigestum, crudumque, quod vel nimietate copiae, vel imbecillitate caloris, concoqui, secerni, excludique haut potuit. Porro crudum illud ac indigestum explicatiùs determinat, dum podagricum dolorem non esse scribit, qualem naturales humores gignere consueverunt, sed potius insolentem & extraneum, qualis ferè ex tormentario pulvere, vel sulphure, vel alumine, nitrove, vel aliâ huiusmodi re excitatur. Hæc sententia toleranda est, si per impuritatem  
illam

illam crudam & extraneam exaudiatur materia quædam salina. Quod vero sanguinem præcipuam opinetur esse causam, & *cap. 1 v. p. 30.* podagram à causis malignis oriri fingat, in eo haut facimus cum Sacheto.

Paracelsus *tom. 111. lib. 1. de tartaro, tract. 1 v. cap. 11. p. 130. & seqq.* podagram & omnes arthriticos dolores ex glutine albo infecto, seu vitiato deducit. Gluten statuit esse humorem naturalem, seu salem dulcem, à natura ordinatum, ut escam ligamentis & iuncturis administret. Huic glutini seu sali dulci, ubi sese associat sal mineralis (alibi scilicet *tom. 1 v. de podagra, p. 104.* ex sulphure accenso, in glutine furiente, podagram oriundam statuit) sive acetosus, sive aliâ donatus indole, eumque collutulat, ita ut  
gluten

gluten à sale minerali resolutum vel coaguletur vel dilatetur, fit, ut membrum, rigidum quasi factum, motu voluntario privetur, & insimul vehementi afficiatur dolore. Ipsa Paracelsi verba adscribam. *Gluten est sal dulce, sal aliud est sal salsum & minerale: quare ubi invicem congregiuntur, dolores fiunt, triduum sæpè, sæpè octiduum, quatuordecim dies, quandoque tres septimanas, ægrum cruciantes, donec uniantur, & amicè conspirent, post dolor cessat aliquandiu, interim si materia iterum congeratur, & ad locum priorem veniat, rursus redeunt dolores, & patiens conqueritur. Est nobilissimum membrum gluten album, Synovia subtilis ac pura, nec sensibilius membrum in toto corpore, quàm gluten, quippe ab aëre frigido tactum confestim dolet. Inde, quod genu inflatur, aliundè non est, quàm quod ad gluten fluxus alius venit, & invicem præliantur, ita*  
*genu*



genu vel iunctura brachii inflatur: Vbi  
 una cura est, ut liquor salsus, qui descen-  
 dit, resolvatur & expellatur, & humori  
 naturali, id est, glutini auxilium fera-  
 tur. Podagra non dolet, sed quando flu-  
 xus incidit in gluten, iam dolet. Er-  
 rant, qui putant podagram esse fluxum  
 à capite descendente phlegmaticum:  
 Nihil tale est, quasi podagra ex superfluo  
 humore veniret. Gluten non est in  
 ventre, non in membris interioribus,  
 sed solum in exterioribus, in iuncturis,  
 ubi sunt ligamenta, sed quando gluten  
 venit ex suo loco, ut sese dilatet, ibi  
 rursus contrarium est, & continuus  
 dolor: Nam omnes dolores, qui in iun-  
 cturis sunt, & membris exterioribus,  
 sunt ex glutine. Ita ergò, ubi sic glu-  
 ten est infectum, ibi tartarus fit vel  
 podagra. Hactenus ille. Hæc Pa-  
 racelsi sententia utut nostræ quasi  
 manum dare videtur, in quibus-  
 dam tamen falsa est. Nam quod  
 sta-

statuat, gluten esse subiectum podagræ, item quod membrum sit maxime sensile, & quod nullibi nisi in partibus exterioribus inveniatur, in eo hallucinari arbitror Paracelsum. Etenim subiectum esse non potest, cum gluten ex sententia Paracelsi sit pabulum seu esca iuncturarum & ligamentorum, ex quo sequitur, membris etiam accenseri haut posse, cum principium, nutrimentum, & excrementum è partium numero excludantur. Pars namque corporis sit solida, circumscriptionem habeat propriam, vivat, nutriatur, & ad certam functionem, vel usum sit ordinata. Quæ requisita neutiquam glutini competere possunt, cum sit res liquida, humor naturalis, nutriat (quod ipse fateatur *l. c.*) propriam habeat circumscriptionem. Præterea & sensus

pro-

prorsus expers est gluten: nam  
 quod pars corporis haut dicitur,  
 illud nec pars sentiens dici potest.  
 Res enim quæ non est, ut nec in-  
 tenditur & remittitur, ita nec mo-  
 dificatur. Tandem quod dicitur,  
 nullibi gluten, nisi in partibus ex-  
 terioribus reperiri, illud itidem  
 à vero *διὰ δια πάσων*, velut Codrus  
 ab Inacho, distat. Gluten nam-  
 que humor secundarius est, ex san-  
 guine toties alterato ortus, lento-  
 rem & crassitiem obtinens, ac tan-  
 dem *περιέχεται, περιούλει & ὁμοιωέται*  
 in partium nutriendarum substan-  
 tiam abiens. Humore illo omnes  
 in universum aluntur partes, siue  
 spermaticæ fuerint, siue sanguineæ,  
 qui pro diversitate ipsius partis,  
 cui agglutinandus est, modò vi-  
 scosior & crassior est, modò minus  
 viscidus & crassus. Nec tantum  
 salem quendam dulcem in se ha-  
 bet

bet gluten, ut vult Paracelsus, sed præterea sulphuream & mercurialem obtinet substantiam, quâ quilibet humor nutriens instructus esse debet, sive exta, sive ossa, aut eius gentilitatis partes, pabulatione roboranda sint. Cæterum quod Paracelsus *l. c.* doceat, salem mineralem, naturæ sali adversum, podagram aliosque dolores arthriticos parturire, & quod podagra haud oriatur à pituitæ humore, ex capite destillante, in eo rectissimè sentit, & nostræ sententiæ quàm proximè accedit. Quod verò *tom. VII. in Scholiis de gradib. & composition. p. 212.* Παλινωδίαν αδειν, & contrarium adferere haut erubescat, dum podagram fluxum phlegmaticum, ex humoribus generatum, pronuntiat, ex eo Vertumnum esse, ac parum sibi constare Paracelsum, cui-

cuiusvis liquet. Colligitur autem  
 serum circa iuncturas existens, ac  
 continuum dividens, vel per ῥευ-  
 ματισμὸν, vel per σωμαθροισμὸν. Col-  
 lectio humoris tartarei per deflu-  
 xum frequentissima est, & fit,  
 dum expultrix partium infimi ven-  
 tris, hepatis præsertim, lienis, ac  
 uteri aliquando, insurgit ad expel-  
 lendum id, quod naturæ oneri &  
 molestum est. Et quia materia pe-  
 culiarem ῥοπλὴν ad pedum articu-  
 los habet, commota primitus &  
 sponte suâ, & motu partium peri-  
 staltico comitata eò proficiscitur,  
 & quidem venarum & arteriarum  
 vehiculo. Ab hac colluvie hu-  
 moris circa iuncturas, podagra  
 ὥς ἐπὶ τὸ πλεῖστον sua nanciscitur  
 natalitia. Altera collectio per  
 σωμαθροισμὸν rarior est, & fit, ubi  
 articuli vel partes membranosæ  
 affluens alimentum, ob iniquili-  
 nam

nam *ἀσθένεια*, & deperditum robur, non ritè coquunt, nec excrementa debito modo sequestrant. Alimentum autem dictarum partium ita naturâ suâ comparatum est, ut facilè tartarum suppeditet, non dextrè coctum: quippe cum partes articulorum glutinosæ sint & mucilaginosæ, etiam glutinosum, & per consequens salsuginosum & tartareum exposcunt alimentum, quod nisi optimè digeratur, præsentis mali causa est. Ab hoc tartaro, coacervato rariùs quidem oritur podagra, attamen ubi inde generatur, ferè eodem modo circa pedum articulos fit ebullitio, qualis accidere solet, ubi simplex aqua ad extrahendum salem calci vivæ affunditur. Hæc tartari calx diu aliquandò circa pedum iuncturas otiosa hospitatur, ubi verò levis con-



concurrit humoris defluxio, statim perfusâ & accensâ calce, fit effervescencia & ὄγκος quasi quædam, quæ dolorem vehementissimum parit. Hinc causam reddere haud difficile est, quî fiat, quod quidam doloribus corripiantur, etiamsi nulla defluxionis adsint indicia, quod inde esse censeo, quia tartarea illa materia, circa iuncturas hærens, stato quodam tempore, partitudine quasi quadam, se multiplicat, ac spiritus quosdam salinos exhalat, acrimoniâ suâ partes sensiles impetentes & lancinantes.

## SUBJECT. II.

*Fontem defluxus proponens.*

**F**ONTEM & originem huius mali, ratione defluxus, & vias, per quas humor delabatur, quod attinet, notum est, autores hîc in-  
di-

diversas abire sententias. Ferne-  
 nelius *lib. v. de morbis & sympt.*  
*cap. vi. p. 529. & lib. vi. cap.*  
*xviii. p. 636.* caput, quod *ῥίζαν*  
*ἀρθρωτίων κακῶν* in *epist. ad Deme-*  
*trium Regem* Hippocrates nomi-  
 nat, omnis defluxionis, sive in-  
 ternæ, sive externæ, fontem esse  
 statuit, & quidem scaturiginem  
 cuiusvis arthritidis vult esse partes  
 capitis externas, & extra calva-  
 riam positas, in quibus humor  
 pituitosus & serosus colligitur,  
 maximè sub cute verticis, quò ve-  
 narum, per faciem & tempora in  
 caput irrepentium, extrema desi-  
 nunt. Humorem autem hîc loci  
 cumulatum, cum præ cutis crassi-  
 tie atque densitate foras vaporare  
 haud queat, in cervicem, in sca-  
 pulas, in brachia, in dorsum  
 & lumbos, in coxendicem, in  
 crura, in omnes denique articulos  
 ten-

tendere, ibique acutissimos dolores gignere ait. Eos autem errare prohitetur, qui ex intimis partibus humorem in articulos irrumpere credunt. Platerus *l. c. colum. 578.* & *seqq.* aliam fovet sententiam, statuens humorem, arthritidis causam, vel intra venas, & extra venas congeri. Extra venas qui congeruntur humores, eos coacervari dicit, vel intra calvariam, qui postmodum nervorum ductum secuti ad articulos labuntur; vel extra calvariam, qui sub cute deorsum vergentes articulorum sedibus sese insinuant. Intra venas verò, qui congeritur humor, sanguinem esse putat, sive copiâ peccantem, sive excrementitio humorum ichore perfusum, qui ubi articulos petit, gignit arthritidem, febris synochâ aliquandiu ceu comite stipatam. Mercatus *tom. III. lib. IV. c. XVIII.*

p. 434. alii ad huc addictus est sententia, docetque humores originem fluxionis aliquando sumere à ventriculo, aliquandò ab intestinis. Item succrescere dolores ait, semine, menstruo, aut puerperio deficientibus, item hæmorrhoidibus suppressis, vel alia consuetâ evacuatione. Specialiùs autem non solum à capite, sed & frequentius à toto corpore, frequentissimè autem ex iecore fluxionis prodire materiam, adstruit. Vias autem, per quas humor defluit, quod concernit, censet Mercatus p. 435, rariùs fieri destillationem per partes & meatus exteriores, qui proximi sunt cuti, frequentius per venas & membranas tendinum, ac sæpè nervorum, & conspicuos atque occultos carnis, & reliquarum partium corporis meatus, frequentissimè per venas &

com-

communia vasa , quibus alimentum partes suscipiunt. Spigelius quoque *de arthrit. p. 70. 71.* duplicem fluxionis constituens fontem, caput & hepar , arbitratur à capite, rarò per locum sub cute , crebriùs per venas & arterias iugulares, non solùm externas , sed etiam internas , remeare humorem in venam cavam, & arteriam magnam, vel eius magnos ramos , sub iugulo constitutos , & ita ad articulos devolvi. Verum enimverò neutra harum opinionum nobis arridet, cum primis Fernelii , qui saltim à capite, & quidem per summa corporis sub cute, humorem ad pedum articulos deferri credit. Primò namque fons remotior est, nec vero consonum videtur, humorem à cerebro delabi , cum sæpè in momento hominem dolor corripiat. Et quamvis aliquandò ma-

teria quædam ex crure rectâ ascen-  
 dat per femur, lumbos & dorsum,  
 & in basi cerebri subsistens dere-  
 pente epilepsiam gignat, ut videre  
 est in puero epileptico, cuius à  
 Galeno *lib. III. de loco affect. c. v.*  
 fit mentio, tamen illa nihil aliud  
 est, quam ἐσία πνδμανική, ὡς πνε  
 αῖμα, quæ faciliè viam invenire po-  
 test sursum abeundi. (2). Si cere-  
 brum esset fons istius mali, æger  
 antequam podagrâ corripereetur,  
 semper καρδιαγεία laboraret, corre-  
 ptus verò ab eadem liberaretur.  
 Quod verò nonnulli dicant, in-  
 stante paroxysmo, caput quando-  
 que gravitate, somnolentiâ & do-  
 lore affici, illud non confestim  
 arguit, cerebrum esse fontem po-  
 dagrici mali, cum ἐπιρροήματα ista,  
 à materia in venis agitâtâ, & sur-  
 sum iter insistente, caputque gra-  
 vante oriantur. Quemadmodum

&amp;



& in febribus paroxysmum febrilem sæpenumerò antecedunt talia symptomata, vel ob consensum partium inferiorum, vel ob plethoram, & humorum agitationem, quæ tamen nemini persuadent, cerebrum febris, paulo post subsequæntis, esse scaturiginem. (3) alia symptomata graviora incurreret, si materia in cerebro vel generaretur, vel cumlaretur. (4) in descensu vel paralyfin, vel convulsionem, vel etiam dolorem, gigneret, antequam extremos pedum articulos adiret. (5). Cum podagræ ut plurimum sint *εὐφυσὶς ἡ δίαρροια*, & expedito ingenio, verisimile est, à capite haud scaturire humorem. Nam plurima eruditorum scripta podagræ debemus, quæ si sani fuissent, vix edidissent. Et Cardanus in *encomio podagræ* scribit, magnum Erasum è cubili

D 3

poda-

podagræ, quicquid legi meretur, exprompsisse. Hinc prudentiores etiam omnibus aliis podagrosi censentur, quo nomine Reipublicæ habenæ iis quandoque committi solent, habenturque illorum consilia matura, prudentia atque tuta. Animus namque podagrâ laborantium nullis fluctibus agitur, corpus à motibus quiescit, & anima superfluis cibis aut potibus minimè impeditur, teste Cardano *l. c. p. 685.* (6). Si humor ferofus in capite, vel potius in verticis parte exteriori, cumulatur, cur non instituimus hic loci curationem, & fonticulo excitato humorem evacuanus & itineri eius ad inferiora sufflumen ponimus. (7). Cur non tumor ille in vertice instar ceræ mollis, cuius Fernelius meminit, cutem condensans, eamque à calvâ plurimum

disiun-

disiungens , semper animadvertitur, ubi podagra vel alia arthritidis species hominem est correptura. His rationibus evictum esse arbitror , caput non esse partem mittentem, ut cum Fernelio plurimi hætenus statuerunt. Interim non penitus inficior , aliquandò *κέρματα* spuria , vel dolores vagos in partibus externis excitari posse, humore à capite sub cute destillante, hos tamen arthritici doloris nomine , & quidem veri , indignos iudico, cum & citò remittant , & ab humore frigido , non circa articulos , sed musculorum membranas consistente , & sæpè in flatus verso, oriantur. Quod verò Platerus humorem , à capite defluentem, ductum nervorum sequi, Mercatus per membranas tendinum & nervorum eundem deferri putent, in eo uterque fallitur. Etenim si

nervorum ductum sequeretur humor, vel per membranas tendinum & nervorum deflueret, fieri non posset, quin, rigatâ aut compressâ nervorum substantiâ, paralytis confestim induceretur, vel convulsio, nervis ab humore acri vellicatis. Excipit hîc Campalongus, *lib. de arthrit. cap. xviii, p. 19.* Ideo paralytin haut excitari, quia in paralyti humor non fluit per spinalem medullam & nervos, sed inibi detinetur, eaque replet; in arthritide autem fluit duntaxat humor, & quidem non secundum omnes nervorum partes, sed solum secundum exteriores. Verum illa exceptio Campalongi nullius pretii est, nam quod opinetur paralytin tum demum excitari, ubi materia deerans nervos replet, id nihil est. Quippe nervi illi cum sint imperforati, & destituantur cavitatibus, quo-

quomodo secundum cavam partem repleri ac obstrui poterunt? Rectius itaque causa paralytis statuitur esse, ubi nervi ab humorum affluxu irrigantur, comprimuntur, vel quoquo modo spiritibus animalibus aditus ad partes, sensui & motui dicatas, præcluditur. Hinc in arthritide facile paralytis præstò esset, si humores secundum partes nervorum exteriores deorsum ruerent: quippe humectatâ nervorum substantiâ, ac temperie illorum naturali eversâ, haut difficulter paralytis sequeretur, præsertim crasso humore viam ad illas partes insistente, quemadmodum nonnulli autumant. Rectius itaque, dimissâ Palladis arcem, fontem defluxus podagrici statuimus hepar, lienem, & reliqua in abdomine viscera, in quibus falsuginosum istud lixivium coacervatur, usque

D 5

dum

dum à facultate partium expultrice ad pedum infirmos articulos ablegatur. Ita ab intestino colo aliquandò humor in articulorum regionem excidit, Hippocrate & Galeno VI. *Epid. comm.* IV. *text.* III. docentibus: quod commodè per arterias mesaraicas fieri potest, quæ humorem in arteriæ magnæ truncum ingerunt, & ita ad articulos amandant. Ab utero etiam quandoque humor deerrat, ut factum in Phaëtusa, quæ ex mensium suppressione, non modò arthritidem incurrit, sed & penitus hirsuta facta est, & barbam alere cœpit. Idem Namysiæ contigisse scribit Hipp. *lib.* VI. *epidemior. sect.* VII. p. 547. Vias autem per quas humor ad pedum iuncturas proficiscitur, dicimus esse tantum venas & arterias, & quidem venæ cavæ, & arteriæ magnæ truncum, descen-



descendentem. Idipsum varia confirmant. Nam (1) ubi humor in procinctu est, & *αγασαγμόν* minatur pedibus, in excreto lotio commotæ materiæ aliquando adfunt indicia. (2) adhibitis repellentibus, haud rarò pedes iam affligens humor *παινδρομω* instituit, & eò quandoque assurgit, ut cordis compressionem, syncopen, aut simile quid, cum internecino sæpè damno ipsius ægri, pariat, nisi rursus ad articulos relabatur, vel etiam cathartico adhibito egeratur. (3) In crisi aliquando per *σπύσκιμα* seu *μετάσσειν* humor ad pedes à natura propellitur, qui certè non à capite, & quidem per summa corporis sub cute, sed potius, ex venoso genere eò se exonerat. Ita VII. collig. c. IIII. testatur Iben-Raschid, ex acuto morbo arthriticum se factum, cum natura

per crisin humores ad articulos & præsertim ad pedes depulisset.

(4) Venæ circa pedum articulos intumescunt, ac turgidæ conspiciuntur in principio paroxysmi, quæ ἐκπομπασία reverà indicat, humorem, arthritidis causam, à venis exspui in partes sensiles, articulum ambientes, & non sub cute à capite eò transmitti. Quod verò Fernelius miratur, quomodo à visceribus intimisque sedibus possit humor sincerus aliquispiam per venas ferri; item quomodo per ora venarum in articulos purus excidere queat; id mirari desuisset, si naturæ motus in variolis, scabie, & cognatis morbis, recordari voluisset, ubi humores cacochymi, sæpè puri, in extima corporis, universitatisque superficiem, quam χροίαν veteres Pythagoræi appellarunt, evomuntur, & varia ἐκβρόσματα,

τα, σπύλοι, & id genus maculae efflorescunt. Imò exactiùs ἐν τῇ κοιλίνῃ παραχῶν, ἢ τῶν ἐμέτων, αὐτομάτως γινομένων, videre est, quomodo natura humorum saburram expellat, utili alimento sibi in venis asservato. Similiter & cathartica, & vomitoria exhibita, idem persuadent, quorum beneficio humores, cis hepar stabulantes, ex ipso venoso genere eliciuntur, & sinceri vel puri, nullo sanguine permisti (nisi ὑπερκαίδασις subsequatur) per inferiorem gutturem, ut Plautus ait, vel etiam per os ipsum foras extruduntur. Deinde Fernelius colligit, necessariò cum anasarcâ dolores coniungi arthriticos, si per venas fieret fluxio; quandoquidem in anasarcâ per venas confluunt humores ad articulos, & omnes partes corporis. Huic respondet Campalonus *lib. de arthrit. cap. xiv.*

p. 14. in anasarcâ haut excitari arthritidem, cum in illa humor sensim ad articulos delabatur, nō verò confertim, quod in arthritide fieri assolet. Ast sive paulatim, sive *αθρόως* defluat humor, parum refert, quippe utroque modo podagram inducere valet, si sit tartareus, ac sensiles pedum partes occupet. Responso itaque Campalongi repudiato, dicimus Fernellio, ideò podagram cum anasarcâ vix complicari, quia humores ferrosi & tartarei in abdomine generati, rectâ per venas deorsum tendunt ad pedes, nec exonerantur, antequam ad infirmos pedum articulos fuerit ventum. Deinde Anasarca, quæ & *ὑποπυρίσθον* nominatur, non oritur ab humore ferroso & tenui, sed potius à pituitoso & crudo sanguine, frigidâ hepatis temperie plerumque interveniente.

niente. Inverto itaque Fernelii argumentū dicendō, si humor pituitosus à capite per defluxum externum sub cute ad articulos decurrat, cur non anasarcam simul producit, præsertim cum pituita sit mali istius *σημειῶδες*, non verò tartarum.

## SUBSEC. III.

*Causas antecedentes evolvens.*

**V**Idimus hætenus causam podagræ continentem, defluxus *ἰκμαλέον* seu fontem, & vias per quas humor decurrit, iam ad restantia causarum genera nos conferemus. Causa itaque *προηγμένη*, quæ Galeno *cap. xxciix. artis medicinal. p. 69. διαθεσις, ἐφ' ἣ γίνεσθαι τέφουκεν ἢ νόσον*, definitur, à nobis triplex constituetur. Prima est humoris serosi *παροξνευή*. II. partium

tium mittentium διὰ τούτου τοῦ  
 σπ. III. Iuncturarum seu partium  
 circa pedum articulos ἀνιέναι.

Humoris ferofi παρσκευῶν quod  
 attinet, cumulat̃ur illa circa hepar  
 & lienem, ubi viscera, χυλώσει &  
 αἱμαλώσει inservientia, à naturæ ca-  
 torthomate declinant. Quippe  
 cum in cibis sit ἀνεπιτήδειον & ἀκρῆτον  
 quid, in quo δυνάμεις Hippocrati-  
 cæ latitant, archæo autem ipsius  
 ventriculi incumbat, ut utile ab  
 inutili segreget, si iam in hâc suâ  
 functione actio archæi frigeat,  
 chylus impurus, ac variis salium  
 tincturis contaminatus, offertur  
 hepati, qui hospes etiam si admit-  
 tatur ab eodem, non tamen eo mo-  
 do tractatur, quo quidem tractari  
 meretur.

Nam exuendus esset illo ἀνεπι-  
 τηδέω & ἀκρήτῳ, & postmodum de-  
 nudatus ad reliquas partes able-  
 gandus,



gandus, verum cum id secus fiat, non potest non ingens damnum inferri corpori, sero vel tartaro in venis coacervato. Hoc autem serum non frigidaë naturæ æstimandum est, ut Fernelius sibi imaginatur, sed calidaë, spiritus mordaces & acres obtinens, quibus partes sensiles infestare novit. Partium autem mittentium constitutio sæpiculè calida est, potissimum hepatis, & rectè scribit Quercetanus *in cons. de arthrit. p. 221.* *Illi, qui doloribus hisce conflantur, ut plurimum sunt hepate calidiore, & frigidiorè ventriculo.* Hepar namque calidius chylum, à ventriculo minùs dextrè elaboratum, opinione celerius ad se rapit, & ex eodem sanguinem crudiorè, & tartaro sæcundum generat, qui reliquis partibus oblatus, eas quidem ratione utilis portionis instaurat, verum

verum istud *ἀνεπιτήδιον* seu tartareum, à facultate expultrice haud sequestratum, regurgitat, & si à renibus adscitum, dispositionem *λιθοποιητικὴν* in iis invenerit, ibidem subsistit, & in calculos concrefcit, ubi verò in venis aliquandiu asservatur, tandem ad pedum iuncturas propellitur, & dolorem, sæpè etiam tophos producit. In corpore autem ubi detinetur, nec cum urinâ excernitur, lotium tenuius & limpidius existit, quod indicium & turbatae coctionis, & tartarei intus subsistentis certissimum, in corpore præsertim hepar calidius obtinente. Nec tantum hepatis calidior constitutio tartari in corpore cumulati causa est, sed & frigidior. Hepar enim *ελαδωρότερον*, & calore suo depauperatum, actiones suas segniùs exercit, nec separat separandum, unde &

crudior sanguis, & huberior tartari proventus. Eiusmodi *στάσις* tartarifica hepati ac lieni aliquando ingeneratur, ubi quis arthriticis nascitur parentibus, à quibus vitiosa dispositio, impuritates saluginosas gignens, seminis interuentu in prolem derivatur. Semen namque cum sit *σπέρμα*, non quidem *τὸ σῶμα*, seu corporeæ molis, ut contra Epicurum & alios demonstrat Aristoteles *lib. 1. de generat. animal. cap. xix.* sed potius *τὸ πνεῦμα*, seu spirituosæ substantiæ, facilè spirituum vehiculo tartarosa viscerum dispositio in sobolem, iure quodam hæreditario, transvehi potest. Hanc dispositionem ingenitam Campalonus *lib. de arthritid. cap. xii. p. 14.* statim ab ortu nostro sese prodere negat, cum pueri abundant calido innato, à quo superfluous humor

humor consumatur. Verum exemplo nobis esse potest quinquennis ille puer, arthritico parente natus, cuius mentionem facit Guilhelm. Fabricius *Observ. Chirurg. Cent. IV. Observat. xxcii*, p. 188. qui in tenellâ ætate, ob ingenitam dispositionem, arthritide laborare cœpit. Huic dolore afflicto, tubercula etiam ad carpos, pedumque articulos generabantur, lentam ac viscidam materiam, factâ suppuratione, evomentia. Cui historiæ aphorismus ille Hippocraticus *VI. aph. xxx. πᾶσις ἔσθ' ἀρθριτὶς καὶ τῆς ἀρθροδιστοῦ*, contrarius esse videtur, sed existimo, aphorismum citatum de podagra non hæreditariâ tantum esse exaudiendum, ita ut pueri sanis parentibus nati, tum demum podagrâ corripiantur, ubi hircuillire, & veneri indulgere incipiunt, eâque insatiabiliter fruuntur.

tur. In fœmellis ubi uterus pars mittens est, plerumque ἔμφραξις ipsius incusatur, ob quam γυναικεία vel καταμύωια, ferofo humore, commaculata seu inquinata, subsistunt, & postea iter suum ad infirmas pedum partes ingrediuntur. Hinc verè Hipp. (non moramur Senecam, qui mulieres propter luxum Hippocratem mendacem fecisse arbitratur) V I. aphor. XXI X. γυνὴ ἔ ποδαγείᾳ, ἢ μὴ τὰ καταμύωια αὐτῆς ἐκλίπη Addiderim ego in puerperis uteri κατὰψυξις, ab ambiente aëre factam, quâ λόχια seu purgamenta post partum repelluntur, & ad articulos delegantur. Sed hæc rectiùs ad causam procatarcticam referri possunt.

Infirmetas partium circa pedum articulos causis antecedentibus annumeratur, cum & hæc suum ἐπιβάλλον μέροσ περιγεμένως con-

conferat ad podagrā inducendam. Nam tono suo exuti, seu imbelles articuli facilè allabentem materiam suscipiunt, nec refractariè partibus robustioribus sese opponunt, sed lixivio falsuginoso patienter hospitium indulgent, idem ferè perferendo, quod in *ὀλιγαρχία* Republicā, quæ ab Arist. *lib. IV. politicor. c. II. πολιτείας παρέκβασις* nominatur, minùs potentes perferunt, qui sæpè ab iis, qui plus pol-  
lent, opprimuntur, & multifariam onerantur. Imbecillitas autem harum partium, vel nativa est, vel adscititia. Nativa iterum duplex, alia hæreditaria, alia non hæreditaria, & oritur hæc ex vitiosâ *διατάξει*, quâ partes in utero laxiores, molliores, & insuper balsamo naturæ haud satis inunctæ producuntur, unde postea ob raritatem, ac viarum amplitudinem, & destillantes



tes humores facilè recipiuntur, & ob defectum caloris excrementa congeruntur, alimento non ritè concocto. Ad hanc nativam pedum imbecillitatem ingenerandam plurimum facit Mars & Saturnus. Horum namque maleficorum alteruter si in Piscibus existat, hominem podagrum, vel alio pedum morbo detentum facit, cum pisces pedibus præficiantur, & imprimis si in sextâ vel octavâ extiterint domo. Ita Romanorum Imperator Rudolphus I I. pedis morbo tentatus fuit, quo etiam mortuus, cum haberet in genesi suâ Pisces octavam domum tenentes, & Saturnum in illis versantem retrogradum. Similiter virum quendam magnum novi, qui in octavâ domo genethliaci thematis Pisces, & in iis Saturnum inerrantem obtinet, magno pedum periculo.

culo. In hæreditaria verò partium *αἰδιότης*, præter illam laxitatem, & caloris defectum, characterem peculiarem agnosco, quem hisce partibus impressum esse statuo, à parentum semine prodeuntem. Quippe in semine cum delitescat spiritus, omnium partium ideam exprimens, fit, ut in morbis salinis, ac fixam habentibus radicem, unâ cum partis idea, character quidam vitiosæ *διαδίδουρας*, partem occupantis, mediante spiritu & spumoso feminis corpore, in prolem transplantetur & ita propagetur.

Quod verò in sulphureis & mercurialibus affectibus id haud eveniat, inde est, quod hi morbi fixam radicem non obtineant, cui spiritus assuescat, ideoque parentes, eiusmodi morbis conflictati, rarò vel nunquam liberos sibi planè similes generant. Adscititia pedum

non

non

non

non

non

dum imbecillitas à variis dependet  
causis, ut postea dicetur.

## SUBJECT. IV.

*Causas procatarticas explicans.*

**S**Equuntur causæ procatarticae,  
Hipp. III. aph. XII. ἀφορμαί  
dictæ, utpote quæ occasionem sal-  
tim præbent, & παροξυσμὸν in cor-  
pore morbosam præsupponunt,  
ideoque à Galeno lib. de caus. puls.  
cap. I. dicuntur ἀφορμαὶ τὰς νόσους ἐν τῷ  
σώματι διατίθενται. Et sunt in se insuf-  
ficientes ad inducendum morbum,  
quo respectu ab externis causis di-  
scriminantur, quæ aliquando sibi  
relictæ omninò satis fortes sunt, ad  
morbificum effectum in corpore  
producendū. Distinguimus autem  
αἰτία προκαταρχόντα in tres classes,  
quarum prima eorum est, quæ se-  
rum in corpore accumulans, & ad

E  
eius

eius proventum faciunt. II. quæ accumulatum commovent, & ad influxum invitant. III. quæ pedum articulos debilitant, iisque ad suscipiendam humorum saburram calcar addunt.

Serum ac tartaream materiam ex eduliorum genere suppeditant, sale maceratae, ac fumo duratae carnes, imò omnes cibi δύσπεπτοι καὶ κακόχυμοι, præsertim ubi viscerum δυνάμεις ἀλλοιωπικὴ καὶ ἐκκρεπικὴ (secreticem intelligo, cui inter ministras meritò quintus assignatur locus) ad incitas redacta est. Ingluvies quoque & crapula in tartaro congerendo maximum adferunt σύμβολον, soletque Podagra μισόπιονος apud Sybaritas plerumque divertere, ut ex fabulâ illâ, quam ab aviâ Leonardâ recitatam allegat Iovianus Pontanus *lib. v. de serm. cap. III.* clariùs patescit. Idem etiam ex pere-

peregrinatione colligere est, quam Podagra cum Aranea quondam instituerat. Apologum lepidum ex Thoma Moufeto hûc obiter adscribere licebit, qui *lib. II. theatr. insector. cap. XIII. p. 228.* eum ita proponit: Aranea cum olim proficisceretur, fortè se illi Podagra comitem adiunxit, tametsi passibus ambiguis admodum ægrè illam sequeretur. Iam unius diei itinere confecto, appetente vespere, consilium fuit, diversum hospitem experiri. Ac Aranea oppidum ingressa, opulenti cuiusdam civis domum nacta est, apud quem dum telas cæperat tapætâque præpandere, pessimis modis habitam pellunt, & illâ nocte errantem pluviis exponunt. Podagra verò pedibus capta, cum nequiret ultra progredi, in primas se eius oppidi casas dedit, ubi vix tandem pauperis cu-

iuspiam tuguriolum impetravit, quum ibi decubuisset, nihil non miseriarum experiebatur; Apponi cœnaturienti, vel stomachanti potius, ater panis, cum olusculo vix sale condito, & è proximo stagno, aquula Samiolo poterio peti, unde sitim extingueret. Sic igitur, excepta, sibi poscit lectum interni; Torus illi palearis vel fortè roborus datur, in quo suspirans & gemens membra componit. Sed ô quàm malè membris mollibus & *à Sînlois*, cum tam duris culcitris, pulvinaribusque convenit? Primo igitur Sole, convenere iterum Aranea pariter & Podagra. Et prior illa, magnoperè de divitis civis incivilitate conquesta est. Podagra contra, de hospitis sui tenuitate, asperoque victu: Commonstrans lividas vibices, quas lignea, scuticosâque fulcra tenellæ cuticulæ



culæ impresserant. Quâ de re posteaquam aliquandiu deliberatum inter eas fuit, in hanc pedibus sententiam venerunt, ut sequenti subinde nocte hospitem mutarent, videlicet, ut Aranea deinceps pauperum tabernas & tuguria, Podagra verò divitum aulas, Regumque turres incolerent. Itaque Podagra promissi nequaquam immemor pedetentim, tacitisque vestigiis, pecuniosi cuiusdam domum ingressa, ad obesuli heri pedes procubuit. Quam ubi conspexit hospes humanissimus quâ lenitate, quibus nominibus & quantis prothymiis, viscerationibusque excepit? Substernuntur olorinae culcitrae, pulvinis, toralibusque Milesiis, cubilium fulcra replentur; fervet culina; omnia sunt in parato officia. Iam dapibus mensas onerant, & pocula ponunt.

Huc capi præpingues atque altiles,  
 phasiani, perdices, pavones, cotur-  
 nices, turtures, ficedulæ, atque a-  
 ves illæ, binis cordibus superbien-  
 tes, convolant. Rhombos, sca-  
 ros, silurosque prætereo. Lucrina  
 item conchyliæ, Abydena ostrea,  
 & quicquid mare superum infe-  
 rumque lauti emittit. Hic vinum  
 candidum, nigrum, rubellum, pur-  
 pureum, dulce, tenerum, austerum,  
 Cæcubum, Falernum, Chium,  
 plenis crateris infunditur. Taceo  
 mensas secundas, à Tacentinis al-  
 latas, & exquisitissimis bellariis in  
 rosâ violisque & hyacintho instru-  
 ctas. Denique nihil deliciarum,  
 cupediarum, lenocinii, ac volupta-  
 tum non exhauritur, ut diva Poda-  
 gra, cum sororibus suis Chiragrâ  
 arque Gonagrâ, suavibus modis &  
 molliter acquiescat. At Ara-  
 nea, fato item benigno ducta,

pau-

pauperis ædiculas subit,

---- atque ibi miro

*Dogmate, quidve marem deceat, de-  
ceatque maritam*

*Addocet, atque suo sese sudore sa-  
ginat.*

Vina ferum accumulant, cum pri-  
mis in locis argillofis, limofis, la-  
pidofis, margâ aut alio minerali in-  
structis, crescentia. Terræ enim  
huiusmodi succum, fale aut tarta-  
ro luxuriantem, ad vitium radices  
ablegant, qui attractus, ac in sub-  
stantiam earum conversus, lapsu  
temporis uvas producit, consimili  
tartaro gravidas. Et licet expres-  
sus liquor fermentando postea plu-  
sculum deponat fæcum, spondyliis  
quoque vasis aliquota earum pars  
adhærescat, attamen haud exigua  
portio intimè admixta manet vino,  
quæ postmodum in corpore huma-  
no vel calculum ( ovo anserino

maiores è Pictore se exemisse testatur Gesselius, in *epist. ad Beverovic. p. 225.* & Zacutus Lusitanus Calculum xxxii unciarum, è dissecto corpore extractum, se vidisse refert, *lib. 1. prax. Med. admirand. p. 183.*) vel arthritidem generat, pro diversitate subiecti. Idem vino *σπο κριθῆς*, seu cerevisiæ, accidere potest, si scilicet conficiatur ex hordeo, in solo noxio proveniente. Perperam itaque agunt coloni (ut factitatum vidi in Galliâ) qui agros margâ stercoreant, nã etiamsi lætiùs & uberius adolefcere cernant segetem, & lautio-rem quoque expectent messem, propriæ tamen haud consulunt sanitati, ob *ἀνιστηνός* illud, quod frumenta è terrâ matre adsumunt. Insuper cerevisia plurimum tartareæ suppeditat materiæ, ubi ex aquâ impurâ, limosâ, aut minerali qua-

quâdam qualitate infectâ paratur. Hinc videmus quibusdam locis podagram esse ἐν Σμύρνῃ, natalitiam, & quasi perpetuatam, modò ob frumentum, modò ob aquam. Cum esculentis & potulentis amicè conspirant, & ad feri collectionem faciunt τὰ ἐν τῷ δόματι, si-  
ve vitæ fors atque institutum, iners nempe & deses vita, otium supinum, excubiæ immodicæ, solennium evacuationum interceptiones, uteri ac hæmorrhoidum, cum primis sudoris impedita excretio, ob σφύγγων seu pororum cutis constipationem, quâ præsentē vix ἀπὸ φύσεως naturalis, nedum humoris ferrosi evacuatio, à naturâ peragi potest. Oliguria, vel etiam omnimoda urinæ suppressio idem efficit. Ita Iuris ille Licentiatus, cuius Doringius lib. 1. de Medicinâ & Medicop. 109. meminit, qui lotium

adeò acre reddebat , ut spiritus vi-  
trioli instar linteamina corroderet,  
facile doloribus arthriticis corrip-  
potuisset, si materia διὰ τῆς ξυμπε-  
ρόντων χωρίων non fuisset excreta.

Commovet serum aër calidior  
& humidior , tum inspiratione at-  
tractus, tum per occultos corporis  
meatus admissus, ac commoto iter  
ad inferiora persuadet. Hanc aë-  
ris ambientis vim , & reliquas in-  
stantes τῆς αἰθέρος μεταλλαγᾶς extem-  
plo sentiunt podagri , quo nomine  
dicuntur *almanac* habere in pedi-  
bus, quippe Lunæ motus Astrolo-  
gis norunt meliùs , temporumque  
mutationes certius Nautis. Im-  
primis vere & autumnò dolores ar-  
thritici evigilant , eò quod tum aër  
humores maximè exagitet , secun-  
dum istud : τὰ ποδαγρικὰ τῶν ἡρῶ καὶ  
τῶν φθινοπαύων κινεῖται ὥς ὅτι τὸ πλεον.  
VI. arbor. LV. Nec tantum aëri  
id



id adscribo, sed insuper addo vim quandam insitam, delitescentem in humore tartareo, quæ ab aëre leniter excitata, ulterioris conturbationis causa est, morbos sui generis, tanquam fructus quosdam, suis temporibus renascentes, procreat. Natura autem illa humoris tartarei vere & autumno maximè gliscit, & cietur, ob sympathiam, quam habet cum causis, quæ eo tempore dominantur. Excrementa enim naturalia eodem spiritu interdum reguntur, ac gubernantur, quo res istæ, ex quibus ortum suum habent excrementa. Hinc tartarei humores, qui magnâ ex parte è potu vini meracioris in corpore cumulantur, proportionem respondent illi materiæ, quæ cruda & feculenta in vinis nondum depuratis continetur, quâ commotâ & agitâtâ, ob consensum

& illi commoventur. Terra quoque, vivifico solis calore verno tempore excitata, fecundum suum aperit sinum, ac spiritus balsamicos per naturalem sublimationem plantis distribuit, easque brumali frigore demortuas quasi resuscitat. Tum quoque omnes res, quæ in eâ degunt, commoveri, & vina defecata aliàs, & limpidat turbari videmus. Ita & sanguis & spiritus & reliqui humores vitiosi in corpore humano agitantur, & pro diversitate subiectorum, diversi generantur morbi. Motus corporis vehementior idem quoque præstat. Hinc Scythis frequens hoc malum est, non solum hâc de causâ, quod stapedibus careant, verum etiam quod frequentius equitent. Neapolitanos quoque ob equitationes sæpius podagrâ corripit scribit Campanella

lib.

*lib. VI. medicinal. c. V. articul. V. p. 381.* Venus itidem, pervigilium, balnea, ira & excandescencia humores concitare, & ad partes extimas præcipitare possunt.

Pedum articuli debilitantur, ubi quis *γυμνός* incedit, & quidem cælo frigidiusculo, & pluvioso, quo tempore Iovem per cribrum mingere nugatur Aristophanes. Crebrius quoque *ποδόνιπτερον*, five calidum, five frigidum, adhibere noxium, cum pedes humectet ac infirmet. Nec in aquâ frigidâ institutus natatus adeò commodus est, nam etiamsi Rondeletius articularios quosdam frequentes in aquâ frigidâ natasse, & sic evasisse scribat, roboratis pedibus, & vasis constrictis, & repulsis humoribus: tamen illa cura admittenda haut est, cum nervosas pedum partes (quibus omne frigidum inimicum

v. aphor. xlix) debilitet, & efflu-  
 vio naturali remetiginem addat.  
 Calcei non satis habiles & apti  
 premendo infirmare pedes, & af-  
 fluxui humorum quandam ἀσθμῆν  
 dare possunt, uti & allisiones for-  
 tes ad lapidem vel terram. Non  
 tamen cum veteribus superstiosè  
 hîc credendum, si quis inter eun-  
 dum pedem in terrâ offendat, omen  
 hoc esse instantis mortis, & quasi  
 vocantis, ut ex Diogene Laërtio  
 refert Meursius in *Mantisâ de luxu*  
*Romanor. cap. ix. p. 105.* Nativape-  
 dum imbecillitas in utero materno  
 contrahitur, facultatis formatricis,  
 vel etiam feminis vitio, ut ante o-  
 stensum. Et tantum de causis.

ARTIC.

## ARTIC. V.

*Accidentium potiorum enarratio.*

POTIORA affectionis confectaria, sive accidentia, sunt febris, tumor, rubedo partis, *αὐτοματία*, seu impotentia motus, & tophi seu nodi. Febris Podagræ iuncta, secundum Platerum *πρὸς σπύλον* est, horrore primum, mox superveniente calore, siti, corporis inquietudine, ægrum molestant. Hæc ob recursum sanguinis ad interiora plerumque vesperti augetur, imò pro naturâ humoris, qui unâ cum falsuginoso lixivio concitatur, hoc vel illo die intendi solet. Tumor & rubedo partis influxum sequuntur humorum, soletque dolor remittere, ubi pedium intumescit, seroso excremento à partibus membranosis & ner-

nervosis ad exteriora protruso. Deambulandi impotentia ἀλγήμε-  
 τος ποδαρχικῆ ferè individua comes  
 est, & oritur non ob paralyfin par-  
 tis, ut quidam autumant, sed quod  
 Spiritus animales negotiis distrin-  
 gantur, tum in percipiendo obie-  
 cto ingrato, tum in deferendâ spe-  
 cie ad primum sensorium, quò  
 diiudicetur. Tophi à Sale & tar-  
 taro coagulato oriundi sunt, in  
 auras abeunte per διαφύσην aqueâ  
 substantiâ. Materia autem, ex qui-  
 bus nodi generantur, albicat ali-  
 quandò instar cretæ, refertque  
 Forestus *observ. lib. xxi. observ. x.*  
*p. 86.* quendam in Nosocomio  
 Delpheni, articulis digitorum  
 crassam, albam, indurataque  
 materiam instar cretæ albæ exemis-  
 se, & parietes tabulataque depin-  
 xisse, non secus ac si cretâ fuissent  
 depicta. Præter enarrata acciden-  
 tia



tia quandoque etiam convulsio accedit (quam Platerus aliquando se observasse scribit, *tom. 11. prax. lib. 111. cap. XVI. col. 571*) sed rarenter. Quæritur autem hîc *αἷς ἐν παρὸς*, qui fiat, quod non frequentius adsit, cum podagræ subiectum sint partes membranosæ, causa v. coniuncta, humor serosus, acris & mordax? Capi-  
vaccius causam huius rei esse putat, quod humor ligamenta saltem occupet, non verò nervos & tendines. Erasius verò *disput. IV. contra Paracels.* humorem aqueum & pituitosum accusat, qui nervis circumfusus eos magis laxet, quàm tendat. Ast utraque opinio talo suo haud stare potest, & quidem Capi-  
vaccii hoc nomine ne titivilitio digna est, quod ligamenta tantum podagræ subiectum esse statuatur. Altera verò ideò repudia-  
tur,

tur, quod dicat humorem aqueum  
 & pituiteum huius mali causam,  
 qui partes magis laxet quàm ten-  
 dat, cum tamen variis salium tin-  
 cturis pollutus sit humor, podagræ  
 autor, & spiritibus suis salinis par-  
 tes plus tendat, quàm udâ substan-  
 tiâ laxet. Et licet aliquando con-  
 tingat tantillum partes laxari, tan-  
 ta tamen laxitas fingenda non est,  
 quæ fibras musculorum resolvat,  
 & principem musculi actionem,  
 contractionem scilicet versus suum  
 principium, annihilat. Nam, si  
 hoc, sequetur podagræ esse intimè  
 coniunctam paralyin, & ποδαγρὸν  
 esse παραλύμενον, quod tamen ob a-  
 cutissimum dolorem, quo affligun-  
 tur ægri, vix concedi posse, mihi  
 persuadeo. Clarissimus Senner-  
 tus, præceptor meus πρὸς τὰ ἑχάτα  
 devenerandus, cap. 1. de arthrit. p. 9.  
 longè rectiùs sentit, dum statuit,  
 arthri-

arthriticos à convulsione ut plurimum esse immunes, quia partes sensui dicatæ afficiuntur, & non illæ, quæ motui *απορρηξή* deserviunt. Hanc sententiam defendendam iudicamus.

## MEMBRUM II.

*Podagræ differentias & varietatem proponens.*

**D**ifferentias, podagræ desumimus. I. à generationis modo. II. ab accidentibus. III. à duratione. IV. ab invasione. Quibus aliam à parte affectâ petitam adiiungere lubet. Generationis modus hanc suppeditat differentiam, quod alia sit hæreditaria, alia non-hæreditaria. Hæreditaria à parentibus iure hæreditario confertur liberis, & quidem mediante principio vitæ nostræ, seu semine vitali, in quo spiri-

spiritus delitescunt, non solum partium *συναγεαγίας*, & naturalem earum constitutionem, sed & seminum fixi istius mali, seu characterem quendam secum adspportantes, & fatui ingenerantes. Seminium autem istud nihil aliud est, quàm Sal quidam fixus, qui ex tribus principiis hypostaticis solus generat morbos, fixas radices habentes, hæreditarios intelligo. Quod verò sal sit generationis principium, inde confit manifestum, quod nimirum sales inveniantur, qui in terram immissi, plantas è quibus parati fuere, propullulare faciant. Hic obiter movetur quæstio, qui fiat, quod character iste aliquando non in liberis, sed in nepotibus demum evigilet, eosque avis reddat similes? Id fieri autumo (1) ubi saltem unius parentis semen morbo vitio inquinatur, alterius autem

tem

tem balsamo naturali abundat, tum morbidum istud vitium à vi- gore balsami alterius parentis e- mendatur, eique sufflumen quasi ponitur ne in sobole se exerat.

(2) uteri materni optima consti- tutio hic plurimum iuvare potest, ut videmus in quibusdam plantis, quæ ex agresti loco in hortum tran- slatæ, & fæliciùs & lætiùs in altum assurgunt, ac melioris fiunt con- ditionis. (3) Victus ratio etiam haud excludenda est, quippe, si po- dagri filius optimo vivendi regimi- ne utatur, nepos autem illius haud accuratè servet diætam, sed in- plusculis delinquat, accidit, ut nepos podager fiat, non autem filius. Nec tantum in morbis hæ- reditariis id contingit, ut character seu sigillatio in nepote demum se- prodat, sed & in aliis. Ita Helis mulier, cum Æthiope congressa, non

non filiam peperit formā Æthiopis, sed natus ex illā erat Æthiops, *Aristot. lib. 1. de generat. animal. cap. xlix.* Non-hæreditaria podagra aliunde, quā ex parentum semine contrahitur. Accidentia podagræ aliam faciunt nodosam, pedum iuncturis nodos seu tophos apponentem, unde *σπαικονδυλοποροφίλα* nuncupatur, aliam nodis carentem, aliam cum febre, aliam sine febre, &c. Aliqui etiam podagram Gallicam statuunt, in quā virulenta pedetentim, ex spurco cum illice congressu, excrementa congeruntur, totum periosteum dolore multantia, citra manifestum tumorem. Dolorem hunc, qui noctu potissimum, & instantibus *τῆς ὥρας μεταβολαῖς*, exacerbatur, comitantur quandoque serpigines, interdum & *φύματα* propullulant, si malum altius egerit radices. Sed  
cum



cum dolor iste tibias plerumque infestet, nec veræ arthritidis nomine insigniri possit, eius hîc meminisse sufficiat. A duratione alia inveterata, alia recens & nova appellatur. Invasionis respectu, alia cum periodo invadere statuitur, alia sine eâdem. Pars affecta hanc suggerit *Δαφοειν*, quod alia pollicem, vel omnes pedis digitos, alia metapedium, alia tarsum seu pedium affligat. Digitos affligens *Daetilagra*; Metapedium occupans *Metapediagra*; Tarsum verò seu pedium occupans, *Pediagra* nominari potest. Et quamvis à nemine ita distinctam legerim podagram, atamen non absurdè me facturum arbitratus sum, si ita dividerem, cum in primo insultu sæpè podagra tantum pollicis articulum adoriatur, tarso aut metapedio salvis existentibus; aliquando malleolos

in-

infestet, pedum digitis in vado re-  
lictis.

## SECTIO II. PRACTICA.

### MEMBRUM Primum.

*Podagræ σημασίαν expediens.*

**S**igna secundum Autorem *defi-*  
*nition. medic.* nihil aliud sunt,  
quàm τῆς αἰδήλων δηλωτικά, & dispe-  
scuntur in διαγνωστικά, προγνωστικά, καὶ  
ἐταμνησικά. Nos posterioribus suo  
loco relictis, duobus sequentibus  
Articulis, de signis diagnosticis &  
prognosticis, in quantum nostrum  
concernunt affectum, unicè age-  
mus, & quidem διὰ βραχείων.

A R-

## ARTICULUS Primus.

*Signa Diagnostica.*

**D**iagnostica signa sunt vel πα-  
 θολογνωμονικά, quæ ex Συμφορῇ  
 multorum exstructa affectum ipsum  
 indicant : vel αἰτιογνωμονικά, quæ  
 causas detegunt morbificas : vel  
 διαρεπτικά, quæ affectum ab affectu  
 discriminant. Signum podagræ  
 χαρκτηριστικόν, seu παθολογνωμονικόν, ex-  
 hibet cum primis dolor & impoten-  
 tia motus, quam haud raro comi-  
 tatur tumor, ardor & rubedo par-  
 tis: Hinc Plautus in *Mercator.* ac-  
 commodatè: *Nec podagricus nec ar-*  
*ticularius est, quem rus ducunt pedes.*  
 Dolor autem initio plerumque  
 pollicis articulum aggreditur, mox  
 metapedium, vel etiam malleolos.  
 Ubi malum inveteratum & iam  
 confirmatum, insuper tophi acce-  
 dunt,

dunt, qui nodosæ podagræ certissimi indices. Iam iam imminere malum, & fores sui domicilii pulsare indicant sæpè, si ægrum horror corripit, lotium turbetur, venæ distendantur, & ampliores reddantur, ac insuper levis quædam molestia sentiatur in pedibus. *Crat. Consil. cccxxiv.* indicium adventantis podagræ certum esse pronuntiat, quoties sudor supprimitur, & urina pauca est. Hoc in iis podagrosis saltem locum habet, qui extraparoxyismi tempora, spontaneo naturæ instinctu, crebrò sudare & ita à podagrâ sese præmunire consueverunt. In his siquidem, corporis integumento, ab æris ~~αἰθέρι~~, balneis frigidis, & adstringentibus, densato, & ita poris occlusis, ferosi humores restagnant, & postmodum, nisi à renibus absorbentur, & foràs egeruntur,

tur,

tur , ad imbecillos prorumpunt pedes. Humorū , potissimūm serū ad pedum articulos comitantium, signa varia sūt , pro diversitate humoris unā cum sero concitati. Nam si pars affecta insigni rubedine tingatur, αἱματοφλεβοσάσεις seu venæ & arteriæ distentæ satis conspiciantur , æger plethorâ laboret , indicium est , sanguinem sero iunctum in pedes irruisse. Si verò tumor mollis & albicans adsit, æger diatâ φάυλη καὶ φλάυρη , pituitam congerente , utatur, humorem pituitosum indubiè sero se adiunxisse comitem existimandum. Ardor, tensio, ac subflavescens partis color , corporis constitutio calida & sicca, & id genus , bilem præsentem arguunt. Verū hi humores cum proximè podagram non excitent , ut fusiùs declaratum ante , sed vel concitati

unà cum sero, vel etiam à dolore attracti, eò procumbant, tumorem in partibus exterioribus generantes, etiam in eorum signis recensendis nolimus esse operosi.

Ne autem imperiti, ut quandoque fit, podagræ primitias pro erysipellate habeant, signa quædam adferenda sunt, quibus podagra primùm invadens ab igne sacro distinguatur. Primò pars affecta hos discriminat affectus, quod scilicet podagra vel pedum articulos, vel metatarsum, aut malleolos occupet, erysipellate plerumque in imo tibiæ florente. (2) dolor erysipelatis mitior est, multò ferocior in podagrâ. (3) Calor in erysipellate longè ferventior, utpote qui cutim aliquando adurit, & vesiculas excitat. (4) rubedo partis affectæ magis florida & ignea in erysipellate, quæ etiam cute leviter pressâ



pressâ dispalescit, rursusque redit,  
 & sæpè ad vicina serpens in latum  
 se diffundit, secus ac in podagrâ.  
 (5) tumor rarò visitur in erysipela-  
 te, frequentissimè in podagrâ. Ab  
 aliis pedum affectibus facilè di-  
 stinguitur noster affectus, ideoque  
 haud opus est, ut hisce immore-  
 mur.

## ARTIC. II.

*Prognostica.*

**P**ROGNOSTICA quod attinet, no-  
 tum est, podagram sive hæredi-  
 tariam, sive non hæreditariam,  
 morbum esse ut plurimum *δυσ-  
 πάνακτον* ac difficilem extirpatu,  
 & duo illi Syri apud Lucianum  
 id satis testantur proprio exemplo,  
 quibus *χρίσμα πατροδώρητον* inun-  
 ctum parum profuit. Non tamen  
 credendum, prorsus incurabile  
 esse

esse malum, cum plurimi vel medicamentorum ope, vel abstinentiâ à vino, vel gaudio nimio, vel etiam terrore & consternatione fuerint curati. Exempla curatorum passim exstant. Nobis lubentia est, paucula subiungere exempla eorum, qui consternatione aut alio modo, mirabiliter evasere, ac sanitatem recuperarunt. In Italia Comes quidam erat Veronensis, malo podagrico diu excruciat. Hic sudo cœlo, tempore æstivo, captandi aëris liberioris causâ, se grabato affixum, in hortum quen- dam amœnum, unâ cum lectister- nio & stragulis, per ministros suos deportari curat, ubi sub tegmine arboris patulæ, optumam spar- gentis umbram, paulisper quievit, doloribus, quibus paulò ante affli- gebatur gravissimis, remittentibus nonnihil. Quid sit? Ex incuriâ  
mini-

ministrorum fores viridarii , seu  
 potius horti, aperte relinquuntur,  
 hortumque ingreditur petulans &  
 lasciviens caper, qui ægrum in le-  
 cto dormitantem & quiescentem,  
 post exantlatos dolores podagri-  
 cos, offendit, & cum æger pedes  
 extra lectum detineret prorsus nu-  
 dados, eos primùm blanditer lam-  
 bere incipit caper. Comes dor-  
 mitans, linctus sensu excitatus, pe-  
 des nonnihil retrahit, quo factò,  
 caper irritatus ægri pedes exem-  
 plò incurfat (ex retractione pedum  
 duellum sibi indici censuit hircus)  
 eosque aliquoties miserè ferit tum  
 cornibus, tum capite. Patiens,  
 cum surgere pedibusque insistere  
 esset impotens, altâ voce inclaman-  
 do advocat ministros, qui hircum  
 iratum adhuc, suasque incurfatio-  
 nes iterantem, vi abegerunt, eum-  
 que horto excluderunt. Hac capri

incurfatione , & fubfequenti patientis confternatione effectum , ut comes podagrâ fæpè affligi folitus , integrè conualefceret , nec unquam malo amplius corriperetur. Aliud exemplum podagræ virgis curatæ , non minus lepidum quàm iucundum . Decumbebat quidem Ludimagifter plagarius , qui in Scholaflico olim defudans pulvere rigidior cenfebatur in exigendis puerorum pœnis. Hic arthritide manuum pedumque correptus , nullis iuvari potuit ab ante petitis remediis. Tandem circumforaneus quidam , ridicularia tractare folitus , homo robuftæ & procerioris ftaturæ , cuius nates olim in iuvenili ætate ab eodem Ludimagiftro ferulis duriusculè erant exceptæ , ex improvifo advenit , certam curationis fpem ægro faciens , fi medicamentum amarum aliàs , à fe

adhibendum vellet admittere. Æger restitutionis cupidine ductus, in curam consensit, ac insimul certum ex ære Minervali, avariter corraso, pollicitus est præmium. Antequam autem curam aggrediretur Ægyrta, adstantes omnes domo exesse iubet, & solitudine impetratâ, hunc in modum remedium ipsi applicat. Foribus conclavis benè obseratis, ægrum dolore fessum ac imbecillem accedit, & stragulum (quo tegebatur) elevatum ipsius capiti insternit, mox virgis arreptis pedes patientis miserrimè cædit, innumeras vibices ad fluxum usque sanguinis eidem infligit, & ita Ludimagistrum, formidine totalis excidii crepitus polentarios edentem, ac miserè claman-tem, reliquit, protinus in pedes se coniiciens, ac fugâ abitum parans. Hic etiam si diu ex plagis

inflictiſſimè haberet, convaluit  
 tamen, & podagroſus haut exſtitit  
 amplius. Alii autores alia habent  
 exempla. Guilielmus Fabricius  
*Centur. 1. epiſt. XLVII.* hanc refert  
 hiftoriam: Podager erat tetricus  
 quidam, ac maledicendi ſtudio pla-  
 nè deditus, hunc diu lecto affixum  
 homo quidam feſtivus, qui linguâ  
 eius petulanti paulò ante læſus  
 erat, ſub crepuſculum veſpertinum  
 accedit, & quidem larvatus Æthio-  
 pis inſtar. Æger inſolentiâ for-  
 mæ, ſolitudine & crepuſculo per-  
 territus, quærit quis ſit, & unde  
 venerit, alter nihil reſpondens pro-  
 pius lectum accedit, & brachiis  
 quæ & ipſa arthritide laborabant,  
 ægrum arreptum dorſo imponit, &  
 ita pendentem, & vociferantem,  
 extra cubiculum effert, pedes illius  
 gradibus, per quos deſcendebat,  
 vehementer allidens. Poſt ubi in  
 areâ



aræ pavimentum ventum esset, onere deposito, hominem sistit in pedes, nihil locutus, tantum intuens, mox accurrit, quasi correpturus denuò, & extra domum elaturus. Ibi qui ante ne insistere quidem potuerat pedibus, illico gradus cursu repetit, superat, ad cubile contendit, & per fenestras clamore totam viciniam excitat. Accurritur: anhelus & penè exanimatus narrat, à spectro se è lectulo extractum, & extra cubiculum elatum, tractatum miserrimè, & nisi nomen Iesu ingeminasset, de se actum omninò fuisse. Hic convaluit, nec unquam podagrâ fuit correptus. Aliam historiam itidem mirè restituti podagri recenset Libavius, *epist. LXXIII. ad Sinzerum in Cistâ Medicâ Hornungi*, & quidem in hunc modum: *Patiens erat hospes publicus. Medi-*

cus quidam Nobilis eques , qui  
 pactus ccc. florenis sanitatem  
 promisit , & recepto autographo  
 curam aggressus est. Patiens iussus  
 est pedes imponere trunco ligneo.  
 Aderant fortes servi Nobilis , qui  
 sedentem tenerent. Ipse nobilis,  
 ferreo malleo instructus, sex clavis  
 pedes affixit ligneo trunco , mox-  
 que miserabiliter clamantem egro-  
 tum reliquit, ac se in equos conie-  
 cit. Interim crebrò expiscatus  
 est, num morbus fuisset reversus,  
 cognitoque iam elapso triennio  
 non rediisse , ipse repetiit hospi-  
 tium, & iocatus cum hospite co-  
 gnovit de sanato morbo. Itaque  
 Chirographum produxit, & se  
 Medicum fuisse ostendit, popo-  
 scitque αἰσχρογ. Consensit hospes,  
 licet crudeliter tractatus, equitem  
 tamdiu pavit cum suis , donec tre-  
 centi floreni essent consumpti. Ita

ex

ex relatu venerandi hospitis, Dn. D. Quistorpii habeo, Lubecæ fuisse Mercatorem quendam podagrum, cui in hemicyclo sedenti, de improvisio vas butyro plenum in pedis pollicem à nauta quodam Rostochiensis devolutum fuit, unde & consternatur, & postmodum in vita ab omni podagræ insultu liber exstitit. Sic & carcer & equuleus seu tortura, quibusdam profuit. Narrat Guilhelm. Fabricus, *Observ. Chirurg. Centur. 1. observ. 79. p. 217.* arthriticos duos, gravium facinorum insimulatos, Bernam fuisse adductos, qui incarcerati, & torturæ multoties subiecti, intrepidè innocentiam suam tuendo, liberos se tandem reddiderint. Horum alter plusculos annos miserrimè podagrâ cruciatus, à torturâ postquam thermis Valesianis esset usus, plenissimè sanita-

nitatem recuperavit: alter verò arthriticis doloribus, quibus ante torturam affligebatur, defubitò absolutus fuit. Causam curationis ut obiter adscribam, arbitror eam esse vel ἐκκρίσιν materiæ, vel eiusdem παλινδρομίου. Nam eorum exempla quod attinet, qui terricula-  
 mentis & consternatione evasce-  
 runt, sciendum, in terrore ac me-  
 tu sanguinem & spiritus concita-  
 ri, conturbari, commoveri, & à  
 corporis peripheriâ ad centrum, à  
 membris exterioribus ad interio-  
 ra abripi: quemadmodum contra-  
 rium accidit in furore ac irâ, ubi  
 sanguis & spiritus longè aliam af-  
 fectant viam, à centro ad circum-  
 ferentiam iter legentes, & extimas  
 partes mutabili rubore inficientes.  
 Itaque in terrore ac repentino me-  
 tu, aliquandò contingit, ut humo-  
 res vitiosi, fugæ subscribentes, ac  
 talâ-

talaria induentes, sanguini spiritibusque sese socios applicent, & unà iter ad interiora ingrediantur. Idem podagricis, ex improvviso territis ac consternatis, evenire reor, ut scilicet humor falsugineus circa articulos ferociens agitatus ac commotus, unà cum sanguine (qui eius *ὄμμα* esse consuevit) ad superiora feratur, quemadmodum aliàs ob iram concitatam ad pedes prolabi solet. Quod autem in interiora corporis receptus hic hospes nullam gravem excitet noxam, inde esse opinor, quod sanguinis naturali sero associatus & coniunctus, ab eodem confestim invitetur ad subeundum hospitale renum tuguriolum, quò allectus ulteriùs à socienno suo per ureteres ad vesicam deducitur, & paulò post terram perpluere & subigere iubetur, qui ante ne calcare  
 qui-

quidem eandem dignabatur , in  
 priori hospitio superbè satis tu-  
 multuans, ægroque miras molestias  
 creans. Nec miretur aliquis , hu-  
 morem tartareum ad vias devolvi  
 urinarias, cum meticulosi, in an-  
 gustiis & discrimine constituti,  
 præsertim mulieres, crebriùs ad u-  
 rinam reddendam à naturâ insti-  
 gentur, vacuâ etiam existente vesi-  
 câ. Qui verò cruciamentis & tor-  
 turâ liberantur à malo podagrico,  
 hi sanitatem humoris tartarei par-  
 tim evacuationi, partim dissipatio-  
 ni , partim etiam recursum ad in-  
 teriora referant acceptam. In il-  
 lo namque, cui pedes trunco ligneo  
 affigebantur , & altero illo Ludi-  
 magistro virgis cæso , humor tar-  
 tareus cum per patentia loca mani-  
 festè , tum insensibiliter per ipsos  
 poros discussione evacuatus fuit.  
 In illo verò, quem caper cornibus  
 incur-



incurfans restituit, causam morbi-  
ficam & ἀδήλω διαπνοῇ in auras e-  
vanuisse, & regressum instituisse  
arbitramur, quemadmodum hoc  
etiam equuleo curatis evenit.  
Sed redeamus ad prognostica.

Cæterum qui podagri sanabiles,  
qui insanabiles sunt, edocet Hip-  
pocrates *lib. 11. prædict. p. 73.* ubi  
ita scribit: ὅσοι μὲν ἢ γέροντες, ἢ (re-  
ctius legitur καὶ) ὅπῃ τοῖσιν ἄρθροισιν  
ἐπιπρωμάτα ἔχουσιν, ἢ τρέπον ταλαίπω-  
ρον ζῶσι κοιλίας ξηρὰς ἔχοντες, ἔτι μὲν  
πάντες ἀδυνάτῃ ὑγιᾶς γίνεσθαι ἀνθρωπίνῃ  
τέχνῃ, ὅταν ἐγὼ οἶδα. ἰῶνται μὲν τέτρες,  
ἄλιστα μὲν δυσπντῆσαι, καὶ ἐπυγύνων, ἀπὰρ  
καὶ ἄλλαι ἐκτῆξιες ὠρελένσι κάρτα, αἱ ἐς  
τὰ κίττω χωεῖα ῥέπυσται. ὅστις δὲ νήθ-  
ῃ, καὶ ἀμφοῖ τοῖσιν ἄρθροισιν ἔπω ὅπῃ πω-  
ρώματα ἔχει, καὶ τὸ τρέπον ἐστὶν ὀσμυαλῆς  
καὶ φιλόπονος, καὶ κοιλίας ἀγαθὰς ἔχων,  
ὑπαλέειν πρὸς τὰ ἐπιπρωμάτα, ἔτι  
δὲ ἰητρὺ γνώμῃ ἔχωντῃ ἐπιτυχῶν,  
ὑγιᾶς.

ὅταν δὲ γένηται. Quicunque aut senes  
 sunt, & circa articulos callos tophaceos  
 concretos habent, aut ærumnosè vivunt,  
 siccam alvum habentes, hi omnes sani  
 fieri baud possunt humanâ arte, quantum  
 ego novi. Sanant quidem hos, optimè  
 dysenteriae, si supervenerint, sed & aliae  
 eliquationes valdè prosunt, quæ ad infer-  
 nos locos repunt: Qui verò iuvenis est,  
 & circa articulos nondum callos topha-  
 ceos habet concretos, & accuratè vivit,  
 & laboris amans est, & alvum bonam  
 habet ad obediendum, pro studiorum  
 curatione, hic sanè Medicum intelli-  
 gentem nactus sanari poterit. In quo  
 loco expressè, senibus ac iuvenibus  
 ἀπὸ τοῖσιν ὀρθροῖσιν ἐπιπράγματα ἔ-  
 χουσιν, Hippocrates sanitatis recu-  
 perationem denegat, quod quidem  
 Hippocratis tempore, in Regione  
 æstuosa, verum fuisse haud diffi-  
 teor, apud nos tamen simpliciter  
 adferi non potest, podagros nodis  
 decum-

decumbentes, curari non posse, cum curatorum extent exempla, & ipse viderim senem quendam quinquagenarium ferè, plurimis tophis laborantem, felicissimè restitutum. Spigelius quoque nodosam podagram, in ætate iuvenili & consistente curatam, se vidisse narrat, p. 81. *de arthrit.* Reiectaneus itaque est versiculus ille πολυθρύλαλον Ovidii, qui arti Medicæ maculam inurere gestiens, audacter canit:

*Solvere nodosam nescit Medicina podagram.*

Quod verò iuvenes & μισήλικας aliquando non restituantur, id inde est, quia in diæta plurimos committunt errores, & vel Veneri, vel Baccho sunt addicti, ex quorum concubitu ortam esse Podagram comminiscuntur Poëtæ:

Λυσιμαλῆς βάνχυν λυσιμαλῆς ἀφρο-  
δίτης γύναιον θυγατὴρ λυσιμαλῆς  
ποδάγρα.

Deinde etiam non satis diu medicamentorum usum continuant, quæ διάθεισι generandi serum, visceribus impressam, expugnare, vel collectum humorem expurgare, vel denique infirmos pedum articulos confirmare valent. His accedit, quod plerumque erroneis utantur Medicis, quibus indoles podagræ neutiquam perspecta, & qui in dolore sedando tantum occupantur, mineram mali flocci habentes. Curabilis itaque est Podagra, tam in senibus, quam in adultis, si modò viscera non sint penitus depravata, nec calido suo nativo exuta. (2) Si ægri nec Veneris nec Bacchi fuerint *αγαλύνει*.

(3) Si medicamenta auxiliaria in tempore adhibuerint, & eorum usum.

usum satis diu continuerint. (4) Si obtemperantes podagrosi intelligentibus & veris utantur Medicis. Quod verò nonnulli hîc dicendo ogganniant, Medicos omnium ditissimos fore, si podagrîco malo obviam ire, illudque extirpare possent, id talo suo quidem staret, nisi podagrîci illi simul essent Chiragrîci, ac manibus ægri. Minus ergò rectè conclusit Thesaurarius ille Anglicanus, qui cum audisset, Medicum adesse, qui podagram curare posset, adstantes percontatus est, quot famulis stipatus, & quàm splendidè incederet Medicus? Cumque responsum ferret, habitu decenti eum incedere, & famulitio nullo uti, regessit Thesaurarius: Per solas esse nugas, quicquid dicerent de illo: nam si posset podagram curare, illum se longè ditiores futurum, ac centum

tum famulis stipatum incedere  
 posse. Varices quoque ubi po-  
 dagris superveniunt, eos à dolori-  
 bus liberant, Galen. *lib. vi. de*  
*morb. vulgar. comm. vi. §. 8.* Iben-  
 Sina *lib. iii. canonis, fen. xxii.*  
*tract. ii. cap. v.* Quando verò hu-  
 morum fit ἀπαρροσία, & colluvies  
 circa sinistrum pectoris sinum, cui  
 cordis turbinatus mucro subest,  
 decumbit, atque sinistrae manus di-  
 gitus annularis nodum acquirit, &  
 valdè intumescit, tum arthriticos  
 mori compertum est, ut tradit  
 Lemnius. Causam huius rei Di-  
 farius apud Macrobiū & Appion  
 apud Agellium. *lib. x. cap. x.* vo-  
 lunt esse hanc, quod scilicet ner-  
 vus quidam tenuissimus ab illo di-  
 gito ad cor hominis pergat, ac per-  
 veniat. Verum falsum hoc esse,  
 ipsa anatomica evincit ἀντοψία.  
 Raicus in *tractat. de podagr. p. 30.* ex  
 Chi-



Chiromanticis aliam allegat rationem, quod nempe cor, Sol Microcosmi, signaturas suas explicet in digito illo medico, solari appellato. Hinc statuit digitum illum cordi *συμπαθεῖν*, & nodis tentatum indicio esse, simili humore affici cor. Sed & hæc ratio teruncio vix emitur, nam quod dicatur signaturas suas in digito annulari exprimere Cor, illud fictitium est, nec magis digitus ille cordis signaturam gerit, quàm pollex, verpus, & alii digiti, quibus nulla cum corde convenientia, actione signaturæ, intercedit. Deinde quod *δακτυλίωτις*, vel annularis ille digitus, cum corde *συμπαθεῖν*, ac interventu aurei annuli (quo gestamine sæpenumerò exornatur) cor confortare fuerit creditus, id ex falso præsupposito ortum suum traxit, nimirum quod autumarent non-

nonnulli, ex corde venulam quandam ad dictum digitum excurrere. Itaque quod aurum, digito illi appensum, cordi robur addat, ita verum esse existimo, ac istud, quod à Plinio *lib. xxix. cap. vi.* memoriae proditum est, scilicet singultum & sternutationem sedari, si quis annulum è sinistrâ in longissimum dextræ digitum transferat. Quod verò solaris fuerit nominatus digitus, id nullatenus ob sympathiam fuit factum, sed potius, quia mortales auro (Sol dicitur Spagiricis aurum) eundem redimire ac ornare consueverunt. Ubi verò vel in hydropicum morbum, vel in asthma degenerat podagra, illud *ἐπὶ τῇ ποδῇ* immedicabile est secundum Aretæum (qui primus post Galenum scriptor perhibetur) *lib. ii. de signis & caus. diuturnior. morb. cap. xii.* Ad prognosin etiam

etiam facit aphorismus Hippocrat.  
 XLIX. *sect. VI.* ὅσα ποδαγρικὰ νοσή-  
 ματα γίνεσθαι, ταῦτα ἀποφλεμίζοντα ἐν  
 πενήντη ἡμέρῃσιν ἀποκαθίσει. Quæ  
 verba de ultimo saltim termino  
 accipienda sunt, cum aliquando  
 cruciabilitates longè citiùs ægrum  
 deferant.

## MEMBRUM II.

*Podagræ ἐργασίαν exhibens.*

## ARTICULUS Primus.

*Præservatio.*

**S** Ignorum doctrinâ hætenus tra-  
 ditâ, θεωρύλαξιν iam aggredimur,  
 acturi, quomodo scilicet dispositus  
 se gerere debeat, ne Podagrâ infe-  
 stetur.

Sciendum autem totam præser-  
 vationem tribus expediri. I. ut  
 G præ-

præcaveamus, ne tartarum & serofus humor in corpore cumuletur. I I. ut collectus è corpore exturbetur, antequam à natura incitatus ad inferiora ruat. I I I. ut articuli, vel potiùs horum iuvolucra, seu partes ambientes, firmentur, ne facilè allabentem suscipiant materiam.

## SUBSECT. Prima.

*Ne tartarum cumuletur.*

PRIMUM quod attinet, certum est, his qui nihil colligunt superflui, imbecillas partes semper manere in tuto, ut habet Galenus lib. VI. de tuend. sanitat. cap. XIII. ideò omnem movere debemus lapidem, quò corpus purum servetur. Purum autem servatur corpus, ubi tartari ac serosi humoris proventum, eiusque congestio-

nem

nem avertimus optimo vivendi regimine, & viscerum nutritui ancillantium restituto robore. Idcirco qui proclivis est ad podagram, in cibo & potu offensiones maximè à se declinet. Ex iis enim morbi nobis affluunt, è quibus vivimus: ἐκ τέτων νοσῶμεν, οἷς καὶ ζῶμεν, inquit Diogenianus apud Plutarch. VIII. *Symposiacorum*, quest. IX. Quapropter omnia esculenta durioris concoctionis, & mali succi, potissimùm quibus ad saporem gulæ sal capit tabescere, vel quæ muriâ aut falsilagine condita, & obdurata, quæ suillo sanguine, admistis sale & arvinâ, farta & postea infumata sunt, studiosè devitet. Carnes taurina, porcina, anatum, anserum, ad bonum succum generandum pessimæ sunt. Aliqui etiam gallinarum (cohortales pullos excipio) & caponum

carnem improbant, scribitque Crato *Consil.* cclxiv. Caponem peculiarem succum habere, quem natura ad articulos depellat. Inter pisculenta Cyprinos fugiat, podagris mirè noxios, refertque Iulius Alexandrin. *lib. xv. salubr. cap. ix.* se novisse quendam, cui esu Cyprinorum podagra erat perpetuò parata. Anguillæ, etiamsi Athenæo πάντων ἰχθύων ἐυχυλώτιροι dicantur, tamen glutinosâ suâ pinguedine & humiditate nocent, & insuper pravum succum generant. Ostreae, acipenseræ, squillæ (ob quas vivas devoratas iuvenem quendam extinctum tradit Forestus *lib. xlix, obs. xxvi. in schol. p. 136.*) aselli pisces, aleces crudæ conditaneæ, passeræ Græcis & Germanis πλατεί nuncupati, soleæ & rhombi, maximè exsiccati, repudientur. Placentam πηλίττω Atticis dictam,

&



& alia itria in sartagine tosta despiciat, nec cibis victitet in vasis æneis coctis, seu præparatis. Nam si quid intestinis, & omnibus membris naturalibus nocet, imò vitam lædit, coctura ciborum in æneis vasis hoc facit, adstipulante Cratone *Consil. cxvii.* E bellariis pomorum usum quoque interdiciunt Medici, ob nimiam eorum humiditatem, imò Gerhardus Bergensis *de præservat. & curation. morb. articular. p. 27.* & Paræus *lib. xvii. Chirurg. cap. xii.* citria & aurantia mala vitari iubent, quæ si noxia sunt, ob salem armoniacum acidum naturæ, noxia esse debent. Leguminum quoque esus crurum impotentes facit, teste Hipp. *ii. epidemior. sect. iv. p. 490.* Quantitatem ciborum quod attinet, in iis τὸ μέτρον nunquam excedat, sed potiùs à mensa assurgat, reliquiis desiderii

adhuc in animâ remanentibus, ut  
 habet Iben-Sina *lib. 1. fen. 111. do-*  
*ctrin. 11. cap. VII. p. 62.* Nec varia  
 edulia ingerat, verissimum nam-  
 que est, quod vulgò dicitur: τὸ ποικί-  
 λον τῇ διαίτης ποικίλα νοσήματα τίηλει.  
 Hinc Galenus VI. *aph. XXIIX. in*  
*Comm.* Hippocratis tempore pro-  
 pter vitæ moderantiam paucos po-  
 dagrâ laborasse tradit: suis verò  
 temporibus usque adeò auētis edu-  
 liis, ut nihil eis addi posse videre-  
 tur, infinitam podagrarum fuisse  
 multitudinem. Pisces itaque &  
 carnes in eâdem mensâ ne com-  
 misceat, neque comedat unquam,  
 nisi calidos & siccos senserit pe-  
 des. A cibo sumpto statim literis  
 inhiare flagitium sit, cum hâc ra-  
 tione insigniter coctio turbetur, &  
 cruditates mucilaginosæ accumu-  
 lentur. E poculentis odio Vati-  
 niano prosequatur vinum, hoc  
 enim

enim ob tartarum solutum, quod intimè vino adhærescit, & postmodum languente secretice facultate in corpore restagnat, tum ob admistū sulphur, quo vina œnopolæ φιλονεγδῶς infucant, nimiooperè incommodat. Hinc abstemii immunes vixere à podagrâ, refertque Celsus *lib. IV. cap. XXIII.* quosdam, cum toto anno à vino & venere sibi temperassent, securitatem totius vitæ consecutos: & Campanella *p. 384.* se vidisse Alexandrum quendam quinquagenarium à malo hoc liberatum ob abstinentiam vini. Ita Solenander *section. V. Consil. 1. p. 433.* se novisse scribit viduam quandam Hispanam, quæ ob vini usum planè intermissum, ampliùs podagrâ non fuit tentata. Nec id de nihilo, nam si quid est, quod tartaro gaudeat, profectò vinum est, quod è vite salem copio-

G 4

sius

sius attrahit, eumque arctissimo  
 nexu ita sibi iungit, ut ne distilla-  
 tione quidem penitus ab eodem  
 dissociari possit. Quod verò vites  
 tartaro abundant, arguunt cineres  
 earum clavellati, è quibus acutif-  
 simus elicitur Sal, & quidem co-  
 piosè, qui cum reliquis collatus sa-  
 libus iis longè superior est, acri-  
 moniæ respectu. Hoc tartarum  
 ex terrâ matre exsorbent, quæ in  
 quibusdam locis adeò acri & sub-  
 tili imprægnata est Sale, ut ex eâ-  
 dem certo tempore effossâ spiritum  
 elicere possis, omnium metallorum  
 solutivum. Nec vinum vel colo-  
 re fulvum, aut rubellum, vel Gal-  
 licum illud de Gascogne dictum,  
 tutò conceditur, quod facit Ar-  
 nold. de Villâ novâ in *regim. podagr.*  
*p. 210.* Sachetus in *retractat. de po-*  
*dagr. & arthrit. morb. cap. xii, p. 86.*  
 & Forestus *lib. xix. observ. i. p. 10.*  
 cum

cum & rubrum tartaro sit instructum, & improbetur à Campanellâ *lib. vi. medicinal. p. 382.* Imò nec potûs genus, quod ex uvis passis, molâ contritis, conficiunt Turcæ, & *Arab sorbet* nuncupant, podagro indulgeri posset, cum caput & pedes tentet, ut habet Busbequius *epist. i. p. 92.* Cerevisiam crassum sanguinem generantem (ut est Porussorum Regiomontana) vel ex argillosâ aut impurâ aquâ coctam, vel ex hordeo putrido, aut in iniquo solo enato, præparatam, cum obstructions gignat, ac tartarum congerat, fugiat. Imò dixerim illam quoque cerevisiam, noxiam, quæ in Curlandiâ non in ahenis, sed in ligneo vase coquitur, adhibitis filicibus ignitis, utpote, quæ ex lapidibus tartareum quid in se derivare, & ita labem contrahere potest. Anglicanam, *paddeloye* dictam

dictam (quæ statim ubi cocta est, urceis lapideis excipitur subere obturandis, & ita in hypogæo asservatur) itidem minus convenientem esse arbitror, cum nimium refrigeret, & *ἰμπερόξενος* pariat. Noxium quoque est, & nervis exitiosum, tempore æstivo cerevisiam, cantharis aut lagenis inclusam, aquæ puteanæ immergere, quæ per se frigida satis, vel glaciæ, aut sale nitri iniecto frigidior redditur. Qui mos in Hungariâ adeo frequens est, ut & rustici messis tempore vinum glaciæ frigorificâ temperent, vel solis æstu urgente glaciem ipsam in locis subterraneis (specus est in Zepusio, in quâ per hyemem aqua fluida, æstate vero ita congelata est, ut refrigerandis poculis inde quoque glacies petatur) copiosè asservatam & regelatam sitibundi ingurgitent.

Som-



Somno & vigiliis moderatè indulgeat, quippe ὕπνου, ἀγρυπνίας, ἀμφοτέρω τῷ μετεῖν μᾶλλον γινόμενα, καὶ δὲν, docente, Hipp. 11. aph. 111.

Et quidem somnus moderatus, & iusto tempore captus, visceribus cibus est, ut idem Hippocr. vi. epidemior. comm. v. text. ix. tradit, immoderatus verò iure pestis appellari potest, cum excrementis in corpore cumulatis, & superfluis cohibitis, calorem nativum obtundat, eumque torpidum reddat. Nec etiam statim à cibo sumpto, sed horis ad minimum duabus elapsis sese conferat cubitum, nisi sit ventriculo imbecilliore, vel assuetus mox adire lectum, ubi epulis exempta fames. Ita nec meridiatio licita est, nisi stomachi βεβρωμένη, & consuetudo aliud iusserint. Vigiliæ nimix bilem & serofos humores acuunt, spiritus ac-

humidum radicale absumunt, & ita homini sua fata accelerant. Pessimè itaque vitæ ac sanitati suæ consulit, qui integras ferè noctes studiis consumit, reddit namque seipsum ταχὺθάνατον, & inter αὐτόχθεις verè suum proficitur nomen. Veneris castra rarò adeat, & si omninò ab eius illecebris sibi temperare posset, vellem ut illud καίμων ἀπέχε (Spigelio testes κύαμοι vocantur, unde enatum putat istud Pythagoræ monitum, *lib. viii. de human. Corpor. Fabric. cap. xvi.*) accuratè fervaret æger, & nunquam Veneris ageret militem. Libidines namque, teste Senecâ, pedum, manuum, articulorumque omnium depravationes adferunt, non secus ac nervorum torporem, tremoremque ebrietares, ac epulæ variæ cruditates pariunt. Hinc eos, qui semper (cum

Plau-

Plauto loquar) enixè curant, ne sint intestabiles, & quod amant, amant testibus præsentibus, malo huic sæpiculè obnoxios esse novimus. Imò veneris usus nimius humores non tantum ad infirmos præcipitat pedes, sed & spiritibus corpus ita quandoque exhaurit, ut & repentinam intulerit mortem, quemadmodum de Cornelio Gallo, & T. Haterio legimus, quos inter usum veneris absumptos narrat Valerius Maximus, *lib. ix. cap. xii. p. 290.* In motu & quiete ita quoque se gerat, ne quid intertrimenti inde capiat corpus. Exercitium itaque pastum antecedit, & hebdomadatim corpus, optimè prius evacuatum, bis exerceat, ad sudorem usque. Nihil enim utilius in depellendâ podagrâ, quam sæpiculè fudere, absque virium deiectione, & mu-  
ratâ

tatâ interulâ frugaliter prandere.  
 Quod verò Capivaccius autumet  
*Consil. cccxxii.* caligas infra genu  
 non esse ligandas; eò quod *alvâsione*  
 illa faciat ad podagram inducen-  
 dam, id nihil est, & facilè malo  
 huic obviam itur, laxiore adhibitâ  
 ligaturâ, vel etiam laxas braccas  
 induendo, quæ in inferiore parte  
 sub genu (ut iam moris est apud va-  
 riantem indumentorum gentem)  
 irreligatæ prorsus habentur. Al-  
 vum singulis diebus conquinescens  
 deiiciat, & si evacuatio aliqua na-  
 turalis suppressa est, advigilet, ut  
 referatis viis illa revocetur, ac su-  
 perfluum educatur. Ad egeren-  
 das alvinas fæces illi, quibus se-  
 gnior est facultas excretrix, ex sale  
 fossili Transylvanico, aut Poloni-  
 co, apud tornatorem suppositotia  
 aliquot sibi tornari curent, quæ ano-  
 intrusa dictam facultatem irritant,  
 eidem-

intra

intra

intra

eidemque suppetias ferunt ad excludendum sulphur istud fœtidum, cottidiè deponendum. Post usum glandes eiusmodi ablui, & reponi poterunt. Animi παθήματα proscribat, quæ calidum nativum perfundare, & humores accumulare queunt. Iram imprimis detestetur, cuius iudoles πυρίπνοον corpus accendit, τὰ ὄνειρα commovet, & ad descensum invitat.

Viscera nutritatui destinata roborentur, & quidem ventriculus & hepar. Huic negotio inservire potest Tragæa Brunneri, cuius vires *Consil. LXXIII. p. 308.* prolixè enarrat, & de quâ à cibo ingesto tantum exhibet, quantum dimidio ovi putamine concluditur. Eius ἀντοχίδιον γερσὸν hæc est:

℞. Semin. Coriandr. præpar. ʒ vi.  
anis.

fenicul.

Cina.

*Cinamom. an. ʒ ii.**Cortic. aurantior. ʒ ss.**Nuc. Moschat. ʒ i ss.**Calam. aromat. ʒ j.**Corallor. rubr. prepar. ʒ ij.**Sacch. rosat. tabulat. ʒ j.**Cand. alb. ʒ i ss.**M. F. Tragæa.*

Pulvis quoque pepticus Cratonis,  
 Digestivus Quercetani, morsuli Im-  
 peratorii, elixir propriet. Par.  
 Extract. calam. aromatic. vel rotu-  
 læ ex eodem confectæ, aut simile  
 quid, in constitutione frigidâ lo-  
 cum habere possunt. Huc facit  
 etiam destillatum illud, quod à  
 quibusdam extollitur:

*R. flor. rorismarin. ʒ xij.**Cinamom.**Caryaphyllo. an. ʒ ij.**Cubebæ. ʒ i ss.**Zingiber. ʒ ss.**Spirit. vini rectificati q. s.*

per



per dies tres infusa destillentur in  
 M. B. destillati liquoris  $\mathfrak{z}$   $\beta$  vespere  
 & manè exhibeatur. Hoc de-  
 stillatum etiam in curatione ægro  
 propinari potest, corpore purgato,  
 & partibus exterioribus liquore  
 anodyno inunctis. Hepar ubi ca-  
 lidius est, conveniunt rad. cichor.  
 condit. vel illarum conserva, cui  
 aliquid specier. diatr. santalon, &  
 diarrhod. Abbat. admiscendum.  
 Spigelius *de arthritid.* p. 87. nihil  
 magis convenire arbitratur, quàm  
 pulverem foliorum cichor. sylve-  
 stris, Maio mense collectorum, &  
 in umbra exsiccatorum, cuius  $\mathfrak{z}$  j  
 vel  $\mathfrak{z}$  ij. cum iure pulli non saliti  
 manè quatuor horis ante prandiũ,  
 & vespere ante lecti ingressum, cæ-  
 nâ vel neglectâ, vel parcè admini-  
 stratâ, ingerat æger. Hoc pulvere,  
 duobus vel tribus vicibus conti-  
 nuis sumpto, incipientes fluxiones  
 cessasse,

cessasse, & paroxysmum breviori tempore durasse, vidit Spigelius. Spiritus Vitrioli hîc quoque locum habet, quem Paracelsus *tom. vi. p. 133.* etiam in curatione ipsâ, tam intra, quàm extra adhibendum, commendat. Possunt etiam ægri ad acidulas proficisci, quæ viscera interna roborant, & generationem tartari impediunt. Has inter Spadanæ extolluntur, in districtu Leodiensi, habenturque ibidem quatuor diversi fontes, Savenirius, Pouhontius, Geronster & Tonneletius. *Savenirius* à pago Spa orientem versus seiunctus est, rubricâ seu ferri matre, ochrâ, ære, sulphure, vitriolo, nitroque gaudens. *Pouhontius* in pago ipso situs, ac ferri, æris, plumbi, chalcanti, sulphuris, aluminis, nitri, cerussæ viribus imbutus. *Geronster* Savenirium in multis superans ac

Sic  
horæ

horæ spatio meridiem versus à paggo distans, chalybis viribus maxime instructus est. *Tonneletius* inter Savenirium & Pouhontium ad latus deflectens, vitrioli & sulphuris minus, plus salis nitri obtinere creditur. Ex fontibus hisce Geronstrum ac Savenirium eligat, eorumque aquas, sūdo non pluvio cœlo, & quidem æstate & autumnii initio, plenis cyathis assumat, usum illarum aliquandiu continuans. Ita visceribus suum robur sensim redibit, obstructions residuæ expedientur, ac humor serosus partim per alvum, partim per urinam & sudorem evacuabitur. Hoc tamen accuratè notandum, ne podagricus ad usum dictarum acidularum admittatur, antequam corpus fuerit purgatum, quippe metus est, ne saburratum, & humoribus affluens corpus, aquis ebibitis turbetur, &

mate-

materiae copia ad infirmos pedes  
 - ablegetur, quemadmodum evenit  
 Canonico cuidam Namurcensi, re-  
 ferente Henrico ab Heer Tungro,  
*in Spadacren. cap. ix.* qui purgatio-  
 nem negligens, statim ad aquas gut-  
 ture anhelò prorupit, & ita poda-  
 gram & chiragram, aquarum se-  
 quiori usu sibi accersivit.

## SUBSEC. II.

*Ut tartarum exturbetur.*

**C**ollectus in corpore humor,  
 antequam ad pedes ingreditur  
 iter, variis modis evocatur, nimi-  
 rum venæ sectione, emeticis, ca-  
 tharticis, hydropicis, & iis quæ per  
 ἀδύλον διαπνέω superflua educunt.

Vere itaque & autumnò, quibus  
 temporibus τὰ ποδαγρικά ut pluri-  
 mum moventur ex mente Hippoc.  
 VI. aphor. LV. si is, qui à podagræ

im-

impetu se tueri velit, πολυαιμία laboret, alvo prius clystere deiectâ, venam brachii sibi tundi, & sanguinis, quantum sit satis, evacuari curret. Nam etsi antiquitus, venâ incisâ, sanguinis emissio ignominiosa censeretur, ut militaris animadversio in milites improbos, teste Agellio *lib. x. noctium Atticar. cap. 11 x. p. 351.* nostro tamen & antecessorum seculo ignominiosa haut existit, sed potius inter decantata plurimorum morborum remedia semper fuit habita. Ita in nostro affectu usque & usque laudatur, si æger sit plethoricus, scribitque Celsus *sanguinem semel missum in artbritide annuam promittere sanitatem.* Nonnulli etiam περιλάξεως causâ singulis mensibus venas ad pedum pollices secant, idque aliquoties repetunt. Alii plantis pedum in interlunio quovis mense cucur-

cucurbitulas sine scarificatione affigunt, refertque Sennertus, se nosse virum nobilem, qui solo ferè harum usu podagram præcavet. Verùm enimverò an in quovis subiecto id experiri liceat, equidem in crepero res est, cum ex appositione harum cucurbitularum materia copiosius allici possit. Paracelsus *tom. x. lib. 1. archidox. Magic. p. 328.* plantas pedum, & reliquas partes dolore affici solitas, Lunâ crescente, quovis octiduo semel, scarificari, & postmodum locum scarificatum unguine sympathetico ad ignem accuratè inungi iubet. Unguentum tale est: Sumatur sanguis hominis podagrici, sive scarificatione sive venæ sectione prolectus, ac ægro inscio in B. M. ter destilletur, igne mitiori. Postea:

℞. *Diēli liquoris* ℥ vij.

*axung.*



*axung. human.*

*urfi,*

*Succ. sedi maior. an. ʒj.*

*Ol. rosacei.*

*Sapon. Venet.*

*Medull. bovin. an ʒß. M.*

In fartagine cupreâ coquantur ad consistentiam unguenti, materiâ continuò spatulâ agitâtâ. Unguentum hoc ex mente Paracelsi, podagram novem hebdomadarum spatio curans, quò annosius, eò melius esse creditur, viresque suas frigido expositum loco, integrum decennium fartas tectasque servare dicitur. Alias quoque venas ratione *αγγυλάξεις* tundendas esse censet Paracelsus, de quibus videatur ipse, tom. v. lib. de phlebotom. tractat. v. p. 125. Aëtius cap. xxiv. ad præservandum aliquem à podagra, varicum quoque, ex sententiâ Ruffi, proponit excisionem, cuius bene-

beneficio , sanguine intercepto, podagram haut ampliùs excitatum iri cenſet. Verùm cum varicum extractionem partes adiacentes nutrimento priventur , & contabeſcant , conſultius eſt , remedium hoc contemptui expoſuiſſe , quam tentari.

Qui ſunt *ἀνμεις* , craſſâ cervice ac pectore amplo , quotannis ſemel aut bis evomant , ſyrupo benedicto , vel croco metallorum cum tartaro parato , vel etiam vitriolo vomitivo, aut coagulo aſari aſſumpto, ita namque ſaburra humorum egregiè educitur , & motu contrario eidem conciliato, à partibus pedum infirmis avertitur. Mercatus *tom. i i i .lib. i v .cap. x i i x . p. 436.* ter quaterve in menſe ante tempus , quo natura adſueſcit dolores excitare , vomendum eſſe iubet, & quidem , ubi ventriculus,

&

& prima corporis regio, huic malo principium præstant. Verùm toties repetitæ vomitiones etsi utiles videantur, tamen ne ventriculus inde lædatur, & postmodum largior sit in cumulandis humoribus tartareis, præstat, ut parciores simus in excitandò vomitu.

Cui emetica sordent, purgantibus utatur, maximè circa Æquinoctia & Solstitia, in quem finem Mercatus *l. c.* terebinthinæ usum cum rhabarbaro commendat, potissimùm ubi stomachus & prima corporis regio impuritatibus oppletur. Crato, trium Impp. Medicus, *Consil. ccxxiii.* has præscribit pilulas:

*R. terebinthin. cypr. ʒß.*

*Coq. in aquâ malv. donec albescat, huic adde*

*Rhabarb. opt. ʒiij.*

*pulv. chamæpith.*

H

*succin.*

*succin. alb. an. 3 j.**succ. liquirit. 3 j. M.*

Fiant pilulæ mediocres, polline  
 cinamoni involvendæ. Ex his ca-  
 piantur N. xv. horis duabus ante  
 prandium: post deglutitas autem  
 pilulas serum bibat caprinum, in  
 quo decocta sit betonica, ac super-  
 ingerat sacchari rosacei tantum,  
 quantum cochleari capitur. Mihi  
 electuarium Caryocollinum ma-  
 gis arridet, scribitque Bayrus *lib. 1.*  
*pract. distinct. XIX. tractat. 1.* se po-  
 dagrâ sæpius affligi solitum, usu  
 electuarii viginti quinque & plu-  
 res annos, fuisse præservatum.  
 Descriptio eius hæc est:

*R. hermodactyl. albor. à cortice  
 superior. mundator.*

*Diagryd. an 3 ij.*

*Costi.*

*Cymini.*

*Caryophyllor.*

*Zingib.* an. ʒj. M. F. pulvis.

Dosis drachma una, vel paulò minus : Arcanum Corallinum, & pulverem arthriticum ex hermodactylis, ossibus humanis, & id genus paratum, dilaudent alii, quibus in constitutione humidiorē Mercurium sublimatum dulcem) quem Michaël Maierus *in civitat. corpor. human, cap. IV. p. 65.* iniuste detestatur, Aurelium suum pulverem interim commendans) pulverem catharticū Mercurii, panacæam Mercurii, & rosam mineralem ritè præparatam & dextrè exhibitam; in constitutione sicciore pilulas antimoniales, per secessum solum purgantes, addimus. Extractum quoque diacatholicum, dacrydion rosaceum, violaceum, mechoacannæ aut gialapæ extractum, pilulæ helleborin. seu antipodagricæ Quercetan. diatartarum

solutiv. Q. & alia usurpari pos-  
 sunt. Quæritur autem hic, *utrum*  
*Tartarus vitriolatus, & cremor tartari,*  
*per se exhibenda sint in principio, corpo-*  
*re vitiosis humoribus referto?* Respon-  
 deo cum Barthio in Beguin. lib. 11.  
 p. 692. Cremorem tartari, ac tar-  
 tarum vitriolatum propter exi-  
 miam aciditatem valdè diuretica  
 esse medicamenta, ideoque abdu-  
 cere secum humores crassos, sibi  
 in itinere obvios, ad renes & urete-  
 res, in quibus oppilationes excita-  
 ri possunt. Ubi verò tartari ac se-  
 rosi humoris huberior est proven-  
 tus, ac continuata generatio, ve-  
 lim, *αεθυλοΐξιος* causâ, non tantum  
 vere & autumnò, sed & singulis  
 mensibus, medicamento leniter  
 evacuante illa subduci. Catharsi  
 peractâ natura confirmetur magi-  
 sterio perlarum, à Riverio, Re-  
 gis Gallia Medico, parato, vel  
 etiam



etiam confectiōe alkermes, &c.

Sudorifera etiam plurimū conferunt ad præcautionem, humoribus serosis à centro ad circumferentiam propulsis, & per ipsos poros sensibilibiter evacuatis. Hinc Crato *Consil.* cccxl. expressè scribit. *Docti Medici omnes ab experimentis didicerunt, ea corpora, quæ multum urinae emittunt, & sudant frequenter, minùs à podagrâ tentari: in quibus verò illa duo excrementa, sudor, inquam, & urina detinentur, ii adhuc affectum maximè proclives sunt.* Rasuram itaque cornu cervini, in petiâ ligatam, potui immerfit Crato, ac deprehendit, eam & urinam provocare, & corpora ad sudorem disponere, si præsertim manè toralibus se muniant ægri, ac ita membra foveant. Hoc qui fecerint, eos à podagrâ ferè liberos fuisse narrat. Rasuram quo-

174 ION. LOS. POR.

que illam aliis permiscuit rebus :

*Rx. Cornu Cervi crud. ʒ j.*

*Cerv. ust.*

*rasur. ebor. an. ʒ ss.*

*oss. de cru. bovin. ʒ ij.*

*Corallor. rubror.*

*albor. an. ʒ j.*

*Cinamom. ʒ j ss.*

*Sacch. alb. ʒ ij. M. F. pulvis.*

Sumatur de hoc pulvere, tribus  
ante prandium horis, quantum  
cochlear potest capere, & quidem  
Vere, æstate, & autumnno. Aliàs ad  
sudorem movendum, decoctum  
ligni Guaiaci prædicat Crato, scri-  
bitque *Consil. ccxlvii.* hoc reme-  
dio non modò multos podagræ  
restitisse, sed in universum ab ea se-  
se liberasse. Propinari autem  
non debet iis, qui sunt hepate cali-  
diore, & habitu corporis sicciore,  
vehementer enim exsiccat, hepar  
ulteriùs accendit, ac humidum ra-  
dicale

dicale absumit, crebrò exhibitum.

Quæ partim sensibiliter, partim insensibiliter per poros cutis τὰ ἐγκαταλιμπανόμενα humoris serosi expellunt, varia sunt, & inter ea τὸ πρῶτον facile obtinent (1) *extractum solis transparentis*, ab Hartmanno & Hamero Poppio descriptum, quod à ʒ j. ad ʒ iiij. assumptum, sudorem movendo sanguinem à tartareâ fæce egregiè depurat. (2) *pilulæ antipodagricæ Hartmanni*, quarum descriptio exstat in *clavi & manuductione in libros Paracelsi Iohannis Rhenani*, quàm *dissertationi suæ Chymotechnicæ, sub titulo solis è puteo emergentis editæ*, subiunxit, p. 18. 19. Galenus *de theriac. ad Pison. cap. xv.* non modò in declinatione paroxysmi podagrici, sed & præservationis loco, theriacæ usum frequentem esse iubet. Non tamen in tantâ deglutiatur copiâ, in quantâ

eam commendat Campalonus,  
 qui *lib. de artbritid. cap. LVII. p. 71.*  
 theriacæ, mithridatii, & salis the-  
 riacalis dosin esse statuit à 3 v. ad  
 unciam integram. Horatius Auge-  
 nius *tom. II. epist. & consult. medi-  
 cinal. lib. XII. epistol. V. p. 295.* ~~κατα-  
 τόνει~~ quædam vehementer cele-  
 brat, dicitque esse medicamentum  
 tutos à podagrâ reddens, si eo nec  
 intemperantes, nec incontinentes  
 utantur :

*R. betonic.*

*myrrb. el.*

*aiugæ.*

*rad. gentian. an. 3 j.*

*pimpinell.*

*aloës.*

*Chamædr. an. 3 ij.*

*Croc. oriental. 3 j.*

in pollinem redacta excipiantur  
 melle rosato, vel ex massâ confi-  
 ciantur pilulæ ciceris magnitudi-  
 ne,

ne, cum s. q. aquæ salviæ. Ex his septem deglutiantur, toto Veris tempore singulo quatruiduo, reliquo mense bis aut ter eas sumpsisse sufficit. Spigelius *de arthritid.* p. 87. hoc medicamentum suam antidotum podagricam nominat:

*R. troch. de viper.*

*fol. centaur. minor.*

*Chamæpith.*

*betoni. in umbra sicc. an. ʒj.*

*Chamædr. ʒij.*

*rad. gentian.*

*aristol. rotund.*

*pæoniæ.*

*bardan. an. ʒj.*

*baccar. laur.*

*myrrhæ.*

*rhabarbar. el.*

*spic. nard. an. ʒß.*

*caryophill. ʒij.*

in pulverem redacta servantur in vi-

H 5

tro,

tro, vel cum melle despumato misceantur. Pulveris exhibet  $\mathfrak{z}$  j. opiatae verò  $\mathfrak{z}$  j. haustu aquae communis tepidae superingesto. Inter vetustiores Aëtius *tetrabib. IIII. sermon. IV. cap. XLVII.* antidotum, ex centaureis confectam, arthriticis adeò salutarem affirmat, ut multi, per annos quindecim podagrâ correpti, ipsius usu convalescerint:

*Rx. Comar. centaur. minor.*

*rad. centaur. maior.*

*trixagin.*

*gentian.*

*aristol. rotund. an. q. s.*

Contusa & per incerniculum traiecta misce. Alii alia podagrica tradidêre medicamenta, de quibus Autores consulantur. Genuenses Carolo v. Imperatori decoctum chamædryos (cuius extractum haut inferius esse censeo) insigniter com-



commendarunt: scribitque Sole-  
 nander, quosdam decocto hoc,  
 postquam dies sexaginta bibissent,  
 penitus fuisse liberatos, cum an-  
 tea non solum pedum, sed & ma-  
 nuum articulos isto morbo habe-  
 rent diu occupatos. Decoctio,  
 eiusque usus legantur *Consil. xxv.*  
*section. iv. p. 419. & Consil. i. sect. v.*  
*p. 437.* Mallem tamen, ut in pa-  
 rando apozemate, vini loco, vel  
 hydromel, vel cerevisia sumeretur,  
 ita namque tutior evaderet medi-  
 cina. Empiricus quidam, Rhume-  
 lius dictus, decoctum sequens  
 magnates quosdam, & alterius for-  
 tis homines, à podagra servasse  
 immunes scribit:

*℞. herb. gamandreae (Gamanderle.*  
 ipse habet, quam herbam  
 Teucrium spurium esse vo-  
 lunt nonnulli) *Mij.*

*Margar. prepar. 3 ij.*

180 ION. LOS. POR.

*rhobarb. opt. ℥ ij.*

*vini rub. ℔ iiij.*

Coquantur in olla benè oblutata. Operculum fermento affirmetur ollæ) horam ferè integram, post refrigerata & per linteum traiecta in loco frigido asserventur usui. De hoc apozemate verno tempore, mense Maio, tribus ante prandium horis, & quidem singulis diebus, optimum haustum sumat podager; Autumno, toto mense Septembri, iterum tantundem capiat, post meridiem aliquot guttas auri potabilis superingerendo. Ingratus decocti sapor, vel sacchari candi, vel syrupi violar. additamento corrigitur. Mallem tamen colaturæ dum perlas præparatas addere, quàm cum speciebus easdem decoquere. *Potabile aurum*, cuius usum suadet Rhumelius, subscripto conficitur modo: *℞. Mercurii vivi*  
benè

benè depurat. p. vj. limat. auri per antimonium fusi p. j. F. amalgama, ponaturq; in vas sublimatoriũ, sublimationem aliquoties instituendo, donec aurum, à Mercurio exustum quasi, in alcool abeat. Pulveri huic impalpabili in phiolâ affundatur acetum destillatum, ad trium digitorum eminentiam, phiola Hermeticè sigillata igni decenti admoveatur, quo factò, vegetabilis ille struthio rubicundissimo tingetur colore. Menstruo colorato depleto, ac reservato, aliud acetum affunde, simili colore tingendum, idque toties repete, quoties fuerit necessum. Coniuncta iam menstrua in B. destillentur, remanente in vasis fundo auri essentiã. Hæc essentia edulcorata igne urgenda est, ut per retortam exspuat laticem quendam potabilem, qui humidum radicale ipsius auri exhibere

bere putatur. Huius liquoris partibus decem, adice auri optimè calcinati, seu in volatilem calcem redacti, partem unam, & in phiolâ benè obturatâ mixturam illam leni igne digere, post per chartam emporeticam traiectam asserva, habiturus aurum potabile, in expurgando & instaurando corpore humano, à quibusdam decantatum. Marrubium aquaticum etiam conferre aiunt, refertque Solenander p. 440. in Italiâ se in quodam vetustissimo manuscripto legisse, quod succus marrubii, mense Martio, Luna decrescente collecti, & vino albo irrorati, expressus, ac triduo bibitus, hominem integrum annum immunem reddat à podagra. Chamæpithys quoque, aristolochia utraque, radic. aronis, gentianæ, artemisiæ, astacorum, lapides, ossa pedum humana calcinata,

cinata, & id genus ab Autoribus extolluntur. Superstitiosum extat remedium apud Trallian. *lib. XI. p. 199.* de hyoscyamo seu alterco, quod ibidem videatur.

## SUBSEC. III.

*Vt articuli roborentur.*

Pedes infirmi tempore, quo vin-  
demiant, immergantur vina-  
ceis, à torculari adhuc calentibus,  
vel musto calido calefactis, &  
quidem manè per quindecim dies,  
quo fotu oppidò pedes roboran-  
tur, iisque calor quasi postliminiò  
redit. Hoc remedium Crato cui-  
dam communicavit, & insigni *ἀν-  
τιδωρῶν* ab eodem donatus est, eò  
quod ab istius usu planè convalue-  
rit. Emplastrum diachalciteos  
seu diapalmæ apprimè etiam com-  
mendatur, quod non solùm poda-  
gris,

gris, ubi dolores intensi non sunt, quovis tempore conducit, verum etiam extra paroxysmum adversus rheumatismum vitia optimum medicamentum est, ac spe maiora frequenter præstat, ut habet Galenus *lib. 1. de compositis. medicament. s. genera cap. 15.* Solenander itidem dicto emplastro mirè favet, scribitque se novisse quosdam, qui frequenter podagræ paroxysmis tentati, postmodum usu continuo emplastri, & purgationibus per intervalla assumptis, quinquennium integrum ab istis doloribus fuere liberati. Vide *Consil. XIX. section. 1. pag. 78. Consil. XXIV. section. 14. p. 406. Consil. XXV. section. 14. p. 414. 424. 427. Consil. 1. section. 5. p. 440.* Usus emplastri hic est: Sutor, adhibito ægri calopodio, consuat ex vulpina aluta, eaque tenui, calceos hos emplastro obductos,



ductos, ac pedibus aptatos, continuò gestet podager, vel cubitum se conferens exuat, rursusque manè induat. Thermæ Wisbadenses, olim Marciatæ dictæ, ad pedum articulos roborandos etiam utiles esse censentur, constantque non solum sulphure, alumine, & modico salis petrae, ut vult Solenander pag. 415. sed etiam vitriolo ac tartaro. Vitriolum namque subviride parietibus balnei manifestè adhærere conspicitur, ipsis vero canalibus, per quos tranat aqua, tartarum quoddam rubrum accrescit, equisonibus nimiooperè expetitur. Circa thermas hæc παραρρηκτικὴ quæritur, quâ fiat, quod ovis in aquam (naturaliter ita fervidam, ut gallinae immersæ deplumari possint) coniectis, vitellus prius induretur, tardiùs verò albumen, ut aliquoties Wisbadæ experimento deprehendi?

Pedi-

Pediluvium quoque ex acidulis Schwalbacensibus haustis ex fontibus, quos *Prodelbrunnen* appellant, multum conferre arbitror, cum & illæ mineralia secum vehant, quibus articuli imbelles animari, ac reliquæ materiæ morbi- ficæ discuti possunt. Tanta autem vi penetrante ac discutiente, pollent aquæ illæ calefactæ, ut mihi grave fuerit, quadrantem horæ in iisdem commorari, quemadmodum novit Robertus Stuard, militum Tribunus, quocum acidulas illas olim visitarem. Paracelsus *tom. VII. de balneis naturalibus tract. V. p. 181.* thermas Piperinas extollit, & ex iisdem balneum conficit, sequentibus temperatum:

℞. *Vitrioli* ℥ j.

*Salis gemm.* ℥ β.

*dictar. thermar.* q. s. M.

Bal-

Balneo hoc integrum novendum  
utatur æger, quo elapso, subscri-  
ptis balnei virtus exaltetur:

*Rx. Fol. bellebor. nigr.*

*senæ an. ℥ j.*

*fabar.*

*lentium an. ℥ iiij.*

in superiori balneo decoquantur,  
decocto verò aliquoties infideat  
podager, singulis septimanis con-  
venienti cathartico assumpto. Eo-  
dem balneo etiam tempore cura-  
tionis uti poterit æger, dolore  
cessante, pedibus verò ex infarctu  
materiæ tumescentibus. Nec tan-  
tum Piperinæ id præstant, sed &  
aliæ sunt, quæ eandem conferre  
possunt opem, quas inter celebra-  
tur Thermæ Carolinæ in Boiohe-  
mia, à Carolo IV. nomen sortitæ,  
aluminatæ ac sulphureæ naturæ: Ba-  
denses in Austria, milliaria qua-  
tuor Viennâ distantes, multum  
sulphu-

sulphuris, minus nitri, ac aluminis modicum habentes. Embseenses ad Lanum fluvium, chalcanto, sulphure, alumine, ac pauculo nitro constantes: Badenses ad oppidum Baden, inter Rhenum & Hercyniam sylvam, sale copioso, alumine, ac sulphure modico instructæ: Aquisgranenses in tribus locis existentes, quas inter balneum primum, D. Cornelii appellationem habens, bituminosum est: alterum Imperatoris balneum dictum, sulphuratæ naturæ arguitur: ac tertium in pago Borget, dimidium milliare Aquisgrano distans, sale atque alumine abundat: Landenses in comitatu Glacensi, inter Boiohæmiam & Silesiam, cupræ participes mineræ: *Hirschfeldenses* in Silesiâ, elegantissimas itidem variorum mineralium virtutes secum vehentes, quarum opere

cer-

cervus claudicans olim restitutus, iis nomen indidisse creditur. In Hungariâ, haut procul Varadino, thermæ D. Ladislai, ut & in Transylvaniâ, milliarium ferè trium itinere ab Albâ Iuliâ, aliæ habentur thermæ, quarum usum maximè in declinatione morbi, podagrosis esse convenientem, mihi narrarunt ibidem incolæ. Possunt etiam luta naturalia ex eiusmodi balneis pedibus applicari, præsertim quæ præter exsiccandi vim, leniter emolliunt ac discutiunt, quale ob bituminosam suam virtutem creditur esse lutum balnei D. Bartholomæi in agro Patavino, quod hoc nomine podagricis à quibusdam commendatur. Foveæ quoque Aponenses agri Patavini impensè exsiccant, in quas nonnulli partes affectas immittunt, vaporesque ascendentes excipiunt. Nobis verò,

rò, acidulis & thermis (quas Hana primitus, notante Hieronymo, invenisse dicitur, *Genes. xxxvi. 24.*) destitutis, consimiles pedum lotiones parare integrum est, ex sulphure, vitriolo, alumine & sale petrae, quibus plantae convenientes, & ramenta ligni iuniperini addi possunt. De alumine dubitant aliqui, utrum illud admiscendum sit aliis medicamentis, ad discutiendam humoris podagrici mineram, pedesque roborandos. Guilielmus Fabricius *obs. Chir. Cent. v. obs. LXXXIII. p. 265.* illud improbat, censetq; dolorem arthriticum aluminis usu exacerbari, cum materia morbifica, ad insensibilem transpirationem praeparata, ab eodem ad loca nervosa iterum propellatur, partibus exterioribus costrictis nonnihil. Quod autem alumen podagricis adversissimum sit, proprio suo exemplo probare desu-



desudat. Scribit namque se tam in seipso, quàm in aliis semper cum successu usum esse facculo, betonica, iva, arthetica, primula veris, absinthio, rosis, & granis iuniperinis oppleto, in aquâ cocto, ac sæpiùs imposito: quibus herbis ubi semel addidisset alumen, mox secutum esse dolorem, primò gravativum, postea acutum, eumque ita auctum fuisse, ut facculo abiecto, anodyna iterum applicare habuerit necessum. Verùm enimverò alumen tempore adhibitum, arthriticis neutiquam adversissimum esse reor, nam etiamsi Fabricio, ab admoto facculo, cui nonnihil aluminis admiscebatur, dolores evigilarint, non tamen arbitror, id alumini acceptum esse referendum, sed potius herbis ipsis calidis, quæ toties adhibitæ humores tandem, in corpore adhuc residuos,

duos, ad imbecilles pedum articulos attraxerint, id quod ex dolore gravativo (qui novum materiae affluxum indicare videtur) in principio oborto, coniecturare licet. Corpore itaque perfectè depurato, in declinatione morbi, ut & ratione præcautionis, haud mali quidpiam metuendum est ab usu aluminis crudi, cum laxiores pedum articulos adstringendo & exsiccando confortet, & insimul, quod reliquum est noxii, discutiat. Quod autem Fabricius existimet, alumen per accidens saltem, poros constringendo, & calorem concentrando, calefacere, in eo virum tantum graviter hallucinatum esse mihi persuadeo. Quippe alumen, maximè ustum, ulceribus inspersum, non tantum humiditatem eorum absorbet & exsiccat, sed & putridam carnem erodente

sua

suâ virtute consumit, & aufert. Imò in ipso alumine igneus latitat spiritus, qui stillatione in ventriosum recipiens propulsus, cum acido vitrioli latice meritò certare possit. Hinc novi quendam, qui in defectu spiritus vitrioli, aluminis spiritu utebatur, eundemque loco vitrioli spiritûs imperitæ vendebat plebi. Præterea alumen, artis cultro dissectum, medicinam arthriticam tam insignem exhibet, ut iure dixeris, in ischiade eâdem haut generosius dari medicamentum, quod & dolorem mulcere, & materiam morbificam discutere æquè possit. De hoc Arcano aluminis dulcis, legatur Wurzius *tract. III. Chirurgiæ, cap. XXIII. p. 594.* & Hartmann. *in practic. Chymiatr. p. 235.* ubi aluminis ante ambulonem præparationem, quam alter reticuit, ingenuè communi-

I

cat.

cat. Andernacus in dialogo secundo de balneis, seu aquis medicatis, hoc πο-  
 δόνιον multis insigniter profuisse  
 tradit. Lixivio ex cineribus fa-  
 gi parato, ac diligenter colato,  
 admisce tantundem vini, & alumi-  
 nis ℥ij, calefiant in fictili vitreato  
 citra ebullitionem. Post manè &  
 vesperi ante cibum, pedes tam altè  
 immerge, ut aqua saltim supra ta-  
 los exstet. Solenander dilaudat  
 muriam fungi istius rubentis, quem  
 radicibus quercus adnasci, ac *υπο-  
 σπυον* appellari novimus. Conficit  
 autem muriam, fungum, in schi-  
 diâ dissectum, cum sale vulgari  
 stratificando, ac in hypogæo li-  
 quorem colligendo, quem partibus  
 roborandis postea affricat. Lega-  
 tur *Consil. xxiv. section. iv. p. 400.*  
*& Consil. xxv. p. 415. 424. 427.*  
 Muriae loco etiam hoc linimento  
 fuit usus:

℞. *Ol. omphacin.* ʒ ij.

*masticin.* ʒ j.

*salis torrefact.* ʒ ij.

*bol. Armen.* ʒ iij.

*sang. dracon.*

*hypocistid.*

*thur.*

*Mastic.* an. ʒ ij. β.

exactè levigata misceantur. *Consil.*  
 xxiv. *section.* iv. p. 406. Paracel-  
 sus tom. vii. lib. i. de rebus natura-  
 lib. cap. iv. p. 87. itidem podagri-  
 cis commendat muriam (*die Sultz*,  
 quæ tantâ salis copiâ instructa esse  
 debet, ut ovum injectum superna-  
 tet) ad robur pedibus concilian-  
 dum, eorumque *ὕπερσίου ὀδονματῶν*  
 absumendam; suadetque præterea  
 obesis, & insigniter humidis, cor-  
 poris extenuandi causâ, ut balneo,  
 ex muriâ confecto, toti insideant,  
 & ita sæpiculè balneare assuescant.  
 Verùm enimverò, quamvis balnei

huius usu habitus corporis firmitur (ob quam causam veteribus ex utero materno recens exclusos infantulos confestim aquâ falsâ abluere mos erat) humiditas peccans exsiccetur, αἱ ἐπ' ἀκρον δεξιᾶς corrigantur, atque ita tumida & periculosa corporis moles pedetentim defideat, non tamen in usum trahenda est eiusmodi balneatio, antequam corpus optimè sit depuratum, & ab humoribus vitiosis liberum. Deinde muria illa sale ita temperetur, ne corpus incingente suâ tunicâ exuat, idque deglubat, veluti lixiviū ex cineribus, *pottasch* dictis, factitare consuevit. Sic novi civem quendam, morphæâ seu pustulosâ laborantem facie, qui comptoriæ studens arti, ac consilio imperitè medicantis vetulæ usus, lixivium forte naso genisque emaculandis adposuit, sibi que integram fa-



faciem excoriavit, & eam multis modis fædiorem reddidit. Veteres probarunt frictiones, sale ac olivo invicem commixtis, institutas. Omnibus enim secundum Aëtium *sermon. IV. lib. III. cap. XXI.* qui hoc modo fricantur, insitus calor augetur, quod præter naturam est, discutitur, excrementa consumuntur, & affecta membra roborantur, ut dolori amplius non sint obnoxia. Quod verò oleum istud salitum egregiâ discutiendi virtute polleat, etiam ex Græcorum consuetudine colligere fas est, qui vino madentes, & planè deliros, oleo caput perungebant, sale admixto, ceu singulare id foret adversus crapulam remedium. Tempore autem eiusmodi frictiones adhibendæ sunt, dolore scilicet intermittente, in declinatione morbi, aliàs enim usurpatæ, vi suâ ex-

siccatoriâ , & emplasticâ , cutem  
 exsiccant , eiusque poros quodam-  
 modò occludunt , ut evaporanti  
 materiæ exitus penissimè omnis  
 præcludatur , & dolori urgenti cal-  
 car aliquod addatur . Ubi itaque  
 cruciamenta evanida sunt , & nihil  
 reliquum , nisi ut imbecilla par-  
 tium laxitas confirmetur , utile  
 erit , ex mente Aëtii , quolibet die,  
 manè & vesperi , idque durante vi-  
 tâ , robore exutas partes oleo salito  
 perfricare . Frictiones autem in-  
 unctionibus præmittantur , quò  
 virtus olei saliti intrò deferatur ,  
 aliàs nulli aut planè exiguo erit  
 adiumento utentibus , cum oleum  
 visciditate suâ obstruat , sal ve-  
 rò siccando adstringat . Para-  
 tur autem oleum salitum in  
 hunc modum : *℞. Salis benè to-*  
*sti cochl. ij. contusis in morta-*  
*rio affund. ol. commun. ℥ v. mi-*  
 scean-

sceantur & ferventur ad illinitio-  
nem.

## A R T I C. II.

### *Curatio.*

#### SUBJECT. Prima.

#### *Indicationes, & evacuantia.*

**P**ræservatione absolutâ, restat  
Curatio, quæ iam tradenda.  
Podagra itaque cum ex defluxu ut-  
plurimum sua natalitia habeat, al-  
laborandum quò materia, quæ est  
in fluxu & tendentiâ ad partem  
affectam, revellatur, evacuetur,  
& dolori, ut urgenti symptomati,  
quod rationem causæ induit, ob-  
viam eatur. Febris, si qua adest,  
refrigerantia, tumor discutientia,  
pars affecta confortantia indicat.  
Tophi autem resolventia, & eva-  
cuantia expostulant, partis verò so-  
luta

luta unitas, quæ rursus ad *σύνθεσιν* ducenda, glutinantia & consolidantia requirit.

Principiò igitur, dolore ingruente, si sanguis in corpore unà cum sero effervescat, & influxum largiorem minetur, præmisso, si lubet, ad distercorandam alvi latrinam, clystere, vel suppositorio, vena brachii incidatur, ut sanguis revellatur, aliquota eius pars evacuetur, atque ita humorum ebullitio, & effervescentia compescatur. Et maximè venæ sectione opus est, ubi malum hoc cum insultu febrili hominem invadit, & quidem plethoricum, tum namque sanguine misso synocha febris, quâ stipari solet podagra, plerumque in primâ suffocatur herbâ, vel etiam mitior redditur, materia verò, ad pedum articulos iter meditans, imminuitur, & à parte affectâ avertitur.

Ubi

Ubi verò nec calor febrilis, nec humorum ebullitio, nec plethora ad-  
est, rectiùs venæ sectione omisâ  
cathartica in usum trahimus. Et  
quanquam Mercatus *tom. III.  
lib. IV. cap. ultim. p. 441.* in vitio-  
forum humorum redundantia, ma-  
lo adhuc in principio & augmento  
existente, purgandum esse penitùs  
neget, scribatque, se fidissimo ex-  
perimento observasse, tutissimum  
& maximè rationi consonum esse,  
tardiùs uti purgante pharmaco, ta-  
men hæc sententia admitti non po-  
test. Nam quod dicit, multos eo-  
rum, qui medicamentum sumpse-  
runt, gravioribus doloribus impe-  
titos, & affectionem, quæ quadra-  
gesimo die finienda erat, longè diu-  
tiùs fuisse protractam, id non sim-  
pliciter purgantibus attribuendum,  
sed potiùs sinistrae eorum admini-  
strationi, quod scilicet in iustâ dosi

non fuerint exhibita. Platerus *tom.*  
*II. prax. lib. III. cap. XVI. col. 595.*  
 mitiora quidem indulget, à valen-  
 tioribus tamen in dolorum acces-  
 sionibus abstinendum, & demum  
 in morbi declinatione ad validiora  
 progrediendum esse statuit. Ve-  
 rum enimverò causam non video,  
 cur in principio paroxysmi, vel  
 etiam imminente eo, paulò forti-  
 ora (μοχλινὰ ἢ δεσινὰ illa detestor,  
 quæ naturæ vires dissolvunt, & ad  
 incitas redigunt) non sint exhiben-  
 da. Nam quod prætendunt, adhi-  
 bitis fortioribus humores concita-  
 ri, & ita ansam dari, ut αἰθρώς de-  
 orsum ferantur ad partem affe-  
 ctam, id nihil est, & veriùs de mi-  
 tioribus asseritur, utpote quæ plus  
 commovent, quàm vacuant. Præ-  
 terea ubi eiusmodi propinantur  
 medicamenta, plerumque podager  
 κλινήσας, & in lectulo decumbens,  
 pedes



pedes altiori exponit loco, vel etiam Medicus fascias seu *tavlas* defensivas supra genua applicat, & ita præcavet, ne materia deorsum ruat, & dolorem intendat. Fasciæ autem, seu lintea triplicata, decocto alicui immerguntur, & circumcirca calidè applicantur.

R. aceti optim. lb ij.

acacie.

nuc. cupress.

granor. myrt. an. q. s. contusa

ebulliant: Colaturæ adde.

aluminis

vitriol.

salis an. Mj. iterum coquantur.

His accedit, quod plurimi à paulo fortioribus exhibitis ocius convalescerint, traditque Petrus Bayrus, se à quatuor hominibus ad lasanum deportatum, ubi alvum, *Electuario Caryocostino* assumpto, quater exo-

nerasset, à doloribus fuisse libera-  
tum, & postea sine adminiculo  
ambulare potuisse. Conveniunt  
autem hîc inter simplicia, potissi-  
mum *Hermodactyli*, quibus *Iben-  
Sina lib. 111. Fen. xx11. tractat. 11.  
cap. 11x. p. 403.* plurimum iuva-  
menti inesse scribit, non solum  
quod humores evocent, verum  
etiam quod evacuando stypticita-  
tem post se relinquant, & confor-  
tent. Quia verò Stomacho noci-  
vos esse ait *Hermodactylos*, iubet  
ut cinamomum, cuminum, vel con-  
simile quid adiiciatur. Eligendi  
autem sunt bulbi veri, albidi, non  
rugosi, & qui candidum exhibent  
pulverem, in mortario pistilli cir-  
cumactu comminuti, cavendo col-  
chicum strangulatorium, cuius bul-  
bi rugosi sunt, foris intusque ni-  
gricant, vel obscure rubescunt, ut  
habet *Platerus l. c. col. 599.* Pro-  
venit

venit autem Hermodactylus verus copiosè in locis montanis propè Bononiam, eiusque tres enarrat species Dominicus Leonus Lunensis de Zuccano, *in method. curand. tumor. cap. XLVI. p. 251.* quarum prima *κρόνυλλο* folium habet maculis purpureis, quandoque albidis: altera *δίφουλλο*, flores interdum purpureos, interdum rubescentes producens, ac folia, subnigris maculis commaculata gerens: tertia *τείφουλλο*, quæ flore rubescente nascitur. Harum specierum radices, corrigentibus suis additæ, tutò exhibentur, etiam si Budæus (quem podagra, teste Cardano *in encon. podagr. p. 668.* ita concussit, ut nihil integrum ei reliquerit) venenati quid etiam Hermodactylo vero affricare studeat, *in curation. articulor. morbor. p. 18.* Radix quoque mechoac. alb. gialapa, turbith gum-

gummosi. & elect. agaricus trochiscatus, folia senæ, rhabarbar. aloë rosata, & id genus, pro diversitate humoris sero admixti, locum habere possunt. Paracelsus *tom. VII. de hellebor. nigr. p. 42. 43. 45.* radices hellebori nigri dilaudat, ceu medicamentum, diram illam morborum quadrigam, epilepsiam, podagram, apoplexiam, & hydropem, extirpans, iubetque, ut tribus diebus continuis, ante paroxysmum ingruentem, in usum trahatur radix, & quidem in lacte cocta, si iunioribus sit exhibenda, in vino verò, senioribus propinanda. Vult autem, ut radicum drachmæ duæ decoquantur, tribus vicibus ex apozemate illo haustu assumpto. Nos extracto potius delectamur, dextrè & parato & exhibito, *τεμνοντες* *αέροιμα* non ita strictè urgentes cum Paracelso. Hepar ubi calidius

lidius est, Syrupus rosar. solutiv. de cichor. cum rhabarbaro, tryphera Persica, electuar. rosatum Mes. & alia præscribantur. Solenander *Consil. xx. section. i. p. 84.* & alibi, vehementer Syrupum de spinâ cervinâ commendat, qui unâ cum ferroso humore, ex parte etiam biliosum educit, minus verò pituitosum & crassum. Dicitur frequens olim fuisse in Principum aulis, Domesticus syrupus appellatus, eoque usi sunt multi, tum in podagrâ, tum in aliis averruncandis morbis. Exhibitus quoque fuit, prævisionis ratione, vel singulis hebdomadis semel, vel certè singulis quatuordecim diebus. Composita illa medicamenta purgantia, quorum in *αεγουλακῆ* superiùs facta est mentio, in usum quoque trahenda, nisi quod in mineralibus exhibendis aliquantò cautiores esse debeamus,

&

& illa nunquam senibus (αἰνῶσι  
 namque τὸ ἀρχὴ inducunt quando-  
 que) vel languentibus ægris, aut  
 exsuccis propinemus, præsertim ex  
 Mercurio confecta. Nec possum  
 hîc probare Paracelsi audax Con-  
 silium, qui *tom. VI. lib. II. in fra-*  
*gmentis de vitâ longâ, cap. I. p. 106.*  
 suadet, ut æger *Arcano Corallino* se-  
 xies vel septies purgetur, cum im-  
 possibile sit Medico, stirpitùs era-  
 dicare malum podagricum, absque  
 usu nominati medicaminis. Ve-  
 rùm toties repetitâ evacuatione,  
 & quidem Mercuriali cathartico,  
 tantum abest, ut æger restituatur,  
 ut non potius cum humore pec-  
 cante anima ipsa egeratur. De-  
 inde neque *præcipitatus aureus*, quem  
 Iohan Poppius *lib. III. Thesaur.*  
*Chymic. p. 653.* proponit, toties ex-  
 hiberi potest, cum & iste omnem  
 suam deiciendi vim à Mercurio  
 mutue-

fuit

fuit

fuit

fuit

fuit



mutuetur adiecto. Præter illa superius adducta porrigere quoque possumus, species diaturb. cum rhabarbar. pulverem passavant, pilulas de hermodactyl. de agaric. arthritic. de sarcocoll. &c. Principis cuiusdam Archiater in maximâ dolorificâ arthritide has pilulas præscribere solitus erat:

*R. Mass. pilul. de hier. c. agaric.*

*cochiar. an. ʒ j.*

*diagryd.*

*troch. alband. an. ʒ ʒ.*

*rhabarbar. el.*

*pulv. rad. bellebor. nigr. an. gr. vj.*

*ol. sulphur. gut. v.*

*M. F. pilul. N. xij.*

quarum tres ieiuno stomacho, vel robusto ægro quinque exhibeantur. Rhumelius pilulas habet antipodagricas, quas lepidio partim, partim inepto, & quidem *Ναυον-  
χῶς*, insignat titulo. Nominat eas,

*Veni*

*Veni amice, surge & ambula.* Arbitratus pilulas suas eius esse ἐπε-  
 γείας, ut deglutitæ confestim ægrum  
 surgere & ambulare nescientem,  
 ὁξυκίνητον ἢ ἐυπερίπατον pronuncient,  
 eumque ad quemlibet motum  
 voluntarium obeundum maximè  
 idoneum reddant. Describit eas  
 ita :

*Rx. mass. pilul. aloëphang. 3 ij.*

*laudan. opiat. 3 β. M.*

Fiant pilulæ mediocres, in quatuor  
 partes æquales divisæ. Ex his pi-  
 lulis, in vino rubello, quartam ex-  
 hiberi partem Rhumelius iubet,  
 tribus ante pastum horis, promit-  
 titque, omnes in universum venu-  
 las totius corporis medicinâ illâ  
 occupari, massamque sanguineam  
 ita depurari, ut æger brevissimè li-  
 beretur. Ast si Rhumelius lauda-  
 no opiato communi, sive aceto,  
 aut limonum acido latice, sive  
 spiri-

spiritu vini extracto , in parandis  
 suis pilulis fuerit usus , crediderim  
 ægrum dosi unâ pilularum ingestâ,  
 brevissimè à malo liberatum fuisse,  
 hoc est, mortalitatem explevisse,  
 atque ita iure pilulis illis attribu-  
 tum titulum, *Veni amice , surge &  
 ambula* . Etenim ex præscripto  
 Rhumelii, dosin unam pilularum  
 ingrediuntur ferè octo laudani o-  
 piati grana, cum aliàs duo, tria, aut  
 ad summum quatuor suffecerint,  
 & hæc sæpenumerò minus dextrè,  
 & tempore exhibita , æternum  
 languidis induxerint somnum .  
 Caveant ergò imperiti , ne titulo  
 pilularum splendido , & præconiis  
 Rhumelianis circumventi , cata-  
 potia illa in usum trahant , cum  
 ægri internecino malo . Quod si  
 verò aliud laudanum opiatum ad-  
 hibuerit in confectiōe pilularum,  
 cuius scilicet septem vel octo unâ  
 vice

vice exhiberi poterunt grana , turpiter & fraudulenter eius *Mayeg-plu'*, & parandi modum , subticet Rhumelius, cum paulò ante promississet, se purè & sine ullâ obscuritate, ex vero in proximum amore , duo medicamenta (inter quæ & hæ pilulæ) communicaturum , quibus & Magnatibus multis, multisque plebeis , podagrâ afflictis, obviam fuit itum . Paracelsus *tom. IV. tract. II. de morbis ex tartaro, cap. 11. p. 16.* curam podagræ in apertam & integram dividens, pulverem subscriptum vehementer commendat in Curatione (ut loquitur) integrâ , eò quod humores tartareos evacuet, resolvat , & specificâ virtute excludat:

*R. Off. hominis.*

*scammon.*

*hermodactyl.*

*turbith.*

*senz.*

*sene.*

*sacch. Tabarzet*, an. q. s.

in pulverem redactorum manè & vesperi drachmam dimidiam ingeri, extrinsecus verò partibus, dolore multatis, *oleum ex mumiâ patibuli destillatum*, cottidie bis affricari iubet. Vocat autem *curam integram*, quæ sine externâ læsione, & aperturâ ipsius corporis instituitur, & medicamentis tam externis quàm internis, tartareum salem solventibus, peragitur. *Aperta* ipsi est, ubi caustico medicamine pars tartaro obfessa adurit, & ita remotâ escharâ tartareus humor evacuatur. Quâ de curâ paulò post acturi sumus propediem.

Priusquam autem Cathartica propinantur, vias intercipere expedit, per quas humor illabi solet, ne scilicet humores cacochymi, medicamento purgante concitati, ad

ad pedum iuncturas ruant, ibique  
dolorem exasperent. In quem  
finem utile est (quemadmodum  
etiam paulò ante innuimus) fasciis  
oblongis palmam latis, ac poscâ  
chalybeatâ madidis genua incinge-  
re, seu involvere, ut hâc ratione  
viis nonnihil interceptis humori  
deorsum tendenti sufflumen pona-  
tur. Incoquantur autem poscæ  
adstringentia quædam, ut eò rectius  
istud humorum iter disturbetur,  
v. g. radices bistortæ, tormentill.  
balaustior. flor. rosarum rubrar.  
gall. cortic. granator. quibus & a-  
cacia, & aluminis pauxillum addi  
poterit. Appositæ fasciæ tam diu  
retinendæ sunt, usque dum peracta  
fuerit purgatio.

Ventriculus ubi humorum illu-  
vie scatet, & æger facilis est in e-  
vomendis noxiis, conducibile ar-  
bitror, ut emetica ingerantur, ita

audid b.

nam-

pinirg pinirg  
biuid biuid



namque præcavetur, ne humores in stomacho hospitantes ad pedum articulos excurrant, reliqui verò, qui in tendentiâ sunt ad partem affectam, revellantur, & eorum magna pars evocetur. Mercatus *l. c. p. 442.* nullo alio auxilio commodiùs, & fluentium reliquias revelli, & fluxuros evacuari statuit, quàm per vomitum, consulitque, ut quarto quovis die æger evomat. Verùm, ut ante dictum, toties iteratæ vomitiones podagro haut conducunt, nam etiamsi humores commodè revelli, & à parte laborante aliò duci videantur, ventriculo tamen oppidò nocent, & robur illius exuunt. Consultius itaque est, ut semel vel bis saltem vomitus instituat, & quidem in principio, nec expectanda hîc ἀντομάτως facta humorum ἀναρροπία, ut quidem censuit, cum in podagra rarò

rarò fiat ἀνάρρητος humor. In  
ciendo autem vomitu propinari  
possunt radices asari pulverisat. vel  
coagulum asari, syrupus benedi-  
ctus, extractum hellebori, & alia.  
Quandoque aqua benedicta Rulan-  
di in robustioribus usurpari potest  
hoc modo parata:

*Rx. fol. sen. s. stipit.*

*Zingib. an. ʒ j.*

*Vini Rhenani lb iiij.*

Stent in infusione per noctē  
postea leniter exprimantur:  
Expresso liquori ad-  
de *Croc. metallor. ʒ j.*

ac triduanā digestionē exactā, per  
vesicam laticem emulge, ab uncia  
dimidiā, ad unciam unam cum  
dimidiā exhibendum. Raicus ʒ β.  
croci metallorum haustulo vini in-  
fundit, & integram colaturam te-  
pidē exhiberi suadet. Verum enim-  
verò cum inter συμμίγματα καθαριστι-

κα

*na* crocus metallorum fortissimum  
 fit medicamentum, in robustiori-  
 bus evacuandis ultra decem vel  
 duodecim grana vix infunderem.

## SUBSEC. II.

### *Dolorem sopientia.*

**P**Ræmissis universalibus ad ea  
 iam progrediamur, quæ egre-  
 gium istud symptomata, quod poda-  
 gro maximè molestum est, dolorem  
 scilicet, sopiunt. Et quidem sæ-  
 penumero in principio, & morbi  
 primo insultu, etiam non præmissis  
 universalibus ad ea, quæ dolorem  
 compescunt, vel ad minimum mi-  
 tigant, nos conferre cogimur, cum  
 quandoque adeò ferociat, tor-  
 quendo & lancinando miseros æ-  
 gros, ut nil nisi dolorem crepent,  
 eiusque anodynon, vel etiam mole-  
 stia dolorificæ impatientes in pro-  
 prium

prium faviant corpus, uti Palæmoni Sophistæ contigit, doloris impatientiâ mortem sibi inferenti, & Podagro cuidam Giessensi, qui maximum pedis articulum eâdem de causâ sibi deartuabat, seu potiùs amputabat. Insuper vires quoque insigniter dissolvit, teste Galeno *lib. 1. de arte Curativ. ad Glaucon. cap. XIV.* & ubi diutiùs perstat, animi deliquia, inflammationes, & alia mala inducit. Quapropter dolore nimium urgente, ac ægrum divexante, omnes nostræ actiones eò colliment, quò is sedetur. Dolorem autem sedantia generaliter accepta, in triplici sunt differentiâ: alia namque doloris causam, alia dolorem ipsum, alia denique partem, dolore infestatam, respiciunt. Illa quæ causam doloris spectant, multifariam eundem tollunt, vel falsuginosum humorum

morum lixivium subducendo & e-  
 vacuando, vel spiritûs salinos, con-  
 tinuum dividentes, coagulando,  
 aut coagulatos resolvendo & diffi-  
 pando, vel etiam solutionem con-  
 tinui consolidando. Quippe cum  
 podagra à salibus tartareis, acribus  
 & corrosivis sit genita, necessum  
 quoque est, ut salibus lenitivis &  
 consolidativis curetur, ut habet  
 Quercetanus in *Consil. de arthritid.*  
 p. 290. Dolorem ipsum quæ re-  
 spiciunt, ita comparata sint, quo  
 iucundam sensationem pariant, do-  
 loris enim essentia cum consistat  
 ἐν τῇ τ' αἰσθήσει ἀνία, consequens  
 est, ut quæ dolorem demulcent,  
 ἡδύσματα quædam porrigant facul-  
 tati sentienti, seu partium tempe-  
 ramentum tepido & blando calore  
 foveant, ac refocillent. Anodyna  
 namque temperato calore prædi-  
 ta, familiaritate elementorum na-

turæ partium consentire, blando suo calore meatus aperire, λεπτομερῶς substantiæ se insinuare, ac omnia æquabilia reddere debent. Quæ verò partem dolore obsessam respiciunt, νάγκωσιν eidem imprimunt, ac sensum hebetant, ne obiectum dolorificum ampliùs percipiat, id quod efficiunt sulphure suo partim narcotico, partim qualitate manifestâ, partium calorem insitum, spiritusque obnubilando & obfuscando. Nos impræsentiarum nullo servato ordine promiscuè de his agemus.

Podagra itaque σφουροπρηπύρα etiamsi alto supercilio apud Lucianum medicamenta despiciat, & utentibus his se iactitet μᾶλλον ὀργιλωτέραν, tamen in dolore mulcendo plurima sæpè profuere, quorum potiora à nobis recensebuntur. Antequam autem ad illa de-

scen-



scendamus , hoc primùm monendum esse duximus , ex Guilhelm. Fabricio *observat. Chirurgic. Centur. V. observ. LXXXIII. p. 265.* quod sudorifera medicamenta , doloribus urgentibus , propinata , eos egregiè demulceant, nam non tantum falsuginosum lixivium , sensiles pedum partes lancinans, discutiendo imminuunt, adeoque dolorem ipsum actutum sedant , sed & humoribus in corpore commotis, iterque ad pedum articulos meditantibus, sufflumen quasi iniiciunt, à centro ad circumferentiam eos propellendo. Horum insignem effectum sæpissimè , & in proprio corpore, & in aliis Fabricius est expertus. Sudorifera inter etiam refero Spiritum ligni Sassafras, & sallem Tabaci ex cineribus extractum, in frigidioribus ægris, vel cum theriacâ, vel cum Iob iuniperino ; in

calidioribus, cum sambuci bacca-  
rum inspissato succo exhibitum.  
Utiliter etiam intra corpus aliquot  
guttulæ *Spiritus salis armoniaci veri*  
propinantur, ad sudorem moven-  
dum, naturam confortandam, tar-  
tarum resolvendum ac expellen-  
dum. Huius descriptio, secretis-  
sima aliis, ingenuè à me commu-  
nicabitur: *R. Salis armoniac. Corall.*  
*rubror. an. q. v. redacta in pulve-*  
*rem, ac invicem probè mista, sub-*  
*limentur.* Sublimatum, materiæ  
in fundo restanti, ac pulveratæ,  
rursum addatur, ac *υπερσυδς* de  
integro instituat. Hæc operatio  
toties iteranda est, donec nulla fiat  
ulterior sublimatio. Post aëri li-  
bero exponenda erit materia, &  
nonnihil eius abibit in liquorem.  
Quod solutum est, effunde, & resi-  
duum pone ad solvendum. Hoc  
repete, donec omnia ferè fuerint  
eli-

eliquata, relictis saltē pauculis coralliorum exuviis. Has solutiones coniunctas lentus ignis evaporet, donec materia penitus exaruerit. Aridam illam materiam, in fundo remanentem, retortæ benè loricatę includes, ac gradualī igne administrato, Spiritum salis armoniaci verum, & intra corpus utibilem, elicies. (Spiritu huic, instar cuticulæ supernataſſe vidi oleoſum quendam liquorem, qui proculdubio coralliorum fuit) Tincturam ex coralliis ſi deſideras, affundatur novis coralliis ſpiritus hic, & relinquatur aliquandiu ſuper iiſdem, deinde ſtillatione abſtrahatur. Reſiduum aëri exponatur ad ſolvendum, quod ſolutum eſt, effundatur, & in ſoluto materia quædam rubicunda temporis tractu ſubſidebit, quæ veram Coralliorum tincturam exhibere cenſetur.

Ex Anodynorum simpliciorum classe laudantur flores chamæmel. sambuci, melitoti, tapfi barbati, radices altheæ, liliorum alborum, bardanæ, semen lini, fænugræci, Crocus, mica panis albi, medulla cassiæ, farina hordei & avenæ, lac bubulum, herba parietar. (cuius decoctum, teste Apuleio, mirè sanat podagram) fol. hyoscyami, radices mandragor. semen papaver. albi, & opium ipsum. Item Spiritus salis, aquæ ulmariae mistus, ac parti dolenti pennâ illitus, phlegma spiritus vitrioli antepileptici, liquor cochlearum, liquor florum verbasci albi, oleum ex ossibus humanis, oleum seminis ebuli, oleum ex gemmis Coryli expressum, ac proprio sale imprægnatum, fel piscis Cyprini, fel canis &c. Forestus lib. xxix. observat. iii. lac capræ supra locum affectum emul-

ctum,

Etum, dolores sedasse tradit, scribitque Amatus Lusitanus *Centur. VI. curation. xli.* hoc remedium Turcarum Principibus in usu fuisse familiari. Quidam etiam maxillas luciorum pulverisatas lacti caprino commiscent. Alii caseum ovillum recentem imponunt, eumque sæpius renovant, antequam pinguescere, ac butyrum fundere incipit, refertque Sennertus, narratum sibi esse à quodam podagrigo, quod nihil utilius hoc remedio perceperit in proprio corpore. Hartmannus frusto carnis bubulæ, sine pinguedine parti dolenti applicato, eoque manè & vesperi mutato, feliciter dolorem sustulit. Halex salita, per medium scissa, ac loco dolenti apposita, dolorem mitigat, teste Foresto *lib. xxix. observ. vii.* Lixivium quoque, in quo filii cannabei magna quantitas

K 5 ebul-

ebulliit , mirè dolorem aliquando compescuisse , docet Platerus . Plinius *lib. xxii. cap. xv.* memoriæ prodidit , Marcum Agrippam , pedum gravi morbo conflictatum , demersis in acetum calidum crucibus , ab eo morbo evasisse . De sexto verò Pomponio , citerioris Hispaniæ Principe , scribit , cum dolore podagræ , cum hordeis suis ventilandis præsideret , correptum , mersisse in triticum sese super genua , levatumque siccatis pedibus mirabili modo . Ita quidam sub ferventissimâ maris arenâ detentum pedem leniter perfricuit , & à podagrâ convaluit , teste Zacuto Lusitano , *lib. ii. prax. Medic. admirand. observ. clxxii. p. 219.* Spiegelius *de arthritid. p. 89.* apud Moravos Olmutienses se didicisse scribit , aquam herbicapræ seu ulmaræ , ex radicibus floribusque de-

stillat-



stillatam, nobile esse experimen-  
tum, pro sedandis ilicò doloribus,  
si panni linei eâdem madefacti po-  
dagricis imponantur, vel etiam  
dolentia loca pennâ irrigentur.  
Ibidem etiam refert, Sutorem  
quendam Viennæ, multis remediis  
frustra tentatis, tandem omni do-  
lore fuisse liberatum Cataplasma-  
te, ex stercore vaccino recenti, in  
fartagine cum butyro frixo, ac sæ-  
pius de die renovato. Insuper Spi-  
gelius feliciter se uti memorat ca-  
taplasmate, ex vino & panis me-  
dullâ facto, quod non modò hu-  
mores repellit, sed & eosdem di-  
gerit: imò instante paroxysmo, si  
manibus vel pedibus applicetur,  
prohibere dicit fluxionem cum  
chiragricam, tum podagricam,  
hyeme tepidè, æstate frigidè ap-  
positum.

E Compositorum censu extol-

luntur, Balsamum podagricum I. & II. Crollii, unguentum eius anodynum, sperniolæ compositum, aceto destillato dissolutum, maxime ubi articuli exæstuant, liquor saponis, aqua antipodagrica Rulandi descripta ab Hartmanno in *præct. chymiatr.* p. 187. Circumferuntur & aliæ descriptiones Aquæ Rulandinae, verum cum sint spuria, & mendosa, adlubescit genuinam, & ἀκρίβητον, huc adscribere, præsertim cum ad miraculum aqua illa operata, & probata dicatur. Antequam autem planis & perspicuis verbis eius διαγραφὴ à nobis tradatur, aliam prius descriptionem, quam Iohan Raicus in *tractat. de podagr.* p. 49. phaleratis verbis involutam esse voluit, ne cuiusvis φιλαρρορίας prostibulum fieret, adducere lubentia est, ut constet, illam à nostrâ non diversam, sed

sed prorsus eandem. Describit  
eam ita:

*Rx. aquæ terimachtim utriusq; ℥ j.  
albadid ℥ ij.*

*laudan. Mercurial. ʒ B.*

*calcinationis lapidis de alchool ʒj.*

misce, & factâ ebullitione asserva  
in vase vitreo. De virtutibus eius  
porrò ita discurrit. *Experientiâ di-*  
*dici, brevi tempore cruciatus atroces*  
*tolli, non percussione, sed extractiōe.*  
*Nam si lindeola, hac aquæ tepidâ imbu-*  
*ta, articulis imponuntur, & ab eorum*  
*calore exsiccata auferuntur, quasi fumus*  
*evaporat. Divinas aquæ huius virtutes*  
*iterum atque iterum non sine fructu ex-*  
*pertus sum. Aqua enim terimachtim*  
*vi suâ bezoarticâ, nempe sulfure auri*  
*resoluto, articulorum gluten conservat,*  
*& articulos lubricos firmat. Aqua alba-*  
*did potenti suo & penetrante sale, tar-*  
*tari vehementiam obtundit, dolores mi-*  
*tigat, articulos roborat, & futuras flu-*  
*xiones*

xiones prohibet. Mercuriale laudanum  
 vi suâ anodynâ & balsamicâ minerali,  
 dolores tollit subitò, & vi suâ regeneran-  
 di, quâ pollet, gluten renovat. Lapis ve-  
 rò de alcohol igne suo cœlesti, & vi me-  
 tallicâ penetrat, expurgat, clarificat, ar-  
 ticulorum gluten, & instaurat, tarta-  
 rum incidit, eumque per cutis poros di-  
 sentit. Hactenus Raicus. Nos  
 ῥήματα ὁρῶνς καὶ λόγους ἔχοντα mittentes,  
 præparationem istius aquæ, verbis  
 clavis & apertis, hoc modo subne-  
 ctimus :

Rx. aquæ terre sanctæ ℥ j.

Martis ℥ ij.

liquoris Mercurii ℥ β.

croc. metallor. ʒ j. M.

ac ebullitione in vitro ferventur.  
 Verùm cum ingredientium com-  
 positiones, in paranda illa aquâ,  
 difficultatem nobis parere queant,  
 nisi explicatiùs tradantur, necesse  
 est, ut ordine eorum conficiendi  
 modum

modum hūc adscribamus. Aqua  
itaque terræ sanctæ sequenti para-  
tur modo:

*R. bol. oriental. ℥ viij.*

*terræ sigillat. ℥ iij.*

*aquæ levistic. ℔ v.*

macerentur per dies novem in loco  
calido, postea destillentur. Aqua  
Martis ita componitur:

*R. aq. per vesic. destillat. ℔ viij.*

*in quibus infundatur*

*scoriar. ferri præpar. ℔ β.*

stent infusa per sex dies, ac per a-  
lembicum evocentur. Liquoris  
Mercurii hæc est præparatio:

*R. Mercurii sublimat. ℥ iij.*

*quibus affunde*

*aceti fortissimi ℥ iij.*

& per noctem macera, Crocus me-  
tallorum quomodo conficiatur,  
omnibus notissimum est. An verò  
ingredientia id examussim præ-  
stent, quod Raicus ipsis prolixè at-  
tribuit,

tribuit, de eo meritò dubitamus, cum sæpiculè quid subdoli verbis adsit grandibus. Paracelsus pro indubitato anodyno commendat *Spiritum salis ammoniaci*, qui ita paratur:

℞. Salis armoniaci cum sale communi sublimati q. v. in pulverem redactus misceatur cum quatuor partibus cinerum, & per alembicum in arenâ destilletur Spiritus salis ammoniaci, qui cum S. V. anaticâ portione mistus, plumaceolo bis vel ter loco dolenti adhibitus, confestim dolores sopit. Aliqui etiam Camphoræ nonnihil addunt miscellæ, & ita eandem inusum trahunt. Mindererus *cap. vi. de chalcantb.* ex colcothare antipodagricum conficit medicamentum, quod ibidem videatur. Eo præstantior est balsamus:

℞. vitriol. purificat. lb j.

masticis.



*masticis.**oliban.**myrrh.**ammoniac.**bdellii.**opopanax.**mumia. an. ʒ ij.**tartari ʒ j ss.**mellis lb ij.**aquæ vitæ lb iiij.*

destillentur per alembicum, & ingruente paroxysmo, locus pennâ liquore madidâ leniter illinatur. Paracelsus balsamum hunc etiam describit *tom. x. lib. i. archidox. Magic. p. 327.* pondere ingredientium nonnihil variato. Alii hoc laudant:

*R. vitriol. alb.**virid. an. ʒ j.**camphor. ʒ ij.**aquæ vitæ.**vinî albi an. ʒ j. M.*

&amp;

234 I O H. L O S. P O R.

& cum intinctis pannis applica.  
Sequentes etiam antipodagrica a-  
quæ plurimum conferunt:

*R. aq. destill. spermat. ranar.*

*tapsi barbat.*

*filicis an. ℥ j ℞.*

*in quibus macera*

*tutia.*

*lithargyr. an. ℥ ij.*

*vitriol. calcinat.*

*aluminis an. ℥ j.*

foveantur partes dolentes tepidè,  
sæpè novâ immersione renovando  
linteamina. Vel:

*R. sapon. Genuens. alb. ℥ j.*

*salis fusi ad fortiss. ignem ℥ j ℞.*

*vitriol. ℥ j.*

*acaciæ ℥ ℞.*

bulliant omnia in mensurâ seu pin-  
tâ aceti destillati, rosati, aut alte-  
rius communis: Colaturâ tepidè  
foveantur partes. Hisce aquis lon-  
gè excellentior est illa, quam habet

Quer-

*Quercetanus in Consil. de artbritid.*

p. 314. Calcem vivam per quinque vel sex dies immerge in aquam fontanam, ut sal eius elicias; aqua autem superemineat calci ad quatuor vel quinque digitos. Huius aquæ accipe ℥ iiij, in quibus laminam chalybis ferventis duodecies aut etiam sæpius extingues. Postea in eandem immerge æris usti in pulverem redacti ℥ iiij, cinabr. ℥ β. stent per quatuor aut quinque dies, & viridem ea aqua acquireret colorem, ex vitriolo interno æris usti. Ibidem etiam alterius aquæ Antipodagricæ facit mentionem, cuius plenam descriptionem subticet, tum quod difficilior eius parandi modus, quàm ut à vulgari pharmacopœo confici possit: tum quod sibi tanquam veterano militi aliquid athletici artificii reservandum esse duxerit. Addit tamen, fieri eandem

eandem ex aquâ fontanâ simplici, in quâ iteratè & aliquoties extinguntur quædam metalla, post duæ substantiæ metallicæ adduntur, quas ore etiam ritè præparatas sumimus. Arbitror autem Quercetanum per substantias duas metallicas nil aliud intelligere, quam *vitrum antimonii & Mercurium sublimatum*, in quibus sales latitant, huius affectûs veri domatores. Sic etiam magno cum adiumento usurpatur mistura ex calce vivâ, cum melle incorporata, & pedibus apposita. Quod à me *εὐπρόειρον* fuit deprehensum, citra *μαγαληγορίαν* seu iactantiam ingenuè dicam. Memelæ Porussorum mulier quædam quinquagenaria ferè (quæ Concionatori Castrensi Iohan Douglas Scoto nupserat) decumbebat arthritica, huic dolor pollicem finistri pedis, cæterasque annexas partes,

tes, manum insuper sinistram, & dextrum genu, adeò insignis occuparat, ut lecto affixa vehementer lamentaretur. Hanc sequenti epithemate, non intermissis evacuantibus, intra septem dies perfectè restitui:

℞. Colcothar. vitriol. ℥ ij.

tartaricum nitro calcinat.

aluminis an. ℥ j.

salis vitriol. ex Venere ℥ ij.

betonic.

malvæ an. M j.

flor. Chamæmel. M ss.

femin. lin. ℥ x.

Coq. in aquæ chalybeat. s. q.

℞. Colatur. ℥ xv.

in quibus dissolv.

vitri antimon. ℥ j.

Mercur. sublimat. non corro-

siv. ℥ ss. M.

ac linteola madida calidè impone.

Habeo præterea liquorem quendam  
anti-

*antipodagricum*, communicatum mihi ab Amico quodam meo singulari, ex quibusdam sale, volatili abundantibus, & aliis confectum, quo pars dolens, in omni arthritide adhibitâ pennâ aliquoties illinitur. Liqueor iste confestim *γυντρίας* instar dolorem aufert, & partes ipsas affectas mirè roborat. Sennertus Balduino, Theologo Wittebergen-si, sequentia præscripsit medica-mina:

℞. *aq. sambuc.* ʒ ij.

*primul. ver.*

*chamæmel. an.* ʒ β.

*lilior. albor.* ʒ iiij.

*croc.* ʒ ij.

*nitri* ʒ β. M.

& linteola liquore madefacta applicentur. Item :

℞. *Casei, seu coagul. recent. lactis*

*caprin.* ʒ iiij β.

*farin.*



*farin. bord.* ʒ j.

*vitell. ovi* N. j.

*Croc. or.* ʒ j.

*camphor.* ʒ β.

*spir. vini* ʒ j.

*aquæ rosarum.* q. s.

fiat magma, dolenti loco affirmandum. Magni etiam fit radix quædam, aliis Ambrosia, aliis cervaria *Hirschmurtz* vocitata, cuius arefactæ, ac in pulverem contritæ, portio vino potenti albo incoquitur, ac pulticula loco dolenti calidè affirmatur, immanissimos dolores inflammantes, ac mentem penè emoventes, sulphure ac mercurio suo anodyno tollens. Radix illa sale adeò corrosivo abundare creditur, ut ferrum penetret. Paracelsus alicubi in frequenti usu esse scribit decoctum pulegii, aceto factum, in quo aliquid vitrioli sit dissolutum.

De-

Decocto immergenda sunt lin-  
tea, & dolenti parti admovenda.  
Vide *Scholia Paracelsi in poëmata Ma-  
cri, tom. VII. p. 152.* Verùm quod  
arbitretur Paracelsus, decoctum  
illud cum aceto esse parandum,  
podagrâ ex frigidâ causâ ortum  
suum trahentè; contra, si calida  
regnet causa, pro aceto alcohol vi-  
ni esse sumendû, in eo legi *ὑδατο-  
πώσις* dicam scribere Paracelsum,  
cuius manifestum est. Laudatur &  
hoc unguentum antipodagricum:

*R. Oxymel. simpl. ʒ v.*

*Spirit. salis ʒ ij β.*

*salis prunell. ʒ j.*

*Croc. or. ʒ ij.*

M. F. unguentum molle.  
Calefacto unguento pars dolens  
inungatur, & petia eodem made-  
facta calidè applicetur. Empla-  
stra quoque à nonnullis extollun-  
tur, maximè *Wurtembergici Ducis,*  
*Iaco-*

*Iacobi Angliæ Regis, & Caroli v. Imperatoris. Emplastrum Ducis Wurtembergiæ hoc est :*

*Rx. galbani.*

*opopanax. an. ʒ j.*

*ammoniac.*

*bdellii, aceto dissolut. an. ʒ ij.*

*ol. Commun. lb ij.*

*ser. nov.*

*lithargyr. an. lb ss.*

*aristoloch.*

*'mastich.*

*thur.*

*myrrh.*

*lapid. calaminar. an. ʒ ij.*

*ol. laurin.*

*terebinth. an. ʒ iiij.*

*& tandem ultimò adde*

*argenti vivi ʒ ij. M.*

*F. Emplastrum.*

*Magnæ Britanniaæ Regis Iacobi emplastrum, contra podagram, sequenti modo conficitur:*

*L*

*Rx. Ol.*

*Rx.* Ol. è pedibus bubul. & ovill.  
 è florib. sambuc.

lini recenter express. an. ℥ β.  
 lumbricor.

hyperic. compos. an. ʒ viij.  
 minii.

plumbi albi an. ʒ xij.

lithargyr. aurei.

argentei an. ʒ viij.

Coq. ad emplastr. consisten-  
 tiam, tum adde

*Ceræ flavæ.*

colophonie an. ʒ iiij.

tacamabac. ʒ iiij.

opopanax. ʒ j.

in vino Malvatico solvantur, co-  
 lentur, atque ad suam consistentiam  
 reducantur; postea emplastro ad-  
 dantur; hinc ab igne remotis, cum  
 refrigerare incipiunt, adde *cam-  
 phoræ in ol. hyperic. sol. ʒ β. M.*

Caroli v. Imperatoris empla-  
 strum tale est:

*Rx. bac-*

*℞. baccar. iuniper. recent. ʒ iiij.*

*sapon. virid. Venet. ʒ ij β.*

*rad. allii benè mundat. ʒ iiij.*

*mithridat. ʒ j β.*

*Spirit. vini. q. s.*

Omnia & singula benè contundantur, ac pulverisentur, & fiat inde massa pro emplastro, quod applicetur loco dolenti. Cautus autem & circumspectus sit Medicus, in applicandis eiusmodi remediis, nec illa adhibeat subiectis calidioribus, & quibus pedes ob sanguinis biliosi affluxum insigniter rubent. Compertum quippe est, calida vehementer sæpenumero obfuisse, annotatque Zacutus Lusitanus *lib. III. prax. Medic. admirand. observ. CLXI. p. 477.* podagricum quendam calidioris temperamenti, unguento ex sulphure, nitro, euphorbio, cum succo artemisiæ, & oleo de piperibus parato, & imperitè

apposito, intra paucos dies fuisse  
 extinctum. Sequens quoque *Spara-*  
*drappus* celebratur, quem à Iudæo  
 trecentis florenis sibi comparavit  
 Nobilis quidam, eodemque sexen-  
 nium podagrâ laborans plenissimè  
 convaluit. Accipe corvum vivum,  
 hunc celeriter interfectum (ita in-  
 terficiatur, ne vel gutta sanguinis  
 pereat) cum plumis in ollam vitrea-  
 tam iniice, eamque benè operculo  
 munitam & oblutatam, in fimo e-  
 quino per XL dies stare permitte, &  
 postea, exacto illo tempore, Cor-  
 vum in Cinerem combure. Tan-  
 dem ceræ puræ, super prunis lique-  
 factæ, addetantum de pulvere cor-  
 vi, quantum testâ ovi concludi po-  
 test, & probè invicem misce. Per  
 hanc misturam traduc petiam, seu  
 linteum aliquod, quod emplastri  
 modo, suo tempore, dolenti loco  
 applicetur. Notandum autem circa  
 Spara-



Sparadrappi huius confectionem, quod scilicet superflua & non necessaria sit illa in fimo sepultura, ideoque statim, neglectâ putrefactione, ad ipsam calcinationē corvi nos accingere poterimus. Cardanus ad dolorem compescendum, etiam suffitum probat; quem imitatus Michaël Maierus, se remedio illo feliciter usum esse testatur, *cap. ix. p. 149. Civitat. corpor. hum.* Suffimigium autem ita paratur:

*R. lign. aloës.*

*succin.*

*oliban.*

*sandarac. s. gum. iuniper.*

*sem. hyoscyam.*

*styrac. calamit.*

*gum. guaiac.*

*animæ an. 3 j.*

Contusa in pulverem crassiusculum redigantur. Huius portio ignitis postea inspergitur prunis, & fumus

dimidium horæ, vel amplius excipitur, pedibus ita munitis panno, ne fumus ociùs evanescat. Suffumigatione peractâ, lintea humectata partibus affectis calidè applicentur:

*R. aceti vini optim. ℥ ij.*

*comar. absinth. M ij.*

*sem. hyoscyam. ℥ j.*

*cort. mandragor. ℥ β.*

Coq. ac colaturæ adde

*fell. bovin. ℥ ij. M.*

Pedes etiam sequenti decocto immergi poterunt, linteis interim defensivis supra genua positis, ne πῶδ' ἀ-  
νίπρωρ tollendo causam continen-  
tem, plus materiæ attrahat:

*R. rad. alth.*

*vitriol. an. ℥ β.*

*hyoscyam. M ij.*

*lixiv. ex cinere fagi parat. ℥ x.*

Coquantur, ac calido liquori, per colum traiecto, pedes immittantur.

Intra corpus exhiberi quoque po-  
test,

test, dolore nimium urgente, ac vigiliis ægrum detinentibus, & quidem in constitutione frigidiorē, theriaca, mithridatium, philonium Romanum, requies Nicol. laudanium opiatum, cuius grana duo vel tria sufficiunt. Approbo tamen hīc magis istud Laudanum, quod spiritu vini extrahitur, quàm quod aceto aut limonum succo paratur. Etenim etsi concedam, acetum & limonum succum optimum esse, corrigens istius sulphuris narcotici, legitimum tamen extrahens non est, cum acida salem potiùs extrahant, ex Chymicorum asserto, quàm sulphur. Taceo, quod spiritu vini vix comperta sit, adversus Opii maleficium, præsentior antidotus, ex mente Billichii, *observ. ac paradox. Chymiatr. lib. 11. cap. 11. p. 110.* In constitutione calidiorē, hepate æstuante, ac viribus imbecillis,

248 ION. LOS. POR.

cillis, alia inter Cratonis potiuncula etiam concinnari poterit:

*R. aquæ borrag. ℥ ss.*

*margar. præparat. 3 j.*

*papaver. alb. 3 j ss.*

F. Emulsio, cui  
adde

*Syrup. de papaver.*

*de succ. violar. an. 3 j. M.*

Febris Synocha, podagram quandoque comitans, quomodo tractanda sit, ex doctrinâ de Febribus satis abundè constabit.

### SUBSEC. III.

#### *Resolventia & discutientia.*

SEdato dolore, solventia & discutientia usurpanda, quò humores impacti per διαφύσην evocentur. Circumspectè tamen hîc agendum, ne discussis partibus tenuioribus, & quidem aqueis, reſtrior

reftrior relinquatur, & ita nodosa acceleretur podagra. Duo itaque hîc accuratè tenenda effe cenfeo: I. ut difcutientia familiaritatem aliquam habeant cum tartaro ac ferofo humore. II. ut adhibitis topicis diaphoreticis, eiuſmodi quoque affumantur medicamenta, quæ iunctâ operâ tartarum expellant.

Difcutientium virtus non confiftit in ſolo calore, vel in facultate attenuante, ſed potiùs in ſpecificâ *δυναμει*, quæ etiam diſſolvere po- teſt, Videmus enim, non quidlibet à quolibet reſolvi, ſed determinatũ à determinato. Ita aqua fortis Lunam ſolvens, nullo modo Solem deſtruere poteſt, niſi ſalis armoniaci pauxillum addatur. Sulphur oleo diſſolvitur: Gummi ammoniacum, galbanum, bdellium aceto: Gummi tragacantha, Arabicum, ceraſorum ſimplici aquâ. Quocir-

250 IOH. LOS. POR.

ca, quæ salinæ sunt essentiæ, commodè hîc usurpantur, adiectis quoque iis, quæ poros cutis nonnihil laxant, ac corpus *ἰσχυρότερον* reddunt. Muria igitur fungi quercini, emplastrum diachalciteos, & ex iis quædam, quæ inter dolorem sedantia relata sunt, hic locum habere possunt. Spigelius *de arthrit.* p. 95. hoc Balneum, quo reliquiæ humorum auferuntur, & articuli roborantur, commendat:

*Rx. lixiv. medioc. sarmentor. vitium, vel ossium humanor. vel aliorum animalium quadrupedum, in cinerem combustorum.*

*vini rubr. chalybeat. an. q. s.*  
*herb. iſæ.*

*chamæmel. an. M. ſ.*

*furfur. triticeor. M j.*

bulliant in vino parum, deinde cum lixivio misceantur pro balneo pedum.

pmq pr  
buc bu  
lxi lxi  
pmq pm



pedum. Foveri quoque possunt  
pedes decocti alicuius *ὑατμισμῶ*  
seu exhalatione, v. g.

*R. radic. albæ.*

*lilior. albor. an. ℥ ij.*

*flor. chamæmel.*

*melilot. an. M ij.*

*salis. M j β. Coq. pro Fotu.*

Post ceroto involvantur sequenti:


*R. emplastr. diapalm. ℥ iiij.*

*diachyl. ireat. ℥ j.*

*de melilot. vel oxycroc. ℥ β.*

oleo vulpino, vel consimili emol-  
lita alutæ affricentur, atque ita pe-  
dibus aptentur. Nonnulli etiam  
decocto aliquo, aut aceto, pyriti,  
lapidi molari, vel ferri scorix can-  
denti insperso, vaporem excitant,  
ac pedibus suffumigium parant,  
quod pannis undique obvolutis,  
ne quid exspiret, tamdiu excipiunt,  
donec pars affecta sudare incipiat.  
Qui verò pedes humectare nolunt,

ii ad excitandum sudorem, ex lignis  
 quercinis (quæ adstringendi & ro-  
 borandi vi pollent) vas sibi exa-  
 sciari curabunt, cum duplici inter-  
 stitio, ut nec aqua, nec vapor pro-



ximè feriat pedes, sed saltem calor, qui tamen secum decocti virtutem, absque sensibili humectatione, ad pedes undique rectas asportabit. Eius *χηματοποιούμενον* exemplar tale est:

A B C D. *Vas, intergerino pariete instructum, cuius interior cavitas decocto ebulliente replenda.*

E F G. *Locus, pedibus recipiendis dicatus.*

H. *Infundibulum, decoctum excipiens, & ad intimam cameram ablegans.*

I. *Obturaculum seu epistomium, quo aperto aqua infusa redditur.*

Raicus in declinatione morbi, balneis etiam insidere iubet ad dies sex, cottidiè per horas VII, vel IIX. & quidem hoc modo paratis:

*Rx. sacchar. cand.*

*sulphur.*

*antimon.*

*vitriol. an. ℥ j.*

*salis*

*salis commun.* ℥ ij.

seorsim antimonium sacculo includatur, ac species reliquæ itidem seorsim alii sacculo insuantur, ac sic ebulliant. Adici etiam poterunt ex eiusdem arbitrato, *gentianæ, baccar. laur. iuniper. an.* ℥ ij. Ast eiusmodi *θερμολεκσία*, ad horas octo protracta, ægro non tantum molesta est, sed & debilitando eundem, auctori balnearum pessimum persolvere videtur *ἐπιλυστον*. Eius conditionis quoque erat balneum illud, quo Cardanus in arte curandi parvâ, p. 113. podagram fuisse curatam scribit: *Leniter cibatos quidam, ne deficerent, in balneum ducebat, exserto capite. Fotus erat serum exactissimè purgatum, in quo abrotanum, absinthium, chamæmelum, pulegium, rosæ, rosmarinus, fœnisemen, ruta, samsuchus, fœnugræcum incocta erant: Sudabant ad lipothymiam usque.*

que. Cucurbitulas in cubitis iuxta carpos, & talis prope locum affectum, affigebat, sanguinemque quoadusque poterat, educens, inde diachylum cum resinæ modico superponebat, articulos autem affectos oleo cum sale perunxit. Aliqui etiam egressis balneo emplastrum aliquod præscribunt, idque solum pedum plantis accommodant, quemadmodum facit Poppius lib. III. *Thesaur. Chymic.* p. 681. Oleum etiam Cerae hîc in usum trahi posse autumo, quod materiam impactam egregiè discutit, ac pedes insuper confortat. Nollem tamen illud communiter præparare, sed potiùs cum ossibus calcinatis, quæ calcinatione acido suo spiritu exuuntur. Illa namque ceræ addita, familiaritate substantiæ acidum ceræ spiritum facillè in se derivant, ac ita viam parant oleosæ substantiæ extrahendæ. Consisten-

sistentiam quippe solidiorem, in-  
 quilino suo acido spiritui cera re-  
 fert acceptam, unde fit, ut aquæ  
 forti iniecta, magis magisque in-  
 duretur. Hinc destillatio eius ac-  
 celerari potest, ossibus calcinatis  
 eidem adiectis. Paratur autem ita:  
*Rx. Cere puriss. lb j. ossium bubulorum,*  
*vel etiam humanorum* (quæ in nostro  
 affectu reliquis præstare arbitror.)  
*calcinatorum lb ij.* liquata cera cum  
 ossibus misceatur, ac globuli inde  
 formati vitreæ indantur retortæ,  
 post aptato recipiente, ac commis-  
 suris clausis, in arenâ destillatio  
 gradualis igne peragatur. Prodi-  
 bit initiò phlegma, subsequente  
 oleo, quod butyri instar coagula-  
 bitur. Liquidius si expetas oleum,  
 vel per se, vel aquâ affusâ rectifi-  
 cari poterit. Oleum hoc, vesti-  
 bus inunctum, eas moschi fragran-  
 tiâ inficit, quod imperiti mira-  
 buntur,



buntur, cum aliàs in copiâ asservatum eiusmodi odorem nequaquam de se spargat, sed potiùs hircum oleat. Papicolæ hîc commendant sanguinem, ex imagine Christi crucifixâ aliquando profluentem. Fingunt illi, *in urbe Beritho*, intra terminos Tyri & Sydonis sitâ, Iudæos à Nicodemo propriis manibus factam Christi imaginem crucifixisse, è cuius latere, lanceâ confosso, aqua & sanguis effluxit, quo sanguine postea Iudæi plurimos ægros restituerunt, & imprimis cæcis contulerunt visum, ac paralyticum quendam senem, diu grabato affixum, inungendo confestim sanarunt: Videatur libellus Athanasio, *de imagine Christi in Syriâ crucifixâ*, perperam adscriptus. Hoc ficto remedio præfertur Amuletum illud, quod à Solenandro describitur, & cuius experimentum suis oculis

oculis se vidisse testatur, *section. 1. Consil. xx. p. 86.* Nam etiam si sciam, complurima *se'ana*, non modò characteribus insignita, ac ignorabiliter literata, ut Apuleius loquitur, sed & alia deridiculo haberi, etiam ab ipso Muhammed, qui morem suspendendi amuleta penitus prohibuit his verbis:

مَنْ عَلَفَ تَمِيمَةً فَلَا أَتَمُّ لَهُ

qui suspendit amuletum, non illi *آللّه*

*favet Deus, vel non illi complet negotium Deus*: tamen à Galeno ipso & aliis, cum magno ægrotantium fructu, quædam ex illis fuisse adhibita, benè novi, præsertim in epilepsia, ut videre est *lib. vi. de simpl. medicamentor. facultat.* Pentaculum autem istud ita se habet: Accipiat<sup>r</sup> testudo mascula (cognoscitur inter cætera ex caudæ discrimine,

&

& leni sub inferiori testâ incisorâ) ubi Luna fuerit maximè lumine diminuta, prius quam cum Sole coniungatur : amputentur vivæ crura omnia, & confuta in sacculos, ex pelle hædinâ angustos, alligentur membris patientibus, ita ut dextrum crus testudinis, dextro cruri ægrotantis respondeat, sinistrum sinistro : item anterius crus dextrum, brachio dextro applicetur, sinistrum sinistro. Existimat verò Solonander, in frigidâ podagrâ adhibendas esse terrestres : in calidâ aquaticas. Hoc remedio Monachus quidam sexagenarius Neapoli sub Pausilypo monte ante portam id temporis habitans, ac quotannis gravi arthritide affligi solitus, à Siculo quodam egregiè fuit curatus, & genua ac reliqui pedum articuli insigniter tumida, ab eius usu optimè descedere.

Aliud

Aliud amuletum habet Moufc-  
 tus Anglus in *Theatr. inſector. lib. 11.*  
*cap. xv. p. 236.* ubi ita ſcribit : Po-  
 dagra , quam nullâ ratione poſſe curari  
 docti plerique ſtatuunt , ſolâ præſentiâ  
 Aranei levamen ſentit & curationem,  
 ſi Lunâ Soleque unâ exoculatis (id eſt,  
 illâ, quâ non lucent horâ) acceptus , pe-  
 dibusque poſterioribus multatus , & cer-  
 vinâ pelle iucluſus , pedi alligetur do-  
 lenti, atque ibi aliquandiu manere per-  
 mittatur. Quin etiam tutos ferè (quod  
 pauciſſimis phar macis uſu venit) à po-  
 dagrâ chiragrâque eos videmus, quorum  
 ædes frequens araneus colit, ſuiſque au-  
 lais & per ſtromatis exornat. Idem  
 etiam pedes ranæ, noctu per Lunæ  
 ſilentia amputati, corio cervino in-  
 cluſi , ac per triduum pedibus alli-  
 gati, efficere creduntur. Dexter  
 ranæ pes podagrîco pedi dextro,  
 ſiniſter ſiniſtro affirmetur. Ali-  
 qui inſuper Calcaneum Aquilæ,  
 pel-

pellem vulpinam, & magnetem pedibus alligandum commendant.

Diaphoretica interna, quæ topicorum actionem iuvare possunt, varia sunt, & quidem inter ea *pulvis Aronis* extollitur, qui propter sale alkali mordacem & pungentem, insignem resolvendi vim habet, hoc nomine non tantum generationem & coagulationem topicorum impedit, verum etiam in dissolvendis iisdem mirè efficax est. Describitur autem ita :

*R. radic. aron. ritè præparat. ℥ ij.*

*acor. vulgar. communi*

*modo præparat. ℥ j.*

*flor. betonic. ℥ β.*

*lapill. astacor. ℥ iiij.*

*Cinamomi ℥ j β.*

in pulverem redacta cum s. q. sacchari rosati misceantur, de quâ mixturâ sumat podager cochlear dimidiatum, & quidem manè. *Sal ex*  
*cine-*

*cineribus Ciconiæ*, cum plumis integre concrematis, extractus, & cum liquore stillaticio herbæ chamæpithyos, vel alterius cuiusdam exhibitus, singulare creditur esse remedium, & inter secreta habendum, quod Hamburgi, à Practico quodam urbico, mihi olim communicabatur. Fixo ciconiæ sali præferendum esse crediderim *salem Naturæ*, cuius parandi modum, cum non ubivis locorum exstet, hûc adscribere haud pigebit. Verno & æquinoctiali tempore, ubi Sol Arietis punctum attingit, vel etiam æquinoctioli Autumno, Libram ingrediente Phæbo, in prato quodam, nigro, pingui, & nitroso solo gaudente, ex fossâ, pedes duos altâ, terram puram, nullis radicum filamentis vitiatam, erue, globulos ex eadem paraturus. Hos siccatos, & retortæ Waldenburgicæ  
in-



inclusos, aperto committe Vulcano, primitus mitiori & postmodum fortiori (servatis gradibus) administrato igne. Initio inspidus quidam latex exstillabit, quem seorsim servato, & appposito ventrioso recipiente, ac igne vehementer aucto, spiritus prolicito, albicantis instar fumi, receptaculum oppleturos. Eodem quoque tempore parietes vitri fatido quodam oleo commaculari conspicias. Ignem tam diu urge, donec Mulciber nihil prorsus emulget. Hinc refrigeratis sponte vasis, spiritus destillatione prolectos, in phiolam maiorem longissimi colliingere, eaque in cineribus moderate calidis locatâ, & oblutatâ, sallem volatilem, albicantem, crystallisatum, odore salis urinæ infectum, sublimando collige, phiolæ collo abscisso. Mox aliud in eam

rem

rem aptum impone capitellum, & iterum sublimationem institue, usque dum nullus amplius adscenderit sal, qui antea in destillatione spiritus copiose parietibus receptaculi, in sublimatione verò tantum phiolæ collo adhærere visus. Sale volatili studiosè reservato, ex capite mortuo fixum extrahe salem, cuius partibus viginti, adde salis volatilis partes duas, ac in vitro Hermeticè clauso, & sæpiculè agitato, sales maritatos tam diu detine, donec nil quicquam in sublimine abeat. Huius salis Naturæ in convenienti vehiculo, vel integra siliqua, vel paulò minus ministratur ægrotanti. Paracelsus tom. VII. pag. 136. salem xylohebeni extollit, cum theriacâ usurpatum:

*R. alcali xyloheben. ʒß.*

*theriac. Alexandr. ʒij. M.*

Detur

I I I

III

I I I

Detur scrupulus dimidius, eiusque  
 usus aliquoties iteretur, extrinse-  
 cus parti dolenti gummi xylohebe-  
 ni affricto. Ad resolvendam, de-  
 struendam, & discutiendam mate-  
 riam tartaream, Paracelsus quoque  
*tom. 11. lib. de tartareis morb. cap.*  
*xviii. p. 402.* vehementer præ-  
 dicat oculos cancri, lapidem Iu-  
 daicum, lyncis, Lazuli, spongiæ,  
 ætiten & crystallum. Ex quibus  
 hâc viâ liquorem elici iubet. La-  
 pides in pollinem attenuatos ca-  
 pe, his optima vini essentia affun-  
 datur, destilletur, ac novies repe-  
 titâ cohabitatione, eadem à lapidi-  
 bus abstrahatur. Post calcinan-  
 do lapides, iisque priorem vini es-  
 sentiam affundendo, conspicias la-  
 pides in dictâ essentiâ resolvi, &  
 planè salis instar liquefcere.

Factâ solutione, destillationem  
 institue, & materiæ in fundo re-

stanti aliam vini essentiam adde, abstracturus iterum eandem, & operationem iteraturus, donec omnia è cucurbitâ fuerint emulsa. Liquores prolectos coniunge, & usui ferva. Huius destillati mane & vesperi pauxillum ægro exhiberi potest, non modo in podagrâ, calculo, sed in omnibus morbis, à tartaro coagulato dependentibus. In eundem usum quoque commendatur *Lapis Animalis* à gr. vj. ad gr. xij. exhibitus.

℞. Urinæ pueri, optimæ constitutionis, vinumque bibentis, tñ xl. stent in putredine mensem integrum (quo diutius in putredine hæserit lotium, eò plus spirituum præbet) postea destillentur in arenâ. Exibit spiritus stillatione acris ac igneus, quem rectificatum materiæ nigræ, in fundo restanti, iterum affundes, ac gradatim destillatio-

lationem iterabis, quo facto, sal quidam crySTALLINUS, alembici parietibus adhærens, sublimabitur, quem accuratè serva, ne tenues evanescat in auras. Deinde caput mortuum calcinando ignescat, & adhibito phlegmate natalitio, ex eodem sal fixus extrahatur, ac postea spiritus intentissimo igne ex sale evocetur. Huic spiritui guttatim insperges salem priorem, volatilem, in aquâ solutum, & excitabis strepitum ingentem. Tandem peracto prælio in B. leni calore phlegma abstrahes, relicto in vasis fundo gummi quodam albicante.

Hanc materiam ovo philosophico inclusam, ac vaporoso balneo immerfam, in lapidem rubini coloris amulum, ac pellucidum, excoque, qui dolores arthriticos sedare, podagram, calculum, hy-

dropem & sexcenta alia, curare creditur à Rhumelio, in dispensator.

*Chymico*; libello ut novo, ita prorsus inutili. *Bezoarticum quoque Ioviale* à gr. j, ad gr. iij, vel gr. iiij, sumptū, podagræ reliquias cum totâ radice funditū per *σκαφόνιον* evellere, tradit Hamerus Poppius in *Basilic.*

*Antimon. cap. 118. p. 36.* Descriptio autem Bezoartici Iovialis hæc est: *℞. reguli antimon. simplic. ℥ iij. Iovis puri in Angliâ nati ℥ ij.* seorsim fusa misceantur, ac postea pulverisentur, pulveri adde *Mercurii sublimati purissimi, sine arsenico exaltati, & prius subtiliter in marmore lævigati ℥ v.* omniaque commista subito in retortam parum excalefactamingere, & ultro butyraceum oleum videbis egredi, gradatim tamen ignem subministra, ut etiam post duas horas suppressorium ignem adhibeas : hoc butyrum cum



cum spiritu salis fusilis ter cohobando in album præcipitatum fige, & postea ignitum in S. V. extingue. Idem Poppius *cap. ix. p. 38.* tincturam vitri antimonii aurificati commendat, cuius in *αυράζει* facta est mentio. *Vellus quoque aureum, seu Lana Solis*, non incommode hûc refertur, scribitque Barthius in *Beguin. lib. 11. cap. xlix. editionis Pelshoferi, p. 409.* D. Iohan. Weidnerum, Republic. Sprotta-vienfis Physicum ordinarium, *Lana aurea* in specifico liquore usum, nunquam ab eo tempore paroxysmis arthriticis fuisse infestatum, cum antea subinde podagricus decumberet, & immanibus cruciatibus torqueretur. Iisdem flosculis aureis etiam unum vel alterum, in agone constitutum, idem Weidnerus in vitam revocasse dicitur à Barthio. Parandi mo-

dus hîc est: Collige rorem extri-  
 tico, mense Maio, ante exortum  
 Solis, cœlo sereno, loco editio-  
 re, linteo expanso, & in discum  
 expresso, atque in vas fictile ef-  
 fuso. Stet per dies quatuordecim,  
 vel etiam mensem unum, in lo-  
 co aliquo, tantisper, donec cras-  
 sior & feculenta pars subsidat,  
 Filtretur. Cape, quod purum  
 & clarum est, ac eo vitrum ori-  
 ficii stricti, & latioris fundi re-  
 ple, tertiâ fere sui parte; indi-  
 tis duodecim auri foliis, aliquan-  
 tulum incis. Obturetur mem-  
 branâ triplici, & collocetur in  
 locum calentem, sive tepidum,  
 æstate, puta, ad solis radios, hye-  
 me, retrò fornacem. Ac dum  
 menses novem cum dimidio præ-  
 terierint, aperiatur vitrum: &  
 fac, aliqua pars exhalet. Po-  
 stea effunde totum liquorem, unâ  
 cum

cum remanentiis: ac vitrum rursus clausum colloca in cineres calidos, usque dum exsiccetur. Permittatur adhuc aliquandiu exsiccare. Atque ita demum lana illa aurea, quæ antea visum ferè effugiebat, sponte suâ de lateribus vasis resoluta, fundum petet. Quam plumis leviolem, ab aëre & vento custodi, & usui reserva. *Oleum Antimonii* Rogeri Baconis, ut & *oleum Antimonii dulce* Paracelsi, alia inter, insigni elogio donantur, crediturque eorum usus triduanus radicibus malum extirpare. Verùm destillatio olei, sive secundum Baconem, sive Paracelsum instituat, semper irrita est, nec unquam adscendit id, quod anxie expetimus. Est præterea *oleum quoddam ἀντιμονιαι*, quod in Regno Atezin, & in regno Pe-

gu Indiæ orientalis, in locis montanis è terrâ exsudat, colorem cerevisiæ nigricantis, vel vini Malvatici referens, terrei saporis, in arthriticis affectibus, contracturis, & alijs malis arcendis nobile. Illud locorum dictorum incolæ ut plurimum cum pauxillo cerevisiæ assumunt. Solvitur Bataviæ, à Belgis condita, in Iava maiori stophus istius olei dimidijs decem Imperialibus, mihi narrante quodam, qui integrum decennium, & quod excurrit, in locis orientalibus peregrinando confecerat.

S u b-

## SUBSEC. IV.

*Cura Podagræ scarificans,  
& Caustica.*

**P**Odagram etiam aliqui curârunt, institutâ ex parte affectâ evacuatione, & quidem ante statum, in îpsis accessionibus, & crescente morbo. Admoverunt autem non tantùm cucurbitulas scarificatas, sanguisorbas hirudines, sed & vesicatoria, & caustica medicamenta, quæ cutem exedendo, ac humores, partes articulosas obsidentes, ac vitiantes, ad exteriora revocando, morbum non modò mitiorem, sed & evacuando breviorē reddidisse feruntur. Hac curandi methodo tum ante Galenum, Erasistratus Sicyonius, & Diodorus, tum post Galenum, Aëtius Philagriū secutus, & alii

usi sunt. Et postquam huiusmo-  
 di medicandi ratio, in desuetudi-  
 nem veniens, diu neglecta fuisset,  
 eandem iterum in lucem revoca-  
 runt Paracelsus, Sachetus, & alii.  
 Quod autem in principio & au-  
 gmento morbi, ubi fluida adhuc  
 est materia, & facilè mobilis, eva-  
 cuatio illa ex parte affectâ tuta &  
 salutaris sit, Sachetus *cap. x. in*  
*retractat. de podagric. & arthritic.*  
*morb. p. 51.* etiam inde probare  
 desudat, quod licitum sit, secun-  
 dùm Galenum, increscente morbo,  
 materiam in locis affectis hæren-  
 tem, digerentibus elicere, & in  
 auras vertere, ideoque concessum  
 quoque statuit, cucurbitulis &  
 causticis admotis, inter initia pec-  
 cantem ex parte affectâ provoca-  
 re humorem. Insuper experi-  
 mento rem stabiliens testatur,  
 Comitem quendam *Nicolaum Gam-*  
*baram*



*baram* curam illam in proprio corpore, tutissimam & saluberrimam deprehendisse, ideoque curam illam, Comitibus nomine inverso, *Laonicam* vocitat. Peragitur autem hæc à Sacheto toties dilaudata medicatio sequenti modo: Levis cucurbitula sine scarificatione primò ægræ adhibetur parti, quâ humor vitiosus sub cute, & in partibus remotioribus hærens, ad pedum extremitates invitatur. Mox scarificatione institutâ, & admotâ cucurbitulâ, attractus humor evacuatur. Quod si fluxio nihilominus urgere videatur, purgatione ac venæ sectione *ἀντίσπασις* molienda est, & postea iterum partibus, loco affecto superioribus ac circumpositis, affixis corniculis materiæ copia intercipienda, atque evacuanda. Scarificata autem loca, remotis cucurbitulis, de-

cocto irrigantur anodyno , ac vulnuscule eluuntur , ne humor in iis subsidens putrescat, aut corrumpatur. Cucurbitularum applicatione ob materiæ copiam sæpius iteratâ , ad vesicatoria & caustica medicamenta postmodum itur , quæ unguento populeo , rosato, aut refrigerante Galeni, temperata affirmantur, ne caustica vehementius trahendo, dolorem ac materiæ affluxum augeant, & exasperent. Vesicatorio detracto rescinditur vesicula, citrinam ac ferventem sæpè materiam expuens, quâ detergâ, ac ulcere mundato, enervatum brassicæ folium, butyro sordidulum , ad mitigandam caustici vim , & impediendam consolidationem, imponitur. Paulò post remoto folio, collecta instar iuris concreti materia detergetur. Hoc curationis genus intra diem naturalem

ralem ter quaterve repetitur, ac singulis vicibus decocto aliquo tepido locus affectus humectatur, dolorque mulcetur. Humore penitus evacuato, ac fluxu subsistente, cutis instauratur unguento è cerussâ adhibito. Refert autem Sachetus *l. c. cap. xix. p. 118.* Gambaram Comitem in explorandis latebris humoris, pruritum facientis, admodum fuisse curiosum, & cultello acuto ulteriùs contaminatam incidisse cutem, nec cessasse ab opere, priusquam hostis latens esset investigatus. Recurrente autem morbo folis corniculis (omissis vesicatoriis) usus est Comes, & quidem extemplò inter initia mali, atque sic intra paucos dies, vel etiam horas, ab instante paroxysmo sese vindicavit. Vesicatorium Gambaræ tale fuit:

*℞. Cantharid. præparat. ℥ j.*

*fer-*

278 I O H. L O S. P O R.

*ferment. veter. ʒ v.*

*euphorb.*

*stercor. columbin. an. ʒ j.*

*aceti acerrim. alb. q. s. M.*

Huius particula applicata, spatio  
sex vel septem horarum vesiculas  
excitavit. Trallianus quoque  
(qui Oribasio Aëtioque posterior,  
Æginetâ prior existit) *lib. xi. p.*  
*199. editionis Græcæ Parisiensis*, in  
principio morbi allium lævigatum  
cottidiè pedibus admovit, nec sol-  
vit, donec exulcerati essent. Pa-  
racelsus itidem in extirpandâ po-  
dagrâ, curam hanc causticam ex-  
tollit, eamque *Apertam* vocitat, eò  
quod partem affectam aperiat, &  
vi quasi quâdam tartarum extra-  
hat. Tale autem initidè præscribit  
medicamentum causticum:

*℞. Mercurii sublimat.*

*aquæ fortis.*

*arsenic. an. q. s.*

M. F.

## M. F. Pulmentum.

Pulticula hæc toti parti dolenti, & tumentis apponenda, si verò integrum membrum *παραπρωρεῖ*, & infortunio obsidetur, locus maximè conveniens eligendus, pro impositione medicamenti. Escharâ inductâ, quæ illam removent, admovenda sunt, & postmodum attractivum imponendum:

*R. Minii.*

*lithargyr.*

*lapid. calaminar.*

*carab.*

*magnet. an. ℥ ss.*

pistilli circumactu in mortario contendantur, in pollinem comminutis addantur:

*Ol. lini ℥ vj.*

*Cer. ℥ iiij.*

*terebinth. ℥ ij.*

*vernici. ℥ j.*

Coquantur ad consistentiam emplastrum.

280 ION. LOS. POR.

plastri, brunei coloris, cui dissoluta aceto, & percolata adiiciantur gummi:

*Rx. Opopanac.*

*galban.*

*sagapen.*

*bdellii.*

*ammoniac. an. ℥ ss.*

parùm ebulliant, & tandem recipiant.

*Carab.*

*maslich.*

*oliban.*

*myrrh.*

*magnet.*

*aloës hepatic. an. ℥ iij.*

spatulâ agitando & malaxando F. emplastrum, quod partibus caustico medicamento exesis, remotâ escharâ, impositum, humores allabentes, salemque tartareum resolvit, dissipat, evacuat. Peccantē materiâ evacuatâ, & ita malorum

Len-



Lernâ ablegatâ, ratione *συμψύσεως*, pulverem Croci Martis ulceratæ parti inspergi iubet. Hæc est Cura podagræ, *Aperta* vocitata Paracelso, quam tradit *tom. IV. tractat. 11. de morb. ex tartaro, cap. 11. p. 16.* Ioh. Poppius *lib. 111. Thesaur. Chymic. p. 664.* itidem hâc curâ deletatur, & primitùs parti affectæ aquam fortem iterum & sæpiùs alinit, eamque excoriat, postea emplastro admoto, ulteriùs partem erodit, ac tartarum evocat:

*R. Cantharid. ʒ ij.*

*ranuncul. flamm.*

*scammon. an. ʒ ß.*

*euphorb. ʒ v.*

*camphor.*

*magnet. præpar. an. ʒ j. ß.*

*succin. præpar. ʒ j.*

in pulverem comminutorum uncia una emplastro alicui gummoso, vel etiam unciis quatuor sacchari

chari misceatur. Huius misturæ particula linteo affricatur, & loco ante excoriato imponitur, tandem abiecto priori emplastro, *opodeldoch* ad perfectam usque sanationem applicatur. Quo cum verò ægro mitiùs agit Poppius, huic partem tartaro obsessam initiò scarificat, & corniculis apposis, evacuationem molitus, podagricum minerali balneo horæ quadrantem, vel diutiùs, pedes immergere, & quidem bis singulis diebus, ac balnei usum continuare iubet, usque dum tartarum penitùs resolutum, & evacuatum fuerit. Balneum tale est:

℞. *Consolid. Regal.*

*millefol.*

*hyperic.*

*centaur. minor. an. M j.*

*vitrioli.*

*aluminis an. ʒ j.*

*cine-*

*cinerum fagi ℥ ij.*

in aquæ mensuris octo, vel decem,  
ebulliant. Vel:

*R. flammul.*

*fol. bellebor. nigr.*

*senæ an. M j.*

*fabar.*

*lentium an. M iiij.*

*vitriol. ℥ j ss.*

*salis gemm. ℥ vj.*

*sulphur. crud.*

*antimon. an. ℥ ij.*

Coquantur in aqua pro balneo  
pedum.

Verùm enimverò, etiamsi *curâ A-*  
*pertâ* dolores podagrici, insigniter  
ferocientes, demulceri, humores  
vitiosi ac salini, per patentem in-  
ducti ulceris viam, partim evacua-  
ri, partim insensibiliter dissipari &  
resolvi possint, tamen illam veriùs  
carnificinam, quàm utibilem, &  
Medicis insistendam dixerim Cu-  
ram,

ram, maximè in principio morbi. Etenim abominabile est primitùs, hîc loci appostitis causticis partem adurere, exulcerare, & ita afflicto ægro afflictionem addere. (2) res maximè periculo plena est, in parte exangui, frigidâ, cuius ἔμφυτον θερμὸν à morbo toties recurrente, pessundatur, cauteria adhibere, & hoc modo evacuare : cum locus iste exulceratus difficulter, imò nullis remediis quandoque, ad σύμφυσιν deducatur, præsertim in subiecto νοσηρῶ, & humoribus affluente vitiosis. Hinc & in erysipelate affirmanda haut sunt parti affectæ talia medicamenta, quæ suppurationem, aut exulcerationem inducere queunt, cum secundùm Hippocratem VI I. aphor. XX. ἐπὶ ἐρυσιπέλατι σιπιδῶν, ἢ ἐκπύησις, κακόν. (3) Facile τῷ μοεῖν νεκρότης, seu gangræna induci potest, ulcere ex-

cita-

citato, & affluxu materiæ continuato, quam postea ἀκρωτηριασμός, seu membri detruncatio, sæpenu-  
merò necessariò subsequitur. Ita  
arthriticum quendam, applicato  
caustico, & gangrænâ subsecutâ,  
occubuisse refert Zacutus Lusita-  
nus *lib. iiii. prax. Med. admirand.*  
*observat. cxlii. p. 478.* (4) neque  
ob arsenicum pulticulæ erodenti  
additum (quod Paracelsus facit)  
causticum illud satis tutò applica-  
tur, cum & Magnes Arsenicalis in-  
terdum deprehensus grandia inve-  
xisse symptomata. (5) etiam hoc  
nomine à quibusdam improban-  
tur Caustica, quod evellant, ac  
dissipent plerumque id, quod te-  
nuium est partium, relictâ crassiori  
materiâ, quæ temporis tractu in  
lapidem durescens, tophos pro-  
creat, in quâ sententiâ etiam est  
Budæus, *in curation. articular. mor.*  
*bor.*

*bor. p. 34.* Præstat itaque, Auto-  
 ribus suis relictâ Curâ Causticâ,  
 in principio morbi, partes, ab *ἰσίσ*  
*τῆς δερμὸς* extremè diffitas, mitioribus  
 remediis tractare, sensim resollen-  
 tibus materiam, tuber, ac dolorem  
 parientem, per *ἄσθλον διαπνέω* in  
 auras vertere, dolorem paregoricis,  
 anodynis, & narcoticis quandoque  
 mitigare, quàm erodentibus semi-  
 neces ac imbelles partes ulcerare,  
 humores omnes eò præcipitare,  
 gangrænâ & sphacelum induce-  
 re, & ita membrorum amputatio-  
 ni ansam quandam largiri. Nec  
 cultello usque adeò tutum est, in-  
 cidere cutem, quod Gambara fa-  
 ctitare erat solitus, cum Guilhel-  
 mus Fabricius *epistolar. Centur. 1.*  
*epist. LXXX. p. 416.* tradat, virum  
 quendam Generosum in Burgun-  
 diâ, arthritico dolore in digito pe-  
 dis minimo correptum, scalpello  
 tuber-



tuberculum, in ipso digito existens, perforasse. Cum verò altè nimis infixisset scalpellum, dolor inde acerbior fuit factus, subsequente paulò post gangrænâ, ita ut coactus fuerit, tibiam ad poplitum Chirurgorum operâ sibi amputare, quam amputationem mors ipsa insecuta est. Quod verò Gambara, traditâ superiùs curâ, sanitatem recuperârit, nec mali quidpiam sit passus, sciendum, fatatum illud fuisse, & *μὴν χειρὶ δόνα ἔαρ ὁ ποιεῖν* ideoque quod huic salutare, aliis verò exitiosum existit, id non facilè imitari debemus, ne scilicet experimenta per mortes aliorum facere dicamur, ut habet Plin. lib. xxix. cap. 1. *histor. natur.* Interim non simpliciter Cauteria reiicio, sed hoc saltem volo, quod in principio podagræ, corpore vitiosis humoribus abundante, talia ad-

administranda non sint, præsertim pedibus calore suo vehementer pauperatis. Aliàs novi, tempore adhibita Cauteria suo modo etiam iuvasse ægros, doloremque ad Indos amandasse. Ita Capitaneo cuidam, cui nova materia in pollicem maiorem sinistri pedis influxerat, circa vesperam igne articulum, ubi rubebat, ussit Spigelius, appposito statim emplastro Diapalmeo. Huic tumor pollicis tertio ab unctione die evanuit, & crusta, quæ exusta erat, sicca permansit, ut statim, quò vellet, incederet. Videatur Spigelius *de arthritid.* p. 95. Consimilem quoque narrat historiam Guilhelm. Fabricius, *observat. Chirurgic. Centur. III. observ. XCIX.* p. 432. quod nempe dolor vehementissimus, in calce pedum exortus, applicatione cauterii potentialis, reliquis nihil conferentibus reme-

remediis, defubitò fuerit sedatus. Sed in his subiectis, meo quidem arbitrato, natus pedum calor robustior fuit, qui partes defendit à τὴν ἐκπόσει, & sphacelo mortificante. Deinde affluxus materiæ, pedes infestantis, mitior quoque existit, corporibus venæ sectione, & iteratis purgationibus, tum per secessum, tum per vomitum, optimè evacuatis. Proinde antequam Medicus cauterio podagram adoriri occeptet, consideret priùs, utrum pedes vehementer sint infirmati, & calido suo naturali exhausti: quod si viderit, prorsus eos esse imbecilles, & à Catorthomate naturæ degenerantes, cauterio abstineat, & aliis remediis malum debellare cogitet. Videat insuper, ut corpus debitè evacuetur, ante Cauterii applicationem, ne sinistro & intempestivo eius usu fe-

rinus excitetur affluxus, eodemque calor pedum magis magisque destruat, atque ita gangrænæ habitaculum quasi quoddam præparetur. Pars affecta quomodo confortanda sit, in præservatione abundè dictum est.

# SUBJECT. V.

## *Cura Podagræ Magnetica & Transplantatoria.*

**D**Ogmaticæ Curationi subiciendam esse ratus sum Curam podagræ Magneticā, & Transplantatoriam, quā nonnulli non modò nostrum affectum, Herculeum sanè, sed & alia *δυσπαλάκτα νοσήματα*, animosè aggredi non sunt veriti. Ita Lysimachia purpurea, ipso Iacobi die, vespérâ ingruente, effossa, torrefacta, sacco inclusâ, & collo novendium suspensa, postmodum

modum in profluentem missa, putrilaginem gingivarum scorbuticam arcere, & emaculare conati sunt. Prominulos ventris tumores, hydropicos intelligo, vesicâ bubulâ ægrotantis lotio repletâ, in furno fumante aliquandiu suspensâ, & deinde effuso lotio, ac vesicâ in Cloacam seu latrinam coniectâ, detumescere censuerunt. Radice iridis luteæ, mense Maio eradicatâ, & collo (ut scrobiculum ventriculi attingat) appensâ, diarrhæam, & consimiles fluxûs alvinos, radice verò ostrutii seu Imperatoriæ, Lunâ crescente effossâ, nuchæ (ut meditullium spinæ dorsi tangat) affirmatâ, & postea in præterlabentem fluvium proiectâ, catarrhos graves curare sunt ausi. Similiter ulcerum inveteratorum solidam & citam curationem herbæ Persicariæ interventu promittunt.

tunt. Dictam plantam, Lunâ de-  
 crescente, paribus ulceratis alli-  
 gant, & spatio xxiv horarum cla-  
 pso, recentem apponunt, applica-  
 tione in dies continuatâ, usque  
 dum Luna iuvenescere, seu iterum  
 crescere incipit. Remotam ab ul-  
 cere herbam fimo contumulant,  
 confumendam, cuius putre-  
 dinem, perfectam ulceris curatio-  
 nem insequi rigidè contendunt.  
 Unguium quoque segmentis, & pi-  
 lis aliquot è syncipite patientis e-  
 vulsis, ac certo modo in arborem  
 quandam vegetam transportatis,  
 tabem seu phthisin; sanguine verò  
 ex medianâ ægrotantis extracto,  
 ovi gallinacei testæ artificiosè in-  
 cluso, & ita ovo gallinæ xiv dies  
 supposito, postmodum sui fameli-  
 cæ exhibito, icterum, & morbos,  
 ex vitioso sanguine oriundos, tran-  
 splantando averruncare satagunt.

Alii



Alii in febris, biduo medio intervallatâ, in quâ secundum Phavorinum apud Agellium, *lib. xvii. cap. xii.* μία μντηνὰ, καὶ δύο μντέρες, ægrotantis lotium sumunt, idque cum farinâ subigunt in massulam quandam, ex quâ panē, ab esuriente cane devorandum, conficiunt, & ita febrim, difficilem extirpatu, avertere desudant. Dentium dolorem acerbissimum, φουτέυσει singulari adhibitâ, quomodo nonnulli destruere conentur, omnibus notissimum esse censeo.

Eodem modo & Podagram (incipientem, non nodosam & inveteratam) Transplantatoriâ arte curare nonnulli occipiunt. Ægropilos in utroque crure (hirsutus circa femora & crura Aristoteli dicitur λέσσαντος, prærabidus ad Venerem, & insigniter mutoniatus) novaculâ demunt, & insimul

N 3      ungues

ungues manuum pedumque statotempore, Vere scilicet, arboribus de integro succum recipientibus, & quidem propriodie ante novilunium, refecant, post terebrâ, in populo albâ, vel quercu virescente, foramine facto, ad medullosam usque arboris partem, unguium segmina & pilorum filamenta in locum excavatum, nullo segestri adhibito, transportant, foramine ligneolo, ex arboris cuiusdam ramulo fabricato, accuratâ & profundè clauso. Ligneoli propendens particula proximè arborem securi amputatur, & admoto fimo vaccino saucia ligni pars propediem optimè deligatur. Quod si trimestri exacto spatio, malum podagricum haut recurrat, Arborem Magneticâ virtute efficacissimam arguit; sin. redit, aliâ ratione cura ulterius erit attentanda.

Triduo ante novilunium, terebrâ excavetur alia quædam vegeta & succolenta arbor, eiusque segmina, eâ quâ educta fuerunt horâ, contundantur, contusa & sacco inclusa, partibus, dolore podagrico excruciat, apponantur, ibidemque relinquantur integrum triduum, quo elapso, ipsâ novilunii horâ, segmina illa remota, & exclusa sacco, in priorem & natalem locum iterum ingerantur, foramine cuneolo, ut ante, probè & perfectè obturato. Si iam, antequam tres elabantur menses, malum revertatur, & de integro patientem corripiat, iterum ungues pedum manuumque refecentur, & hirta tondeantur crura, segmenta verò unguium, & pilos abrasos, segestri commodo seu involucrio inclusa, vivo cancro, & quidem eius dorso, alligentur, baiulo cancro,

opimâ prædâ onusto, in proximum profluentem dimisso. Hoc modo podagram transplantatoriè curari, & penitùs extirpari asseverant, si nec viscera insigniter de suo statu sint deturbata, nec malum annosum, durosque tophos generans.

Huc quoque spectat *Sigillum anti-podagricum*, tribus laminis constans, quod certo tempore ex obryzo auro, argento, ferro & plumbo conficitur, characteribus exornatur, ac ægro appenditur. Huius descriptionem, & parandi modum, vide apud Paracelsum *tom. x. lib. i. archidox. Magic. p. 327*. Huic affine est *Pentaculum*, quod memoriæ prodidit Trallianus *lib. xi. p. 199*.

Λαβὼν πέταλον χρυσεῖν, σιλωΐης ληγέσης, γράψε ἐν αὐτῇ τὰ ὑποκείμενα, καὶ ἐνδύσας εἰς νεῦρον γράνη, εἴτα ὁμοιον τῷ πετάλῳ σωληνάειον ποιήσας, κατὰ κλεισον καὶ φόρει

ὡεὶ τὸς ἀσεργάλως, με, θρευ, μόρ, πορ,  
 πυχ, ζα, ζων, θε, λου, χει, γε, ζε, ων.

*In laminam auream, Lunâ desinente,  
 quæ sequuntur scribito, & nervis gruis  
 involvito, deinde simili canaliculo seu  
 tubulo ipsam includito, gestatoque ad  
 talos, mei, threu, mor, phor, teux, za,  
 zon, the, lou, chri, ge, ze, on. De Pen-  
 taculis hisce, eorumque virtute,  
 in curando podagrico affectu,  
 etiamsi nihil affirmare ausim, nisi  
 quod ἐδελοθησκεία & superstitionem  
 coniunctam habeant, Curam  
 tamèn Transplantatoriam penitùs  
 improbare aut reiicere vix possum,  
 cum constet, istius ope aliquando  
 fuisse curatam podagram. Sic  
 Michaël Maierus, in *Civitate corpor.  
 human. cap. ix. p. 162.* refert, sibi à  
 Principe quodam narratum esse,  
 artis transplantatoriæ beneficio,  
 omnibus aliis remediis frustra, &  
 sine omni fructu adhibitis, duas*

N 5

Per-

Personas sanitatem integrè recuperasse , quarum prior acerbissimo humeri & scapularum dolore, altera circa pedem eodem cruciatûs genere torquebatur. Et quamquam causa curationis istius abstrusior nonnihil sit, & intricatior, propterea tamen reijcienda haut est, cum plurimi morbi eiusmodi remediis curentur , quorum causam aut nunquam , aut difficulter reddere, vel investigare possumus. Sic *Unguentum B. Anselmi* dictum, seu *armarium*, ferro , ligno , lateri, vesti, aut consimili rei , vulneris cruore commaculatis, illitum, faucios ægros restituit, etiamsi aliquot milliaria abfuerint. Hæc curatio ut certa , & omnis superstitionis expers est, præterea à nemine amplius in dubium vocatur, ita Curationis causa obscurior nonnihil, & magis ambigua censetur. Simi-

liter



liter alia sunt, quæ in Naturâ fieri notantur, quorum causæ itidem dubiæ, & maximè ancipites habentur. Ita sexcentis constat experimentis, hominis sceleratissimè interempti cadaver, eiusve partem, exactis ab interfectionis momento plusculis diebus, mensibus, imò annis, sanguinem confestim sudâsse, quamprimum homicida locum illum fuerit ingressus, in quo cadaver ipsum, vel particula eius aservabatur. Sic Ietzehoæ in Holstatiâ hominis occisi amputata manus, in carcere suspensa, atque arefacta, post integrum decennium, cruorem sanguineum stillando, homicidam prodidit, quemadmodum hanc rem, multis magnis testibus, Regiisque adeò Confiliariis roboratam, ex Simeone Gulartio allegat Comenius in *Synops. Phys. cap. x. p. 190.* Mirum quoque est,

est, quod hominum aliquis Confilia, statum vel conditionem suam, detegere possit alteri, etiamsi prorsus sit nescius, ubi terrarum ille hæreat, cui res suas concredere exoptat. Hoc autem sequenti modo fieri posse contendunt. Uterque sibi vulnus brachio infligit, sanguinemque emanantem ac ferventem adhuc, apposis brachiis alter in alterius vulnus ingerit, & ita commutato ac instillato sanguine, vulnerum consolidatio procuratur, applantatâ eam in rem convenienti medicinâ. Curatum, ac cicatrice obductum vulnus, in partes postmodum duas vel tres, supremam, mediam & imam, discriminant, ita ut quælibet pars certum quid signare debeat, de quo ante consultatio instituta. Iam si unus, in locis etiam maximè dissitis hærenti amico, quid significare desiderat,

derat, acu arreptâ partem aliquam vulneris pungit, & ita dolore excitato ob consensum alteri manifestat, quod particula illa puncta ex compacto notificare debebat. Causam huius rei, liberum cuivis iudicium relinquens, statuerem hanc: quod nempe sanguis, naturâ suâ balsamicus ac spirituosus, alteri communicatus, maritatus, & probè mistus (aliquam quoque partem in pus degenerare, nullus dubito) abeat in carnem albicantem ac densatam, quam cicatricem appellamus. Antequam autem id accidat, uterque sanguis uniter ac amicè conspirans, balsamicos suos invicem confundit, ac consociat spiritûs, & ex amicabili congressu ac implexu eam sortitur conditionem, ut postea Cicatricem, ex cruoris accuratâ & coniugiali miscellâ genitam, spiritûs illi balsamici con-

consociati iugiter imbuant, insucent, eique indissolubiliter maneant uniti. Exinde, cicatricis aliqua parte acu compunctâ, balsamicus iste spiritus, mistus ac coactus, afficitur quodammodò, dolorque soluto continuo excitatur, quem doloris sensum alterum illud subiectum, in locis etiam distantissimis hærens, ob simile spirituum sanguinisque coniugium, cicatricem efformans ac vegetans, percipit, ac *συμπαθὲς* condolet. Eadem ratio in Nobili illo Neapolitano quoque militat, qui in duello naso truncatus, eundem ex servi cuiusdam brachio reparari curavit. Verùm cum exacto sexennio servus mortalitatem expleret, nasus iste mutuatitius, in vivis manente Nobili, computruit, & ad decidium servi, ipse deciduus factus est. Sed ad Curam Transplantatoriam

toriam morbi podagrici iterum ab eo, rationem pro virili investigaturus, si non exactam, probabilem tamen. Primò autem suppono, ungues ac pilos eodem spiritu regi, quâ glutinosa illa materia, ex quâ constituuntur, regebatur. Quod exemplis ita declaro. Pinguedo urfi vasculo conclusa, ac asservata, hyeme augetur, eò quod urfi in latibulis suis otiantes ac stertentes, eodem tempore pinguescant, & obefuli reddantur. Sic etiam tartarea vini fæx commoveatur, & turbatur, ob spiritum illum, quo vites, brumali tempore demortuæ quasi, adventante Vere evigilant, & ad germina protrudenda instigantur. (2) suppono, unguium ac pilorum spiritum, cum glutinosis articulorum partibus, quandam familiaritatis alere testestram, ob commune alimentum, idque

que viscidum, quo particulae illae enutrientur, ac sustentantur.

Iam pili & ungues, arbori vegetae & succulentae inserti, ac natalitio ipsius arboris succo perfusi, concresecunt in eandem, & ita spiritus ille unguium ac pilorum, ab accessu balsamicae arboris virtute, vegetatur, roboratur, & omnino ita disponitur, ut satis validus sit, ad afficiendam & firmandam articulorum glutinosam substantiam, quae postea ob *συμπάθειαν* roborata & instaurata, tartareum humorem, articulosi partibus infestum, corrigit, absorbit, & in auras vertit (3) dico, etiam cum humore falsugineo, podagram excitante, unguium ac pilorum glutinosum & salinum principium quodammodo convenire. Hinc salinus unguium ac pilorum spiritus, à succo vegetante ipsius arboris excitatus,





cuius crustosum involucrum constituitur) communicat, partim ad vegetandum squamosum integumentum, partim ut excutiat onus illud, dorso impositum. Iam ex affluxu salini istius spiritus, unguium ac pilorum consimile principium, non tam removetur & excutitur, quàm vegetatur, excitatur, & ad humorem tartareum (cuius naturam quodammodo sapere ungues ac pilos, retuli ante) in corpore arthritici hærentem, magneticè evocandum & auferendum impellitur. Sed nolo prolixior esse in his, ne reprehensionem incurram eorum, quorum palato hæc minimè arridebunt. Interim liberè sentiendo nemini persuasum velim, ut his in solem & pulverem adductis assurgat, suumque adiiciat calculum, sed hoc saltem amicè exopto, ne statim ad superstitionem ali-

aliquam recurrentes , diabolici  
quid comminiscamur , ubi huius  
vel istius effectûs causa occultior  
& abstrusior nos latet . Tandem  
ad nodorum propero Curam .

# SUBSEC. VI.

## *Nodorum cura.*

**H**IS expeditis nodorum cura  
paucis delibanda. Nam etiam-  
si perspectum habeam , podagram  
nodosam difficulter curari, ex Prin-  
cipum Medicorum asserto, tamen  
haut oberit etiam hîc aliquid ten-  
tasse , cum monstra sæpiculè acci-  
dant in morbis , & toties salvetur  
aliquis absque spe mirabiliter , ut  
loquitur Iben-Sina *lib. IV. Fen. IV.*  
*tractat. II. cap. X.* Imò curatam fuisse  
podagricam *πώπον* semel atque  
iterum historiæ Medicorum atte-  
stantur ; refertque Zacutus Lusita-  
nus

308 I O H. L O S. P O R.

nus lib. 11. prax. Medic. admirand.  
observat. CLXXIIX. p. 295. bracteam  
plumbeam subtilissimam, per men-  
sem super tophum impositam, in  
rustico quodam valido, tophum  
penitùs discussissimè. Nodis itaque  
& tophis sequens emplastrum ap-  
ponat:

Rx. ol. visci pomor. Quercet. ℥ j.  
aut ℥ ij. calefiat in vase ad  
ignem, calefacto adde  
oleo

sapon. rasi ℥ iiij.

misceantur semper probè cum spa-  
tulâ, donec sâpo cum oleo benè  
incorporetur, postea adde.

Ceruss. Venet.

lithargyr. an. ℥ ij.

(semper miscendo cum  
spatulâ)

vitriol. ad rubed. calcinat. &  
pulverisat. ℥ j.

cinabar. ℥ ß.

semper

semper agitabis, dum adiiciuntur prædicta, usque dum optima fiat emplastri consistentia. Hartmanus in *prax. Chymiatr.* p. 189. ad nodositates nondū inveteratas hoc emplastrum commendari ait, quod præter sedationem doloris, etiam ex articulis tophaceam materiam, cute leviter apertā, resolvendo extrahit:

*R. vitriol. Roman. seu Vngaric.*

*aluminis Rochæ an. ℥ ss.*

*salis ℥ iiij.*

hæc omnia coniunctim calcina in catino terreo, evaporando saltem, donec spiritus etiam exhalare incipiunt, quibus odore perceptis, statim à calcinatione desiste, & refrigerata in pollinem age. Huius pulveris, & farinæ hordei, cape æquales partes, has accuratè cum vini facibus misce, & pulvem hanc cum laciniâ partibus affectis appli-

applica. Exsiccatum denuò cum  
 fæce tartareâ distempera, & appo-  
 nendo sic perge, usque dum & do-  
 lor & tophi assumpti evanuerint.  
*Emplastrum Vigonis de Ranis cum*  
*Mercurio*, in arthritide nodosâ, sin-  
 gulares quoque obtinet virtu-  
 tes, & describitur in hunc mo-  
 dum:

*Rx. ol. de spic.*

*chæmæmel.*

*lilior.*

*aneth. an. ʒj.*

*laurin. ʒvj.*

*de croc. ʒß.*

*pingu. vituli ʒiiij.*

*thur. ʒv.*

*euphorb. ʒijß.*

*adipis viper. ʒx.*

*ranas. vivent. N. iiij.*

*lumbrie. in vino lotor. ʒxiiij.*

*succ. rad. enul.*

*ebul. an. ʒj.*

*schæ-*



*schænanth.**stæchad.**matricar. an. M. ß.**vini odorifer. ℥ j.*

Coquantur ad consumptionem vini usque , ac colaturæ addantur :

*lithargyr. ℥ ß.**terebinth. clar. ℥ j.**ceræ q. s.**styrac. liquid. ℥ vj.*

ab igne remotis , ubi refrixerint , adiiciendæ sunt Mercurii vivi , hominis ieiuni salivâ interempti ℥ ij. ac iugiter exacteque miscendo , ac subigendo in emplastri formam , magdaleones formandi , & usui reponendi. Hoc emplastro Lugduni Batavorum non ita pridem arthriticum quendam restitutum vidi. Historiam curati affectûs integrè adscribam . Decumbebat in Nosocomio Leidensi homo , quinquagenarius ferè , manibus pedibusque

busque insigniter laborans, qui circa dextri cubiti flexuram (ubi brachii os parte suâ inferiore cubito & radio articulatur) in exteriori parte, prægrandi topho, magnitudine gallinaceum ovum æquante, motumque voluntarium penitus abolente (exceptis minoribus tophis, aliis partibus insidentibus) vehementer cruciabatur. Huic præscriptæ primùm fuêrunt pilulæ:

*R. pilul. arthritic. chamæpit. Matthiol. 3 ss.*

*aloës rosat. 3 j.*

*Cum s. q. syrup. rosar. sol.*

*F. pilul. N. xj.*

Ex his, diebus alternis, tempore cænæ, duæ abs ægro deglutiebantur. Purgato corpore, extuberationibus apponebatur superiùs nominatum emplastrum, ad perfectam usque restitutionem. Partes nervosæ ac tendinosæ, ubi ab

em-

emplastri usu tensæ nonnihil dolerent, ablato eodem, oleo amygdalarum dulcium inungebantur, & rursus emplastrum imponebatur. Paucis sic diebus elapsis, nodi illi insignes detumescere omnes, motus cubito, tumore illo magno discusso, rediit, & æger omninò sanus evasit, cum adstantium omnium admiratione. Ex quâ observatione elucet, quàm salutare & mirabile Mercurio insint virtutes, in dissolvendâ, dissevandâ, & auferendâ mucilagine tartareâ. Eiusmodi vires, sacras certè & stupendas, in proprio etiam corpore expertus sum. Quippe anno abhinc exacto, & quod excurrit, dum essem in Transylvaniâ, fodinas tum Auri, tum Cinabrii lustrans, accidit, ut perreptanti mihi anfractuosas Cinabrii (ex eodem, in pulverem acto, ibidem in urceis figulinis,

O ad-

adhibito carbonum contusorum,  
 grosso pulvere, excoquitur Mercurius  
 vivus) fodinas, toto de corpore  
 manaret sudor. Quid factum?  
 Ganglion mihi in sinistra manu ante  
 aliquot annos Wittebergæ enatum,  
 in insignem magnitudinem  
 excrescens, motumque ferè abolen-  
 s, sudore illo tollitur, materiâ  
 eius per totum metacarpium diffu-  
 sâ, quæ paulò post, die uno & al-  
 tero elapso, in auras dissipata peni-  
 tûs evanuit, mèque ganglio intè-  
 grè absolvit. Ita fortuitò à malo  
 illo liberabar, quod omnia remedia  
 affirmata, & in usum ante à me  
 tracta eluserat. Zacutus Lusitanus,  
 Medicus celeberrimus, in amicissi-  
 mis suis literis, Amstelodamo ad  
 me exaratis, aliud emplastrum  
 commendat in hunc modum: *Ex  
 multiplici præsidiorum sylvâ quæ Pri-  
 sci, & Iuniores, contra banc septempli-*  
*cem*

cem hydram solerter excogitârunt, ut  
 acerbos articulorum lenire possent dolo-  
 res, ex frigida præsertim causâ contra-  
 ctos, hoc est fidissimum, si habitâ prius  
 de toto corpore providentiâ, eo peritus  
 Medicus utatur: Præstans est empla-  
 strum, si quod aliud: plures enim mul-  
 tis tentatis, liberari minimè potuerunt,  
 donec hoc sunt usi. Dolores sedat ex fri-  
 giditate subortos, flatûs discutit, duri-  
 ties resolvit, tophos mirificè comminuit,  
 partes roborat, fitque hoc modo:

℞. picis naval. ℥ ij.

resin.

colophon.

cer. an. ℥ ss.

Zingiber.

baccar. laur.

sulphur. viv.

anis.

croc.

absinth.

puleg.

316 IOH. LOS. POR.

*sem. nasturt. an. ʒ ij.*

*pulver. rad. ebulor. ʒ ʒ.*

*cinamom.*

*caryophyll. an. ʒ j.*

*terebinth. q. s.*

F. emplastrum s. a.

*Quod si, postquam refrixerit (scribit porro) aliquâ ex parte, addideris argenti vivi ʒ iij. prius extincti in salivâ humanâ, erit efficacius, & potentius: quoniam Mercurio inest vis maxima pro discutiendis nodis, duris emolliendis tumoribus, saxeis resolvendis tophis. Hactenus Lusitanus. Emplastro huic non absimile est illud, quod ex libro manuscripto allegat Weckerus lib. v. de secret. p. 140. Notandum autem circa additamentum Mercurii in morbis arthriticis, quod iste unguentis adiectus, aliquando pessima excitârit symptomata, imò mortem ipsam accelerârit, quemadmodum*  
qua-



quatuor exemplis id confirmat  
 Guilhelm. Fabricus *observat. Chir-  
 rurgic. Centur. III. observat. XCII.  
 p. 400. & Centur. IV. observ. XXCII.  
 p. 186.* ubi unguento Mercuriali  
 ab insulsis empiricis inuncti, vi-  
 ribus ita exhauriebantur, ut pau-  
 lò post vitam cum morte commu-  
 tarent.

Unus etiam ex his, post gravia  
 exantlata symptomata, sphacelum  
 incurrit, gingivas, genas, lin-  
 guam, omnesque oris partes occu-  
 pantem. Concludit itaque Fa-  
 bricius, in articulorum doloribus  
 inunctiones Mercuriales citra in-  
 gens periculum adhiberi non  
 posse; vultque hoc nomine, ut  
 Magistratus gravissimè animadver-  
 tat in rupices & imperitos Chirur-  
 gos, qui in doloribus articulorum  
 (*die kalte lähme* nominant) hy-  
 drargyro usi, ægros crudeliter ex-  
 cru-

cruciant, & nonnunquam ad inferos detrudunt. Verùm enim verò in tumoribus arthriticis, cum primis in podagrâ nodosâ, Mercurius simpliciter reiici non potest, & quod enormia semel atque iterum produxerit symptomata, id Chirurgorum culpâ accidisse dicendum, qui Mercurium contaminatum, sophisticatum & impurum, tempore haut opportuno, administrârunt. Primò namque unguina illa mercuriata ab iis adhibita fuêre, corporibus vitioso humore diffluentibus, hinc factum, ut vel lienterix patientem corripere, vel humore ad superiora propulso, ferina symptomata cum internecino sphacello, faucium interiora, cæterasque annexas corrumpere partes. Secundò cum Mercurii ingens sit diversitas, & alius sit natus, purus,

rus, spiritualibus Auri tincturis à naturâ imprægnatus, alius crudus, à naturâ ruditer & imperfectè elaboratus, ac heterogeneis qualitatibus commaculatus, vel etiam ex plumbo, & bismuthi admistione conflatus, facile contingere potest, ut dum hic ob pretii vilitatem à Chirurgis indoctis, cæco quasi impetu, rapitur in usum, propter gelidam & veneficam Saturni naturam, enormia ægroto accersat symptomata. Quandoque in ipsis terræ visceribus eiusmodi vicinos habet Mercurius, à quibus in consortium tractus, alienos sæpenumero induit mores. Sic bismuthi, stibii & Saturni heterogeneis substantiis, in intimis terræ cavernis, inquinatur, ac morbidas acquirit virtutes, quæ nisi separentur pyrotechniâ, corpori *δαρτωδης* esse

possunt. Circumspectè itaque agatur in adhibendo Mercurio, & talis eligatur, qui sit genuinus, purus, ex Istricis vel Hungaricis fodinis erutus, plumbariæ aut consimilis naturæ expers. Nec admisceatur hydrargyrus, in enodandis podagrorum tophis, pinguedinì alicui, aut ungento liquidiore, cum hâc ratione, ob partium λεπτομέρειαν, & aëream substantiam, faciliùs corpus subire, penetralia illius perreptare, ac, humoribus ad Palladis ædem convocatis, λέγναι κακῶν ibidem concitare queat. Satiùs erit, purum Mercurium liparis & emplastris spissioribus addere, quibus tenacia miscentur bitumina, ut Mercurius hoc modo sufflammat & cohibitus quasi, exteriora saltem lambat, ac partes corrigat extumidas. Deinde nec talia em-

emplastra arthriticis admovenda sunt, priusquam corpora ab humorum squalore optumè fuerint depurata. Pessimè itaque agunt *ἀπειρα* illi empiriei, qui corporis exiguam, imò nullam habentes curam, statim in principio, ad dolores arthricos compescendos, *χερσίου* sua Mercuriata adhibent, atque ita ægros inter facrum & saxum locant. Quod si verò aliquis, ob Mercurii varian-tem ac diversam indolem, emplastris his uti recuset, is oleum Mercurii dulce, vel spiritum eius fragrantem, cum oleo salis ammoniaci fixi præparatum, partibus nodosis affricet, qui & tutiùs & citiùs, gypseam ac tartaream discutiet materiam, eamque dissipabit, cum uniones ac Corallia aliàs Mercurialis iste liquor levi negotio dissolvere sit potens.



Oleum etiam terebinthinæ, cum  
 essentiâ mumix permistum, & im-  
 positum, podagram enodare sta-  
 tuit Paracelsus, *tom. VII. lib. I. de*  
*rebus naturalib. cap. I. p. 71. 72.* Ma-  
 lagma quoque casei bubuli, vetu-  
 stissimi, putris & vermiculosi, de-  
 cocto suillæ pernæ, sale conditæ,  
 vel etiam vino adusto, dissoluti, ce-  
 lebratissimum remedium est, quo  
 de videatur Galenus *lib. X. de simpl.*  
*medicament. facult. Ægineta lib. III.*  
*de re Medicâ. cap. LXXIIX.* Aëtius  
*tetrabibl. III. sermon. IV. cap. XLV.*  
 Oribasius *lib. IX. synopsis. cap. LIX.*  
 Extolluntur quoque emplastra, ex  
 avellanis nucibus, & cinabari con-  
 fecta, à Tralliano *lib. XI.* & Ægi-  
 neta *lib. VII. cap. XVII.* Celebran-  
 tur itidem luta quædam emollien-  
 tia & resolventia balneorum natu-  
 ralium, ut D. Petri, & D. Bartho-  
 lomæi, apud Patavinos, quibus  
 manè



manè & vesperi per horam, vel amplius, calidè foveantur pedes, mox ablutis cerota, vel unguina convenientia, affirmantur. Quæ inter locum etiam habet Cataplasma, podagricorum nodis dissipandis commodum:

*R. stercor. caprin.*

*farin. bord. an. ℥ ss.*

*aceti acerrim.*

*aquæ an. q. s. Coq. pro epithemate.*

Pulicula hæc linteis inducta, calidè parti nodosæ alligetur, nec auferatur eo, quo apposita est die, nisi penitus exaruerit. Altero die unguento emolliente & resolvente illinatur, & ab impositione emplastri libera quiescat. Cerotum etiam tale usurpari potest:

*R. resin. pin. ℥ iij.*

*terebinth. ℥ ij.*

*lithargyr. aurei preparat. ℥ ij.*

O 6

*succ.*

*succ. tabac.* ʒ vj.*cer. optim.* ʒ iiij.*ol. myrtin.* q. s. M.

Emplastrum Ducis Wurtembergi-  
ci, & Iacobi Angliæ Regis , ut &  
alia superiùs tradita medicamenta,  
similiter commodè nodis enodan-  
dis adhiberi poterunt. Externa  
autem remedia ubi affirmantur,  
maximè proficuum esse censeo , ut  
podager interdum aliquid de pul-  
vere Aronis assumat, vel consimile  
quid , quod iunctis viribus topha-  
ceam materiam dissolvere, & ex-  
pellere valet. Soluta partis uni-  
tas, si qua adest, adhibitis glutinan-  
tibus ac epuloticis ad *σύνφρασην* de-  
ducenda est.

S U B-

## SUBSEC. VII.

*Viētūs Regimen seu diēta.*

Curationi subnectitur diēta, quā vehementer opus habet podager. Sæpiculè enim fit, ut solā viētūs ratione æger sanus evadat, si scilicet *diētā* eam servet: quod si verò eam neglectui exponat, huic nec medicamenta præscribenda, nec præscripta multum profunt. Hinc Galenus *de curand. ratione per venæ section. cap. VII.* rectissimè dixit: *Ei, qui rectam viētūs rationem servare nequit, medicamēta præscribere supervacaneum est.* Plato quoque *de Republ. dialog. III. mihi pag. 120.* scribit: *Æsculapium haut curandum esse eum censuisse, qui non posset in constituto viētū, ac regulā vivere: imò ab Æsculapio seminatos filios*

filios autumâsse subiungit, hominibus incontinentiâ morbosus, nec medicamina conferre, neque circa illos versari artem, neque esse curandos, etiamsi Midâ locupletiores essent. Accuratè itaque, quoad eius fieri potest, victûs regimen instituat æger, & quidem aërem, eligat puriorem, ac temperatum, nisi ob febrem synocham, quæ podagræ quandoque sociatur, aliosam anhelet auram. Consueti cibi & potus dimidium circumcidat, ac victu tenuiore & simpliciore utatur. Ita Franciscus Pechius, articulari morbo graviter afflictus, postquam viginti annos turri inclusus, solâ aquâ & pane victitasset, doloribus podagricis integrè liberatus est, referente Francisco Alexandro, in *Apollinis radio primo in descript. Electuar. diacorall. p. 159.* Cibus autem sit

εὐχολῶ, & facilis concoctu. E  
 iusculis conveniunt pullastrorum,  
 pipionum, ac carniū bubula-  
 rum iura: Cremor ptisanæ, quem  
 Horatius ποτιστικὸς ptisanarium  
 videtur nominasse: iusculum è  
 branca ursinā paratum, ac Po-  
 ruffis frequentatum, ubi hepar ca-  
 lidius, & sanguis in corpore fer-  
 ventior. Inter carnes apprimè  
 usui sunt iuvenes subrumorum, id  
 est, lactentium agnorum, hædo-  
 rum, carnes menstruata vitulo-  
 rum, trimestres iuvenecorum, ver-  
 vecum anniculorum. Cuniculi  
 quoque ac lepores simpliciter im-  
 probandi haut sunt, quemadmo-  
 dum Hieremias Thriverus in *Com-  
 mentar. de victu, ab arthriticis morbis  
 vindicante*, factitat, cum illorum  
 Caro adeò crassum ac melancho-  
 licum succum vix gignat, qualem  
 ille sibi imaginatur, præsertim si  
 sint

sint iuniores, nec annis obfiti. Ex volucrum genere perdicum caro eximia est, & podagro conveniens esca: ideoque optandum, ut in his regionibus æquè eas domi aleremus, ac in Chio insulâ, ubi sibi-lo congregantur, & ovium more in campum ducuntur. Modum alendi ac cicurandi perdices, ex Busbequio, *epistol.* III. p. 164. ἀπορρυτιμὸς hûc adscribam. Plena est Chios huiusmodi avibus, ubi cum hominibus sub iisdem tectis hospitantur. Agrestes penè singuli, plures paucioresve nutriunt, ut cuiusque fert animus aut res. Primo diluculo pastor publicus eas sibilo evocat, procurrunt catervatim, congreganturque in viâ: inde pastorem, ut apud nos oves, secutæ procedunt in agrum, ibi totum diem apricantur, pascunturque. Sub vesperam eodem signo

revo-

gub

a.

gub

gu



revocatæ, facto agmine, domum,  
 & ad nota cubilia se recipiunt.  
 Hanc consuetudinem ita fieri me-  
 morant, statim, ut ovis exclusæ  
 sunt, eas rustici in sinum intra in-  
 dusium transferunt, & ita unâ die  
 aut alterâ circumferentes foveant,  
 & ori subinde admotas salivâ nu-  
 trificant, quo beneficio devinctæ  
 nutricios non obliviscuntur. Una  
 tamen adhibenda cautio est, ne  
 in agro pernoctent, id enim si se-  
 mel atque iterum fiat, facilè ad na-  
 turam redeunt, vitæ libertatem  
 humano contubernio præferentes.  
 Vide etiam Mercatorem in *Atlante*  
*Minor. p. 604.* Præterea ex sylve-  
 stribus laudantur carnes, attage-  
 num, turdorum, merularum, pha-  
 siani, gallinaginis sive rusticulæ  
 (Græcis σκολόπαξ, nostris Schnepa  
 appellatur, crediturque avis nullo  
 foramine ad dexterandam al-  
 vum

vum

J C C C C

II - IIII -

vum à naturâ donata) galeritarum  
 ac turdorum. Piscium esus ubi  
 arridet podagro, in usum trahat  
 fundulos, gobiones fluviatiles, in  
 rivis glareosis delitescentes, mela-  
 nuos, & lucios minores, parcè ta-  
 men, ne ventriculus oneretur, aut  
 iis infrigidetur. Ex oleribus bras-  
 sicam foliis expansis eligat, ut &  
 herbam Gerhardi, seu podagra-  
 riam dictam, quæ maximopere  
 prodesse statuitur. Acidario si  
 delectetur, verno tempore illud  
 fieri poterit, ex succulentâ ac edu-  
 li parte radicum Lappæ maioris,  
 quale acidarium in superiori Ger-  
 maniâ quibusdam in frequenti u-  
 su est, diciturque radix hæc insi-  
 gniter iuvare podagros, ut etiam  
 ex Foresto *lib. xx. observat. VII.*  
*p. 67.* constat, ubi pensionarius  
 quidam Mechlinensis, ab epotâ  
 cerevisiâ, in qua radix lappæ inco-  
 cta

cta erat, lotium album, lactis instar, reddidisse, & ita evasisse scribitur. Inter ova ex mente Galeni *lib. III. de alimentor. facult. cap. XXII.* πομπὰ καὶ ῥοφνὰ tremula & sorbilia commendantur: ἰσθα̃ seu cocta, & βεγδύπεγ sunt, & difficilis coctionis incusantur. Omnium deterrima πηγανὰ, seu in sartagine inspissata: paulò meliora τὰ πικτὰ seu suffocata. Insuper nec sint requieta, sed nuper à gallinà exclusa, & assumantur ab eo, cui nec hepar fervet, nec corpus febrili exæstuat calore, aliàs facillè τὸ χολώδες induunt. Pruna Damascena, & nana Hispanica acidodulcia, ut & cerasa, sive passa, sive condita aliquando conveniunt, podagro cum primis bilioso. Panis secalicius, quo vescitur æger, non sit acerosus vehementer.

hementer, mucidus, aut à furno tepidus, sed purus, probè coctus, & fermentatus, nec nimis recens. Quæritur hic, *utrum panis triticeus podagrico sit concedendus?* Petræus Nosol. *Harmonica* tom. II. *dissertat. XLIX. quæstion. V. p. 463.* triticeum panem difficilis coctionis arguit, sanguinemque gignere viscosum, & ad obstructions excitandas aptissimum pronunciat. Hinc Beverovicus *de calcul. renum & vesic. cap. XI. p. 153.* à doctissimis viris non immeritò iudicatum esse scribit, unam ex præcipuis causam esse, cur ditiores & Magnates doloribus podagræ & Calculi obnoxii degant, quod pane vescantur similagineo. Reiecto itaque triticeo pane, hordeaceum commendant aliqui, statuuntque pedum morbo illos nequaquam tentari, qui

eo utuntur. Verum enimverò etiamſi triticum, ob calidam & humidam ſuam indolem, glutinoſæ viſcoſitatis ſit particeps, & reverâ pulſes, itria, & huiuſmodi eduliorum genera, ex tritico commolito & lacte parata, obſtructiones pariant, panis tamen ex ſiligine (quam tritici delicias nominat Plinius *lib. xix. cap. viii.*) confectus & probè fermentatus, improbandus haut eſt, cum fermentum & coctio ſuper-veniens corrigant id, quod aliàs in tritico crudo, aut minus dextrè cocto, accuſatur. Quippe fermentum, maffæ triticeæ adiectum, ὀγκωσθῆναι καὶ ἀνδραμάνεσθαι procurat, noxiamque viſcoſitatem auferit, id quod craſſum eſt attenuans, ac viſcidum rarefaciens. Fermentatio ſiquidem τῆς γλώττης ἐχίας ὁμῶς κίνησις καὶ ἀέρωσις rectiſſimè

mè dicitur. Insuper furnus humiditatem, si qua est superflua & vitiosa ipsius tritici, absorbet, corrigitque, ita ut postea ab usu panis triticei nequaquam ulla sit metuenda noxa, scilicet si legitimè fuerit fermentatus, ac præparatus siligineus ille panis. Cum primis senibus expetitus cibus est, ac pani secalicio præferendus, hi enim cum sint frigidioris naturæ, eiusmodi *ῥοζαλίαν* & eduliis reficiendi, ac sustentandi, quæ languentem corporis calorem excitare, eique augmentum adferre possunt. Panem autem hordeaceum cur nonnulli tantoperè commendent podagrosis, causam non video. Frigidioris naturæ est hordeum, & minus alimenti suppeditat, quàm secale aut triticum. Cerevisiam claram, haut feculentam,



tam , & à Zythepsâ lupo salictario modicè conditam bibat , fugiat verò crassam , & ex degenerate frumento paratam. Haustum quoque promulsidis ægro expectanti quandoque indulgere fas est, potissimum istius , quæ ex virgineo melle cocta tenuior est , & *Lippitz* nostratibus nuncupatur. Vinum tam edentulum , quàm recens , detestetur , & si gulæ adblandiri velit , mallet ut *ἰσπορίων* ageret , aquam cinamomi pauxillo conditam , & syrupo acetositatis citri dulcoratam, assumendo , corpore præsertim febriliter disposito. Nec attendendum hîc est iudicium Iohan. Baptistæ Confalonerii , qui *lib. II. de Vini natura cap. IX. p. 42.* opinatur , homines vino carentes , efferatos & immites esse , quasi ab humanis moribus, victu-  
que

que degeneres. Ignoravit vir iste cerevisiæ bonitatem, eiusque nutriendi facultatem, quâ in compluribus locis, nec crassa nimis, nec nimium tenuis, instructa est, ideoque homines efferatos haud reddit, veluti vinum, quod, teste Horatio, etiam pauperi addit cornua, & sapientes quandoque insigniter dementat, iuxta illud: οἶνον καὶ φρονέοντας ἐς ἀφροσύνην ἀναβάλλει. Venus compedibus constringatur, cum fœcunda huius morbi mater sit, cum Libero in σιωσίσῃ degens. Alvus cottidie exoneretur, & si officii sit immemor, intruso suppositoio (non intelligo tale, quale olim Eduardo II. Anglorum Regi, in carcerem coniecto, suasu Isabellæ Uxoris & Eduardi filii, admotum fuit, qui transmissio in

anum

anum per fistulam corneam ferro calido , funestè periit , nullo exteriùs mortis apparente indicio ) aut clystere admoneatur . Poterit etiam æger terebinthinam Venetam , aquâ betonicæ lotam , subigere cum saccharo , addito pulvere chamæpith. & postea pilulam unam vel alteram , nucis quantitate , ex massulâ formatam , deglutire . Terebinthina enim , docente Galeno *lib. v. de tuend. sanitate , cap. ix.* sumpta aliquando nucis ponticæ magnitudine , aliquando duarum triumve , non modo alvum solvere citra noxam potest , sed etiam viscera omnia , iecur , liënem , renes , pulmonemque abstergere valet . Hinc Monachus quidam , cum articulario ac nephritico dolore sæpiùs affligi solitus esset , & nullo remediorum

genere sanitatem recuperare posset, tandem suasu Amati Lusitani, singulis diebus terebinthinam, saccharo mistam, iuglandis magnitudine ingessit, & ita sex mensium spatio integrè convaluit, *Centur. II. curation.*

LXIX. Animi παθήματα impetuosiora eliminantur, gaudio verò, iocis ac concentibus operatur. Ferunt namque Ilmeniam, Thebanum tibicinem multos ischiadicos (ut videre est apud Ælianum in Agellii accessione) modulandi suavitate restituisse. Confabulatio iucunda dolores etiam nonnihil sopit, refertque Iosephus Scaliger *epist.*

1. pag. 47. Iulium parentem negasse, quod sibi res sit cum podagrâ, quoties eiusmodi convivas (intellige Buchananum, Muretum, Tevium) haberet, quibus

buscum de literis loqui posset. Nam quemadmodū venereis claudi, dolis gibbi, fraude strabi, promptitudine & consilii celeritate calvi delectantur & valent, sic podagrosi iocis & salibus literariis. Facultatem quippe sensitivam tam colloquia amica, quàm concentūs iucundi à cognitione, obiecti dolorifici abstrahunt, & hâc ratione dolorem sedant, non secus ac nutrices uberum papillâ, ori puerorum insertâ, eorum dolori succurrere consueverunt. Et hæc de victūs ratione proletariæ, & desultoriâ operâ dicta sufficiant.

ARCHIATER Summe Deus, qui verè αλγομα ποδαγρῶν κῦρον, ἐλαβρον, ἀδειμυ, βραχυβλαβès, ἀνώδυνον ἔυφορον, ἔυληπτον, ὀλιγογενès, ἀπρίπαπν reddere potes, naturæ ministros felicitâ, ut hi quoque

340 IOH. LOS. POR. DE POD.

malum hoc averruncare, ac fundi-  
tùs evertere discant.

تَمَّتْ وَالْحَمْدُ

لِلَّهِ

HIE.



HIERONYMI CARDANI  
MEDIOLANENSIS,  
civisque Bononiensis  
Medici

P O D A G R Æ

*Encomium.*

P 3

HIE-

СВЯТАГО ПЕТРА

ПЕРВОМУ ПАСТЫРЮ

ВЕРНОМУ РАБОТНИКУ

И

СВЯТЫМ

СВЯТЫМ

СВЯТЫМ

HIERONYMI CARDANI

## P O D A G R Æ

*Encomium.*

**I**Ngrati hominis officium nedum immemoris esse existimarem, si vel eorum, quorum beneficio profecerim, obliviscerer, aut si beneficii memor quibusvis modis possem gratias non referrem. Nec quærendum puto in gratiâ compensandâ, quis auctor fuerit beneficii, nec quo animo id contulerit in te, sed quantum per id profeceris: Et quàm libenter fuerit imperitus. Nam de animo quid quæras, cum vultum, promptitudinem hilaritatemque dantis conspexeris?

animum quidem solis Diis notum esse tam Philosophi quàm Theologi constanter affirmant. Quòd si coniecturis agendum sit, non nisi bono animo proficisci beneficia credendum est: atque eo magis, cum qui dat, in plures alios fuerit munificus: si rogatus ægrè dederit, si nemini non roganti dare voluerit, existimandum est parum liberali animo dare voluisse. Quod ad personam attinet, nemo ut dici solet, bonus est omnibus nisi Deus. Cæteri quibusdam sunt boni, pluribus plerumque mali, at contra podagra plerisque bona, paucis mala est & gravis, tum verò liberalis atque munifica, sponteque accedit ad homines, quo fit, ut cum nemo simpliciter dici possit bonus aut malus, sed in collatione muneris talis sit habendus, podagra omni ratione bona dici debeat. Et  
cum

cum malos eos credere soleamus, qui primâ fronte iucunda offerunt, tegunt quæ nocent, & hoc nomine rursus laudanda illa venit, quæ sub mali specie nos aggreditur, quicquid tegit, quicquid latitat sub veste bonum est atque commodum. Non eo laudare velim podagram, quo cætera solent laudari mala mortalium, tanquam his ipsis iustæ ab illis exigantur pænæ. Sic enim & mors, & morbi & tyranni laudari solent, sed non est hæc illorum laus, verum potius accusatio mortalis generis. Sint homines suo arbitrio ingrati, scelesti, impii, sævi, avari, iniusti, & omninò improbi, nil ad laudem podagræ tam turpis & abominada causa prodesse potest. Non probabo pœnam, quam odero, & quam, si ego etiam immeritò subirem, ex eorum tamen genere sum, qui eam subiē-

runt. Non est hoc augmentum paradoxum, non ostentatio facundia aut ingenii, quorum unum in me minus est, quàm mediocre, alteri conscius sum nunquam operam navasse. Malè laudantur ea, quæ iustè laudari non queunt, Velut stultitia, Calvitium, Quartana, in quibus quantò plus elucet Rhetoris eloquentia, eò in argumento levitas maior deprehenditur: Oratio inanis & undique fides ac veritas historiæ desideratur. Est podagra, quæ se ab initio ostendit ac probat, adeò ut sine verècundiâ prætermitti laus eius non possit, dubiumque facit, an honestius ac præstantius sit de illâ verba facere, an turpius & iniquius illaudatam cum tot meritis tantâque gloriâ sinere. Quod si nihil esset mali, quod dignum laude foret, certè podagram laudare non auderem:

nunc



nunc video tot esse mala laude digna, ut laudare podagram illis omnibus multò mitiorem turpe videri non possit. Etenim menses, qui fluunt mulieribus fædi, & à quibus illæ adeò conflictantur, partus, dentium ortus, veneranda canities, omnia mala sunt *ἑσθιόμενα καὶ ἐλαττωδῆς*, & tamen quod plures ab illis benè se habent, laudem merentur. Obiicies quod hi ex ordine naturæ sunt, podagra morbus, qui casu advenit, At nec familiaria adeò exanthemata ea illa rubra rotunda, parva, varis similia olim fuisse, credo, quæ à solis Arabibus sunt descripta. Quæ nunc Variolas à Varis vulgus appellat, & morbillos nescio quâ ratione, & tamen his purgari sanguinem & meliorem fieri corporis habitum constat. Sunt timores, sunt dolores, qui nos cōmonefaciunt vitæ melius

traducendæ. Deflorata virgo do-  
 let, hoc casu accidit, & tamen lau-  
 de dignum habetur. Si nulla est  
 imbecillitas, si nullus est dolor bo-  
 nus laudandusque, non inficior  
 podagram non esse laudandam sed  
 postquam tota vita nostra volupta-  
 tem habet in dolore repositam, e-  
 dendi in fame, bibendi in siti, ve-  
 nereorum in pruritu, iam hoc cre-  
 do me obtinuisse, non esse toto ge-  
 nere podagram illaudabilem, ad-  
 mittique iure posse, ut partes etiam  
 illa suas tueatur. Non invenit ad  
 hanc usque diem, qui illam lauda-  
 verit? an ob id laudari non mere-  
 tur, etiamsi à nemine laudata sit?  
 Quot res, quot viri illustres præ-  
 cone caruerunt? Quot morbi  
 mala infantiæ in contemptum bo-  
 norum laudata sunt? Nulla pestis  
 ἐννομιᾷ suo caruit. An ideò  
 augenda esset iniuria, quia facta sit?

Quan-

Quaquam nec defuerit egregius  
 laudator, & qui etiam Deos Deas-  
 que laudare consueverit. Lucia-  
 nus ille Samosathensis, vir acer  
 magnæque eruditionis, cuius ex-  
 emplo moveor, non æmulatione  
 ducor. Etenim velut in omni-  
 bus rebus egregiis, nullus orator  
 tam oculatus esse potest, tam præ-  
 clarâ arte instructus, ut rei dignita-  
 tem facundiâ æquare possit, ita in  
 laudando podagram semper ali-  
 quid deesse necesse est, tum verò id  
 magis cōtingit, quod rarò oratores  
 aut sperant in arduis, aut studium,  
 in humilibus rebus adhibent. Ne-  
 que enim vel nos hanc provinciam  
 aggredimur, quod pares laudes  
 pro dignitate eius dicere posse spe-  
 remus, sed quod nostris laboribus  
 facundiores ad hoc munus incitari  
 debere credamus. Unumquemque  
 enim in certamen voco, non vi-  
 ctoria

ctoriae spe, sed ut victus sæpè glo-  
 riari possim tanti certaminis, tam  
 laudabilis operæ auctor fuisse.  
 Utinam reviviscerent illi Cicero-  
 nes, Hortensii, Cottæ, Corvini,  
 negotium pro dignitate suscepturi  
 & splendide illustraturi. Etenim  
 plurimum refert in rebus etiam  
 pulcherrimis quomodo quidque  
 dicatur, ornetur, amplificetur, aut  
 excidat & propriis laudibus frau-  
 detur? Nihil est tam præstans,  
 quod vitio orationis contemptum  
 non evadat, imò odiosum. Op-  
 tabat Alexander Magnus Home-  
 rum laudatorem, maiorque etiam  
 nunc gloria est Ulyssis atque Achil-  
 lis, qui parvis in oppidis imperâ-  
 runt, qui cum totâ Græciâ vix de-  
 cem in annis urbe unâ potiti sunt,  
 quam ipsius Alexandri, qui in to-  
 tidem annis solus orbem totum oc-  
 cupavit. Ergò si non pro magni-  
 tudine

tudine aut dignitate laudem podag-  
græ tractavero, meritò illa doleat,  
quæ tam siccum & frigidum lau-  
datorem, omnisque facundiæ ex-  
pertem malo Fato suo nacta sit, illi  
non imputetur, cuius voces quoti-  
diè ad astra usque feruntur. Ve-  
rum ne amplius ipsam rem diffe-  
ram, eius historiam narrare simpli-  
citer decrevi. Nam

*Ornari res ipsa negat contenta do-  
ceri.*

Omnes fatentur illam inter suas  
contribules principatum tenere,  
dico chiragram, arthritim, ischiam,  
mentagram. Ut quod ad nobili-  
tatem attinet omnium illa sit præ-  
stantissima. Quid dicam illius af-  
fines Nephritim, colum, regium-  
que morbum & socios febrem, ab-  
scessûs, omnium hæc dux est, atque  
ad illam omnes referunt. Nemo  
podagricum arthritide aut chiragrâ  
aut



aut coxendice teneri dicet, at si quis horum uno laboraverit, podagrâ laborare illum dicunt. Quinimo quotquot morbi leves artûs occupaverint, ut nobilitentur, nomen podagræ sibi assument, tametsi ab illâ plurimum degenerent. Adeò nobile est atque vulgatum hoc nomen, ut & ægri patiando, & medici cûrando eo se nobilitari putent. Neque verò ambitioso illa nomine delectata est. Non se cephaleam aut cardialgiâ vel ophthalmiam nuncupavit, nec turpi etiam nomine coinquinata est, quemadmodum mariscæ, fici, hæmorrhoides, tenesmi, à pedum nomine suum traxit humillimâ corporis parte, sed non sordidâ, neque turpi aut fœdâ. De antiquitate nulli non nota medico, & multò ante Hippocratem, atque usque à Troianis temporibus nomine



mine nobilitata suo, quod adhuc è Græciâ ipsa retinet, non quod latini pudeat, sed quod antiquo magis gaudeat; argumentum constantiæ suæ, libertatem & ingenuitatem, semper professa, apertè invadit, vi quod vult obtinet, nulli insidias molitur. Et cum maximis doloribus homines premat, neminem tamen occidit aut convellit. Quin etiam in ipsis doloribus risum movet. Ea sola spernit medicinam, ut Poëta :

*Solvere nodosam nescit medicina podagram.*

Quinimo bellum indixit medicis, multos etiam eorum conflictavit graviter. Unguenta spernit, medicamenta negligit, emplastris irritatur, fomentis sævior fit, nullum medicinæ argumentum timet: recedit atque accedit, cum vult, melius arbitrio subiecta. Non amuletis  
aut

aut præcantationibus ullis pellitur,  
imò ne divòrum quidem penè sup-  
plicationibus. Solus Deus eam de-  
pellere potest. Generosi animi res,  
quæ imbellem non fatigat ætatem,  
nec pueros, nec senes ultimos, nec  
mulieres, aut spadones, quicquid  
• floret, quicquid robustum est, ag-  
greditur ac evertit: ossa ipsa loco  
movet, debilitat robustissimos, ner-  
vos & vincula quatit, iuvenes solos  
prostermit, non minis terretur, non  
machinis pellitur, non blanditiis  
delinitur. Quos invadere propo-  
suit, invadit, quibus infensa non est,  
ab his perpetuò abstinet. Simili  
gloriâ cum Regibus, Cæsaribus,  
Pontificibus, potentibusque iuris  
ac sapientibus, ut vulgus existimat,  
pugnam init, Pauperes rusticosque  
relinquit. Ingreditur aulas Prin-  
cipum: Et eos, qui proprias ux-  
res filiosque fastidiunt, ille rabida  
aggre-

aggreditur, diesque ac noctes illis  
quantumcunque invitis cum eis  
versatur. Depulsisque charissimis  
pignoribus veteribusque famulis,

*Dormit & in plumâ purpureoque  
thoro.*

Unguenta sentit, cantûs & citharas  
audit, mollia strata, pulvini sericei,  
inter aurum, gemmas, & pictas ta-  
bellas superba decumbit: Audit fa-  
bellas, degustat vina generosa, de-  
licatioresque cibos, afferuntur inte-  
rim flores gratiosi, vestes variegatæ,  
& quicquid ambitiosum à civibus,  
vel ipsis Regibus multorum spatio  
annorum congestum est. Quod si  
vera omninò sunt, quæ de Telchi-  
nibus lascivis Dæmonibus Platoni-  
ci fabulantur, quos ferunt in homi-  
num corpora transferri, solos eos  
beatos esse crediderim, qui cum po-  
dagrâ ipsa domicilia corporum hu-  
manorum ingrediuntur. Namque  
cum

cum Venere & Baccho & delicatioribus dapibus perpetuum fœdus contraxit: adeoque beata est, ut qui eâ detinentur, præter dolorẽ ipsum beatam vitam ducere cogantur, neque enim illa steriles efficit, sed ad Venerem acriores reddit. Verum ad Philosophos venio, Arcesilaus ex eius fuit domesticis, tum Lycon Tharcensis aliique, ut non credas podagram etiam non philosophari. Nostrâ ætate vir magnæ eruditionis Ærasmus è cubili podagræ quicquid legi meretur, exprompsit. Sanior longè in morbo quàm in bonâ valetudine. Quot pulcherrima monumenta eruditorum virorum Podagræ debemus? Sani operam damus negotiis, & si quid exit temerè effutitur, ægri studiis ac contemplationi. Et quid emissum tunc fuerit, lucernam sapit, & modestum est atque castum. Sed hæc mittamus:

de

qup

dnb

dn

qup

qu

de potentiâ agamus, quæ in illâ maxima est. Sola enim podagra totum invadit hominem. Primum quidem pedes aggreditur, inde manûs, genua, cubitos, furas, humores, dorsum, collum, mandibulas, denique etiam dentes. Sed neque linguæ parcit. Et sunt quibus nasum invasit atque distorsit: adeo in omnes corporis partes dominatur. Quid ergo huic simile? Febris universum corpus apprehendit, elephantiasisque, tum hydrops atque icterus morbus. sed universim dominantur? sola podagra in singula membra imperium habet. Quid quod exossat homines, enervat, excarnificat, contorquet crura, manûsque mirum in modum, medullas depascitur, gibbos, alios repandos efficit. Ut verè sola nostri regina corporis dici possit. Sed mirum quiddam audi de illâ. Intellexerat medicos quosdam haud gregarios



garios scripſiſſe, poſſe eam hermodactylis atque Corallio depelli. Irata ſtatim, neſcio quâ arte, ſeu caſu, ac bonâ ei fortunâ contigerit, hos inimicos hoſtesque ſuos ita eliminavit ex orbe, ut ſola nomina eorum nobis reliquerit. Et coronopum quidem ſeu corallium audiunt omnes & hermodactylum, ſed quid ſint nemo docere poteſt. Neque illum laudârim, qui cum multis cucurbitulis languentes in balneo benè olentium herbarum poſitos excarnificabat: cum plus eſſet in medicinâ incommodi, quàm in morbo ipſo. Quid profuit Agrippæ aceti fervidi balneum, quo ſimul levatus eſt dolore ac pedum uſu? Quid Cæſari noſtro medicamentum illud ficulneum ac quaſi ſuperſtitioſum è nigræ capræ ſero cum ficûs lacte? Nonne præter id quod nihil contulit, velut & reliqua omnia, quæ illam



iam arcere solent auxilia, vitam efficit brevior, atque tenuiores omnino illius vires? Quid fontes, quos seu casu seu voluntate concluderis, brevi mortem afferunt. Qui ligni sancti decoctione, qui farzæ Pariliæ, quique Thermarum aquis gloriantur, annos numerent, quibus vel curati vitam sanam degant, aut superfuere incolumes, non est depellere morbum mitem, ut lethalem excipias. Quid modo de me factura sit nescio, quod eam depellere me posse iactaverim, forsitan enim aut contemnet, aut non curabit, postquam id præsidium adeo, in paucis experior, ut propter meipsum solum illud invenisse videar. Et si modo adversum me se viat, non iure id egerit, quandoquidem eam solum relegare quæsierim, non exturbare perpetuo e domo, nec alios docuerim. Irata sanè merito fuit Guilielmo

lielmo Budeo, qui cum eam publicè conatus sit docere eliminare, ipsum auctorem ita concussit, ut nil integrum ei reliquerit. Sed aliud est tueri partes suas, suaque commoda procurare, aliud iactantię causâ, aut spe lucri alios, ut id facere possint docere: Aliud est infestum hospitem aliquamdiu detinere; ne adeò frequenter nos molestiâ afficiat, varius vexet, aliud omninò è domo pelle-  
re, & prorsus hospitio interdicare. At fortes viros forsan aggredi non ausa est. Nil minus, vidimus ætate nostrâ Antonium Levam, Alphorifumque Avalum, duo belli fulmina singulari prudentiâ fortitudinēque, tot claris gestis, sic ab illâ obsessos, ut homines intelligerent, eam nihil inaccessum relinquere. Et fulminum Iovis exemplo ardua quæque petere, cōcutere quassareque. Quid aliud fuisse credendum est, quod Hercu-

Herculem domuit, licet Poëtæ ulcera fuisse dictitent. Neque enim voces illas adeò iratas protulisset, si malum in carnibus non venis atque artubus fuisset. Sed omittamus dubia, quandoquidem propriis ac certis laudibus podagra contenta sit. Etenim sufficiat unum pro multis exemplum in Severo Imperatore, qui cum fortissimus omnium fuerit, orbemque occupârit, ita ab eâ victus est, ut perpetuo decumberet, & cui totus parebat orbis, is ipse podagræ serviebat, nec illa se vinei passa, nec is victus destitit esse terribilis. Hoc tamen ob id solum dixerim, quod sciam nullum eculeum, nullasque fediculas tantis doloribus hominem afficere posse, laniantur, trahuntur, distorquentur, punguntur, lacerantur, franguntur, eroduntur artûs eorum, qui podagrâ correpti sunt: nullum maius supplicium,

Q

cium,

cium, quod tam diuturnum ac grave sit, Deos aut inferos tyrannos inferre posse crediderim, quàm sint podagræ dolores. Cessant ut gravius afficiant, intermittunt ut maiori impetu invadant: mitigatur ut carnes quasi sanæ uberius excipiant malum, restaurantur ægri ut diutius ad pœnam sufficiant. Nec tamen quenquam perimit, ne ministra alterius scilicet mortis videatur, exiguus coli aut stomachi dolor interficit, quia hi mortis ministri sunt; at podagra sui iuris est sola, nec ulli parer, sed potius alii morbi obediunt ei. Etenim ubi illa fuerit omnes alios depellit morbos, nec patitur corpus sibi addictum, suæ ditioni subiectum alteri parere aut quenquam admittere. Quot aliis sævissimis morbis ad vitæ desperationem laborantes, illius adventu sanati sunt? Quid de illius pudicitia

atque

atque iustitiâ, quæ cum universum  
ut dixi invadat corpus singulaque  
membra, nunquam tamen adeò ir-  
ta est, & sui oblita pudoris, ut pu-  
denda virum, aut fæminarum, aut  
anum aggredieretur? Abstinet & à  
temperatis, cum à nullo alio homi-  
num genere, seu sapientibus, seu  
fortibus, seu opulentis, ne nomen  
temulentiaë subeat aut procacis. Si-  
mili constantiâ à pauperibus absti-  
net, ne crudelis videatur, quæ vi-  
ctum miseris eriperet. Ergò iusta,  
mitis, fortis, sapiens, pudica, gene-  
rosa est podagra, seu contemptu eo-  
rum, quos non invadit, seu dignita-  
te illorum quos subigit. Visa est  
etiam, mihi aliquando è genere Fla-  
minum Dialium, quibus cum ad  
mortuos ingredi veteri instituto  
non liceret, huic nec ad mortuos  
nec ad morituros. Quod si cuique  
infensa, perdere illum statuat, ab-  
scedit



scedit traditque feбри, aut orthopneæ, aut attonito morbo iugulandos. Similique ratione irata quibusdam, qui eā depellere tentârunt, abscedens feбри doloribusq, ventriculi mandavit occidendos. Non illa turpis aut abominanda quemadmodum lepræ scabies, Indicusque morbus, non contagiosa ut phthisis, pestis, ophtalmia, sed ad eam securè ut vadant amici, permittit: nunquam illa nos ut cæteri morbi clanculum adoritur, aut nobis nescientibus. Ea nihil etiam fædum aut molestum secum ducit, non faniem, aut ulcera, aut tussim, vel vomitûs, aut alvi profluvia, tota munda est, & seipsa contenta. Quin etiam unumquemque pro mensurâ debitâ præmit. Validos vehementer ac diu, imbecilles, parum ac brevi tempore affligit. Forsan obiicies, vilem esse podagram quod etiam

Ca-



Canibus, iumentis, capis, avibusque  
plerisque in otio detentis, aut ultra  
modum saginatis adveniat. Unde  
etiam, qui eas aves edunt, proniores  
sunt ad podagræ morbum subeun-  
dum. Sed non est hæc podagra, quæ  
dolores certè nullos aut perexiguos  
excitet, cuius indicio est quod nec  
queruntur, nec clamant. Sed simile  
quippiam, nam omnibus rebus egre-  
giis natura simile quid excogitavit,  
homini simiam, equo hippocam-  
pum, sunt & uvæ in vitibus & in  
mari, ut etiam in Epigrammate  
Bouffueti:

*Vva marina semel vino permista bi-  
benti*

*Fertur magnum odium inducere  
posse meri.*

Iam verò quantum affert commodi  
podagra, atque primum nobilitatis  
opinionem, namque & si constet  
eum, qui illam patitur, esse rustici  
filium,

filium, id coniecturâ omnes asse-  
 quuntur, falsò creditum illius esse  
 filium, sed nobilis ac præpotentis  
 viri, spurioque genitum concubitu.  
 Tum verò magis, quod morbus is  
 sit hæreditarius. Cupiatque poda-  
 gra suos descendentes agnoscere.  
 Cum verò podagrosus in aulam  
 venit, suspicitur ab omnibus, etiã-  
 si sit nebulo. Habet enim nescio  
 quid regium podagra, sedet cum alii  
 stant, & equitat cum alii pedibus  
 ambulant. Vidi Maximianũ Stam-  
 pam in mulâ ambulanti, cui à pe-  
 dibus erat Alfonsus Aualus Prin-  
 cept, quia tum is valebat, illum  
 podagra detinebat. Quot sedent hu-  
 ius beneficio apud principes, alio-  
 quin eo prorsus indigni honore?  
 Videas amicos, qui accedunt, quan-  
 tâ cum modestiâ se gerant? dicas as-  
 fidere illos Cæsari aut Pontifici,  
 quantâ cum reverentiâ tractent  
 tan-

tangant ægrotantes & interrogent? Quid de domesticis? non adeò leniter tonfor novaculam ducit. Si quis tibi rusticus & agrestis incomptusque familiaris adfit, podagroso adiciatur, ut serviatur, habebis per quã frugi comptisque moribus omnia tractantem bellè ac leviusculè, dicas ælurum super plumam. Cogita quæ domicilia sibi elegerit, quomodo inhabitet? non nisi alta palatia prætoriasque domos læta vivit inter amicos & voluptates. Si quis ab amicis negligitur aut eum tanquam asperiores refugiunt, ubi podagra invaserit, iam omnes accurrunt. Si qui morbi eis iungantur, febris, vigiliæ, dolores alii, ea omnium sibi vendicat locum. Quid habet interrogantibus? respondent, podagrâ laborat, adeò podagræ nomen notum omnibus est celebre atque illustre. Sed qualem hominem

facit podagra? Pium, castum, continentem, prudentem, vigilem, & si quando dormit, non ut reliqui morbi turbulenta facit insomnia. Nemo tam Deorum est memor, quàm qui à podagræ doloribus detinetur: qui podagram patitur, oblivisci non potest, quod cæteris omnibus ferè contingit, se esse mortalem: à vino, carnibus, reliquisque eduliis, à crapulâ, à Venere tantum abstinet, quantû putat se posse esse securum: Avertit à principe nostri particulâ cerebro scilicet, ac sensibus, & mente omnes pravas cogitationes, vanas spes, superfluos timores, incerta studia, non permittit in vanû opes, profundere, cogitque vel invitò commodè, lautè & splendide etiam vivere. Quanta verò commoda ex huiusmodi moderatione? quin etiam, cum desperent ad alios accedere posse, ut hi ad ipsos accedant,

dant, fiunt mitiores, comes, blandi, mansueti, discuntque tractationem cum hominibus, nec ulli alii prudentiores podagrosis habentur.

Quinimò eis committi solent Reipublicæ habenæ: habenturque consilia illorum matura, prudentia, atque tuta. Ut quorum mens nullis fluctibus agitetur, corpus à motibus quiescat, & anima superfluis cibis aut potibus minimè sit impedita. Iam verò & illius peculiaria explicemus dona (tria autem sunt præcipua) lapidem in vesicâ, generari prohibet, & pulmonem ulcere affici, præterea eum efficit vini gustum, ut nemo melius vinorum percipiat suavitatem, quàm podagrosus. Mortem præterea lenissimam, & somno simillimam parit, si cui à podagrâ succedente morbo mori contingat. Quid cum remittit se quales somni, quàm dulces, qualis

Qs

in-

indolentia & pruritus circa locum, parum à venereâ distans voluptate? Hæc sola nos admonet studiis incumbendum, quandoquidem ea sola dulcedo dolorum interventu abrumpi nequeat. Sed præter ipsam sociorum iucunditatem, quæ in omni morbo exigì solet, peculiari naturâ movet & amicos & ægrotos, ut iocis ac salibus plus delectentur, ac valeant, ut venereis claudi, dolis gibbi, fraude strabi, promptitudine & consilii celeritate calvi, ut ridicula sit horum conversatio. Addamne & illud, quod podagrìci motûs lunæ melius Astrologis nôrint, temporumque mutationes certius nautis. Hæc atque alia plura ac præstantiora de podagræ laudibus verè dici possunt. Sed video quid contra possis obiicere, quod morbus tamen sit: atque quod melius omnino

nino



ninò sit, ut etiam de cæteris, non habere quàm habere. : Atque hoc est, quod plerique iactant, pauculisque incomptis verbis tantam gloriam interturbare atque confundere posse sperant. Sed si modo ex hoc ipso maximè ostendero illius præstantiam ac laudem, haud dubito, convictos fore illos, qui quovis nomine non dignam fore existimabunt. Principio damnas eam quod morbus sit, quasi non tota vita nostra morbus sit aliquantò deterior, quàm podagra. Nam si morbum vocas solum dolorem, certè podagra morbus erit, reliquum vitæ non ita morbo laborare dici potest; at si morbum dixeris animi corporisque languorem, secus longè. Nam nunquam minus morbo laboramus, quàm cum podagra nos affligit. Morbus est stultitia, voluptas, oblivio condi-

tionis nostræ, iracundia, odium, dolor, quibus nos ipsos nostrosque levi vel nullâ causâ evertimus. At non morbus est melancholia? & tamen hâc ipsâ laborasse pluresque sapientes viros atque præstantes auctor est Aristoteles. Quid Poëtæ, Vates, Sibyllæ? nonne omnes morbo laborârunt? & quamdiu in pretio fuerunt, eò magis conflâtati sunt, quapropter & paucis ex his longâ vitâ perfrui contigit. Melancholicus fuit Virgilius, insanus Lucretius, stultus Naso, ebrius Horatius: quid tot commemorem? cum omnes insanierint brevisque vitæ fuerint. Si quid est in nobis divinum, iam maximè detegitur in morbis: tunc enim futura prævidemus, prudenter negotia disponimus, atque à perturbationibus animi liberi sumus. Podagra si temperantiæ iuncta sit, sensus

sûs reddit vegetos , firmam memoriam, succulentû corpus, valetudinem sinceram, vitam longam , gustum purum , somnum tranquilum, animam suavem , lætas cogitationes , promptam ad studia sapientiæ mentem : nam cum alii morbi solent illam interturbare , sola podagra adauget & exacuit. Hoc verò illa habet præcipuum & incomparabile donum , quod sola animum contendat iam assuetum obniti adversus corporis acerbissimos dolores, unde viget illius maxima fortitudo atque constantia ac robur, quo corpus adversus cætera incommoda omnia regat ac gubernet. Nam, de illo solum quereris, postquam de animi languore plus satis dictum est. at querebatur Plato, nimis se frui bonâ valetudine, nisi enim ægro iam corpore animo valere non potest, sed sit, ut dixi,

xi, contemptus animi, quærantur  
 solum corporis bona, quantum tibi  
 adimit podagra temporis? quantum  
 te impedit à negotiis? certè si tem-  
 peranter vivere velis, parum aut  
 nihil exigit: labores inanes & cu-  
 ras graves, ut si ferviendum sit tu-  
 multuosæ Reipubl. si gravi princi-  
 pi & moroso, si imprudenti amico,  
 unde nam melius sumitur excusa-  
 tio, quàm à Podagrâ? habet poda-  
 grosus maximam temporis partem  
 in suâ potestate, nulla honestior  
 excusatio laboris, quàm à podagrâ,  
 & si res tua agitur, deferuit te do-  
 lor dicis. Sed hæc mittamus, &  
 de morbo agamus: quis est, qui si in  
 podagram non incidat, deteriore  
 morbo non laboret? si oculo,  
 qualis molestia? quale periculum?  
 quantum impedimenti? si aure,  
 periclitaris de vitâ, de auditu: si  
 dente, nec dormire nec edere po-  
 tes:

tes : si tussi , periclitaris de sputo sanguinis : si scabie , fœdus es, omnes consuetudinem tuam fugiunt : si febre certas de vita : si coli vel ventriculi dolore , præter id quod molestissima sunt, magno in discrimine versaris. Nephritis acerbissimos habet dolores , & periculum vitæ affert , regius morbus hydro-  
pem , hydrops mortem parit . Cordis palpitatio similis est pœnæ infernorum , coxendicis dolor podagræ doloribus non minor est , claudosque reddit : comitialis ad singula momenta horrendus, & non sine vitæ discrimine : hernia nunquam sanatur , nunquam fideliter intermittit . Quid est ergò, quod optare possis magis , quàm podagrā , si non speres te perpetuo futurū incolumē? quæ spes quàm fallax sit, intelliges facilè, si singulorum vitam inquiras , qui vel quadrage-  
simum

simum annum excefferint, quotus-  
 quisque enim sine labe deterrima  
 est? sed latent talia præter medi-  
 cos. Ob id plurimi immunes à  
 morbi labe populi iudicio sunt,  
 verè autem quàm paucissimi. Ita-  
 que cum ea conditione nati simus,  
 ut aliquid pati necesse sit, nec mor-  
 borum ullus mundior, mitior, se-  
 curior, faciliior, animæ vires adeò  
 augeat, mores exornet, nullis  
 commodis afficiat vitam aut digni-  
 tatem aut opes, propterea meritò  
 Encomium illi diximus, debitas-  
 que ei laudes tribuimus. Quod si  
 quis malevolus calumniator obji-  
 ciat, quorsum hæc? laudare rem  
 fœdam, abominandam, morbum-  
 que diuturnum atque insanabilem?  
 idque non nisi ostentandæ facun-  
 diæ vel ingenii factum putet:  
 quando quidem non res una sit po-  
 dagra, non Dea, non naturale  
 quid-



quidquam, sed è genere læsionum, dolorum, molestiarum, defectuum, is sanè decipietur: quandoquidem licet accidens sit, ac privatio quædam, nihilominus res est, non simplex defectio, quæ cum homini advenit, scire præstat bono potius fato, quàm malo adventasse, optimumque esse in humanis, his quæ nocere solent, commodè uti scire, sicut pessimum his, quæ bona sunt abuti. Est signum, est causa bonorum multorum, atque si ab effectu & exitu res pensandæ sunt, talis ut comparem in humanis non habeat. Nam præter reliqua quæ iam dicta sunt, quot casibus illa nos violentis eximit? Nuper apparuit in Andrea Dauriâ, Genuensis Cæsareæ classis præfecto, quem cum, per prodicionem Ioh. Aloisius Illicus convivio exceptum occidere decrevisset, podagræ doloribus sæ-

vien-

vientibus ad convivium non accessit, inde imminentem cædem evasit. Quotquot annis supervixit, fuere autem circiter tredecim beneficio podagræ debentur, tum gesta eo toto tempore. Atquàm multis aliis mortalibus salus fuit podagra, ut se ab insidiis atque imminentibus periculis tuerentur. Quot venena, cædes, & si nullum esset aliud malum, crapula vitantur, dum ad convivia non accedunt homines. Quin quot à malis nos illa avertit cædibus, iniuriis, insidiis, adulteriis, non solum quod eâ detenti impediamur: sed quod ab huiusmodi cum sciamus perpetuò vigilandum & contentionibus incumbendum, non audemus nos periculo committere, sed quiescimus, paremusque solum necessitati ac rationi, non perturbationibus, à quibus fallimur: cumque sic nos

aver-

qup q  
dm b dm

qup qup

avertat, ac quasi mala dissuadeat, non prohibeat, si necessitas incum-  
bat, nec admodum resistit, nec si  
vis ei inferatur, periculum affert:  
multi in incendiis distenti acerbis-  
simis doloribus podagræ fuga tan-  
quam sani essent se proripuêrunt.  
nec Dauriæ prope octogenario no-  
cte sub initio Ianuarii obfuit, &  
equo fugam & celoce arripuisse.  
nec scio quenquam, qui ob poda-  
gram ab hostibus oppressus, aut qui  
quod se è manibus eorum prori-  
puerit incommodum passum. Ita-  
que cum tam insignibus dotibus,  
atque exemplis, præsertim huius  
marini Regis encomio, podagræ fi-  
nem faciamus. Neque curemus  
quod substantia non sit, nam sub-  
stantiæ è divinorum genere sunt, ut  
in Hyperchen ostendimus.

## TRACTATUS.

**A**D Lectores epistola, de pedibus, &  
 podagrâ, lectu iucundissima. 6  
 Proœmium, de ossium articulatione. 18

## SECT. I. THEORICA.

**M E M B. I.** Podagræ naturam & de-  
 scriptionem exhibens. 21

**A R T. I.** Nomen & ipsa definitio. 21

**A R T. II.** Generis evolutio. 29

**A R T. III.** Subiecti determinatio. 39

**A R T. IV.** Causarū enumeratio. 45

**S U B S E C T. I.** Causam continen-  
 tem eruens. 45

**S U B S E C T. II.** Fontem defluxus  
 proponens. 71

**S U B S E C T. III.** Causas ante-  
 cedentes evolvens. 87

**S U B S E C T. IV.** Causas procatar-  
 eticas explicans. 97

**ARTIC.**

ART. V. *Accidentium potiorum  
enarratio.* 111

MEMB. II. *Podagræ differentias &  
varietatem proponens.* 115

## SECTIO II. PRACTICA.

MEMB. I. *Podagræ συνασίας* expe-  
diens. 120

ART. I. *Signa Diagnostica.* 121

ART. II. *Prognostica.* 125

MEMB. II. *Podagræ ἐργασίας* exhi-  
bens. 145

ART. I. *Præservatio.* 145

SUBSECT. I. *Ne tartarum cu-  
muletur.* 146

SUBSECT. II. *Vt tartarum extur-  
betur.* 164

SUBSECT. III. *Vt articuli ro-  
borentur.* 183

ARTIC. II. *Curatio.* 199

SUBSECT. I. *Indicationes, &  
evacuantia.* 199

SUBSECT. II. *Dolorem sopien-  
tia.*

tia.

217

SUBSECT. III. *Resolventia & discutientia.* 248

SUBSECT. IV. *Cura podagræ scarificans & caustica.* 273

SUBSECT. V, *Cura Podagræ Magnetica & Transplantatoria.* 290.

SUBSECT. VI. *Nodorum Cura.* 307.

SUBSECT. VII. *Vicius regimen seu diæta.* 325

FINIS.



RESPONSIONVM  
&  
CURATIONVM  
MEDICINALIVM  
LIBER VNVS.

*Autore*

NICOLAO FONTANO, IOH.

*Filio, Medico Amstelodamensi.*



AMSTELODAMI,

Typis IOANNIS IANSSONII,

Anno M. DC. XXXIX.



*Serenissimo*

FERDINANDO II.

M A G N O

· HETRURIAE DUCI.



Accidit, evicitque Felicitas ITALIÆ, ut, sicut circa initia Magnitudinis Romanæ, eidem HETRURIA sacra, religiones, auspicia etiam, commodavit: ita, reparata salute, & verò avorum memoria, HETRURIAE Duces arci Principique sacrorum ceremonias, sacerdotia sufficerent: arma etiam expedirent, quæ in Barbaricum trepidata, utriusque Maris littoribus, ITALIÆ Pacem constituerent, adfererentque: eo Magnitudinis demum provecti, ut Cæsarum &

Magnorum Regum Penateis  
matrimoniis & adfinitatibus  
complexi, spem I T A L I Æ cer-  
tam facerent, FELICITATIS  
DVRATVR Æ.

Hæc celebrata I T A L I Æ vati-  
bus, ut fas erat, non sum vanus  
ut retractem: Id vero summum  
fuit genuinumque Parentum  
Tuorum bonum decusque, le-  
cto per O R I E N T E M proximam-  
que I T A L I A M flore ingenio-  
rū, quīs olim G R Æ C I A aut I T A-  
L I A prænituerē, succrescentis  
bus in dies ingeniis iter sancire  
munireque ad sæculorum gen-  
riumque omnium hætenus aut  
pudorem, aut exemplum: adsci-  
tis undiquaque viris magnati-  
bus ad artium linguarumque  
cultum propriè natis, ut quid-  
quid ubique egregium adlice-  
rent, ornarent, verumque, ad-  
den.

dentes nitorem, sæculis, cæci  
compendio, ostenderent.

Id animo religioso planè re-  
colentem, MAGNE DVX, ec-  
ce me hominem peregrinum  
quidem (si quis tamen uspiam  
peregrinus M A G N I T V D I N I  
T V Æ) excitarunt quotidia-  
na sua in arte Medica experi-  
menta, ut jam invita quidem  
modestiâ suâ artis istius Mysta-  
rum manus pervagantia recol-  
ligeret, Typisq; pervulgata ea-  
dem ad SERENISSIMÆ MA-  
GNITVDINIS TVÆ pulvinar  
dedicare: id scilicet pretium la-  
turum officii, ut per ITALIAM  
quoque constet, TVAM MA-  
GNITVDINEM, hic etiam per  
extrema, prominentiaq; terra-  
rum ad mare Magnum, habe-  
re suos sibi cultores veros, cum  
voto religiosè concepto, pro

SERENISSIMÆ MAGNITVDINIS TVÆ victoriis, & triumphis, adversus imminentem undiquaque Barbariem.

*Amsteldamo. auspicali Die Anni*

CIO IO CXL.

SERENISS.

MAGNITVDINI TVÆ

*Devotus,*

NICOLAUS FONTANUS Med.



I N-



# I N D E X

## *Illustrium Doctorum*

qui

*Nos in artis nostræ creperis per Epi-  
stolas adire dignati.*

**F** Ranciscus de Paz, Hi-  
spaniarum Regis, & Sere-  
nissimi Cardinalis Infan-  
tis Ferdinandi, Medicus cubicula-  
rius.

Foppiscus Fortunatus Plem-  
pius Regius Professor primarius, in  
Universitate Lovaniensi.

Nicolaus Tulpius apud Am-  
stelrodamenses Medicorum Prin-  
ceps, & senator.

Zacutus Lusitanus nobilis  
Medicus.

Ludovicus Nonnius apud Ant-  
verpienses Corypheus.

Samuel Costerus gloria suæ  
modicus, sed veritatis in Arte my-  
stes verus.

Bernardus Fontanus *frater  
Medicus.*

Everardus Vosculius *Medi-  
cus apud Amstelrodamenses exper-  
tissimus.*

Iohannes Hylander *Medicus  
& Philosophus.*

Iohannes à Wullen *Medicus  
Excellentissimus.*

Gerardus Bruyn *Medicus apud  
Vvesopienses ordinarius.*

Iacobus Worst *Medicus hic  
vigilantissimus.*

Iohannes Beth *Medicus cele-  
berrimus.*

Albertus Kyperus *Philoso-  
phus, & Medicus dexterrimus.*

In

In

*Exercitationes*

Excell. D. Nicolai Fontani

Ad

Lectorem Studiosum Medicinæ.

**E**cce novus veteri Fontano à Stemmata natus  
Fons rivo largum protuberante fluit.  
Est fons, est rivus. ceu fons scaturigine viva  
Pro arte Machaonia dogmata multa parat.  
Ceu rivus latices derivat in omnia regna.  
Quisquis amas Medicam, hoc perlue fonte  
labra.

Engelbertus Moncel.

SERENISSIMÆ MAGNITVDINIS TVÆ victoriis, & triumphis, adversus imminentem undiquaque Barbariem.

*Amsteldamo. auspicali Die Anni*

CID ID CXL.

SERENISS.

MAGNITVDINI TVÆ

*Devotus,*

NICOLAUS FONTANUS Med.



IN-

# I N D E X

## *Illustrum Doctorum*

qui

*Nos in artis nostræ creperis per Epi-  
stolas adire dignati.*

**F** Ranciscus de Paz, *Hi-  
spaniarum Regis, & Sere-  
nissimi Cardinalis Infan-  
tis Ferdinandi, Medicus cubicula-  
rius.*

Foppiscus Fortunatus Plem-  
pius *Regius Professor primarius, in  
Universitate Lovaniensi.*

Nicolaus Tulpius *apud Am-  
stelrodamenses Medicorum Prin-  
ceps, & senator.*

Zacutus Lusitanus *nobilis  
Medicus.*

Ludovicus Nonnius *apud Ant-  
verpienses Corypheus.*

Samuel Costerus *gloriæ suæ  
modicus, sed veritatis in Arte my-  
stes verus.*

Ber-

Bernardus Fontanus *frater  
Medicus.*

Everardus Vosculius *Medi-  
cus apud Amstelrodamenses exper-  
tissimus.*

Iohannes Hylander *Medicus  
& Philosophus.*

Iohannes à Wullen *Medicus  
Excellentissimus.*

Gerardus Bruyn *Medicus apud  
Vesopienses ordinarius.*

Iacobus Worst *Medicus hic  
vigilantissimus.*

Iohannes Beth *Medicus cele-  
berrimus.*

Albertus Kyperus *Philoso-  
phus, & Medicus dexterrimus.*

In



In

*Exercitationes*

Excell. D. Nicolai Fontani

Ad

Lectorem Studiosum Medicinæ.

**E**cce novus veteri Fontano à Stemmata natus  
Fons rivo largum protuberante fluit.  
Est fons, est rivus. ceu fons scaturigine viva  
Pro arte Machaonia dogmata multa parat.  
Ceu rivus latices derivat in omnia regna.  
Quisquis amas Medicam, hoc perlue fonte  
labra.

Engelbertus Monecl.

Tetrastichum  
*Ad*  
Eundem Auctorem.

**D***Efficiunt alii, cum Sirius aestuat acer  
Et laticem venâ deficiente negant :  
Noster at irriguos Fons reddit Apollinis hortos  
Perpetuo, jugis nil scaturigo negat.*

Iohannes Hylander. M. D.



Ad Benevolum Lectorem.

**Q**Uicunque, Benigne Lector, in arte nostra aliquid scribendo in vulgus emit-tere satagit, is si quid commune producit, actum agit, & Lectorem tadio afficit: Si quid novi persuadere conatur, præterquam quòd aliorum in se pennas exacuit, periculo res non vacat. Nam cum non circa coria lapides, aliamve vilem materiam, sed circa humanum corpus occupemur, damna irreparabilia committere facile est, qui experienciâ susque deque habitâ, secundi intellectus persuasione nova & inusitata sectatur. Et in Praxi omninò ista vitanda sunt, in Theoria non sine reprehensione admittenda. Quæ cum mecum pensitarem diligentius, eam optimam rationem scribendi arbitratus sum, quâ propria observata Lucis usura conceduntur. Nam sic tum singularium cum universalibus consensus, & rationis cum experientia mutua convenientia animum magis in veritate confirmant; tum Medicinæ candidatis facem præferunt, quomodo Medica præcepta legitimè ad usum transferre debeant, quo intermisso, quid Me-

*dicina aliud est , quam inanime cadaver ?*

*Quæ me quoque causa movit , ut summos viros imitatus , curationum & observationum quarundam exempla rara & prorsus monstrosa proponerem , ut sic multa ab aliis similiter observata confirmarem, & neglecta ab aliis accessione aliquâ complerem.*

*Adjeci quoque litteras, & responsiones aliquas , tum ut varietate delectarem , tum ut proposita breviter dilucidarem.*

*Verba & lites non sectatus sum , sed res & experientiæ congruam veritatem, sic ratus & disputando & operando ex arte diversa tempora debere. Et disputavi alibi in Florilegio meo , & dabitur alibi fortè uberior ansa.*

*Nunc hisce frui benevolè , lector Amice, & conatum meum si opus non potes , tibi acceptum habe.*


*Bene Vale.*

*Nobili*

RESPONSIONVM &  
CVRATIONVM MEDI-  
CINALIVM LIB. I.

*Nobili viro,*

Dom. NICOLAO FONTANO,  
*Amicorum observantissimo. S. P.*

 Primè dictum à Venerando Sene,  
in primo aphorismorum, *judi-  
cium difficile, experimentum fallax.*  
Tametsi enim constet, hæc esse  
duo fulcra, quibus tota innititur medicinalis  
scientia, tamen quàm hæc sint infirma facilè  
patet ex historicâ illâ observatione, quam Tua  
Dominatio mihi de Orphanis duobus recen-  
suit, quorum unus Experientia secundante  
oleo chartaceo sanitati restitutus, & ab Alo-  
pecia liberatus: alter verò eodem remedio,  
cum ejusdem videretur esse complexionis sa-  
nari non potuit.

O! incertam, & conjecturalem artem. O!  
scientiam Argo dignissimam, id est homine  
oculatissimo, & in experimentis versatissimo.  
Idem etiam in aliis scientiis usu venire solet.  
Diversitas illa, & varietas complexionum In-  
defessum requirit exploratorem, qui non fa-  
cile labore, & tædio frangatur.

Hæc artis inconstantia quosdam malè ha-  
bet, quosdam etiam à praxi alienos fecit: at-  
tamen,

*Quo pede quisque viam capit procedat eodem.*

Idem enim medicis, quod & nautis & militibus accidere solet, cæterisque opificibus, qui artes conjecturales tractant: Non enim finis proposito eorum semper respondet. Ergo.

*Quo pede capisti, clarissime doctor, eodem*

*Pergito, nec turbet fallacia ludicra mentem.*

*Solus enim Medicus Deus est, cui dextera certa est,*

*Nescia frustrari.*

*Vale Hisce.*

Tuus Iohannes Hylander.

*Medic. & Philosophiæ Doctor.*

*Exemplum.*

**D**Vos Orphanos Alopecia laborantes summâ curâ, & studio curare tentavi. erant, ut diceret, ejusdem naturæ, complexionis & temperamenti: omnia quæ in illorum utilitatem & curam excogitari possint medicamina adhibita: tandem ex doctrina doctissimi Zacuti Lusitani lib. 1. Histor. 1. oleo papyri capite uncto unus ab hoc tetro malo curatur; alter vero, quamvis postea exhiberem fortissima medicamina, incuratus remansit.



*Incomparabili Viro,*

D. IOHANNI HYLANDRO,  
Med. Doctori, Philosophiæ & Artium  
magistro expertissimo.

*De Medicinâ*

**Q**uo pede jam capi, doctor clarissime, pergams  
Nec fortuna meos poterit deflectere gressus;  
Si Deus aspiret votis, & capta secundet:

Si laudes & præconia Medicinæ enarrare  
contendam, prius animus, & vita deficient,  
quàm in eis celebrandis excellentiis tempus  
consumens, eas ad umbilicum possim perdu-  
cere.

Neminem enim, doctor optime, latere ar-  
bitror, nullam esse scientiam generi humano,  
& ejusdem levandis miseriis, tam profi-  
cuam & adjutricem, quàm Medicina. Nec du-  
bitandum: Nam Deus Optimus Maximus  
personam medici sæpe assumpsit. Angeli,  
Archangeli, permulti Sancti, Patriarchæ, Im-  
peratores, Reges, à quibus medici quàm plu-  
rima medicamenta habent, suo nomine ho-  
nорifico, stabilitant.

Multiloquus ero si sacræ paginæ vastissi-  
ma loca in propatulum reponam, quibus hæc  
veritas confirmatur; Et quo ad nostros atti-  
net, extat medicorum portentum mirabile,  
qui libro de lege num. 1. tanquam ex Pythio  
vate loquutus sic cecinit: *Medicina omnium*

2 NIC. FONTANI RESPONSIONVM  
artium præstantissima est, verum propter igno-  
rantiam eorum qui eam exercent, & ob vulgi ru-  
ditatem, quod tales pro Medicis iudicat & habet,  
jam eo res devenit, ut omnium artium longè vi-  
lissima censeatur.

Hanc divinam propemodum scientiam  
non solum medici, sed philosophi, juris peri-  
ti, Theologi, & alii aliarum scientiarum exi-  
mii professores palam confirmant.

Quid enim præstantius in caduca nostra  
mortalitate proferri potest, quàm sanitas, cu-  
jus ope præclarissimas exercemus operatio-  
nes?

In sanitate plura comprehenduntur quæ  
admirabilem hominis structuram patefa-  
ciunt, ex quâ certâ & Symmetra æqualique  
inter se omnium partium proportionem re-  
sultat Sanitas, & Symmetria naturalis, cujus  
beneficio morbi, etsi difficiles & insuperabi-  
les, profligantur.

Quid Divinius oculi fabrica? in qua perfi-  
citur visio omnium operationum præstan-  
tissima, quoque organo uno exiguo & pusil-  
lo, tot tantaque admiranda conspici solent?

Quid evidentius coctione nostri corpo-  
ris, in quâ massa quædam, alba in ventriculo,  
ex variis alimentis confecta, vertitur in ru-  
berrimum sanguinem?

Quid magis stupendum, quam sanguinem  
purpureum transmutari in albissimum lac, &  
candidissimum semen?

Et

Et ne plus ultra accedamus , hæc omnia natura nostra tanquam mater familias, dispensat & regit: certis usa legibus, determinatis decretis, & invariabilibus præceptis stabilita, nullum non tentat opus, quod in utilitatem animantis facere possit.

Id circo , Omnipotens ille Deus, à cujus nutu omnia gubernantur & pendent, Medicinam, quæ sanitatem regit, huic naturæ nostræ accommodavit , ita ut quemadmodum sagacissima natura ordine certo procedit, ita Medicina incerto ordine sua munia exsequi non potest: quare ut semel concludam: Medicina nullis ambagibus utitur , nullis sophismatis , nec tricis , sed æquali passu corpus humanum in Symmetriam promovet , & si ab hac forte deflectat, suis usa auxiliis ipsam ad eandem commoderationem reducit.

Neque bonum argumentum te confecisse putes , apposito exemplo, quod conjecturale vocas : neque enim illud ex scientia pendet, quæ certa est & invariabilis, sed ex ægri temperamento. Accidit enim ut uno oblato medicamento quidam reviviscat, moriatur alius.

Corpus enim à corpore multum differt, quòd vario temperamento commensuratur.

Et ne à nostro exemplo decedamus , Gemelli qui, quo ad nos , in temperamento videntur similes, non sunt tales, quia sub diversâ constellatione & geniti, & nati sunt. Accedit, quod licet essent similes ex temperie nativâ

tivâ ex victu dissimiles poterant esse : Quare unus sanatus qui paucam congeffit succorum copiam, quæ à medicamento est discussa ; alter vero, cum humidiori esset ob victus rationem capitis temperie, factum est, ut ex medicamenti applicatione, succi ad interiores sedes cerebri repercussi, malum adaugerent, & adferrent interitum mole suâ.

Quapropter : De veritate & certitudine Medicinæ non dubites, hoc exemplo permunitus. Vale. *Et Tuum Fontanum te ex corde amantem redama.*

NICOLAO FONTANO,  
Medico. S. P.

**M**I Fontane, perspecta est mihi præ cæteris industria, & indefessa laborum tuorum assiduitas, quâ parentum tuorum virorum scientia illustrium vestigiis inhaerere conaris, maxime in rebus arduis, & à vulgari sensu remotis : Prætermittere ergo nequivi tuæ gravi occupationi aliquod solamen, & subsidium præstare, quo tuus animus tot, tantisque ægrorum curis submissus aliqua recreatione, & lepore resurgeret.

1. *Exemplum.* Inter nonnulla uno aut altero exemplo enarrato desinam.

Mulier ætate grandæva eò debilitatis pervenerat, ut vix tactum sustineret, adeò, ut tantum levissimo ipsa membra frangerentur.

2. *Exem-*

2. *Exemplum.* Alterum verò inauditum de viro adhuc superstitite, cujus Thoraci lethale vulnus inflictum, ita ut pars aliqua pulmonis propēderet, quæ accreta vulneri, ipsum vulnus supplebat: quæ pars propendens abscissa, erat pondere trium Vnciarum; nec quicquam simile usquam locorum visum, vel auditum.

Quarum rerum mihi rationes si deprompseris, æqualis Apollini, aut Æsculapio æstimaberis. Vale. Amsteld. Ianuarii 1639.

*Tuus S. Costerus.*

*Excellentissimo Viro,*

Dom. DOCT. SAMVELI COSTERO,

*Medico Expertissimo. S. P.*

**Q**uam Laudem, quem honorem tibi debeam, Clarissime Domine Doctor, & amice Costere, res ipsa loquitur, quæ meis verbis non indiget. Rarissima illa & ferè monstruosa omnem captum exuperantia nuper literis tuis ad me perlata maximo mihi oblectamento, & observationibus meis summo decori sunt futura: plura huiusmodi exoptarem ad Medicæ artis maiestatem plus augendam.

Sed confido plura id genus alia triginta annorum spatio inter tot ægrotos, & morborum species animadversa, & notata in lucem proditura. Nec enim à quovis alio Me-



82 NIC. FONTANI RESPONSIONVM  
dico talia ausim sperare, & promittere, quàm  
de tua præstantia.

Nemo, ut arbitror, tanta medicinæ praxios  
mole fuit gravatus & pressus : nemo etiam,  
ut autumo, tam diversos sibi in medicâ praxi  
casus obvios habuit, quam Tua Dominatio,  
ergo hâc spe incensus non dubito, quin plura  
etiam alia tuarum observationum nobiscum  
communicaturus sis; quæ ad artis medicæ il-  
lustrationem plurimum queant conducere.

Ad ossa vetulæ fragilia quod attinet, puto  
siccitatem in causâ esse & consumptionem :  
quia ossa, si glutine suo, & adipe meduloso  
priventur, ut videre est in ossibus calcinatis,  
facillime franguntur; ita etiam loquitur Pro-  
pheta Regius David : *ossa mea sicut cremum  
aruerunt.*

Ad secundum. Non ita mirum, ut præscri-  
ptum : simile enim etiam fit dum pulmones  
adnascuntur pleuræ beneficio balsami natu-  
ralis, natura enim unitatem quærit.

Hæc brevissime tibi clarissime Dom. Do-  
ctor responsa sunt. coram de his latius, si  
minus apte tuæ Dom. responderim censuræ  
tuæ me submitto. Vale pancratice.

*Tuus ad omnia collega Nic. Fon.*

## S. COSTERI RESPONSVM.

**M**I Fontane. Multa monstrosa & inaudi-  
ta Medicis indies occurrere certum est;  
sed



sed eorum quæ tu tractas inopina, & præter communem medicorum & Philosophorum mentem videri fateor: quapropter mi amice,

*Quoque gradu graderis, tu gradiare precor.*

Quid majori admirationi esse poterit, quam videre quod una mecum vidisti in milite isto hastâ læso in ipsa cerebri substantia, qui cicatrice obducto vulnere, & extractis quâ plurimis ossium fragmentis, septem & ultra septimanas sanus aliis inserviebat ægris. In octava vero convulsivus cum moriebatur, causam subitanæ mortis intueor, unam cerebri partem corruptam, putridam, visu admirandam, immo consumptam & in putredinem conversam vidi.

Denique præ oculis habere Infantem cerebro carentem? Quidve obstupendum magis, quam aspicere juvenem cui erat excrementa ex osse coxis, vesicæ instar plena aqua limpidissima, quæ per spinalem medullam, etiam ipsam cranii substantiam suppleverat?

Quid humano captui inconvenientius, puerum videre sine pulmone, cujus loco erat vesicula plena flatu, uti vidisti in orphanorum domo?

Quid miraculosius? quam id, quod mihi evenit de quadam muliere, quæ gutture suo os deglutierat, cujus tonsillæ adeo intumescebant, ut de vita periclitaretur, hæc extremis exposita, & omni medicorum auxilio desti-

tuta, sese Deo commisit: sed natura sibi consulens simili defectui prævenit; adeo ut præter spem os ex faucibus per intimas ad exteras partes extruserit.

Hæc exemplorum loco tibi sunt. Sed quid respondebis Hippocrati, qui 50 aph. sect. VI. ita loquitur: *Quibuscunq; præciditur cerebrum, his necesse febrem & bilis vomitum supervenire.* Et aph. 59. sect. VII. *Quibus cerebrum aliqua ex causa concussus fuerit; necesse esse statim mutos fieri.* Cum horum neutrum huic contigerit?

Longior tibi narratione forem ni in prima mea epistola aliqua admiranda tibi conscripsssem, quibus contentus Vale, mei recordare, petitioni Responde.

*Tuus S. Costerus.*

*Eximio Viro*

Dom. DOCTORI S. COSTERO,  
S. P.

**A**Ntiquissimus Vates, libro de vulneribus capitis (cujus monumenta eruditissimus Fallopius, & Vidus Vidius Florentinus satis doctè interpretati sunt) nullum capitis vulnus leviter contemni debere, apertissimis verbis contestatus est.

Nam multoties accidit, ut si percussus caput fuerit fuste, vel baculo, leviter, nec lethale ipsum vulnus, immo non periculosum vide-

deatur: cum tamen tractu temporis, commoto ab externâ causâ cerebro in internâ parte, & venula aliquo modo disrupta, sanguinis guttulæ, aut putrefacti ichores in ipsius cerebri sinu, in piam matrem multoties confluentes lethale reddant. Vt videre licuit in tuo ægro, qui tanto tempore nullo vexabatur Symptomate, neque convulsione, neque bilis vomitu, quæ fere semper subsequi solent, cum propter os nervosum ventriculi, tum ob mirum quem cum cerebro habet consensum ob sextum par nervorum, quod asserit *Galenus lib. 3. de locis cap. 7.* his verbis *Ventriculus cerebro, & cerebrum ventriculo illico suas affectiones communicant.*

Quæ omnia, licet à me penitus examinata, tamen causam haud quaquam intueor: quandoquidem in his aliquid divinum adest, incomprehensibile, & quod sensus nostros fallere possit: Quod Hippocrates forsân solus experimento cognovit. Quare hanc meam accipe rationem, quæ talis est:

Licet enim res ipsæ non semper eodem modo eveniant, ut ex figura Hippocraticæ dictionis colligitur, raro tamen aliter accidere, ut non minus doctè, quam latè *Galenus* affirmat pro tutelâ *Hippocratis lib. 6. aph. com. 58.* Nam ea quæ frequentia sunt, pro perpetuis habentur in Medicina. Rarò autem contingentia problematum Medicorum veritatem non tollunt. teste *Galeno 2. aph. 43.*

Nc-

Neque enim ex iis, quæ semel, aut bis homo vidit, debet pronuntiata conficere medica. Idem lib. de fætus formatione cap. 2.

Quare ea inter monstrosa reponenda iudico, sic & ea quæ narras de puero sine cerebro, quem nostris vidimus oculis anno 1629 14. Decem. & se vidisse gloriatur *Carpus* insignis ille anatomicus: *Scenkius lib. 1. observationum. Et Eruditissimus Valleriola lib. 4. obs. 10*

De Infante cum excrefcentiâ circa os coxigis, nihil habeo, quia sicuti tuus erat sine cerebro cum spinali medulla, sic meus loco cerebri, & spinalis medullæ, aquam limpidissimam habebat.

Quod ad puerum sine pulmone, doctissimus Dominus Professor Regius Plempius, rationes excellentissimas profert.

De muliere quæ ossiculum deglutiuerat, quod natura ad exterius extruserat partes: magnum naturæ beneficium dico, quæ unica parens & magistra.

Quare loquor cum Averrhoe 7. Collegit cap. 2. monstra accidunt in arte, sicut etiam in natura. Vale anima mea.

*Tuus Nic. Fontanus.*

*Clau-*

*Clarissimo, & peritissimo viro,*

ZACUTO LVSITANO,

Medicorum nostri ævi coryphæo,

*Nicolaus Fontanus.*

**C**VM tuam praxin, titulo admirandam<sup>s</sup> opere mirandam magis, & alias raras observationes, quas miro artificio, & polito stylo Historiis inseruisti tuis, attento animo contemplor, hujus exempli mirandi Explicationem, solum à te, artis medicæ alumno præstantissimo posse dissolvi ratus sum.

*Zacharias fatuus orphanus, qui motu lune ad iracundiam excitabatur, mutus, & furibundus, tribus mensibus ante mortem, in tabem incidit, & cum assumpto pabulo inclinaret ad mortem, liberè loquebatur, mihi que gratias egit, & adstantibus, pro animi nostri erga illum gratitudine, imò manus osculabatur, antequam pulsum explorarem, & hic mente salvâ, præ, cum Deo è vita migravit.*

D. Doct. NICOLAO FONTANO,

Medico Amstelodamensi percelebri,

*Zacutus Lusitanus S.*

**E**TSI à politioris humanitatis studiis jam pridem feriatum sim, clarissime virorum, gau-



gaudeo tamen à doctissimis hominibus mihi aliquando occasionem præstari ad ea studia redeundi, quæ me in adolescentiâ maximè delectarunt. Recrearunt animum meum observationes miræ, quibus etiam, ceu odoriferis floribus, praxin Historiarum adorno, quæ non tam utiles sunt, quam jucundæ nimis. Hæc, quam describis, infrequens, inaudita, non meâ, sed tuâ, aut *Galenî* ope indigere videtur. Hujus ergo Historiæ prodigiosæ explanationem aggredior.

Impediri vocem, & homines reddi aphonos, & mutos ex copiosa humiditate, circa instrumenta vocis tenaciter infixâ, novum non est, quum plures natu juniores, sermonis usu destituti, ætatis decursu, vel artis operâ, vocales facti fuerint, humiditate excrementitiâ in totum absumptâ. Si hoc verum est, quod ego puto verissimum, quid obstat quominus æger noster tam longo tempore mutus factus, corpore tabefacto, humiditate superflua vi torridi & febrilis caloris absumpta, & organis vocalibus ad hoc munus aptioribus effectis loqueretur.

*Solve secundo.* Plures à resolutione immedicabili per multos annos oppressi, cum vehementi irâ premerentur, accenso nativo calore, & spiritibus fervidioribus factis, roboratis nervis, absumptis humoribus crassis, à tanto malo evasere immunes, ut manifestis  
*et c. lib. 2. obs. 4. perdoctus Valleriola confirmat.*



firmat. Deinde hac de cauſa, muti quidam ſolâ animi vehementi incitatione , vocales facti ſunt; ut de *Cræſſi* filio muto narrat *Herodotus in Clio*, & de *Aegle Samio Athleta* muto proferet *Valer. Max. lib. 1. cap. 8.* cui cum victoriæ, quam adeptus erat, titulus, & præmium eriperetur, indignatione accenſus, vocalis e-vaſit. Simili modo noſtro accidit ægro, qui, cum morti eſſet vicinus , ob naturæ conatum, nativò calore ad interna revocato, & ſic robuſtiore facto , anima vehementer imperrante , ſolutis vocis impedimentis & clauſtris, ſermonem protulit.

Inſuper nihil miri eſt , quod ante obitum ſana mente conſtaret, cū antea eſſet furioſus: nam omnia prope mortem melius habent. Id præter *Galenum* in locis multis explicuit *Avic. l. 4. tract. 1. cap. 4.* dum ſic ait. *Et multoties accidit apud mortem diſpoſitio, quæ eſt ſicut declinatio, & eſt quaſi ager evaſerit, & non oportet, ut tu occuperis in hoc, imò cognoſcas diſpoſitionē pulſus, & an magnificetur, & fortis fiat &c.* Huius eventus cauſa, eſt, quia emoriente ſenſu natura imbecillis ceſſat omnino à pugna, & hoc modo otiantæ facultatum actione mi-teſcere videntur ſymptomata , & rixa, furor, delirium in quietem permutantur ſæpè. Hæc brevi dicta ſint de tam ſeria controverſia. Tu qui aſſiduo rerum uſu polles , eam graphico penicillo deſcribe , illuſtra , orna, & me tibi obſequentiſſimum redama. Vale *Æſculapius*  
ipſe

ipse meus, Cunctipotens res tuas ad nutum  
 fœlicitet. raptim Amstelodami 17 Maii, 1639  
*Sub doctiorum censura, Zacchus Lusitanus.*  
*M. D.*

*Exemplum.*

**I**Vvenis viginti duorum annorum, phre-  
 nitide ex Gonorrhœa virulenta contracta,  
 laborans, post universalium usum drach-  
 mâ unâ philonii Romani assumptâ, & cu-  
 curbitula scarificata syncipiti apposita Nutu  
 Dei, à gravissimo evasit morbo.

Gravissimus hic casus, curatu difficilis  
 fuit. Sed cum pituita gravatus, succis crudis  
 scatebat prima in regione æger, edocti ora-  
 culo magni Hippocratis 2. aph. 29. *Inchoan-  
 sibus morbis si quid tibi videtur movendum, mo-  
 ve: cum vero consistunt, ac vigent, melius est quie-  
 tem habere:* & ut Galenus in commento re-  
 petit: oportet levare naturam in initio, ut mino-  
 rem jam factam materiam natura deinceps pos-  
 sit devincere, &c. Ipsi minorativum exhibui-  
 mus pharmacum:

Inde biliosa, mucosaque excreta materia,  
 natura citra levamen sudores produxit: re-  
 ctè: nam ut dicebat Galenus 4. aph. 22. *in ini-  
 tio nihil, aut bonum evacuari est impossibile; sed  
 sunt omnes casus præter naturam earum quæ  
 sunt in corpore dispositionum: Nam oportet prius  
 præire concoctionem, subsequi discretionem, &*  
 tan-

*tandem evacuationem, ut bona sit crisis, atque iudicium, &c.* Ergo hic sudor in initio factus contemnendus, quoniam est symptomaticus, non iuvans, juxta doctrinam Hippocraticam 2. aph. § 2. *is, quæ sine ratione, hoc est concoctione, levant, fidere non oportet.* Quare cum adesset copia gravativa, iterum expurgatur, aperitur mediana, & sanguis omni labe intactus emanavit.

Victum mox instituimus frigidum, humidum, ex lactuca, boragine, endivia, prunis coctis, & pomis assis, confectum. Potum ex hordeo cum succo limonum, & granatorum paratum. Clysteres refrigerantes, & emollientes injiciebantur. Sed quia sitis urgebat, febris ingens aderat, fervor internus instabat; cum vigiliis, & capitis dolore, necnon urina jumentorum simili, jure merito nobis suspicio erat de Paraphrenitide: (quæ delirium est per intervalla, quando cerebrum ab inferis partibus compatitur;) quæ statim subsequeretur. Contra hunc affectum quinto supervenientem die, ne forte phrenitis firmata fieret, & caput proprietate afficeretur, multa excogitavimus auxilia, ut frisiones asperas, cucurbitulas tibiis, costisque adhibitas, ad demendam plenitudinem.

Cardiaca non contempsimus, ut sunt Margaritæ, Lapis bezoardicus, &c; Decoctum Tamarindorum præscripsimus (hoc enim medicamentum iam febre maligna divinum est.

est, nam bilem coercet, malignitatem domat) quo potu se delectari dicebat, & per intervalla ad mentem redibat.

Cerebrum roboravimus præscripto *Gale-  
ni* 13. *meth. cap.* 21. Oxyrrhodinis, ne reciperet fluentes humores, nam à capite repellendus humor est. facultatem animale[m] recreavimus, somnum provocavimus, unctis temporibus unguento Populeo, mixto lacte muliebri, & oleo Violato. Nocturno tempore exhibuimus emollientes clysteres & refrigerantes. Sed quia fastidiebat (& in febribus malignis, qui comedunt valenter à morbo liberantur ex Avicenna 1. 4. tract. 4. cap. 4. de febre pestilentiali) idcirco jus pulli obtulimus, & emulsiones cum seminibus papaveris propinavimus.

Iterum de plenitudine deponenda eramus solliciti, quoniam vigeat adhuc ingens febris, & humorum cruditas; sed quia æger, ad venæ sectionem non sufficebat, & vires debiles erant, facultasque animalis lancinata à mala aura venenata, idcirco Hemorrhoidalibus venis Hirudines affiximus, ex qua evacuatione gravissimus est extractus sanguis.

Sed, cum morbus esset superior natura, plurimum invaluit, & ferociter exacerbatus est, & phrenitis subsequuta, cum summa vigilia; quare septimo die cepit captare muscas, floccos evellere, & delira loqui.

His visis, consultum fuit inter medicos  
utrum

utrum expurgandus esset. Quidam ob fervorem nimium renuebant expurgantia ; admittebant alii , quia hic humor gerebat vicem turgentis materiæ: tandem illa vicit opinio , quod nullo modo ante decimum quartum diem expurgandus esset ; quam sententiam firmat Lud. Marcatus. lib. i. de morbis internis cap. 11. plurimas ob causas. Quod etiam expresse monuit *Galenus 4. Acut. 76.* his verbis: *Nam vel statim ab initio priusquam in partem aliquam confirmentur humores, medicandum, vel postquam ad maturitatem perducti fuerint.*

O! sententia memoranda. Nam plerique in medio febris impetu, & fervore, Cathartici phreniticos, & ardentibus febribus laborantes, excarnificant.

Quare cum æger debilis esset, solis mollientibus Clysteribus contenti fuimus, & venam carpi in aqua tepida secuimus. quia hac secta, minor spirituum copia evacuatur.

At cum delirium & vigilia invalescerent, occipiti cucurbitulas scarificatas imposuimus, frontis venas scidimus, sed incassum, quare refocillatis viribus alternatim, singulis diebus evacuationes celebravimus. Deinde appositis Hirudinibus temporibus, retro aures, æger in pejus evasit, & continuo vigilavit.

Ad somnum conciliandum solliciti fuimus, & fecimus Embrochas syncipiti raso infun-



fundendas : ex decocto violariæ, ros. nenu-  
pharis, sem. papaveris, portulacæ, lactucæ. sub  
plantis pedum appositæ fuere pultes, sed fru-  
stra: Nam contractiones nervorum, tremores  
manuum & pedum, cum oculis distortis, &  
convulsis (morbum hunc strabismum Græci  
vocant) conspeximus : quæ omnia ex nimia  
siccitate, resolutio spiritus animali visorio, à  
malâ & veneficâ aurâ, originem duxisse ju-  
dicavimus.

Cumque undecim diebus immotis oculis  
jaceret, velut in re desperata, & casu concla-  
mato, ad fortissima auxilia devenimus; quo-  
niam ut *Galenus* dicebat 10. *Meth.* 10. *Quan-*  
*do salutis unica est via, licet dubia, melius est*  
*aliquid cum fiduciâ tentare, quàm agrum spe*  
*ademptâ certo perire. nam melius est anceps re-*  
*medium experiri, quam nullum, teste Corn. Celso*  
*lib. 2. cap. 10.* Et drachmam Phylonii perfici  
cum aquæ lactucæ  $\text{℥} \text{ i } \text{ i } \text{ i}$ . ægro exhibuimus.  
Quo auxilio, & imposita cucurbitula scarifi-  
cata in sincipite magna cum flamma septem  
horis dormivit, febris remissa, supervenitque  
Diarrhea biliosa cum tolerantia, & conferen-  
tiâ, sitis remissa, delirium evanuit, & æger ad  
mentem rediit. Urina concocta est, & post  
decimum quartum diem Rhabbarbo, & pul-  
pa casia purgatus, in totum convaluit.



*Exemplum.*

uerpera ex non ritè fluentibus lochiis, in  
villimam Apoplexiam incidens, à me, me-  
te Divini numinis gratia, post enema-  
injectionem, & Cephalicæ venæ sectio-  
curatur.

NICOLAO FONTANO

ico solertissimo, Fratri suo amantissimo  
ERNARDVS FONTANVS. S. P. D.

Vperrime, cum omnium creator Deus  
ter optimus, terque maximus, natura,  
harmaca, morbum vestrum diuturnum,  
acutū, non minus gravem, quam pericu-  
n superassent, tuq; lectulo tuo surrexisses,  
namq; sanitatem recuperasses, nonnullos  
acchanalia omni amicitia, & jucundita-  
ebraremus) convocasti, mensam lau-  
poculis variis adornasti, ut quotquot ti-  
ent hospites ac convivæ, hilari, lætoque  
o Baccho libarent, inter crateres vino  
ante repletos, mihi à filio tuo Iohanne  
ano, nepote meo charissimo, offertur  
ibliotheca vestra amplissima Zacuti Lu-  
præstantissimi de Medicorum Princi-  
Historia, liber Quintus, & Sextus nuper  
uditissimo auctore tibi oblatis, & simul  
acti, in cujus medio chartulam te forsi-  
ignorante, tuis scriptis plenam, inveni,  
B legi

legi, relegi, & admiratione maxima verba tua subsequenter perscrutatus, quæ hæcerant.

Puerpera ex non ritè fluentibus lochiis in gravissimam Apoplexiam incidens, à me, mediante divini Numinis gratia, post enematum injectionem, & Cœphalicæ venæ sectionem, curatur.

Re vera casus, ut dicam, magnus, cura laudabilis, morbus periculosus, quæstio difficilis, quæ nobis, tibi, & mihi, insciis oblata gratissima fuit. profecto calcaria addidit, ut parato ac festinante calamo has litteras vobis reddiderim,

*Nam dubiam traxit sententia mentem :*

Utrum post actualem partum, vel citra eum fluentibus rite menstruis, licitum sit Medico, recta methodo incidere brachiorum venas relicta saphena? uti optimo successu, summa felicitate, nec non maxima utilitate, te fecisse in curatione hujus ægræ, dicis: cum pro contraria parte plurimæ mihi supersunt rationes, & difficultates.

Nonne præter alias plenitudines omnes ex suppressis mensibus ortas, secta in crure vena liberaliter evacuavimus, summo præsidio & maximo levamine? cum alias id fieri viderimus, summo cum ægri dispendio? Quandoquidem nobis sæpissime videre licuit mulierum purgationes, à sectione venarum brachii, revellere solere, suffocationes excitare, delirium adferre & mortem? Quare non citra peri-

periculum tentant , qui venam incidunt iis.

Timor enim esset magnus , & in intimis mei cordis penetralibus hæreret scrupulus, si fluentibus lochiis superiores tunderem venas , contrarius enim fit motus & ad partes superas sanguis trahitur , qui per infernas viam fecit , per quam sælicius semper purgantur mulieres, unde supprimerentur menstrua, duplicarentur affectus, augerenturque symptomata, vel morerentur ægrotantes.

Sed cum rerum ad studium & praxin medicinæ pertinentium cupidus sim, & te laboriosum , diligentem ac vigilantem sciam , & ita in Medicinæ arcanis perscrutandis primum, ut secundum non habeas, ex tempore hæc tibi scribere decreveram, ut ex eruditionis tuæ Thesauro opulentissimo, & limpidissimo (ut ad nomen nostrum familiare alludam) fonte solutionem tuam scriptis, aut dictis expectare possim, an in concepta mea opinione persistere mihi licitum sit, quod perispicaci tua mente hic stabiliveris , id firmum remanebit in mente mea , neque committam, ut in ullo officio, quod bene merenti debetur , jure me , ac merito quisquam reprehendat.

Insuper ex animo, & toto corde suo te amat, colit, & veneratur, Tuus addictissimus frater.

*Bernardus Fontanus Medic.*

*Clarissimo Domino Doctore*

BERNARDO FONTANO, FRATRI  
meo dilectissimo. S. P.

**I** Vcundissimas tuas , quibus immeritum  
extollis summo cum delectu legi , atque  
cordi affixi , pro quibus gratiæ tibi debentur  
immortales. Quod in Magni Zacuti Lusitani  
libris, tibi per Filium meum Iohannem Fontanum ,  
missis , ais te exemplum rarum invenisse ,  
gaudeo , sed non præter mentem meam; nam si  
aliquis locum meruerit in questionibus meis ,  
certè tibi primus debetur, partim ob fraternum  
vinculum , partim etiam ob commune Studium,  
quod nos dupliciter devinctos reddit: Quare mi frater,  
benefeciste quod legeris, & melius quod solutionem  
hujus casus à me flagitaveris; quam à me accipies ,  
postquam nonnulla notatu digna de Apoplexia scripserim.

Apoplexia ergo definitur privatio motus, &  
sensus totius corporis repente incidens, cum  
principum functionum læsione.

Est symptoma in genere læsarum actionum  
animalium, non diminutæ, nec depravatæ, sed  
abolitæ.

Causa immediata hujus affectus , est intemperies  
humida, & frigida cerebri.

Mediata & materialis , est humor crassus,  
viscosus, tenax, mucilaginosus, & melancholicus,

licus, ad cuius præsentiam sequitur obstructio omnimoda, constipatio, constrictio cerebri, & ventriculorum ejus, ita ut nulla adsit convulsio, nullus motus, nec conatus naturæ ad expellendam noxam sensu perceptam, ut accidit in Epilepsia, in qua cum non adsit perfecta obstructio cerebri, & ventriculorum, natura potest sese contrahere; & tunc ad ventriculorum contractionem sequitur expulsio materiæ, & fit motus convulsivus, qui non fit in Apoplexia: quia in ea impeditur totalis transitus; hocque ob totalem obstructionem.

Causa communis hujus morbi, ut diximus, est pituita crassa, humorque melancholicus terrenus, & crudi succi.

Num autem sanguis Apoplexiæ potest esse causa, si crassus fuerit & multus est quod Petimus? Respondemus affirmativè cum Iacchino lib. ad Almanforem cap. 9. Mercato lib. 1. de morb. intern. cap. 17. Salio Diverso lib. de aff. part. cap. 2. quod sic; nam cum sanguis vel pituitosus est, vel calidissimus, & à toto corpore ascendat per jugulares, Apoplecticasve venas, aut per quasvis alias cerebrum comprimitur, & penitus obstruitur, spiritus animalis extinguatur, sensu, & motu animal privatur, quia spiritibus ad sensoria, & motus instrumenta nullus adest aditus, quo pacto ex hoc copiosiori sanguine detento, exalfecto & acriori reddito, partem posticam & anticam cerebri occupante, Apoplexiam oriri



Galenus probat 2. aph. 42. Cujus extat insignis Historia apud Doctiss. Fernelium lib. 2, de abditis Rerum causis, is, de quodam Apoplexia mortuo, cui anteriores oculi venæ per contusionem disruptæ erant, ex quibus sanguis ultra cochlearia duo in cerebri basi confluens, & concretus, hanc penitus obstruxerat.

Ab hoc etiam humore, sicut etiam à Puitoso, & Melancholico oriri Apoplecticas passiones valde Apoplexiæ consimiles, explicat insignis Valleriola lib. 7. Epyd. in contextus 82. Harum signa sunt: Vertigo magna, Aphonia, ignorantia rerum omnium, stupor mentis, obliuio, & delirium.

Signa hujus defectus ex Galeno 4. de locis cap. 2. sunt privatio sensus, & motus, & obliuio omnium rerum ut diximus. Ægri nihil respondent licet pungas, clamites, jacent cadaveris instar, labuntur ad pedes, in illis respiratio difficilis est ex Gal. 2. aph. 42.

Aliqui pulsum servant, alii pusillum habent, nonnulli nullum. Alii, in quibus fere omnimodo & absoluta adest cerebri, & ventriculorum ejus obstructio, nullam respirationem habent.

Sed signa sanguineæ Apoplexiæ sunt oculorum & faciei rubor, vividitas in facie, tactus mordax, febris ingens, quæ omnia in puitosa contrario modo eveniunt.

Insurgit hoc loco gravissima dubitatio, quam



quam primus omnium proposuit Galenus lib. 6. de locis aff. cap. 5. Cur Apoplectici, & fœminæ utero strangulatæ possint vivere sine pulsu, aut ulla respiratione. Quamplurimi respondent, animalia non posse vivere sine respiratione, & pulsu, vel sensibili, vel insensibili. Si autem in Apoplecticis non sentitur respiratio, in causa est, quia licet ii non habeant sensibilem, habent tamen insensibilem, quæ vix percipitur, nisi ori speculo appposito, aut gossipio, illud videbimus ab insensibili respiratione commaculari; & Lanam moveri. Bona videtur hæc responsio, sed non undique vera, nam existimo Hystericas, & Apoplecticos sine ullo pulsu vivere, aut ulla respiratione vel insensibili, ut citato loco Galenus probat, & experimur in suffocatis aquâ adhuc viventibus. Verissime ergo loquitur Galenus ibi, dicendo hos non vivere respiratione, sed transpiratione, quæ per cutem celebratur, cujus vi aer per arterias defertur ad cor, quia, licet paucus sit, sufficit ventilare cordis calorem, qui suffocatus & obrutus minori indiget ventilatione.

Ex horum numero nonnulli fuere sepulti, ut videbitis apud Amatum Luf. 4. cent. 23. Levinum Lemniū lib. 2. cap. 3. de occult. nat. mir. Paschalium lib. 1. cap. 13. Quare non facile hi sepeliendi nisi ante tertium, vel quartum diem ut Avicennas monet 3. 1. tract. 5. cap. 12. Et proprio experimento probat

acutissimus Zacutus Historia 34.

Differt à sopore, quia in hoc non tollitur sensus; à Caro, quia in hoc affectu non læditur respiratio; à Cathalepsi, quia hi debiliter respirant, & oculos apertos habent.

Ab uteri strangulatu, quia in eo facies mutatur, adest difficilis respiratio, & reperitur convulsivus motus. Differt à Syncope, quia huic nullus adest pulsus; ab Epilepsia, quia in ea convulsio adest, & servatur motus.

Imminentis Apoplexiæ signa sunt subitus capitis dolor, vertigo, Oculorum caligo, stridor in somno, sibilus aurium, rerum obliuio.

Prognosis. Apoplexia fere interficit, & præsertim illa, in qua omnino prohibetur respiratio, quandoquidem hæc maxima est, & acutissima.

Senes ab Apoplexia difficulter evadunt, quia in iis adest humorum copia, & vires habent debiles.

Antequam curationem hujus sævæ Apoplexiæ attingam, rarum enarrabo tibi, mi frater, Exemplum & annotatione dignum.

Vocor ad matronam nono mense utero gerentem. Hæc ejus diei tempore matutino optime adhuc valuit, & sana adhuc exiit, ad horam autem ejusdem diei quartam incidit in Epilepsiam gravem cum spumâ copiosâ. Post Epilepsiam successit Paralysis oculi sinistri, quod rarissimum est, nam ex mille epilepticiis vix unus in Paralyfim abiit. Resolu-

tus

tus fuit oculus ratione nervi palpebrarum moventis, & optici. Hora autem nona noctis iterum incidit in Epilepsiam majorem priore, qua vox prorsus cessit. Hinc successit stertor, talis, qualis succedere solet apoplexiæ à qua solo motu distabat. Duodecima supervenit ultima & gravissima, & enixa est duos infantes mortuos, flaccidos, & lividos. Circa quartam, cum vocor, inveni illam apoplecticam, & prædixi cito hanc morituram, ut evenit, nam ante horam octavam obiit.

Hanc inserui Historiam ob ejus raritatem, quam ita raram judico, quam quæ rarissima, & forsan similem nec Hippocrates, nec Galenus unquam viderunt.

Acutissimus affectus Apoplexiæ est; & idcirco tardare in talibus, malum. Quæ enim celeriter fieri debent, celeriter peragere oportet ex Hippocrate 1. acut. cap. 8. Quare ilico aggredienda curatio, quæ cum summo sit periculo, oportet ut prædictionem habeas mortis.

Fiant igitur ilico ligaturæ extremorum dolorificæ. Ligentur artus fortiter. Cucurbitulæ applicentur à planta pedis usque ad occiput.

Omnes auctores tam prisci, quam veteres concordēs sunt venam cephalicam aperire, in corpore carnoso, juvenili, florente ætate, constantibus viribus. Clyster etiam injiciendus acris, ex decocto Nepithæ, Salyiæ, Rutæ.

Majoranæ, Chamedrios, Chamepythios, Absynthii, Betonica, Stœchados, Rosmarini. Et ex Electuario Hieræ Logodii, vel Hieræ Diacolocynthidos. Pilulæ exhibendæ fætidæ, cocchiarum, cum V. vel V r. granis Trochiscorum Alandaal, aut scammonii. Pessulæ fiant ex sale gemmæ, & colocynthide.

Si aliquid deglutire potest, exhibeantur Electuarii Diaphanici ℥vj. cum drachma una agarici Trochiscati, & syrupi solutivi uncia, nec non aquæ majoranæ ℥ iij.

Medicamenta fortiora debent esse, quia vis animalis in toto consopita jacet, & non nisi à vehementioribus excitatur. Mithridatium, & Theriaca maxime sunt in usu, præcipue si aliquid pulveris Castorei admisceatur.

Imponantur Hirudines in temporibus, retro aures, ad extrahendum humorem in capite fixum. Vena frontis secetur quam citissime, cujus sectione non tantum Apoplexiam, sed omnes capitis morbos sanari testatur *Avicenna* 1.3. *Traët.* 2. *cap.* 11.

In capite ustiones faciendæ sunt candenti ferro, ut crassus, viscidusque humor liqueatur qui mali causam reservat, & auget.

Sinapismi imponendi. Fovendum caput decoctis calidissimis factis ex aqua vitæ, oleo Castorei, Cinnamomi, Anisi, actu ferventissimis. Hæc si non suffecerint, & æger naturâ pituitosus sit, ex *Rhasii* mandato, capite de

Apo-

Apoplexia, sartaginem actu ignitam capiti in-  
pone, in eundem usum.

Si in Epilepsiam terminetur affectus reli-  
cta Apoplexia, Epilepsiam sana. Quomodo  
sit persananda inter omnes docuerunt Rem-  
bertus Dodonæus proprio capite; Et Fore-  
stus libro de cerebri affectibus curat. 73. &  
74. de paralyti Apoplexiam sequuta.

Instabis, utrum liceat adhibere, auxilium  
tam forte, suspectum, & periculo plenum?  
dic, nulla remedia posse carere suspitione,  
quod asserit *Galenus* 13 *Meth. Cap.* 11. Dum  
dicit: Nihil est quod tantum prodest, quin  
aliqua ex parte noceat, nam attendimus ad  
majorem utilitatem, quæ pluris æstimatur  
quam minor noxa, ex eodem lib. 1. aphorism.  
24. & 12. meth. 1. & 8. quare licet sartago  
adurat pilos & cranii os, atque ulcera exci-  
tet; Tamen magis est æstimanda vita, quam  
læsio, nam ut cecinit *Avicenna* 6. 4. Tract. 4.  
cap. 2. melius est abscissio unius membri,  
quàm mors totius, & non fit evasio à mor-  
bo magno absque contractione membri: qua-  
re ut concludam, dico quod in adultis uti eâ  
liceat summâ cum utilitate, uti proprio expe-  
rimento fæliciter fecimus. Hæc quoad Apo-  
plexiæ causam, differentiam, prognosin, atque  
curationem dicta sunt.

Iam, mi frater, studebo tuis gravissimis  
argumentis, nec non petitionibus satis facere;  
quod ut fiat, ita loquor: Humor vel est fluxus,



& morbus habet partes omnino factas in cerebro, & permanentes; vel est fluxurus, & nullas habet partes factas, vel fientes, sed futuras. Si humor fluxurus est, & imminet Apoplexia, fluatque sanguis menstruus actu, tunc tali venam seco, & remedia in Inferioribus partibus adhibeo. Si humor fluxerit, & fluunt menstrua; tunc primo è talo, deinde ex brachio sanguinem emitto; sed si Apoplexia confirmata sit, & morbus conclamatus, humorque solum in Cerebro, & ventriculis ejus sit fixus & impactus (uti in hac puerperâ mihi videre licuit, tunc licet fluant, vel non ritè fluant, menstrua, ea contemno) & indicationi urgentiori succurro. Idem exercuit remedium Vallériola lib. 5. obs. 10. In pleuritide post partum sævâ, post tertium diem, rite fluentibus menstribus: Fernelius 2. meth. 8 post partum, rectè procedente purgatione menstruâ, ob febris ardorem; etiam Amatus Lusitanus primo cent. 34. & Mercatus lib. 1. de morbis mulierum cap. 16. Et licet venæsectio aliququaliter nocere possit è brachio facta, tamen minor noxa majori utilitate est redimenda. Quare bene feci, autoritate gravissimorum virorum, eorumque experientia instructus.

Vtrum jam tibi satisfecerim, judica; sin minus, ponderosiora proferam. Vale mi frater unicè colende, cui sum, & ero

*Nicolaus Fontanus.*

*Peril-*



*Perillustri viro Domino*

NICOLAO FONTANO. S.P.

**V***Ir Clarissime*, Assiduitate scriptionis mutuum ut facias mecum, impudens si postulem; eam enim spem abundè mihi promittit indoles humanitatis tuæ, impensiusque in eo me laborare jubes, ut in appellando crebrior sim, quam ut culpam temeritatis deprecet: Quare gratulor mihi, quod hac occasione difficilia absq; terrore adeundi animum, & negligentię meę stimulum addideris.

Illud tamen inprimis humanitatem tuam rogatum velim, ne cedro & iudicio tuo digna à Tyrone expectet: quem minima sæpe districtum tenent, quæque Tu nullo negotio dissolvas: quamvis id sedulò operam do, ne in literarum inutilium studiis detinear, iisque implicer, quæ sive contineas, nihil tacitam conscientiam juvant; sive proferas, nihilo doctior sed fortè etiam molestior videberis: Multa equidem artis nostræ procures anxie lectoribus inculcare video, quæ sane cuncta ut tantâ curâ porrò tractem, quanta scripta sunt, in posterum cavere cogito: neque tu, credo, mihi auctor eris, ut iisdem operam meam locem: quas enim moras, res ipsas, non rerum umbras sectanti injiciant, meo exemplo nullo fructu probare possem. Sic itaque tecum mihi agere liceat, ut quæ tum Galenica tum aliorum necessaria & utilis lectio sup-

peditat difficiliora, & acutiore trutinâ digna,  
 iudicio tuo, cui nihil non tribuo, submittam:  
 Ac ne nunc nisi proletaria verba mittere vi-  
 dear, istud quærere lubet, quod, dum his die-  
 bus Galeni laboribus gratâ mente fruerer,  
 non parum difficultatis continere videbatur.  
 Ita enim ille lib. de utilitat. respirat. cap. 5.  
 Cum arteriæ circa collum laqueis constrin-  
 guntur, nihil patitur animal, neque statim ne-  
 que postea, &c. & mox: cuius verò gratiâ car-  
 otidum arteriarum circa collum mentionem  
 feci, id ipsum rursus dicitur: nempe, quod ce-  
 rebrum spiritu à corde allato non valde e-  
 geat. Hæc certè si ita se habent, ut quidem  
 credere omninò par est, quomodo asserit  
 Hip. 4. acut. 23. cum quis repente obmutescit,  
 ob venarum interceptiones id fieri? Quo-  
 modo Heurnius lib. 1. de morb. cap. de Apo-  
 plex. omnesque fere medici practici in vena-  
 rum jugularium obstructionem aphonix &  
 Apoplexiæ causam rejiciunt? Quinimò illud  
 potius sequi videretur, hominem vasis jugula-  
 ribus amputatis non solum vivere, sed etiam  
 iisdem obstructis apoplexiam haudquaquam  
 laboriri posse. Huic quæstiunculæ si manus  
 admoveere non pigebit, similibusque subinde  
 interpellari non dedignaberis, omni ope eni-  
 tar ut neque te impensæ laboris, neque me  
 suscepti honoris unquam poenitere possit.  
 Vale, & ignosce *ωαπρόσδεσθ.*

Tuus, quantuluscunque.

Johannes à Vullen. Medicus.

IOHAN-

IOHANNI à VVULLEN

Medico Galenico eximio.

S. P.

**E**Ximium, imo arduum proposuisti dubium, Doctissime VVullen, & non nisi à viris jam in arte progressis expectandum: nam ab illo, veluti ab amænissimo, & perenni fonte, rivuli scaturiunt quam plurimi, in quorum aqua haurienda peritissimi artifices vacillant & cæcutiunt. Itaque illi tam latè se diffundunt, ut si rationis trutina, bilanceque ponderemus, in eorum vastissimo Pelago, syrtes, & asperos inveniamus scopulos. Nos brevitati studentes in angustâ omnia contrahemus summam. Sic proponis: adscribam autem locum integrum ex Geleno lib. de utilit. (de usu vocatur ab aliis) respirat. cap. 5. Cum enim arteriæ circa collum laqueis constringuntur, nihil patitur animal, neque statim neque postea: quemadmodum nos aliquando experiundi gratiâ illas laqueis constrinximus, atque totum diem animal respirare & expirare, ac moveri citra impedimentum visum, ad profundam jam noctem mactavimus, ut qui putaremus, tam diuturnam experientiam non amplius fidelem ac tutam esse: posse enim tanto temporis spatio, quo laquei circumnexus fuerant, aliquod ex principalibus membris per consensum esse læsum: admirabamur ergo, cum reperiremus arterias ex  
 prin-

principalissimis vitalibus organis, ipso videlicet corde, ad principalissima animalia organa ipsum videlicet cerebrum, protensas, ita citra omnem vitæ offensam injuriam tolerant: &c. Hæc si vera sunt, quomodo asserit Hippocrates 4. acut. 23. cum quis repentè obmutescit, ob venarum interceptiones id fieri? Quomodo Heurnius l. 1. de morb. cap. de Apopl. omnesque ferè Medici Practici, in venarum jugularium Aphoniæ & Apoplexiæ causam rejiciunt: &c. Galeni certè ex loco, manifesta colligitur antonomia, quam hoc exordio ducto, solvemus.

Arteria è sinistro cordis sinu profiliens, alia ascendens, alia descendens est. Illa statim ramulum in cordis basim, & ambitum reflectit quem coronariam dicunt: Hic sursum ad jugulum defertur, & in duos insignes ibi dividitur ramos, subclavos dictos. A subclavio dextro, quinque emergunt arteriæ, intercostalis superior, mammaria, muscula, cervicalis, & carotis, quæ à nonnullis Apoplectica, à Celso, lib. 5. cap. 1. Phagitida dicta est, à quibus pensilis, spermatica, somnifera, juvenilis, organica. Hanc distributionem vide apud Galenum lib. 16. de usu part. cap. 12. de arteriis Carotidibus. Et consule Vesalium lib. 6. fabricæ cap. 12. de divisione ascendentis arteriæ, & alios.

Hæ arteriæ maximæ sunt ex Galeno lib. 2. de natur. Hum. com. 6. & sic maxima sanguinis

nis copia redundant. Quando ergo sanguinis calidissimi, aut pituitosi multitudo ex iis vasis irruit in cerebrum, hoc comprimitur, & penitus obstruitur, spiritus animalis fere extinguitur, sensuque privatur animal & motu: Quare his compressis, coarctatis, intercipitur via, qua vitalis spiritus per has arterias in cerebri basim fertur; ut docent Hippocrates, & Galenus lib. 4. acut. textu 23. *Dicentes: Cum quis repente obmutescit, id faciunt venarum interceptiones, &c.* Quam sententiam explicant Heurnius in commento, & Vidus Vidius junior, lib. 2. de curat. memb. cap. 16. de Apoplexia cognoscenda, & curanda. Fernelius lib. 5. cap. 4. pathol. Iis ergo obstructis, compressis, coarctatis, interceptis, in Apoplexiam homo incurreret, non solum ob dictam causam, sed quia ob nimiam sanguinis copiam summopere extenduntur complicationes illæ arteriarum, quæ in anteriore utroque sinu cerebri continentur (coroides plexus Galenus vocat 7. de placitis cap. 3.) & inde repente utrumque sinum oppleri ab immoderata sanguinis copia, quæ subito in hæc vasa impetum facit. Sic intelligendus est Hippocrates, citato loco, & cum eo Aristoteles 3. de Historia animalium cap. 3. Qui ob hanc canalium, & carotidarum videlicet arteriarum, immodicam repletionem, extensionem, Apoplexiam inferre affirmarunt.

At si hæc vera sunt, & ex fecundissima doctorum



ctorum penu exhausta, cur his constrictis arteriis nihil patitur animal, quod protulit Galenus lib. de usu puls. capite 2. qui ita loquitur: *Ad hæc si ipsas, quæ in collo sunt, arterias vinculo exceperis, nullam evidentem noxam animali attuleris: tamen si cor cum cerebro, princeps scilicet instrumentum actionum vitalium, cum principe animalium connectant, &c.* Non ego solus, sed clarissimus Andræas Laurentius lib. 10. de Re. anatomica. Quæst. 7. dum de animalis spiritus nutritione & materia agit, sic conciliat. Dum enim probat cum Galeno citato loco de utilit. Resp. præter aërem per nares attractum, vitalem etiam spiritum per carotides, & cervicales arterias in cerebri basin delatam esse spiritus animalis materiam. Dicit, verum quidem esse si ligentur arteriæ carotides brevi tempore, sed diu non posse sine detrimento vivere. Hoc explicat ipse Galenus lib. de usu puls. apud Lacunam fol. 507. mihi vero cap. 4. in hunc modum: *Id quod videri possit in causa, ut carotidibus arteriis vinculo exceptis, per diem integrum animal sine noxa perduret &c.* Nam si diu intercipientur, animalis spiritus, qui præest ventriculis cerebri, deficit, & evanescit.

Quare si arteriæ carotides brevi cōstringantur tēpore, nil patitur animal, pro ut Galenus experimento edocuit, si diu, ut ille infra lib. de usu puls. citato demonstrat, flamma extinguitur, & perit animal. Hanc solutionem, locaque

repu-



repugnantia apud Mercatum vide lib. 1. de usu cordis, ac arteriarum, Tract. 2. titulo de usu. puls.

Solvo Secundo. Arteriis carotidibus compressis, à causa interna, ob dictam causam, Apoplexia, & alia mala eveniunt. A causa vero externa non ita, ut experimento Galenus demonstrat.

Solvo tertio. Carotidum levis constrictio, hæc non creat mala, nam his constrictis vinculo leviter, non patitur animal: hoc enim ad secandas leoniceas, temporum venas in canthis oculorum sitas, collo appposito, sæpius utimur.

Solvo quarto. Arteriis circa collum laqueis constrictis, nil patitur animal, hoc est, nullum animal dolorem patitur. Arteriæ enim & venæ, inquit Galenus lib. 16. de usu part. 1. cap. 12. sensus sunt expertes, si illas frangere velis, siye incidere, siye laqueis excipere.

Hæ solutiones meo iudicio sufficiunt, sed prima Laurentii, quæ Galeni est, & Ludov. Mercati menti est conformis.

Tu, qui in his arduis litibus dirimendis pro Galeni tutela vehementer insudas, nostram amplectere solutionem quæ Galenicam Minervam sapit, & me ama. Ex musæo. 17. Februarii Anno 1631. Te colit, & veneratur

*Tuus Nicolaus Fontanus Med.*

NICO-

## NICOLAO FONTANO

Medico. S. P.

**A**Nnus est ex quo hic æger in levem incidit Apoplexiam, quæ terminata est in Paralyfim dextri lateris cum mentis alienatione, & tantâ artuum, præsertim, inferiorum imbecillitate, ut diu in metu Gangrænæ fuerit, quam cum superaverat, permansit mentis imbecillitas, artuum debilitas, linguæque impeditus motus.

Quæritur, utrum huic conveniant fonticuli, cessante jam fluxu, ad corrigendam partium imbecillitatē à tanto morbo residuam?

Equidem me Domini acutissimo iudicio facile submiserim. Vale Tuus ut suus.

*Nic. Tulpius.*

*Expertissimo, Doctissimoq; viro Domino*

**D. NICOLAO TVLPPIO SCABINO,**  
& apud Amstelodamenses Medicinæ  
Doctori celeberrimo. S. P. D.

**E***xpertissime Archiatre,* Cum æger hic cerebri humidioris, & excrementosi, ex inde totum corpus cacochymicum, tametsi naturæ sit imbecillioris, nihilominus tamen meo arbitrato maximum sentiet juvamentum, si post generalia adhibita, instituantur in locis debitis cauteria, seu fonticuli ad evacuandam superfluam illam excrementorum

mo-

molem, quâ dulciter evacuata, ut in fonticulis fieri solet, firmiter spero hunc melius habiturum, & complexionem ejus solidiorem fore, & mala illa quæ hactenus passus est, in posterum iri diminutum: edoctus ab Hollerio lib. I. consult. 1. qui docet in hoc casu ferro, & igne pugnandum esse. Nam præterquam quod hoc auxilium supplet vicem phlebotomiæ, & purgationis, ut inquit Guido Tract. de caut. doct. 1. cap. 6. divertit humorem à loco Læso.

Remedium evacuativum est, & derivativum, etsi dicere velis, Revulsivum. Hos fonticulos in omni resolutione approbat Ætius Tetrab. 2. serm. 2. cap. 28. de Paralyfi. quos exemplificat Mercurialis lib. 1. paraxios. cap. 20. Mercatus lib. I. de morbis internis cap. 15. ex mente Rasis, & lib. 1. indication. cap. ultimo. Paschalius lib. de curat. morb. cap. xiv. de Paralyfi, nec dissentit ejus interpres Pereda in commento. Quare ego hos huic egro maxime necessarios duxerim, ut ita succis crudis & crassis, qui ex depravatâ cerebri coctione continuo in partem paralyticam distillant, pateret apertus exitus: Quibus fonticulis, cæteris tamen non neglectis vidi Paralyticos sanitati restitutos.

Attamen, non ita in horum auctorum verba juraverim, quin meliori judicio & sententiæ tuæ subscribam. Vale. *Excellentiæ Vestræ*  
*addictissimus Nicolaus Fontanus.*

*Exercitatio in Paralyfi.*

**S**I accidit Paralyfis Apoplexiæ, quid faciendum? Dico, si febris infestat, viresque adsint, humorem deonerantem expellere pharmaco.

Petes. Si febris maxima adsit tentabisne phlebotomiam? Maxime, cum nullum auxilium sit, quod deonerat naturam amplius quam sanguinis missio: sed cum debita cautione in conservandis viribus, & moderando statum morbi, ita ut si status est longus, necesse est vires amplius servare:

Vtrum febris hoc in affectu excitanda ut suadet Hollerius, & probat Castrensis lib. 4. Opusculi, quæ ex quibus cap. 7. 2.

Ita, quia febris hæc crassos dissolvit succos, & lentos absument humores. Licet renuant Fuchsius, Mercatus qui nullo modo excitandam febrem asseverant, quos coarguit Zacutus 1. Hist. 34.

Ex qua parte celebranda erit phlebotomia? Quidam è latere læso faciendam esse suadent, Dico temerarium esse, sanguinem, & humores ad partem debilem, & læsam, convocare. Quare ex sanioribus est celebranda sanguinis missio, ita ut si unum brachium resolutum sit, vel ex brachio sano, vel ex pede sano ejusdem lateris. Si ambo brachia, ex crure vacuabimus: eaque scarificabimus, vel Hirudines Hemorrhoidibus imponemus. Hæc dicta sufficient.

*Exemplum*

*Exemplum.*

**G**utta serena suborta in Iuvene valido ex defluxu humoris crassi, à capite descendentis ad utrumq; nervum opticum, & ipsum oculum: qui cæcus mansit.

*Exemplum.*

**M**ercator hujus civitatis robustus, & in flore ætatis suæ constitutus, corripitur Gutta serena, non solum ex intemperie capitis, sed & ventriculi, jecoris, & bilis, quæ cum ad superas partes regurgitaret, nempe ad nervos opticos, eos quasi adurens, & exiccans, spiritui visorio negavit transitum: Et cæcus evasit.

Horum morborum causas, essentias, vos non ignorare prorsus confido. Et dico proprio aliqualem spem allaturam fore salutis, cum causa sit pituita decumbens ad nervos opticos, quæ incidenda, detergenda, & evacuanda erit.

Inter reliqua autem summè laudo venæ sectionem, sic & Setaceum, ad materiam excitandam. Vel eauterium actuale in nuca, vel in brachio, quandoquidem non tam vacuatione, quam revulsione opus sit: cum totum corpus abundet pravis succis, & humoribus.

Sed de secundo, præsagium triste elicio, quia nervos jam acriori humore exsiccatos, &

quasi



quasi corrugatos, admodum difficile, imo nequaquam humectari posse & experientia, ratio, & locus demonstrant: licet nonnulli summam spem in decoctis humectantibus, & emollientibus ponant. sed frustra.

*Questio.*

Num ex Arsenico sublimato citra aliquod toxicum possit Homo incidere in Guttam Serenam, aliamve cæcitatem?

Res est certissima. Nam sublimatum est venenum, valde calidum. Ex Avicenna Tract. 2. lib. 2. cap. 49. de Arsenico: quare recte ille loquitur: Quod ex eo sublimatum est, & ex eo album est, interficit. In hunc sensum scripsit Valleriola lib. 1. obs. cap. 6. Baccius lib. de prologomenis venenorum pag. 21. Arnold. de Villa Nova lib. 1. & 8.

Quare si hoc venenum interficiat totum animal, quanto magis actionem illius, nempe visum, & auditum.

Deinde si venenum pestiferum exstinguit facultatem memoratricem, resolvendo spiritus, & facultates principes destruendo, ut ait Galenus lib. de diff. sympt. cap. 3. Et lib. 2. de caus. sympt. cap. ultimo, & videbis Historia. 44. Doctissimi Doctoris Zacuti Lusitani lib. praxios admir. Historiarum, quanto magis sublimatum à tota substantia venenum.

Insuper, ex radiis Lunæ fit Apoplexia, & animalis facultas omnino aboletur, ut inquit



quit Macrobius lib. 7. saturnal. cap. 16. cur à Veneno non resolvetur cerebrum & mortificabitur, & exstinguentur & solventur spiritus animales, qui ad opticos deferuntur?

Adhuc, si ex fulmine Apoplexia oritur, ex Benivenio cap. 13. de abditis, quia cerebrum mortificatur, spiritus dissolvuntur; cur Apoplexia, & cæcitas (nam Apoplectici nihil vident) non fient à veneno sublimato resolvante?

Quod hoc verum est probat Cardanus lib. 2. de subtilitate, Musa 1. acut. Scaliger. exercitatione. 13. de subtil. imo ex horrendo terræ motu, ex sono bombardæ ex Amato 3. cent. 22. & Geraldo. libro de terræ motu. Cur ita? quia stupefacta natura recolligit spiritus ad intus sanguinem, qui uniti suffocantur, & resolvuntur: ergo si suffocati resolvuntur, quanto magis sublimato absumpto?

Ultimo. Non dubito etiam quod à nimia caliditate arsenici humores lenti, & visceri in cerebro, oculisque contenti; sint attenuati, & liquati, & sic ad cavitatem opticorum delapsi, obstruerent cavitates opticorum.

Quare cæcitas ex sublimato accidit, vel resolutis spiritibus, vel exstincta facultate à vi venenosa.

De remediis quid dicam? exhibe statim, huic Guttæ Serenæ, à veneno scilicet subortæ, Mitridatium, Theriacam, confectionem Alhermes. Si plura desideraverit lector, legat

50 NIC. FONTANI RESPONSIONVM  
Doctissimum Zacutum lib. de praxi admiranda observ. § 2. Hæc itaque pro virium tenore huic quæstioni dicta satis.

*Exemplum. De Ophthalmia.*

**I**Vvenis ætatis suæ 17. annorum oculorum Inflammatione per intervalla laborans, purgantibus exhibitis pharmacis, venæ sectione celebrata, & cucurbitulis appositis, à me persæpe ab Ophthalmia liberatur: sed cum tandem recrudesceret morbus, & se, quasi per telam araneam, videre conquereretur, præmissis universalibus, arteriam temporalem incidendam iussi; qua secta, dolor cessat, mitescit inflammatio, & sanguis ad oculos confluere assuetus, sistitur: Et facto fonticulo in brachio juvenis iste, qui per aliquot annos cum periculo sui visus vixerat, sine ulla oculorum inflammatione vitam transegit.

*Quæstio.*

**N**Vm liceat scindere arterias securè in similibus affectibus?

Secandas esse arterias in temporibus docuit omnium primus Galenus lib. 13. Methodi capite ultimo in fine, dum remedia parat oculis imponenda, post ea nullum aliud invenit magis præsentaneum auxilium, quam ipsas arterias radere, quia vacuatur causa ma-

li: nempe vaporosus & calidus sanguis, qui lippitudinem diuturnam generat. Est & quando calidus sanguis vaporum plenus ad caput ascendit, & maxime in arteriis redundat. Quam sententiam sequitur Fernellius lib. 2. Methodi cap. 18. de arteriarum sectione.

*Exemplum. De Scirrho, in Lacuna palati  
circa uvulam suborto.*

**V**icinus meus Arnoldus textor laboravit fluxione catarrhosa, quæ ita delapsa est in nares, & gulam, ut hanc partem in tumorem crassitiemque elevaret, & ita semper materia in majori copia defluente palatum juxta gulam intumuit simul cum ipsa gula, ita ut totus tumor quasi unus fieret, simulque versus linguam accedens, loquelam abstulerit, respirationem impedierit, & deglutitionem. Hic cum quatuor mensibus periculoso hoc Scirrho deploratus & ab omni ope medica destitutus laborasset, subito extinctus est.

Zoilus quispiam imputabit crimen Medico, quod in hoc extremo malo nihil tentaverit in salutem hujus ægri, edoctus à Galeno lib: 5. meth. 11. qui sic loquitur, Quando unica salutis via est, ea licet cum periculo tentanda, nam melius est aliquid agentes nos periclitari, quam ægrum spe omni adempta, certo perire: Quia, dicit Corn. Celsus: Vehementi morbo succurre vehementiori auxilio.

Sed pace ejus ita ego : Equidem verum est, nos oportere statim huic malo admove-  
re adjutrices manus: sed remedia localia nec  
adhærere, nec perseverare possunt in parte  
affecta; præcipuè si caustica sint, quæ huic  
magis conveniunt; & si ferro, igneque utaris  
cum Hippocrate, plures sequentur noxæ, at-  
tractio nempe humoris ad partem affectam,  
sic & Hæmorrhagia nimia, & ita mors: quod  
infortunium ne nobis contingeret, fugien-  
dum suasimus id remediorum genus, ægrum  
Deo & naturæ commendantes, qui eum bre-  
vi ex hac lachrimarum valle eripuit.

*Exemplum.*

**S**atis periculose laboravit anno 1637.  
4 die julii ægrorum orphanorum mater  
tenellæ complexionis fæmina, nempe pul-  
monum Inflammatione, quæ περιπνευμονία  
Græcis dicitur, quæ post multa & varia ad-  
ministrata in cassum remedia, tandem Cucur-  
bitulis furis, costisque appositis, miraculose à  
morbo convaleuit.

Curare morbos ægrorum, quibus deest vi-  
rium robur, admodum difficile esse prædixit  
Galenus lib.9. method. cap. 10. nam quod af-  
fectus remedium est, id cum virtutis custodia  
pugnat; Quo pacto in virium debiliū præ-  
sentiâ, & in parte affectâ, pro cujus curatio-  
ne virium robur servare debemus, necesse  
est,

est, paulatim evacuare, & paulatim pro eo salubre reponere: Demum, ubi vires debiles sunt, partiri evacuationē convenit. Et, ut cum Galeno loquar lib. de curat. per sang. miss. 11. nulla alia inflammatio robustiores exigit vires, quam pulmonis, & pleuræ inflammatio, & quilibet alius humor, qui in thoracis parte consistit. Quoniam ut citatus ait auctor lib. 2. prognost. cap. 67. multoties humor in thorace contentus concoquitur, multoties non concoquitur, nec ob debilitatem expellitur facultatis thoracem moventis, quare idem recte in hunc sensum sic fatur: *Vna salus est virium robur, ut videbitis lib. 5. meth. 10. tum pleuriticis, tum peripneumonicis &c.* addicio Asthmaticis, Orthopnoicis, & aliis omnibus qui spirandi difficultate laborant, ob humores à capite descendentes in pulmones: qui si acres & putres sint collecti in loco, & circumscripti, utpote in pleura, & pulmonis vasis, faciunt inflammationem; si vero multi, & crassi citra putredinem, pariunt asthma, Orthopnæam; & quia sunt collecti, obstruunt, liberamque respirationem impediunt, unde ægri coguntur anhelare & stertere, & multoties suffocato pulmone, & sic impedito refrigerio cordis, quodque à fuliginibus non expurgatis obrutum, exstinguitur, uti nonnunquam nobis videre licuit.

In inflammationibus pleuræ, pulmonis, pericardii, septi, nulli dubium est, quin sit



mittendus sanguis, ut iussit Galenus 2. acut. 11. & lib. de sang. miss. 16. & 4. acut. 72. Attamen cautè, & minus quam affectus desiderat, ne forte vim animale[m] debilem, & spiritum animale[m] cum spiritu evacuemus, cujus ope nervosæ pectoris partes, quæ semper sustentantur auxilio animalis facultatis, debilitentur, ita ut non concoquatur humor, & si coquatur non expellatur: quia ergo hæ partes Thoracis maximo indigent auxilio facultatis animalis, & nervosi generis, & hæ nimis labefiunt sanguine misso, quia frigida sunt, & exangues, & utuntur instrumento tenuissimo, nempe spiritu animali: idcirco in his affectibus, in initio, quando vires sunt liberales, febrisque viget, sanguis mittendus est. Procedente vero morbo parcius. Sed si ob virium debilitatem refugias venæ sectionem, & æger in ipsa accessione periclitetur de suffocatione, à parte affecta est revellendus humor, frictionibus crurum, ligaturis, Clysteribus acrioribus. Et cum inter revellentia auxilia, nullum aliud melius revellat cucurbitulis, teste Galeno 7. aph. 1. eas à planta pedis usque ad costas non semel applicarem sed sæpius, uti feci, in hac mea ægra matre, quæ (ut exemplum habet) brevi sanitati restituta fuit.

Hæ præterquam quod revellant à Thorace, ex Galeno lib. de scarif. etiam pectus dilatant, naturam levant, humorem coquunt.



cor obrutum liberius reddunt, & gravatam naturam levant, & refocillant.

Nota scarificationem non ita infirmari quæ proxima venæ sectioni est, 2. aph. 17.

*Eximie Dom. Doct. & professor PLEMPI.*

**N**I certus essem de tua erga me, meosque benevolentia, non tam audacter ab Excellentia vestra quorundam dubiorum solutionem afflagitarem; sed tua fretus bonitate propono ea.

*Exemplum. De puero sine Pulmone.*

**Q**Uatuor annorum puer marasmo extinctus, obiit. Animi causa à me secatur cadaver, cuius hepar dum inspicerem erat supra modum magnum, habebat abscessum prope venam cavam, circa partem gibbosam pure circumquaque obductam, lienem boni coloris, & integrum; omentum nullum, aut vix conspicuum; Pulmones, mirum dictu, nullos, quorum loco erat vesicula membranoso flatu repleta, venulis exiguis munita, originem sumens ab ipsa aspera arteria; quæ refrigerium adferre videbatur cordi.

Hæc de nostro exemplo raro, cujus rationes una mecum scriptis, & quæstionibus si perscruteris, me mactabis, qui manebit

*ad omnia tua obsequia, etiam si gravissima*

Servus Nicolaus Fontanus, cognatus.

*raptim 20. Dec. 1638.*

*Præillustri viro Domino*NICOLAO FONTANO,  
Medico, cognato, S. P.

VIdi exemplum tuum, de quatuor annorum puero marasmo extincto, mirâ loquentiâ descriptum.

Insolens profecto est, & inter raras observationes recenseri dignum. Quid? hominem posse sine pulmonibus vivere? Sed natura aliquid substituit, quod pulmonum viceungebatur. Ita solet eadem divina parens partes alias deficientes vicario aliquo supplere.

Hic, vesicula illa membranosa pulmonis loco fuit, quæ quia ab aspera arteria originem fumebat, aërem externum recipere potuit ad cordis refrigerationem.

Quia vero fortassis non satis copiosum aërem cordi subministravit, neque etiam satis liberè cor à suis fuliginibus expurgari potuit; hinc in Marasimum incidit præfatus quatuor annorum juvenis, intenso scilicet nimium cordis calore, atque idcirco corpus præpropere exsiccante.

Hæc sunt quæ super exemplo tuo raro ex tempore dicere habui: propter quæ, si te martaturus sim, præter, & contra mentem meam id accidet. Salve. Raptissime Amsterodami 29. Decembris. anno 1638.

*Tuus Cognatus,*

V. F. Plempius.

*Exem-*

*Exemplum, de levi Pleuritide.*

**I**Vvenis 20 annos natus leviori pleuritide decumbens, fomentis calidis, absque venæ sectione, & clystere emolliente injecto, pristinam recuperavit sanitatem.

Miraberis forsan & jure merito quod huic non inciderim venam hæc ætate, & pleuritide laboranti, cum Hippocrates 1. acut. 8. in omnibus morbis acutis sanguinem semper miserit, ut confirmat Galenus lib. 4. acut. 19.

Hoc licet verum sit, tamen in hac me minimè errasse æquus judex facile perspiciet: quandoquidem hæc pleuritis mitior fuerit, & sanguinea, quæ cum minori est dolore, ratione sanguinis omnium humorum mitissimi.

Quare rectè mihi fecisse videor quippe qui solis fomentis hoc malum debellaverim secundum doctrinam Hippocratis qui lib. 4. acut. 11. sic dixit: *Lateris dolorem si is per initia, sive postea abortus fuerit, tentare calidis fomentis resolvere, non abs re existit.* Ideo si pleuritis sit mitior, ut in meo fuit ægro, & cum pauca materia, atque benigna, fomentis citra venæ sectionem est curanda, ut Galenus monuit in commento: his verbis: *pleuritis verò fortis phlebotomia curanda est.*

*Exemplum, de Sputo cruento mirabili.*

**F**Aber ferrarius Cornelius Bol-hamer cum sanguinem rubrum, tenuem, flavum, spu-

mosum cum tussi vehementi, & sine dolore eiecisset, facto prognostico de difficili curatione, imo vitæ periculo, repetita sæpissime de die venæ sectione, huic malo valde accommoda, ab orco liber evasit.

*Annotatio.*

Notabis sanguinem sursum ferri semper malum esse, & cum febre pejus: duo tamen excipies, nempe fluxum sanguinis per nares, qui salutaris est, & plenitudinem corporis deponit: & vomitum ex suppressis mensibus, quod docet Hippocrates 5. aph. 31. Mulieri sanguinem vomenti menstruis erumpentibus, solutio.

*Dubium.*

**S**I Galenus in quamplurimis locis tantopere amat pro sanguinis sputatione per os, phlebotomiam, cur detestatur eam, lib. 6. epid. sect. 4. com. ultimo, ubi in cruenta exspuentibus averfatur sanguinis missionem: cruenta sputa rejicientibus impediuntur sectâ venâ?

Gravis hæc est sententia & quæ hætenus male torsit interpretes. Ejus tamen solutionem, laconicè prolatam sic habe. Galenus in lib. 5. methodi, & ubique passim, in cruento sputo approbat phlebotomiam ex intervallis factam; at vero in Epidemiis Hippocratis reprobat copiose factam. Solvo secundò, Galenus in Methodo in sputo merè cruento, &

ex

ex pectore erumpente confirmat venæ sectionem, quia hoc sputum fit exesa vena vel rupta, vel rarefacta. Hippocrates in Epidemiis interdixit phlebotomiam in cruento sputo permixto cum pituita, quod sputum si in pleuritide appareat mitem pleuritidem significat, quæ sine venæ sectione, sed solis fomentis & suapte natura persananda est. de qua intelligendus Hippocrates 2. acut. 1. & hæc breviter sunt satis pro tam ardua antinomia.

*Exemplum de Corde admodum magno.*

**F**ilia septendecim annorum *Neeltje Stampers* Orphana Paralytica; sine manifesta causa subito suffocatur. Secto ejus cadavere: cor inveni duplo majus corde ordinario, auriculas ejus maximas, venas, arteriasque aqua & sanguine nigro grumosoque admodum distentas. Ita ut diceret hanc Hydrope Thoracis laborasse.

Rēs notatu dignissima, sed quod omnem humanum superat captum, est, quod nunquam animi deliquio, cordis palpitatione laboraverit, nec unquam mæsta, aut suspirabunda fuerit, neque circa cor dolorem, ut adstantes retulerunt, senserit.



*Exemplum.*

**H**Uic fere simile mihi ab aliquot annis communicavit Excellentissimus Medicinæ Phænix, & Dominus, Ludovicus Nonnius apud Antverpienses Medicus celeberrimus de Hyacintho Burga trium annorum, Nobilissimi domini de Burga arcis Antverpiensis Præfecti filio, qui etiam repente obiit. Aperto cadavere ab Excellentissimo Doctore Nonnio, præter atrum sanguinem in cordis cavitate, & serositatem in capsulâ cordis inventam, repertus abscessus est, instar ovi prope sinistram cordis auriculam: sed hic illo quo cruciabatur tempore admodum mæstus, & gemebundus, vixit.

In corde, membro nobilissimo, & nativi caloris sede ac domicilio, plura, eaque monstrosa innasci posse, frequentissimis auctorum testimoniis ratum est.

De iis Columbus quamplurimas, easque prodigiosas enarrat historias: Sic & Benivenius libro de abdit. Rerum causis cap. 35. qui in corde abscessus, tubercula, ulcera, apostemata, tumores (in quibus vermes, calculi, crines, callus, pus ipsum fuere visa) propriis oculis vidisse asseverat: etiam Vesalius lib. 1. de fabrica. cap. 5. Hollerius lib. 1. de morbis intern. In commento. cap. 29. Iacotius com. 1. ad comm. 52. lib. 3. sect. 2. in Coacas Hippocratis. Vidus Vidius lib. 7. cap. de curatio-



ne membratim, & Marcellus Donatus lib. 5. de Med. Hist. Mirabil. cap. 4.

Hæc rara sunt, & anatomicorum sectionibus animadversa. Hos ægros, in quibus hæc notantur, semper ante mortem, de syncope, lypothymia, cardiogmo, palpitatione cordis, aut aliis thoracis affectibus, ex quibus, veluti propinquus fomes mali in cor, ejusque ventriculos continuo, & veluti in orbem scaturit, conquerentes audiverunt, quod docte animadvertit insignis Laurentius lib. 9. de Re anatomica quæst. 18. de aulico quodam, qui subita respiratione, pulsu, & vita privatus, obiit, cum antea obambulans serio cum magnatibus colloqueretur: etiam Columbus, & Marcellus, imo Scenkius lib. 2. obs. de corde, qui nunquam hominem viderunt corde affecto, eitra aliquam noxam præviā, vel affectiones quamplurimas; quas nequaquam ex hujus ægræ, nec adstantium relatu audivimus: nam hæc etiamsi esset Paralytica, tamen hilaris admodum vitam finivit.

Quid ergo dicendum de hujus ægræ subitaneæ mortis causa?

Eam non ad cor, sed ad pulmones catarrhali materia infertos, referendam dicerem, sic & ad resolutionem, debilitatum cerebrum, & catarrhum suffocativum. Quid enim mirum hanc resolutionem concussam, & cerebro, partibusque animalibus debilitatis, multam pituitosi sanguinis, & crudi sa-

burram progenuisse : quæ in pulmones delapsa , utpote debiles , & magnum consensum cum partibus nervosis habentes , subitam mortem (denegato aëre libero, cordi) introduxit : Et cum hæc , in tanta copia , materia ichorosa , & cruda in pulmonibus impacta esset , eam ultimo conatu , violentoque motu, cum expelleret natura ad cor sibi vicinum, ejusque ventriculos expulit , unde sinus cordis delacerati, vasa disrupta, & sic magna sanguinis crudi copia, in corde, inventa est.

Neque bonum argumentum quempiam fecisse puto, qui mortis hujus causam in cordis affectum retulerit , quod cor duplo amplius inventum sit , & auriculæ ejus majores quam essent in statu naturali: neque enim existimo citra noxam ullam , ut dixi , affectum cordis ante mortem potuisse vivere filiam, quin de ea conquereretur: uti fecit Dominus Borga qui abscessu auriculæ cordis cruciatus, mærore & suspiriis obrutus, periit.

Materia ergo catarrhosa in cor insiliens, mortem acceleravit , non concretus niger sanguis , aut ichorosus humor, multo minus cordis moles ; quam ego citra dubium naturalem fuisse non dubito; nec dubites, nam in multis cor valde exiguum est, & in aliquibus non inventum, auctore Plinio lib. 11. cap. 37 Cælio Rhod. lib. 4. Antiquit. cap. 16. In aliis sinister cordis ventriculus desideratus , teste Columbo lib. 15. Anatomiae. In quibusdam  
cor

cor visitur nativâ sorte amplissimum, quos timidos esse profert Aristoteles in problematis. Sic duplex cor notatum à Galeno lib. 7. Anatomic. administ. cap. 11. & Avicenna. 1. 3. Tract. 1. cap. 1. Hæc mea est sententia pro historiæ hujus filix expositione.

Sciolus forsân aliquis dicet, ex autoritate peritissimi Lusitani com. in lib. 4. de locis aff. Galeni, inventam fuisse cervam corde gerentem sagittam, à venatoribus huic per annum plus minus infixam, sine molestiis, aut ulla noxa: quo exemplo instructus, objiciet hanc, læso corde, valide potuisse ducere vitam.

Certe hoc animal, si loquendi facultate esset præditum, citra dubium antequam moreretur, se cordis dolores pati responderet. Itaque, ut receptui canam, existimo cor plura mala diu citra evidentem noxam pati posse, non tamen citra læsionem: nam cor princeps membrum in corporis medio locatum, quod affectum si sit, tum sibi, tum aliis visceribus noxam impertit ut lib. 3. de locis affectis cap. 1. & 12. meth. capt. ult. Galenus confirmat.

*Exemplum de Syncope.*

**H**Onesta mulier maritum pugnantem videns, suo cum Vicino, in synopem incurrit. Vocor. & jussu meo, sectione venæ celebrata, curatur.

In hac ægra, ob timorem, & tristitiam, pugnantis mariti, sanguis ad cor quasi ad arcem confluit, quo cor suffocatum, multoties homines mori vidimus, tum quia exstinguitur vis vitalis, ex nimia copia, tum quia nequeunt spiritus per vasa meare, quorum penuriam partes extimæ sentientes, marcescunt, & exstinguuntur.

In timore, seu magno animi pathemate, sanguis non ad cerebrum, non ad partes superas, sed ad venam cavam, arteriam magnam, statim irruit, easque opplet, & obstruit; in tantum, ut præexistens sanguis sistatur, qui firmatus, exeuntibus fere extinctis spiritibus, coalescit.

Cognosces Syncopen cardiacam, quia in partibus internis adest angor, & exsolutio, ac si manu cor comprimatur. Color è viridi in pallidum mutatur. Pulsus est intermittens.

Præfocantur ægri, quia ex illa sanguinis coalescentis copia, obstruentisque ac gravantibus, vasa illa & canales obstruuntur, enervantur vires, conculcati exstinguuntur spiritus. Affectus sane periculosissimus.

Quid faciendum si subito hic casus evenerit? Docui hoc proprio exemplo, & una mecum Hippocrates lib. 4. acut. 23. dum inquit: Venam brachii dextri iis secare oportet, sanguinemque auferre, idque secundum habitum, ætatemque.

Vena interna velocissime, & plurimum  
ex

ex iis, quæ principes sunt, partibus, corpus evacuat, atque hæc in acutissimis semper secunda morbis ex Galeno 2. Acut. 11. & lib. de cur. rat. per sang. miss. cap. 16. & 4. de sanit. tuend. 4.

Ne ergo in tanta virium penuria Medicus prætermittat venæ sectionem, quæ solam nativam caliditatem obrutam levare potest. sicut enim ignis obrutus multa lignorum congerie suffocari solet, præsertim si sint humida & multa; sic sanguis ob copiam increescens, & nimium auctus, nativum exstinguit ignem: Quare, inquit Galenus, 4. acut. 11. sicut ignis emicat extracta lignorum multitudine, sic nativus calor obrutus, extractâ copiam, per venæ sectionem sese recreat.

Quod si omnino ancipites simus, ob extremam virium jacturam, & pulsus fere abolitionem, & tale auxilium in hoc casu exequi non valeamus, tunc loco venæ sectionis cucurbitulæ costis, vel fæmoribus, scarificatæ, imponantur.

Si forsan sanguis menstruus retentus, & ad superas partes restagnans, syncopem creat cardiacam, Hirudines ano imponantur.

Vfus iis fuit ipse Galenus lib. 5. de locis, cap. 1. in cordis palpitatione: & ego in Viro obeso, crasso, qui talem palpitationem cordis, simulque ejus pulsationem, patiebatur, ut ii qui in fine cubiculi erant, sonum, seu pulsationem auribus perciperent; certe non datur huic



huic secundum auxilium in cordis oppressione, suffocatione, palpitatione, aut pulsatione: vel etiam in frigido affectu, & flatu abundante. hoc exercuit sæpissime Paulus in iis affectibus periculosissimis, prius exhibito vino aquâ frigidâ permisto.

Si autem plura, de syncope curatione, qua, concreto in venis sanguine, ægri subito moriuntur, scire aves, lege Petrum Salium lib. de cur. morb. cap. 4.

*Exemplum. De Strumis.*

**I**V venis, strumis, quæ gulam, asperamque simul arteriam adeo compresserant, ut neque potus, vel ipse aër transire posset, intermoritur: dissecto cadavere, repertæ fuerunt in orificio stomachi, pulmonibus, omento, mesenterio, pancreate, ipsis intestinis, & circa vesicæ collum.

Antequam à nodis, seu strumis decedam, unam quæstiunculam proponendam operæ pretium duxi. An Nodi curabiles, & cur sint tam difficiles curatu? Quamvis Regius ille summus Medicus Laurentius hosce curabiles iudicat lib. de Strumis; tamen ego eos admodum curatu difficiles vel incurabiles dicerem: partim ob propositum meum exemplum, partim etiam ob has rationes: Si levia imponas, durities humoris refragatur, & renititur. Si fortia, urentia, caustica, imo ipsum ignem,

ut



ut liquetur, absumatur, glutinosus humor ad concalfactam partem sanguinem trahet, cujus vi humores isti lenti concoquantur; qui concocti, duriores remanebunt: uti proprio experimento adinveni. Et quis mortalium tam jactabundus inveniretur, qui similes strumas, purgantibus, sudorificis medicamentis, vel unguentis, oleis, aut emplastris (ut nonnulli jactant) curaret, quarum originem non post aures, sed ex internis visceribus habeamus.

*Exemplum. De Vomitu continuo.*

**F**Æmina quædam quinquagenaria in vomitum continuum à pituita viscida in stomacho contenta, & bilioso humore à jecore ad os ventriculi confluyente, septimo die superveniente febre, piè in Deo exspiravit.

In omnibus morbis, quos humanum corpus patitur, nullus est, qui majorem terrorem incutiat, & periculum minetur Vomitu. De cujus causa, signis, prognosi, & curatione tam universali, quam particulari, pro salute ægrorum, jam latè deceptabo:

Multa sunt Symptomata, quæ ventriculum premere, ac fatigare solent: ructus, ossitatio, singultus, nausea, vomitus.

Ructus à materia flatulenta fit, quæ in tunicis ventriculi imbibita ipsum irritat, & flatuosam materiam ructu naturæ foras expellit.

lit. Et cum habeat materiam frigidam pro causa medicamentis calidis curatur: quæ non tantum discutere, sed roborare queant, de quibus postea.

Ossitatio: nostra lingua (*geuvven*) est quandoque futuri singultus, aut alterius frigidi affectus, nempe Hydropis, præsagium.

Hæc cum à materia tenuiori oriatur, minus fortibus medicamentis est debellanda: sed fortioribus singultus, quando à nebuloso, turbido spiritu, crasso, & caliginoso originem ducit, cui multa pituitosi crassique humoris copia est permixta, qui villis stomachi infixus ipsum ad excernendum cogit, quem natura expellere non potest, nisi excitato ructu. Iisdem medicamentis nausea, seu satietas nauseativa curanda.

Hæc à Vomitu differt in causa, quia, licet in utroque affectu, humoris crudi in ventriculo, copia adsit, in nausea retentricis facultatis vitium non adest, quæ inest vomitui.

De quo affectu modò disputandū, qui signis facile percipi potest: Non enim solum natura mucosum humorem expellit, sed debilitata, retinere non potens, multo minus alimentum seu liquidum, seu crassum reservare valet.

Vomitus ergo est Symptoma, cujus vi alimentum in ventriculo non retinetur, sed vomitu ilico expellitur. Qui multiplices fortitur causas.

Aliquando est per propriam ventriculi affe-

affectionem, aliquando ab aliis partibus vitio communicato.

Qui in locis frigidis & humidis sese non bene vestiunt, & crudis vescuntur cibis, multam pituitosi humoris acervant copiam, nam iis hi ventriculum valde refrigerant; sic studiosi, mæsti, & solliciti vitam degentes, quia calido innato debilitato, debilitatur ventriculus. Qui potum frigidum jejuni bibunt, inediam, & abstinentiam patiuntur, corripuntur hoc affectu. Hunc etiam creat nimia per aliquam partem sanguinis excretio: ut per uterum, nares, Hæmorrhoides, vulnera, & illi qui superpurgationem passi sunt.

Exhausto enim sanguine, & spiritu, resolvuntur naturales vires, ita ut minuatur internus ventriculi ignis, & introducatur frigiditas, quæ hujus affectus immediata causa est, à qua mucosi, lentique gignuntur humores.

Aliquando vomitus accidit per consensum ab utero, liene, jecore. Ab utero: quando ex semine retento spurcissimo, aut sanguine menstruo suppresso, elevatur aura venenata, quæ ventriculi vires labefactat, & facultatem retentricem relaxat. Hoc accidit virginibus, viduis, aliisque salacibus fæminis, & quæ viri consortio orbantur.

A Liene: quando atrii humoris copia turgescit, ater teterque vapor in ventriculum confluit; qui retentricem vim maxime profligat.

A jecore: quando nimis ignescit, & biliosi humoris copiam progignit, qui humor à jecore, genereque venoso corrivatus ad ventriculi os ipsum lancinat, concutit, & premit, & virtutem retentricem ita exstimulat, ut alimentum ante tempus excernere cogat.

Addo etiam à cerebro pituitam descendere ad os ventriculi, quæ crassa cum sit, salsa, & mordax retentricem facultatem ventriculi prostermit, & sequitur vomitus.

Signa redundantis humoris ab excreto percipies facile, nam ad sensum excernitur materia viscida alba, siue à stomacho, siue capite.

Quando vero ab utero, solum vomunt alimentum, quia solum aura, & non humor fatigat.

A liene, materia subnigra est, vel livida facis vini colorem repræsentans.

A jecore, materia biliosa est, & amara.

De prognosi nota; quod hic affectus, si perseveret, ægrum vel ad Atrophiam, vel ad obitum deducit, quoniam alimento denegato contabescit animal, & occumbit.

De omnibus Vomituum curis hic mihi videtur agendum, quandoquidem practicantibus persæpe occurrunt.

Qui ex utero vomitum experiuntur, ab iis flatus retrahes ad sedes inferiores, rebellesq; à stomacho, ligaturis, frictionibus, cucurbitulis vel siccis, vel perforatis pro plenitudinis

& virium tolerantia. Quod si mulier menstrui suppressione laboret, aut menses non respondeant, venam tali seca. Hirudines hemorrhoidibus affige, purga uterum Agarico, aut ejus pilulis. Pessaria injice, uterum robora fomentis, & emplastris. Si per recursus, & accessiones redeat malum, cauteria impone, quorum vi spurfi humores, tetresque vapores expurgentur. Non despicias ventriculum, qui roborandus.

Si à cerebro Vomitus concitetur, Rheumate multo defluente ad os ventriculi, purga caput, & ventriculum pilulis de Hiera, Alephang. Mastichina, & Agarico. Conforta caput fomentis calidis, cucuphis. Sudorem moventia sunt optima, ut Radix Chinæ, Sassa, Sassafras.

Si vero habitualis Intemperies corrigi non posset, quo minus ex ea crassi humores gignantur, tunc necesse est eos continuo regenitos derivare ad latera, cauteriis in brachiis excitatis; quæ magis laudo, quam synapismata, & ulcuscula capiti adhibita, quæ celebrabant antiqui: quoniam humor ignis viliquatus, fit liquidior, & sic citius descendit in ventriculum.

Si ex liene eveniat, difficillime curatur, quia crassus terrestrisque humor vix medicamenti succumbit. Si corpus plenum sit sanguine melancholico, seca basilicam, aut salvatellam lateris sinistri, quod Galenus fecit, lib.



lib. 3. de loc. cap. 7. Ita melancholicos plenius evacuabis, ut idem testatur lib. de cur. rat. per sanguin. miss. cap. 12. quia multum de sanguinis facie habent. Humorem nigrum præpara decocto fumariæ, melissæ, polipodii, boraginis cui adjecti sunt syr. de rege Saboris, de fumaria, de boragine, &c. Deinde corpus expurga confectione Hamech: Hamech dico, quæ multum ab Amsteladamenfi nova descriptione variat. Diasenna, syrupo ros. lax. cum fol. senæ. Agaricus, Turpethum, Elleborum, proprietate quadam humores melancholicos educunt. Nam humor tenacissimus medicamentis levioribus non cedit facile.

Hirudines mariscis affige, quia cum à ramo oriantur splenico hunc peccantem humorem exhauriunt.

Hæc omnia si non prosint, fontanellam in crure sinistro ure, cujus vi terrestris sæculentusque sanguis vacuatur, magis tamen probò fonticulos supra regionem lienis ponere: quod summo cum levamine feci in honestissima muliere hoc malo, per duos annos gravata, qui cum aperti essent, & fluerent bene, nunquam post illorum applicationem iterum conquerebatur de gravissima molestissimaque passione melancholica antea eam excarnificante.

Hæc præstantissima sunt remedia si solum humores crudi exsuperant. At vero, si febris accesserit, cautè procedendum: nam febris

humi-



humida expostulat & frigida, humorum autem cruditas calida, & extenuantia desiderat. Demum majorem medici solertiam expostulat Vomitus, quando ex phlegmate impacto in ore ventriculi, oritur, & simul dependet, & fovetur ab humore, à jecore calido emanante: nam si calida exhibeas, excandescit jecur, humores suapte natura calidi, utpote bilis, magis irritatur: magis necesse est ergo, ut si huic indicationi satisfacere velimus frigida exhibeamus, quæ cum crassum & viscidum humorem in ore ventriculi contentum incrassant, etiam somnoperere nocent. Quid ergo agendum? suaderem cum Avicenna cap. de debilitate ventriculi, uti tali medicamine, quod intemperiem stomachi non transcendat: quod Hiera est. Dices hæc exhibenda & similia ægris, qui per aliquod temporis spatium ea retinent sed in iis, sicuti, nostra ægra erat, quæ semper assumpta evomunt, quid faciendum? Secundo scopo succurrendum est, nempe distractione materiarum à ventriculo ad alvum, quæ via mihi videtur commodior, quia alvi dejectio huic consueta est & familiaris: sed si per vomitum, ut nonnulli docent (nam vomitus curatur vomitu) ventriculum nimis labefactabis, cujus robur docente Galeno 7. meth. cap. ult. oportet conservare, quare non temere fortissima exhibenda medicamina languente stomacho, cujus vis cum toti corpori necessaria sit, reservanda:

nam alias miseri mortales ex eorum usu vel in Syncopem, animi deliquium, aut Cardialgiam inciderent facile, ob ventriculi oris nimiam sensibilitatem.

*Exemplum, De Canina appetentia.*

**A**Ncilla domicellæ Torenenburgh insatiabili appetentia tribus mensibus vexata, & crebro vomitu, postquam vomitivum assumpserat ex Antimonio, & sese vino recreasset post duas septimanas, absumpta drachma una Theriaces, à fame canina evasit.

Famæ Naturalis causa à quinque rebus provenire Galenus ostendit lib. 1. de caus. sympt. cap. 7. quoniam Famem naturalem primò sequitur vacuatio. Secundum, quod præcedit est vacuatorum appetentia naturalis. Tertium est ventris suctus. Quartum est hujus suctus sensus. Quintum est appetentia animalis, quæ omnium est ultima. Hæc sunt symptomata quæ appetentiam naturalem antecedunt.

Vitiosæ appetentiæ, quæ quidem in quantitate modum excedunt, vocantur à quibusdam, caninæ; tum existunt, cum acidus quispiam vitiosus succus ventriculum mordet. Nam vitiosus succus, qui frigidus est, similem suctui morsum infert. Frigiditas, corpora, & tunicas ventriculi cogendo constringendoq;

ad appetentiam irritat, & caninam facit appetentiam. Hæc est communis famis caninæ causa.

Non nego etiam, quod ex longa inedia, ab alvi profluvio, ex fluxu sanguinis, aut aliqua alia evacuatione, sicut à calore relaxante & resolvente, oriatur.

Auctores Medici, ut sunt Vallesius lib. I. cont. cap. 20. Fuchsius in com. capitis 17. lib. Gal. de caus. sympt. Et And. Laur. lib. 6. de Re anatomica quæstion. 26. opinantur, succum melancholicum à liene ad ventriculi fundum delatum, famem naturalem concitare; & si in majori deferatur copia, in caninam. Ratio est, quia Galenus lib. 5. de usu part. cap. 4. id probare hisce videtur verbis: Bilis enim atra cum acerbæ & acida sit, contrahit ventriculum, & constringit in sese ipsum, cogitque cibos ad vnguem circumplecti atque retineri, quousque fuerint concocti &c. Ex quibus patet usus hujus excrementi melancholici, à natura non esse inventum nisi ad meliorem ventriculi concoctionem; & ex consequenti, cum ipsa atrabilaris acida sit, si in minori copia à liene ad ventriculum deferatur, famem naturalem; si in majori copia, famem caninam gignere est certissimum.

Quare causa famis caninæ est humor acidus, frigidus, melancholicus in ventriculi tunicis impactus, pro ut Galenus probat lib. 2. aphor. com. 21. siue hi succi acidi per se abund-

dant, siue cum intemperantia frigida sint  
 conjuncti. Quapropter, si hæc fames canina  
 à vermibus oriatur, neco vermes amaris. Si ex  
 nimio fluxu, & inanitione, ut in conualecen-  
 tibus, curo cibis boni succi parum & sæpe ex-  
 hibitis. Si à calore resolvente, frigidis exhibi-  
 tis curabitur. Si ob succum melancholicum à  
 liene ad ventriculi os largius transmissum,  
 evacuato succo melancholico, restituetur. Si  
 ab imbecillitate ventriculi frigida, calidis au-  
 xiliis, tam intra quam extra appositis, sanabi-  
 tur. Si à pituita immodica frigida, acida os  
 ventriculi infestante, à qua sæpius fit, vomiti-  
 vis & evacuantibus pituitam, occurro.

Et in omnibus caninis affectibus exerceo  
 Hippocratis remedium consulentis curare  
 famem vini potu. Quod in se omnes inten-  
 siones habet: roborat, calefacit, aperit, crassos  
 crudosque succos coquit, & stomacho frigi-  
 do remedio est, uti proprio experimento in  
 hac ægra expertus sum.

*Eximio viro Domino*

NICOLAO FONTANO IOHAN-  
 NIS FILIO Medico, & amico mi-  
 hi semper colendo. S. P.

**M** I Fontane, ab hinc multo tempore passa  
 est quædam mulier Diarrheam bilio-  
 sam, qua citissime persentiscit Dysenteriam  
 cum magno nixu, excernens multoties, no-  
 cturno,

eterno præsertim tempore, sanguinem multum cum concreto pure.

In primo insultu morbum contemnens medicum non accersivit, qui postea vocatus sanguinem emisit sectâ basilicâ. Rhabarbarum, clysteria astringentia præscripsit. Quibus omnibus factis, morbus, ut frequenter contingit, non succubuit, & idcirco hujus jussu te, mi Fontane, consulo: qui hac in re tuis mihi experimentis non deeris: mihi vero, qui fui, sum & ero ad mandata tua paratissimus *Collega Gerardus Bruyn. VVesop.*

Anno x. Nov. 1629.

*Eximio viro,*

D. GERARDO BRVNIO, Med.  
Doctori VVesopiensi.

**D**Octissime Domine Gerarde Bruni, & epistolas tuas mihi summopere gratas legi, & exemplum tuum arduum mente revolvî, quod non parvi faciendum, quia acutum & lethale. Quæ petis, libenter do, modo talia, qualia à me speras, essent: sed cum longa nostra fuit amicitia, amice ago, sperans te boni consulere quæ à me vel non rite scripta vel dicta sunt.

Numne culpandus, amice mi, quod tam brevem feceris hujus morbi delineationem, quandoquidem adhuc multa describenda restant, quæ ad hujus affectus idæam, & essen-



tiam enucleandam maxime conducere videntur?

Ais, ab hinc multo tempore hanc Dyssenteria laborare, & de febris nullam mentionem facis, quod mihi maxime dubium est: quandoquidem ab ulcere sordido, & diuturno cor inflammari solet, ex quo febris: deinde ex vigiliis, fastidio, nixu, surgendi frequentia, torminibus, alteratur corpus, quod siccescit, sic, & multa sanguinea materia evacuata spiritus exhauriuntur, quibus omnibus agram aliqualem maciem sibi acquisivisse autumo, non tamen sine aliquali febre.

Neque loqueris de dolore, an sit supra, vel infra vmbilicum, ut sciam num gracilia, vel crassiora intestina sint affecta: quoniam hoc ad curationem maximi solet esse momenti, teste Galeno lib. 6. de loc. cap. 2. Tralliano lib. 8. cap. 7.

Nam si infima intestina sint affecta, infusa per clysteres juvant; si superiora, per potum assumpta remedio sunt.

Insuper Dysenteria est hic affectus, sed cuius speciei? huius enim affectus triplicem facit speciem Galenus lib. 4. aphor. comm. 26. Prima, quando est fiens, quâ corpora pingua excernuntur; Secunda, quando ramenta, & corpora pingua. Tertia, quando aliqua ex ipsa abraditur intestinorum substantia, quo tempore non adhuc fieri difficultatem eorum, sed factam & constructam esse dico.

Sic



Sic, nihil significasti de urinis, quæ, licet de genere venoso solum significant; tamen, hæc semper inspiciendæ sunt, monente Galeno lib. 3. Epid. sect. 2. comm. 6.

De fastidio etiam nihil? quod de ventriculi fortitudine, vel imbecillitate multum præfagit, juxta Oraculum Hippocratis: In longis difficultatibus intestinorum cibi fastidium, malum; & cum febre, pejus.

Quare cum nimis succinctè consultationem tuam proposuisti, videbo quidnam generali-ter dici possit, quod utilitatem aliquam parere queat.

Dico igitur, quod morbus primo fuerit Diarrhea biliosa, quæ citissime in Dysenteriam degeneravit. Adfuisse Diarrheam à bile pronatam, oris amaritudo, sitis ingens, dolor intensissimus, materiæ profluentis acrimonia sensu percepta testabantur; quæ in recto intestino, ob decursum biliosi humoris nixus excitati sunt vehementes, pruritus, calor, dolor, & sordida ulcera, quæ abstersione con-quevere.

Quod ad præfagium attinet; ne despicias alvi fluxum præsertim diuturnum, ex quo pauci evadunt: nam tormina, & febriculas excitat, viresque consumit. In hunc sensum audi Romanum Hippocratem Celsum lib. de morb. cap. 15. de Dysenteria: longo tempore id malum cum inveteratum fuerit aut tollit hominem; aut etiamsi finitur, excruciat.

De Aëre, necesse est ut in utroque affectu sit frigidus, & siccus, vitetur æstuans, ne fundantur & liquentur humores. Vitet ignem, subfrigidum sit ejus cubiculum. Cibus sit astringens, & exhibeatur frigidiusculus actu, ut melius increascat; non tantum penetret; ut sunt caro cydoniorum, mespila, pirum austerrum, sorba, orisa, ribes, barbares, &c. Lacticia vitentur, olera, radices, legumina, acetosa, carnes grossæ, fumo exsiccatae, pisculenta, & alia, quæ vel relaxant ventriculum, vel feriunt, vel aperiunt.

Potus sit aqua chalybeata, vel cerevisia in qua hordeum integrum coctum fuerit.

In initio si vires adsint, corpus sit juvenile, tempus vernum, ad revellendum, ad transpirandum, ad evacuandum, ad jecur refrigerandum, ex qua parte totius mali scaturigo est, præstantissima est sanguinis missio, ut contra multos affirmat Amatus 2. cent. 48. parce celebranda ne geminata vacuatione vires prosternantur. Nec te Galeni textus moveat 1. ad Glauc. 14. dicentis: quod si febris fuerit cum alvi profluvio, alia non est opus evacuatione, licet non sit pro multitudinis ratione; quicumque enim sanguinem emitte-re, aut purgare tentaverunt in graviora pericula ægros duxerunt. Qui textus perparum à multis intellectus plurima hominum milia jugulavit.

Galenus eo loco non vetat sanguinis missio-

sionem; sed tantum monet, ne pro multitudinis ratione sanguinem mittamus, quia aliquid relinquendum est fluxui vires resolventi. In hunc sensum intelligendus Galenus 4. acut. textu 116. qui sic ratiocinatur: Fluente alvo sanguinem non detrahes, quia si post detractionem perseveret fluxus, virtutem prosterne. Ita verum est, quia ut recte ait Hippocrates 1. Aph. 20, quæ judicantur & judicata sunt integræ, neque movere neque novare oportet, sed sinere est necesse.

Attamen fluente alvo symptomaticè irritata facultate expultrice intestinorum, à copia, & mala qualitate humoris rodentis, ad evacuandum sanguinem tenuem, acrem, ad intestina fluentem, eaque pungentem, præstantissimam sanguinis missionem esse assero.

Lege Galenum lib. 4. de articul. qui in Dysenteria solum affici jecur arbitrabatur, & hanc ob causam jussit, cæteris non conferentibus auxiliis, refrigerare jecur sectione salvetellæ manus dextræ.

Hic affectus etiam clysteribus juvatur, præcipue si crassa intestina sunt læsa: quia in iis ulcus à sorde, & putrilagine mundare oportet. In Dysenteria, & Diarrhæa abstergere, ne forte humor acris, retentus, ulcus creet. Forma clysteris hæc esto.

& Herb. Plantaginis Mj. Fol. Rosarum rubrarum, Furfuris macri Manipulum semi. Sem. sophiæ fefqui Drachmam.

Coquantur ex aquæ hordei integri Vnciis duodecim. col. Vncias x. adde, Mellis Ros. Vncias duas (ad abstergendum) vitellos ovorum duos, ad leniendum dolorem, Misce & fiat clyster.

Persistatur quinque aut sex diebus in hoc remedio, deinde ad clysteres magis astringentes deveniendum, & abstergentes.

Non dispicies in clysteribus, dolori cedendi causa, immittere capita papaveris, vel Phylonium Persicum, quod in memet probavi summo cum solamine, hoc malo cum Anno 1625 laborarem.

Medicamentis astringentibus utere, quæ corroborando, & arctando intestina spongiæ instar premunt, & alvum expellunt, ut sunt Rhabarbarum, cortices Myrobalanorum, & similia.

Regio vmbilici fovenda astringentibus medicamentis, & Anodinis, ut decocto ex mentha, plantagine, rosis siccis rubeis, myrtho, sumache, mastiche, & corticibus granatorum. Ungue hanc partem oleo mastichino, cydoniorum, myrtillorum vel unguento Comitissæ.

Ad Tormina præsentaneum auxilium est omentum arietinum, vel vervecinum, jam jam ab animale extractum, umbilico impo-

itum. Loquor expertus.

Potio-

Potiones sint aqua hordei integri, vel cerevisia, vel serum lactis chalybeatum, cum syrupo de rosis siccis, de mentha, vel cydoniis.

Ad somnum conciliandum, ad fluxum retinendum Phylonium est optimum.

Vtere lacte chalybeato, sed prius bene purgato corpore Rhabarbaro, vel syrupo de Cichoreo cum Rheo. Quo suo tempore usus fuit ipse divinus Senex. Et Galenus lib. 2. simpl. 13. renuat licet Amatus 2. centuriarum. cent. 44.

Hæc sunt, quæ à Medicis communiter fætitari solent; sed cum hic morbus sit secundæ speciei, mulierque gracilis, extenuata, consultum mihi videtur humorem peccantem biliosum ab Hepate, tanquam ab origine productum, & ad intestina confluentem, ad partes ignobiles divertere; hocque fiet fonticulo cruri dextro imposito, in parte præcipue interna, ut humor à jecore calidissimo progenitus, ad crus, tanquam partem distantissimam, & ignobilem transmitti possit.

Deinde jecur roborandum Epythematis factis ex oleo ros. Unguento santalino, rosaceo, cum aqua rosarum, & aceto rosarum.

De Balneis hic non agam, sed alias volente Deo.

Hiscæ omnibus si non succubuerit affectus, de Tabe vereor.

Hiscæ vale, & si forsan hæc ex tuo atque



ægræ voto non successerint, in mentem revoca dictum illud poëticum:

*Non est in medico semper relevetur ut ager,  
Interdum docta plus valet arte malum.*

Quoniam impossibile est, ut medicus omnes quos præ manibus habet, sanitati restituat, affirmante Hippocrate 1. prognost. 2. quare sufficit facere id, quod ratio, & experientia suadent. Hisce vale.

*Dominationi tuæ addictissimus*

*Amst. 12. Nov. 1629.*

Nic. Fontanus Med.

*Exemplum. De passione Iliaca.*

**O**Rphanus ex Iliaca passione exspiravit: inspecto corpore nullas vidi plicas nec volvulum: sed circa cæcum intestinum vidimus materiam indurata, lapidosam, intestinum extendentem, & ita arctè adhærentem ut Chirurgo magistro Alberto Scerm impossibile videretur extrahere eam.

Ex hoc exemplo concluderem, nequaquam esse involutionem, ut dicunt medici: sed squibalas instar saxi induratas, intestina admodum obstruentes.

*Exemplum, De curatione Iliacæ passionis  
epoto Mercurio vivo.*

**M**iles strenuus, robustus, boni coloris, incidens in passionem Iliacam, & ab omni  
ni



ni medicorum ope destitutus, postquam tres bombardi globulos devoraverat, epoto Hydrargyro, miraculosè curatur.

Exhibere globulos plumbeos experientia certissima sancitum est in Volvulo, in quo fæces per os ejiciuntur, & ubi via illa, quæ camorosam materiam ex ventriculo ad intestina deducit, crassa pituita obstructa est.

Sed in hoc miserabili affectu, quem *Miserere mei* latino-barbari vocarunt, melius esse aliqualem Mercurii vivi quantitatem diglutire ratio dictat, quia Mercurius cum gravis sit, magis deprimat; & duplicatum, ut nonnulli volunt, & ego astrictam accumulataque alvum in causa esse dicerem, (ut ex hoc & aliis diversis exemplis vidi) vinctumque intestinum, explicat, & dilatat; ut una mecum assentitur Paræus auctor gravissimus cap. de Hydrargyro. Quare in similibus morbis jam desperatis Mercurio utitor. De cujus facultate optime scripsit Fallopius libro de Metallis cap. de Hydrargyro.

*Exemplum. De Hepatis Inflammatione.*

**I**V venis ætatis suæ viginti annorum, vel citius, primo die decubuit cum rigore, postquam febris magna increvit, maxima cum siti, vomitu, capitis dolore, lassitudine ulcerosa, anxietate dextri Hypochondrii, ingenti dolore, cum tussi humida, cui vi, crassi, viscidique

dique humores aliququaliter excernebantur, cum stertore, difficili respiratione, & spiritalium partium angustia.

Quæritur modo: Num hic morbus sit pleuritis, an Hepatis inflammatio? Nam pro utraque parte variarum sunt momenta rationum, quæ pleurumque doctissimos Medicos fallere solent.

Quod sit pleuritis, videtur argui posse: quia habuit quinque illa signa quæ omni pleuritidi, & soli, insunt. Vt dolor infra spurias costas, febris acuta, pulsus frequens, ferrinus & velox, tussis, & respirandi difficultas.

Sed, rem si adamussim contemplemur, hunc laborasse inflammatione Hepatis dicendum est. Nam primo habuit vomitum, qui incipiente pleuritide raro ipsi, aut nunquam adest. Pulsus erat mollis. In pleuritide vero durus, dolor in circumferentia hepatis conspiciebatur. Hic si ad superas costas, & usque ad claviculam ascendit, id per consensum fieri dico.

Tussis in pleuritide est sicca, quia à pleura, membrana crassa ac dura, saniei, per angusta foramina, ilico non datur exitus. Verum quidem est, quod tussis etiam sicca phlegmone hepatis comitatur.

Cur ergo in hoc ægro humida, & cum stertore erat? Quia forte complicata erat affectio Reumatica: Signum evidens, nam stertor crassorum humorum copiam in pulmonibus

nibus imbibitam denotat, veluti in Asthma-  
te, & Orthopnæa contingere solet.

Deinde, quis dubitet à calore febrili mul-  
tas humiditates in cerebro præexistantes li-  
quatas fuisse, & ad spiritales defluxisse par-  
tes?

Duplici ergo hic æger laboravit morbo,  
& humore crasso contento in pectore, &  
subtili impacto in jecore, ejusque venis.

Si pro distinctione pleuritidis ab inflam-  
matione hepatis signa distinctiva cognoscere  
desideras, lege Galenum lib. 5. de loc. aff.  
cap. 7.

Cura inchoanda à venæ sectione, nam in  
omnibus inflammationibus præcipue inter-  
nis, nullam præstantiorem excogitari posse  
inquit Galenus, & magnus ille Hippocrates  
lib. 1. Aphor. 23. hac humor fluxurus retra-  
hitur, impactus evacuatur, natura levatur,  
transpirant venæ, & jecur refrigeratur; ut de-  
nique idem Galenus demonstrat lib. 13. meth.  
dum hepatis inflammationem pertractat.

Sed cum præcipue indicatio, ad sangui-  
nem mittendum, sit virium robur, & noster,  
æger debilis esset, eam exercere ars dissuasit:  
cujus loco, cucurbitulam suris, ex Galeni  
jussu lib. de cucurbit. & 13. meth. 21. impo-  
sui. Quæ, quanti sint faciendæ Christophorus  
à Vega lib. 2. Art. med. sec. 5. cap. 1. & Merca-  
tus lib. 1. indicationum cap. 7. docuerunt.  
Qui non in tali casu immemores fuerunt  
aper-

apertionis venæ, in medio digiti annularis, sita: de qua, quid sentiat Hollerius, videbis lib. 1. de morb. intern. cap. 35.

Licet ne, cum Ætio Tet. 2. serm. 2. cap. 68. Et Rhasio nono ad Almanzorem 17. & Avicenna 1. 3. tract. 5. cap. 2. cucurbitulam in ipsa parte dolente scarificata affigere?

Imo, prius corpore rite evacuato, vel à naturâ, vel ab arte; datis emollientibus clysteribus. Quod tam in hoc malo, quam in Colico summa cum utilitate feci; à Celso instructus lib. 2. cap. 11. qui putat, *cucurbitulam siccam spiritum extrahere; humidam, humorem.*

In initio cave tibi & ægro à purgatione si ex arte curare volueris, etiam si clementiori: nam facile detrudes humorem ad locum affectum, & phlegmonem conduplicabis: quare utere clysteribus ex parietaria, violis, malvis, hordeo, prunis, cum pulpa cassiæ, vel electuario Diacatholici, & oleo violaceo, vel rosaceo compositis.

Roborandum jecur Epythematis repellentibus, roborantibus, & Anodinis; minime relaxantibus, quorum usu jecur flaccescit: ut lib. 13. Meth. cap. 15. scite Galenus notavit de Attalo, qui Theaginem Philosophum similibus cataplasinatis enecavit.

Sed quæres, num major cura habenda sit distillationis, quam Hepatis inflammati? quandoquidem crassus humor bronchia obstruens attenuantia & aperientia desideret

in-

inflammato jecori nequaquam convenientia.

Vtrique esse succurrendum indicationi puto: sed urgentiori, quæ ab hepate inflammato desumitur.

Vtrique succurro ptisana cum Hippocrate 1. acut. 18. qui hanc omnibus morbis acutissimis laborantibus felicissime propinavit: cui nonnumquam addo, si vigilia infestant, syrupum nenupharinum, aut papaverinum.

Iulapia ex aqua endiviæ, acetosæ, boraginis, card. benedicti, cum syrupo violato ex multiplici infusione boraginis, acetosæ & endiviæ, præscribo, quæ ægro hepatis phlegmone laboranti admodum sunt utilia: Attamen urgente distillatione, & multis cruditatibus in partibus spiritalibus imbibitis, non ita procedo. Quandoquidem aliter ab Hippocrate lib. 5. aph. 24. didici: qui ita fatur: frigidum inimicum pectori, tusses movet, sanguinem provocat, & distillationes, quia frigidum impinguat, & incrassat humores lentos, eosque arctat, & excerni prohibet. Quare in iis victu abstergente utendum est, & sputum provocante, non incrassante, nec astringente, ut sunt poma assa cum saccharo, vitelli ovorum cum eodem. Evitanda acria, acetosaque. Sit potus leniens ex adiantho, glycirrhysa, & hordio paratus. Sint syrupi boraginis, violariæ comp. cap. veneris. Conservæ violariæ, boraginis. Saccharum althææ etiam exhibendum. Vires restituendæ jure gallorum, vel vervecis. parum tamen, sed sæpe. Post



Post decimum quartum diem, aut decimum octavum, corpus Rhabarbaro, & syr. de Cichoreo cum Rheo, pulpa Cassiæ, vel Lenitivo expurgabis.

Sed si aliquis in jecore ardor remanserit, & secta non fuerit salvatella, eam seca. & sanguinem fluere sine ad virium tolerantiam: hoc intellige si resolvatur inflammatio; nam si suppuretur cæterarum inflammationum more, extra suppurantibus applicitis, intusque adhibitis eam curabis, excernendo confectum pus vel per vesicæ, vel alvi vias.

Suppurari inflammationem cognosces ex majori febre, dolore adancto, & Hypochondriorum, imo totius ventris tumore.

Hunc affectum dum suppuratio accidit, lethalem dico, quia hepatis ulcera raro confanescunt.

*Exemplum, mirum de Anasarca.*

**I**Vvenis Anasarca diu cum laborasset subito incidit in Ictericam, deinde in Hæmorrhagiam narium, postea vero in subitanam mortem: in hujus corpore à me dissecto apparuit hepar subalbidum, cum in parenchymate magno abscessu. Lien supra modum magnus, lapidibus albissimis plenus.

*Ratio*



*Ratio est.*

**H**Ydrops funestus est affectus ex quo in alios lethales fit transmutatio. in quo cum hepar, scirrhosum sit, & canalis fellis obstructus, bilis ad folliculum fellis transire nequit, sed diffunditur per totum corpus, & morbus Regius repullulat; & cum in Hydrope viscera sint oblata, facultates veluti emortuæ, hepar sanguinem retinere nequit & hoc modo hic serosus per nares emittitur, qui vacuatus effusis spiritibus corpori interitum adfert. audi Fernelium lib. 2. de venæ sect. cap. 4. dum sic ait: Neque imperitorum more si vel nares stillant sanguine, vel urinæ rubicundæ sese offerunt, protinus imperanda venæ sectio. Etenim facile sanguis prorumpit non ex plenitudine solum, quodque eam vacatione molliatur natura, sed cum pluribus ex causis. Quibus enim excisa sunt venarum oscula, quibus etiam viscera, præsertimque jecur imbecillum, vel scirrhosum evasit, iis sanguis sæpe fluit è naribus, aut secus atque Hydro-picis.

*Exemplum, De Ictericia.*

**I**Uvenis in vigore vitæ suæ, temperamenti calidi in Ictericiam incidens gravissimam, tandem, omnibus convenientissimis medica-  
mini-

minibus in cassum adhibitis, sola venę sectione in brachio dextro celebrata, ab hoc tetromalo evasit.

Sanguinis missionem in Ictero esse necessariam, tum veterum, tum juniorum sententia firmat: præcipue, si febris adsit, sit tempus verum, vires sint robustæ, floreat ætas, & calida adsit Hepatis intemperies, cujus vi humores biliosi, & calidissimi ab eo progeniti ad cutem dimissi, Arquatum creant.

Objiciet aliquis, malam esse in cutaneis affectibus sanguinis missionem, quia hac facta, humor remeabit ad vasa.

Inauditum argumentum. Nam si in corpore plethorico eam exerceas, tantum abest ut retrahatur humor, quin potius, levata natura, melius excernatur ad partes externas. Exemplum præbet Avicenna 1.4. tract. 4. cap. 10. de Variolarum curatione, qui in iis, & morbillis, repletio si adsit, sanguinem emittit; non timens humorum ad internas partes recursum: quam doctrinam, postquam in præscripto, & magno Galeno lib. 6. epyd. sect. 2. com. 30. de Simone legissem, reservavi, eaque semper fere, felicissime usus fui.

Secundo, alter objicere potest: quod icterus ab obstructione oritur, quæ incidentia desiderat, & attenuantia.

Verum quidem esse obstructionem aperientia desiderare, sed ut hæc commodius applicentur, multoties necesse esse ea præsentem, san-

sanguinem emittere cum Galeno lib. 8. meth. cap. 4. qui venam prius secat, deinde aperientia propinat: quoniam, si citra venæsectionem obstructionem cures, metus est ne obstructions conduplices.

Tertio. Non obstat Galeni textus lib. de med. purg. & lib. de atra bile, loquentis: phlebotomiam in ictero factam, ægros in perniciem deducere.

Quandoquidem Galenus eam renuat citra purgationem, hoc est phlebotomia sola facta. Quare in ictero summam esse necessariam hanc judico, si adsint rationes dictæ.

Cæterum, si corpus debile, senile, in quo obstructions vigent, adsit internarum partium, nempe hepatis, & lienis durities, morbus sit Chronicus, vires dejectæ, nocere potest: ut quotidie in hydrope, & in iis quibus viscera corrupta sunt, experimur.

*Exemplum, De Ictero flavo ex debilitate  
& obstructione pronato.*

**I**ncideram nuper in senem quinquagenarium, qui ex debilitate jecoris & obstructionibus internis ictero flavo oppressus erat. Huic plura machinata sunt auxilia expurgantia, deobstruentia, roborantia, quibus factis urina minus erat vinea, vires robustiores factæ; sed cum forte ex humore bilioso per corporis ambitum disseminato pruritus incitaretur, forte accedens alter medicus ex hepatis

patis intemperie calida pruriginem ortam arbitratus ad ventilandum hepar sanguinis missionem parcam tamen consuluit, sed quo eventu audi; nam vix pertransiuit dies quando sequuta virium iactura summa, & abdomine in grandem molem intumescente cum pulsu diminuto, & fere intermittente, animam efflauit.

Tanta est venæ sectionis in ictero, ex debilitate & obstructione pronato, pernities.

*Exemplum, De Hydropse Aschitis.*

**A** Nasarca cum *Mr. Hendricus Persyn* diu laborasset, non observato bono vitæ regimine, miserrimè cum sicca tussi, crebra respiratione, vitam finivit.

Tres esse Hydropis species inveniunt Tympanitis, Aschitis, & Anasarcæ, Hypposarcæ seu Leucophlegmatix nuncupatæ.

A jecoris vitio originem ducere testantur auctores. Et tunc oriuntur cum sanguificationis officium intercìdit. Dari Hydropem, jecore salvo, nunquam vidi: si forsitan alii, rarum id dico: nisi locuti fuerint de Hydropse particulari. De qua jam acturus.

*Exemplum, De Hydropse particulari.*

**O**rphanus quindecim annorum, qui cum livido colore præditus esset, excarnis, & debi-

debilis, reumate affligebatur à multis mensibus; materia crassa, viscosa, & humida, per nares continuo defluebat. Huic nullus aderat tumor, in ventre nulla ad tactum renitentia. Febri tenebatur tenui, & quod magis est, in medio digito magnum habebat tumorem, ædematosum, laxum, & mollem, ad quem exonerante sese natura, & ad partem debilem expellente humorem; factum est, ut humoris pituitosi copia ad eam confluens partem, in pus verteretur, & cum hic humor retentus & prohibitus discuti non posset, putredinem acquirebat, & ita natum est ulcus ex abscessu, in quo corrosio aliqua ossis accidere solet: & cum tantam humoris copiam indies, magis ac magis generatam, natura non posset concoquere, & devincere, factum est, ut ad partem sinistram in cubito, in parte externa, & interna, tumor magnus accideret ædematosus, quem ejusdem esse conditionis cum alio excitato in digito posito in manu dextra, nullus ignorat.

Galenus lib. 5. de locis aff. cap. 5. gloriatur se ex colore multoties hepaticos, & spleniticos agnovisse: nec mirum, nam Hepatici, seu Ictici sunt colore pallido, & virentibus herbis perquam simili; Splenitici, nigro, subcineritio.

In statu vero naturali, cum jecur robustum est, roseo colore facies, & cutis perfunditur: quia jecur sanum, sanguinem rubrum

&



& carnem albam generat. Lien cum validus est succi melancholici ad se copiam attrahit, & sanguinem depurat.

Quare, cum hic puer livido, & subcineritio esset colore, mihi semper, & de Hepatis, & de lienis imbecillitate suspicio remansit; magis cum lentam in illo febriculam sentirem.

Causa satis nota: quæ frigida intemperies est Hepatis, quod sanguinem sibi pro alimento demandatum, vertat præ debilitate in serosum humorem.

De prognosi possum arguere, ut in hydrope vera; hoc ob internarum partium debilitatem.

De cura. Dico me hanc sanasse particularem Hydropem præparantibus apozematis, quibus adjeci syropos aperientes, ut de duabus radicibus, de Byzantino, & de eupatorio: sic & purgantibus, nempe radice Mechoacanna, electuariis Diaphœnicone, & confectioe Hamach, Pilulis de Hiera cum agarico, & Mastichina.

Hiscæ factis caput roboravimus cucuphis, conservis ex fl. betonicæ, majoranæ, quibus adjiciebantur species Diagalangæ, Diarhodonis, cum pulv. Mastichis & Cinnamomi.

Sed, quia inter omnia auxilia pro roborando capite, & hepate maximo in usu fuit decoctum Salsæ & Chinæ, illud exhibui, quo roborata viscera sunt; & mala humoris qualitas correctæ, & absumpta est, obstructionsq;  
abla-



ablatae, ac cubiti & digiti ulcera conſanata ſunt. Hiſce ſi non ſuccubuiſſet affectus, feciſſem fonticulum in brachio ob caput, à quo humor, tanquam à prima origine diſtillat: quem citra ullum virium diſpendium ita vacuant antiqui, ut Vigo, Albucasi, & alii multi.

*Exemplum, de pedum Oedemate.*

**O**edemate pedum homo diſſolutae vitae, & valde veneri indulgens, cum duobus annis laboraſſet, ſcarificatiſ ſuris, & ſupra ſcriptis medicamentis adhibitiſ, ſanitati reſtitutus.

Oedema, Tumor laxus eſt pauci doloris, impositis ipſi digitiſ cedens, colore albus.

Oritur in frigidis & humidis temperaturiſ, in quibus crudus, & aquoſus ſanguis generari conſuevit.

Hujus cauſa eſt pituita naturalis frigida, & humida, ſeu pituitoſus ſanguis à natura non rite coctus, generatus, à fortioribus ad debiliores partes expulſus.

Hic, licet in omnibus externiſ partibus, generari poſſit, in pedibus, artubusque frequenter oriri conſuevit: præſertim in hydrope, phthiſi, & malo corporiſ habitu. Cum enim pedes ſint remoti à fonte caloriſ, ad eos natura tanquam ad partes maxime diſtantes & debiles, ablegat, & motu exercitioque crurum, & pedum, nova quotidie attrahitur materia: quæ iſtiſ nervoſiſ particulis ſemel im-

facta & imbibita, difficulter elicitur; tum quia artus, ob caloris inopiam crassum humorem resolvere nequeunt; tum quia humor semel infixus & pertinaciter adhærens difficile discutitur. Et cum multi flatus ab hoc humore lento & pituitoso oriantur, ex eo digitis cedit, hic tumor, foveaque fit; quia humor spiritu flatulento plenus est: argumento comprobatur: nam decumbentes lecto tempore nocturno, surgentes pedes graciles habent: quia flatus iste lectuli calore discussus est, processu verò diei ob dictas causas multa de novo materia cumulari solet.

De Prognosi. Vulgo dicitur, quod in juvenibus Oedemata supervenientia semper bonum judicant, quia potens natura humorem crudum ad artus dimittit, quæ eum processu temporis superabit, & resolver.

Senibus vero, citra morbum, superveniens Oedema est exitiale: nam cum illis frigidum sit corpus, naturam debilem, & hepar aberrans esse in sanguificationis munere ostendit.

Oedema molle, & sine dolore bonum; durum vero & dolens, pessimum, ut eleganter Hippocrates lib. 1. prog. Text. 29.

De curatione. Si per ædemata pedum morbus, & febris cessaverint, & materia critico modo fuerit expulsa, nihil novare oportet: quoniam quæ judicantur, & judicata sunt integra, neque movere, neque novare convenit. Teste Hippocrate 1. aph. 20.

Si vero materia non discutiatur, sed sit infixa, & in multa copia tenaciter impacta, tunc citissime auxiliares manus adhibere oportet; quoniam funesta, letiferaque mala ex neglecta curatione contingunt.

Quæ si quis timeat, optimum est præcavere scarificationibus, ne calor suffocetur præ copia multa. His cujuslibet membri calor ventilatur, & transpirat; quod jussit faciendum Galenus lib. 2. ad Glauc. cap. 7. de Abscessibus, quando in inflammationibus corruptio, seu extinctio nativi caloris timetur; denique cataplasmata præservantia applicare ex farinis fabarum, orobi, lupinorum, parata.

Notandum tamen, ne topica imponas quin præcedat bona evacuatio, quia retrahendo materiam ad centrum à circumferentia, extrema est perniciēs: quare recordare historiæ Galeni 14. meth. cap. 17. mulieris Romanæ Herpete in malleolis laborantis, quæ impositis astringentibus se semper pejus habuit. Vocato autem Galeno, propinatoque sero lactis cum scammonio, cicatrifatur ulcus, & sana mansit.

Inter Hydragoga, & Melanagoga sunt, succus Ireos, sambuci, brasicæ marinæ, radices Mechoacannæ, Agaricus, Hermodactyli.

His non juvantibus Balnea artificialia optima, sulphurea nempe & aluminosa; quia roborant, discutiunt, & crassum humorem resolvent.

Fonticuli imperandi in parte interna, nam his factis materia à superioribus defluens intercipitur ne ad debilem perveniat.

Quod si à capite, ut multoties fit, defluxio originem ducat, (quod cognosces ex signis cerebri affecti, nempe à dolore capitis, distillatione per nares, os, aures, ex vertigine, tinnitu aurium, caligine videndi, obtenebratione oculorum) tunc eas uni, aut alteri brachio imponas.

Et si plura pro hujus œdematis curatione desideras lege Doctissimum Fallopium lib. de Tum. præt. natur. capite proprio de œdemate.

*Exemplum, De Lue Venerea.*

**F**llia quatuordecim annorum lue gallica ex parentibus contracta laborans, variis multisque ex Hydrargyro præparatis unctiōnibus adhibitis, neque ad salivationem, neque sudores, neque excretionem pervenit: sed post annum in mense Martii, quo uncta fuit, suas operationes complevit, spuitione, & superveniente Diarrhæa virulenta ex Hydrargyro contracta moritur: dissecto cadavere, circa juncturas guttela tremulae Hydrargyri à me inventæ sunt.

*Amantissimo Nobilique viro, Domino*

Doct. NICOLAO FONTANO,  
Medico, S. P.

**S**ola observatio artes introduxit, ipsa sola cum in aliis, tum in arte Medica artifices fecit. Medica enim ars quamvis certis quibusdam demonstrationibus, & aliquando ratione evidenti nitatur, in plerisque tamen sola experientia & observatione.

Optime igitur, mi Fontane artis Medicæ Doctor studiosissime, & tibi & aliis consultis quando in praxi medica rara, & notatu digna notas, eaq; observas, & in publicum profers.

Observas in tuis observationibus, quod Hydrargyri inunctio, toties in filia quatuordecim annorum lue gallica laborante, adhibita, nullas plane exeruerit operationes, neque per salivam, neque per sudores, neque per alvi excretiones; sed non nisi post annum operationem suam spuitione compleverit: quod vero Diarrhæa superveniente maligna extincta sit, Hydrargyro ipso adhuc guttulis tremulis conspicuo in cadavere postea dissecto.

Res profecto mihi, quod memini, antè non audita, & propterea admirabilis. Rogarem prima fronte an Hydrargyro, vel Mercurio pedes abscissi, ut non amplius, ut solebat, ambulare; & alæ ablatae, ut non amplius volare possit?



possit? Mercurius enim non est metallum fixum, sed degener & obortivum metalli, quod figi & coagulari nequit, quia non habet vim illam sulphuream figentem. Habet quidem materiam sed plus formalitatis, idque in fluxili & humida substantia, quæ si coagulari & figi posset (quod hætenus quidem frustra tentatum) esset auferenda, sed tunc remaneret nil nisi plumbeum quid, idque effectum, & enervatum, quod caput mortuum vocant, nullius in Medicina usus.

Præparatur quidem, sed quocunque modo præpares servabit proprietatem, & vim Mercurii adhuc vivi, & crudi: dissolutus poterit in integrum redigi: assumtus, vel forinsecus applicatus manebit Mercurius ille cujus capiti & pedibus alas appingunt, eo quod currat velociter & nesciat quiescere, vim suam quam habet exerens, in sulphuritatem suam volatili penetrans per cutis spiracula, etiam per cutem integram ad interiora quævis, ad ima penetralia venarum, & nervorum, agitando, persequens, & proprietate sua arcana expellens malignum illud in lue venerea non aliter, ac si metalla, quorum principium, pater & castigator dicitur, castigaret & purgaret.

Res ergo videtur admirabilis, quod illud, quod ita velox & activum, per integrum annum in corpore adhuc vigente constitit, quievit & nihil operatum fuit.

Causam ejus dicere difficile est, conjicere faci-



facile. Diceret ipsam esse vel in Hydrargyro ipso, vel in unctore, vel in subiecto uncto, vel in rerum circumstantiis.

Non dicerem in Hydrargyro ipso esse, quia non potest non salivam vel secessum movere. Sed dicerem quod in unctor in iusta quantitate Hydrargyrum non adhibuit: vel quod sœmella ipsa fuit temperamenti frigidioris, quam par erat, ita ut calidum innatum vires Hydrargyri excitare non potuerit: vel quod ipsa, malum hoc non ex impuro concubitu sed ex parentibus contraxit: ut sit non acquisitum, sed hæreditarium malum; quod non tam in humoribus, & partibus solidis, quàm humido & calido nativo tam profundè & perditè potuit delitescere, ut Hydrargyro ad subigendum illud integro anno opus fuerit. Potest etiam esse quod locus in quo continebatur non fuerit satis calidus, tempus anni ipsi non satis accommodum.

Plures excogitari possent rationes, de quibus disquirere & dissentire licet cuivis. Sed aliquid in hac tua observatone, clarissime Fontane, quod majoris forte est momenti, inveniri quod velim in meam, & aliorum gratiam enuclees. Dicis filiam istam à Diarrhœa virulenta ex Hydrargyro contracta esse mortuam. Quæso dic tuam sententiam de Hydrargyro, an tu putas illud esse venenum propriè quod interimere potest? Propono hanc quæstionem exercitii gratia, alias tu mihi desi-

gnabis Rhodum, ut & ego saltum dem. *Vale  
& Tuum Vosculum te ex corde amantem re-  
dama.*

*Doctissimo expertissimoque viro*

D. EVERARDO VOSKVLIO,  
Med. Doctori S. P.

**N**Vllas tuis iucundiores legi, quibus me  
maxime ad studia excitas. Quare opti-  
mo jure nec quiescere possum, nec debeo, an-  
tequam, tuæ ex intimis artis Hippocraticæ  
recessibus quæstioni collectæ, satisfecero.

Quæ talis est. *Virum Hydrargyrum pro-  
prie venenum est?*

Fateor me plura de hoc morbo debere  
agere, Expertissime Domine collega, sed quia  
sequenti exemplo fusius omnia tractare fert  
animus, parce mihi, qui interrogationi tuæ  
ita respondeo :

Hanc ægram ex unguentorum malitia,  
prostratis viribus mortuam fuisse nemo ibit  
inficias : quoniam Mercurium venenum est  
apud Galenum lib. 5. simp. 18. & lib. 6. epyd.  
sect. 6. com. 5. Plinium lib. 33. cap. 6. Quare  
membra interficit, tabe dira, sanguinem coa-  
gulat auctore Massa lib. 4. de morb. Neapol.  
cap. 1. calorem spiritumque exstinguit, ex  
Brachelio lib. 2. aph. 17. Demum, unguen-  
torum Mercurialium, extremis membris ad-  
motorum, tanta est ac tam pertinax vis, atq;  
mali-

malitia ut qui semel eo curati sint, sanati quidem videantur; & si in eundem morbum rursus incidant ob Mercurii malignitatem, debiliores facti, inhabiles sint ad secundam curationem. De eo lege Fernelium lib. 2. de abdit. rerum causis. Manardum 14. Epist. Epist. 4. Fallopius lib. de morbo Gallico 76. Langium lib. 1. Epist. Epist. 43. Quoniam Mercurius cum frigidissimus sit, viscera mortificat: denique hanc ob causam Cachexia, Hydrops, sequuntur; & cum ejus vapor cerebrum ejus nimium debilitet, Paralyfim, convulsionem, stuporem, & spasmus inducit. confirmante Montano lib. 1. consult. Epist. 62. Sic dentes vacillant, ossa corrumpuntur, viæ obstruuntur, per quas animalis defertur spiritus: & ita sensus omnes & maxime auditum corrumpit.

Hic, præter illa, gravitatem stomachi validasque infert tortiones, intestina vulnerat, urinam impedit, corpus reddit tumidum, plumbeoque colori simile, & artus contremiscunt, quod confirmant aurifabri qui argentum deaurantes ex ejus vapore ita invalidi fiunt, ut postea toto corpore tremantes, manibus pedibusque vacillent, & in Paralyfim incurrant.

Etiâ humores à juncturis ad pulmones concitat violento motu, unde Schinancia subita, & ex affluxu humorum malignorum linguæ, gulæ, gingivarum, ulcera contingunt,

136 NIC. FONTANI RESPONSIONVM  
tandem tabes, & mors asserente Cardano  
lib. 5. de subtilitate, prope finem. Et *Acu-*  
*tissimus Zacutus Lusitanus* lib. 1. Historiar.  
73. no. 4.

Hinc facile colligitur, Hydrargyrum non  
carere suspitione veneni, præsertim in corpo-  
ribus picrocholis cholericis, & sicciori tem-  
peratura præditis, præsertim debilibus, qui  
vim illius superare non queant: ea enim est  
natura Mercurii, ut nervosis partibus valde  
noceat, pituitam in magna copia evacuet,  
stomachum, & intestina, articulos, itemque  
ossa valde offendat, præcipue si oportunis  
medicamentis è corpore humano non edu-  
catur. Præstat vero nonquam uti, si benignio-  
ribus medicamentis morbus expugnari queat:  
Quare ne fide Mercurio fatali illi Deastro, &  
me tibi commendatum habe.

*Tuus Nic. Fontanus.*

*Exemplum, De Gallico morbo cum gummate,  
& carie, & osse corrupto.*

**T**Enella ætate filia, concubitus non ex-  
perta, cruciatur admodum, dolore capi-  
tis & artuum, febre præsertim nocturno tem-  
pore. Huic in parte alta nasi tumor, durus &  
scirrhusus repullulat, qui processu temporis  
ossa erodit, unde factum est ulcus cum ossis  
carie, & corruptione.

Nullus medicorum melius morbi gallici  
spe-

species Fernelio definit, qui præter tres species communes quartam proponit, cum jam invalescens lues, solidas partes, ossa, vincula, membranas, ac nervos adoritur, in iis jam vitiatis, multa adsunt excrementa crassa, glutinosa, maligna, quæ nonnumquam in tendines, sæpius inter ossa & periostia confluunt: hæc cum vel membranam ab osse divellunt, vel eam maligna acrimonia feriunt, cruciatus implacabiles movent, noctu ingrassantes, & ab iis demum coagmentatis præduri Tophi multo cum dolore succrescunt; eadem porro cum in osse finguntur id amplificant, distendunt, atque exedunt, ut ejus sæpe deprehensa sit monstrosa figura.

Duo dubitabis. Num hic affectus dicendus sit gallicus? Secundo. Cur ossa potius & partes solidæ sunt vitiatæ, & non aliæ?

Ad primum dico, Quod experimento compertum est, nullum morbum ita cito & violenter partes solidas aggredi velut gallicus; cum enim sit malignus & venenatus, solidas statim partes conspurcat; & promptissimi veneni instar, corpus labefactat; & quod alii morbi, licet contumaces, non nisi longo temporis decursu facere solent, hic citissime procreat.

Hanc puellam, de qua exemplum protuli, morbum ipsum pati, nulli non est manifestum: non ex concubitu, quia teneræ ætatis est: sed ex contactu impuro, hoc est, ex fomite



relicto in veste, indusio, linteo, lecto, poculo, aut quouis adhærentiæ contactu.

Si quis hunc morbum hæreditarium esse dicat, à parentibus acceptum, bene illum dixisse reor: quoniam istius naturæ est, ut à patre ad filios procedat. ut docet Mercurialis lib. 1. de morbo gallico cap. 3. Cum enim semen à toto corpore decidatur, naturam, & Idæam refert ejus à quo deciditur, unde semen vitiatum & tabe dira conspurcatum non potest nisi filios eadem labe fædatos generare.

Ad secundum facilis est responsio: nam sicut prius fit humoralis, aut hæctica, quam Diaria, quia humores & solidæ partes ad recipiendum calorem febrilem magis dispositæ erant spiritibus, qui calidiores & sicciores erant; sic ob aptitudinem passi, amplius hæ partes quam aliæ recipiunt contagium morbi gallici. & hanc ob causam quibusdam accidit Bubo, alijs Gonorrhæa, nonnullis defluvia capillorum, multorum artuum dolores, ulcera in pene, palato, paristimiis.

Denique hæc pars magis quam alia patitur, quia magis ad hunc morbum est disposita.

Quare ilico curam exerce: nam timor est ne ossa vehementiori tententur carie, decidat nasus totus, & cerebrum imbecilletur: ulcera renascantur immedicabilia in fronte, palato, alijsve partibus spongiosis.



Aër sit salubris, calidus, siccus. Cibus calidus, ut biscoctus, passulæ &c. Potus sit hujusmodi ut decoctum Salsæ parillæ, Chinæ. vinum vitetur. Humores præparentur, syrupis fumarix, boraginis, de polipodio, cum aquis fumarix, vel decocto aperitivo permixtis. Purgetur pilulis de fumario, Electuariis Hammech, Diacharthamo.

Sudorifica sint ex ligno sancto, China, & Salsa, parata. Si tempus sit frigidum, & corpus frigidioris naturæ decoquantur in vino, alias in aqua.

Hisce si non succubuerit affectus, intrepide utere unctionibus Mercurialibus, suffumigiisque.

Gumma in pede & circa artus ungue unguento Marciato, Arigon, Dialthea cum gummis, vel alio, quod crassos succos discutit, dolorem lenit. Vel huic impone emplastrum de Ranis Vigonis cum duplicato triplicatoque Mercurio.

Ablue tumorem cum spuma decocti præscripti Salsæ, & ligni Guajaci.

Quod ad nasi ulcera habe magnam rationem, mundificando, abstergendo. Hisce si non confanescat, utere Mercurii dulcis granis xij. vel viginti secundum virium tenorem: si interea pertinax manserit, utere palliativa cura, quia est incurabilis, & tabe ægrum consumet.

*Exemplum, de Liene.*

**M**Vlier quadraginta annorum, vel circiter ex lienis obstructione ejusque mola & duritie in gravissima symptomata incidens, corpore bene præparato, & administratis medicamentis melanagogis, secta vena, Hirudinibus ano applicatis, curatur à malo magno.

*Perillustri viro, Domino*

NICOLA O FONTANO

Medico eximio.

**Q**Vemadmodum natura rerum summa (mi charissime) *docta sine doctore* ex Hippocrate lib. de alimentis no. 8. ad operationes peragendas sagacissima ex Galeno lib. 2. de natur. human. no. 21. nos viam extrahendi sanguinem edocuit, ut experientia in hominibus indies magis magisque manifestatur; sanguis enim alios per nares, alios per Hæmorrhoides, mulieres per menses exeundo non sanat duntaxat, verum etiam à morbis præservat: Sicut Plinius, Naturalium rerum indagator, mirabilem nobis refert historiam de quodam Niliaco animali Hippopotamo dicto lib. 8. nat. Hist. cap. 26. ubi sic præfatur: Hippopotamus in quadam medendi parte etiam magister, assidua namque satietate obe-

obesus exit in litus, recentes arundinum cæsuras speculatus: atque ubi gratissimam videt stirpem, imprimens corpus venam quandam in crure vulnerat, atque ita profluvio sanguinis morbidum alias corpus exonerat, rursusque plagam limo obducit.

En providentiam naturæ non hominem solum, sed & animal irrationale à morbo liberantis. Quare merito cum Hippocrate exclamare lubet lib. 6. epyd. sect. 5. tex. 1. *Naturam morborum esse medicatricem.*

Sic & ars tanquam naturæ ministra varios adinvenit sanguinis extractionis modos: In quibusdam enim per venas, in aliis per cucurbitulas, in aliis iterum per Hirudines sanguinem extrahendo plenitudinem demit, humorem fluxurum revellit, fluxumque derivat, à putrefactione ventilando præservat, febrilem calorem extractis humoribus calidis refrigerando extinguit, & infinita alia: sed ne prolixior quam par sit videar, materiam ipsam aggredior: occasione cujus hæc præmissi non quidem docendi modo, cum praxis vestra quotidiana, libri à vestra claritate in lucem editi, vestram excellentem doctrinam, magnumque vestrum ingenium, nec non assiduam in arte industriam satis patefaciant; sed interrogandi tantum causa, utrum videlicet in omnibus affectionibus melancholicis extractio sanguinis per hirudines tanti æstima-  
 manda uti me coram ostendisti, & ut in quibus-

busdam mihi evenisse exempla infra scripta testantur.

Vir quadragenarius studiis, & curis deditus longo tempore hæmorrhoidibus cæcis oppressus omnibusque celebrandis celebratis non potuit convalescere; denique Hirudinibus aliquoties venæ hæmorrhoidali dictæ appositis, sanguineque fæcali & melancholico sufficienter detracto, à dolore liberatus & in posterum hilariter vitam produxit.

Alterum de muliere melancholica, quæ postquam clysteribus revellentibus, venæ sectione, purgationibus, aliisque remediis usa fuisset, hoc solo auxilio temporibus appposito libera evasit.

Miror sane tantam efficaciam istorum animalium cum venæ sectio profundiùs, atque immediatius ab aliis visceribus sanguinem detrahât: cucurbitulæ etiam ex profundo & tam violento motu sugunt quasi sanguinem, ex Galeno 4. meth. cap. 4. ubi loquens de violenta attractione dicit, trahit ritu cucurbitulæ & maxime cum Hirudines solum cutaneum sugunt sanguinem, ex Galeno lib. de Hirudinibus cap. 1.

Sciendum autem est, Hirudines haud eum qui in profundo est sanguinem, sed tantum quæ caro est, expurgare &c. Et proinde in se hoc animalculum est venenosum; ut ex Galeno citato patet, & si sympathia quadam melancholicos curet, an idem præstet in fluxu

nipio

nimio hæmorrhoidali partibus superioribus affixam. His valeto mi charissime, meque ut solitus es, amato. raptim ex Musæo 22. Ianuarii Anno 1638.

*Tuus ex animo*

Iacobus VVorst. M. D.

*Doctissimo viro, Domine*

I A C O B O V V O R S T.

Med. Doctori expertissimo. S. P.

**E**Xcellentissime Domine Doctör, litteras tuas omni Hippocratica atque Galenica doctrina ornatas cum legerem obstupui, eo magis quod viderim te non solum in illorum hortis spatiatum fuisse, ut quamplurimi consueti sunt facere, sed quod illos carpsêris, devoraveris, non solum in tui utilitatem, sed Reipublicæ usum concoxeris, quos omnibus offers, certe non sine magna utilitate, & illorum commodo.

Ad quæsitâ tua quod attinet, libenter, cum id à me expostulas, scribam; quamvis, meo iudicio tibi debuissent satis fecisse usus tuus proprius, & meum exemplum.

Sed cum Philosophi est semper ulterius naturalia indagare, libentissime tibi, si vires permittant, nonnulla de Hirudinum utilitate præscribam, quæ à me ita accipe.

Sed prius veniamus ad quæstionem nostram; tripliciter sanguis è corpore vacuatur  
venæ



venæ sectione, scarificatione, & Hirudinibus. priorum vacuationum beneficio evacuatur sanguis tenuis, calidus, ferventissimus, quantitate præcipue peccans, de quorum utilitate latè peregit Galenus lib. de venæ sectione, in methodo, & alibi passim.

At Hirudinum ope, impositis nempe supra venas hæmorrhoidales Hirudinibus, non quicumque sanguis, sed qui fæcalis, terrenus, feculentus, nigerque in corpore abundat: quapropter nulli dubium est, quod plures morbos hoc remedium exterminet, quos nec venæ sectio nec extractio sanguinis per cucurbitulas curare potuerunt: quia causa mali adhuc latebat in corpore, videlicet sanguis hic melancholicus & tristis, qui in his venis præcipue abundat, & ad quas natura, ut se se à tanta sarcina exoneret, tanquam ad partem distantem seu potius sentinam totius corporis emittere satagit. Sic fit ut morbi melancholici, quartana, melancholia, mania, cancer, lepra, cutanei affectus, febres erraticæ, & alii qui ex retentione menstrui sanguinis suapte natura melancholici, seu Hæmorrhoidalis oriri consueverunt, ratione talis humoris evacuati mitescant & mirificè leventur; nam siue hæ venæ hæmorrhoidales sint rami venæ Portæ, in quam ramus spleneticus inseritur, per quam lien hunc tristem sanguinem eructat, vel sint rami venæ Cavæ qui ad podicem terminantur, sanguine melancholico & limoso



moso turgescunt, qui si nimium exuperat, & morbos ferinos committit, solum Hirudinum supra mariscas impositione exhauritur, quare dicti morbi solo hoc remedio persanantur.

Neque existimes ut rentur plures, quod ex electione & sympathia hæc animalcula hunc melancholicum sanguinem exugunt, quia eum impromiscue evacuant, licet magis crassum quam tenuem & serosum. Est ratio, quia ille in his venis fere abundat.

Quando vero applicantur sedi, debent esse enutritæ aquâ dulci, saccharo respersâ ut hoc modo venenum exspuant, quod continere firmat Avicenna 4. I. cap. 12. de sanguisugis, & hoc modo si non expurgentur, præsertimque violaceum & nigrum habent colorem, ano impositæ Hæmorrhagiam citavere fere immedicabilem.

Hæc sunt quæ tuæ dubitationi adjungenda curavi, quæ si tibi placuerint gaudebo; sin minus, venis accusandus qui petiisti; non ego, qui amicissimo obtemperavi. vale, & me amara-  
raptim. *ex musæo 9. Iannarii 1639.*

*Tuus Nic. Fontanus.*

*Exemplum, De calculo renum.*

**S**Eptuagenarius dolore Nephritico diu excruciat, Dei omnipotentis misericordia, usu Therebinthinæ Venetæ, miraculose cura-

curatur: cum quatuor lapides ciceris magnitudine meiret.

Duas habet Nephriticus dolor causas quas communiter designavit Galenus, lib. de Renum dignotione & curatione.

Hic dolor, seu calculosus morbus, causam efficientem habet præter naturalem calorem, materialem vero humorem lentum, viscosum, crassum & lutosum: Una causa non agit hic sine altera; velut si lutum in furnum frigidum injicies, lutum remanebit; si vero in fornacem calidam, exiccatur & in testam abiit. Sic si à variis corporis partibus mucosus, & lentus humor in temperatos renes delabatur, mucus ipse per urinam exit; si vero in renes intemperatè calidos defluat, ibi præ mora retentus & exiccatus crassescit magis, & acquirit sibi lapidosam substantiam.

Ex hoc colligitur quomodo sabulum, arena, aut calculus, differant propter varietatem materialis & efficientis causæ: Quoniam, si materia non multum sit tenax, nec calor ingens, nec humor ita torreatur, fit sabulum, hoc est lutulenta illa materia quæ argillæ instar subsidet in matula; si vero tenacior sit humor, calorque amplior, arena fit; si vero renes ignei sint, & materia tenacissima, hæc concrefcit in lapidem.

Ex hic collige secundo pro curatione in sabulo abstergendo, & vacuando imbecilliora medicamina convenire, in arena deturban-

banda, fortiora; in calculo expellendo, fortissima. In Nephritide convenit sanguinis missio primo è brachio, secundo è talo. Hirudines ano impositæ, apozemata expurgantia, refrigerantia renes, sabulosam materiam abstergentia, mucosum humorem evacuantia, quorum omnium silyam suo loco proponemus.

Sicut multum juvat sanguinem è talo emittere in calculoso morbo propter viciniam, consensum & communitatem venarum crurum cum renibus, sic cauteria juvant in crure affixa; quando renes sordidâ materiâ inferti sunt, aut per eos totum corpus ab excrementitiis humoribus, sordida sabulosaque materia expurgatur.

Inter omnia notanter adverte, unum medicamen quod divino quodam miraculo Nephriticos, & difficulter respirantes juvat: & est Therebinthina. Quod etiam notavit Galenus lib. 5. de sanit. tuenda cap. 9. qui sic loquitur: *Verum Resina, quæ vocatur Therebinthina, non solum renes abstergere & vacuare potest, sed & pulmones.*

Ab Hollerio multiplici lege exhibetur capide de dolore Nephritico. Mercato lib. 4. de morb. int. eodem capite: nam hæc duas partes habet, unam crassam & terrestrem; alteram pinguem aëriam, & igneam: per hanc abstergit, & per priorem imbibit.

Cum febris adest abluenda est, ut pars ignea ablutione infringatur, ne ignescat jecur,

cur, aut incalescant renes. In morbis pectoris abluitur decocto capil. veneris, vel aqua hyssopi, ruffilaginis, violariæ, &c. In Nephritico dolore, decocto Glycyrrhyzæ, adianthi, passularum, malvarum, violarum, vel aqua violarum, malvarum, graminis, raphani, petroselinii.

Sumitur in substantia, vel in potu, pilulis, bolis, pulvere,

Vnum, ut dixi, adverte, quod non laves in frigidioribus corporibus, sed in calidioribus.

Mira hujus Resinæ utilitas & vis est: quia purgat per secessum, urinam, & vomitum.

Quanta autem sollicitudo habenda sit in his morbis de ventriculo, in quo velut in cloaca materiæ glutinosæ stabulantur, quæ cum crassæ sint, materiam & fomentum præbent his morbis, non est operosum demonstrare: nam vacuata hac à ventriculo viscida pituita, subtrahitur fomentum morbo, quia causa mali, quæ tandem debebat concreescere in lapidem, vacuatur.

Rursus sicut sunt certa medicamenta proprias partes respicientia, ut Adianthum pectus, Absynthium ventriculum, Cappares lienem, Eupatorium Hepar, sic Therebinthina proprietate quadam occulta Renes, & Pulmones respicit, & roborat; & materias in istis membris insidentes per urinam abstergit, vasque urinaria mundificat, & repurgat.

Addo non solum in his morbis exhibendam

dam esse Therebinthinam, sed etiam quando jecur, aut lien scirrhusa dispositione laborant, & obstructions patiuntur.

*Exemplum Secundum, de calculo Renis exploso per lumbos.*

**N**aturæ beneficio, juvenis calculo & ulcere Renis laborans, miraculose curatur, exploso per lumbos lapide.

De causis hujus mali hoc loco nihil, sic & de cognitione; sed de ejus prædictione notanter adverte, quod hic morbus curationis difficilis est, & idcirco longus, quare longioribus, diuturnioribus indiget auxiliis; quæ antequam remotiores has attingant partes in via orbantur facultate. Etiam ab affluxu feribiliosi semper sua acrimonia stimulantis magis ac magis in dies irritatur ulcus, quandoquidem excrementum adveniens acre sit, mordax, & stimulus:

Denique non credendum est in pueris facile curari, licet Renum vitia in senioribus difficulter admodum sanentur, quia Renes parvæ sunt activitatis, & idcirco medicamenta ad vota agere non possunt.

Quare recte dixi longam esse curationem. Attemperandi renes sunt unguento Rosaceo, Sandalino, mixto lacte muliebri, & aqua rosarum. Purgandum corpus iterum atque iterum levioribus medicamentis.

Hæc enim licet per se ulcus non sanant, tamen



tamen partem præservant ulceratam ab inflammatione, quia hi humores à genere venoso ad renes confluentes per alvum evacuantur: cum enim pars ulcerata dolore afficiatur, & conculcati humores coerciti, retenti incalescant, quia in renum venis angustis non bene diffillantur, pars ipsa dolorem attrahit atque calorem: unde si corpus impurum est, & ab excrementis non purgatum, continuo ob dictas causas materia morbifica attrahitur ad partem.

Secunda hujus mali curatio in ulceris absterfione & exsiccatione consistit, hoc est conglutinatione; nam si ulcera non mundificaveris ex adfluente humore de novo semper sordescat ulcus, & tunc excitata febricula corpus absumitur, & contabescit, cui postea nullum remedium est.

Ptisana in hunc usum optima cum melle ros. aut emulsio ex seminibus quatuor frigidis, aut serum lactis caprini quod mirifice abstergit. Aqua mulsæ optima cum conserva rosarum permixta.

Dolor si multum urgeat, huic mulsæ adde aliquid collirii Rhasis albi, cum vel sine opio.

Absterfo bene ulcere, quod ex clariori urina constabit, & in qua nihil vel parum puris apparet, deveniendum est ad astringentia. Et sic optimum est decoctum hordei integri cum syrupo è rosis siccis, vel Myrthino, cui aliquid pulv. sanguinis draconis, vel boli veri, vel



vel terræ sigillatæ, vel Trochisci de Carabe admixtum sit. Assumpta, mane & vesperi, hac potione, nec edendum nec bibendum.

Conservæ parentur ex conf. Ros. Malvarum, cum bolo rubro, & Trochiscis de Carabe. Vinum sit Rubellum. Victus ex leviter astringentibus confectus.

Si cura ad votum non semper succedat, tunc comminiscere auxilia morbo resistentia, quando fortior est, abstine à fortioribus: morbus enim si vires vicerit, remedia non habet.

In eo enim differt morbus lethalis à non lethali, quia in illo morbus vicit naturam, & auxilia; in non lethali verò natura morbum. ut monuit Hippocrates lib. 4. de morb. acut. cap. 22. Quare cautè procede, nam Medicus præfagiens omni vacabit culpa, apud eundem lib. 1. prog. textu 30. quoniam si forte mors contingat ne vel fefellisse, vel ignorasse Medicus videatur, quare recte olim Celsus: oportet, ut Medicus præfagiens sciat, qui morbi sint insanabiles, & qui non.

*Exemplum, De fetu mortuo.*

**A**B uxore pistoris gemelli mortui separatim per unicum extracti sunt, matre salva, me & obstetrice præsentibus, à magistro Alberto Hop.

Idem fecit *Magister Petrus Bernardi Pot-*  
F *gieter*

gieter summa cum dexteritate, quinquies, sexiesve, me coram.

Hic gravissimus est affectus, hic ille qui omnem molestiam faminis miserrimis, & Medicis summum timorem incutit: nam hic, quo major est, eo terribiliora facit symptomata. Verum, factore suo partes superiores præcipuas inficit. Flatus illi venenosi, ex retento menstruo, Cardialgiam, omne convulsionis genus, Epilepsias varias (uti vidimus) subitam Apoplexiam, excitant.

Cognoscimus mortuum esse factum, quando movendo ab uno latere, ad aliud revolvitur, quando uteri, & umbilici regio frigida pæne est: In regione uteri moles quædam plumbea apparet. Cessante motu, factus præcipue fere signum est oris factor.

Illico aggredienda curatio est, propter ingens periculum.

Ægræ animus solamine firmandus est, ne forte ob timorem, collecto sanguine, & calore, ad partes intimas uterus defraudetur caliditate, & sic facultas expultrix debilitatur maxime, ut factum ejicere non possit.

Fortiora ergo auxilia tentanda sunt, & vehementiora, quam pro factu vivo: cum enim duplici robore opus sit ad factum expellendum, & marris, & infantis, & hoc casu robore infantis cum careamus, quia mortuus est, idcirco validissima exercenda remedia, quæ irritant, stimulant facultatē ad expellendum.

Quare

Quare faciendæ sunt crurum frisiones, ligaturæ, apponendæ femoribus cucurbitulæ, & mulier si sit sanguinea, suspicio, quod copia sanguinis fetus suffocatus fuerit, citissime mittimus sanguinem è talo, secundum legem Hippocratis lib. 2. de morbis.

Clystera parentur acuta. Ex Herbis, parietariæ, pulegii, arthemisæ, fabinæ, centaurei minoris, majoranæ, florib. camomillæ, meliloti, Scheneanthos, aut aliis carminantibus. Cum hiera Logodii, & nonnullis granis Trochisc. Alaandal.

Foveatur umbilicus unguentis laxantibus, Agrippæ, Dialtheæ compositæ, Martiaton, aut de Arthanita majori. adjectis nonnullis granis fellis taurini, & colocynthydos.

Ore sumat medicamenta eandem facultatem habentia. Necessè est exhibere subscriptam potionem quæ, & Rad. s. aperit. ana unciam semi. Rad. Eryngii, ænonidis, ana Drag. iij. Herb. Adianthi albi, pulegii, betonica, ana Manip. i. Glycyrrhizæ rasæ unciam semi. cicerum Drag. ij. cinnamomi sesqui-Dracmam. Coquantur (si febris adsit, ex aqua hordei: sin aliter) s. q. vini ad lib. 1. S. col. adde syr. de Arthemisia, de Radicibus, ana unciam 1. M. f. apozema.

Deinde haustulum qui & Trochiscorum de myrrha scrup. ij. Boracis scrup. semi. Croci grana viij. Syr. de s. radicibus unciam semi. aquæ Arthemisæ unc. ij. & semi, misce s. Haustus.

Necesse est etiam pilulas exhibere quæ naturam ad infra propellant, factas ex castorii, assæ fatidæ, trochiscis Alandaal, & myrrhæ, ana scrup. i.

Si tamen hisce auxiliis, non potuerit ejici fœtus, unco, & manuali operatione extrahitur, sicut latè docui Libro meo de extractione fœtus mortui per uncum.

*Exemplum, De puerpera. febre  
et diarrhæa biliosa laborante*

**P**uerpera febre, & Diarrhæa biliosa, quinto à partu die, cum rigore corripitur: & inde nullum levamen, cum symptomatica esset, habuit.

Morbi à partu, in curandis morbis, medicos ancipites reddere manifestum est; qui periculosi cum sint pleni que timoris, Medicum præsupponunt cautum in faciendis evacuationibus: cum enim gravidæ ob incautum, & victum reprobum, depravatumque appetitum, multa pessimaque ingurgitant cibaria, quæ non rite concoquunt, sit ut hæc alimenta incocta in corpore retenta, ob copiam à natura regulari non possint, vel prohibiti diffilari, putrescant, & sic gravidas crudis succis scatere hac de causa, nulli est non manifestum.

Licet enim malus succus assumptus, illico non noceat: attamen cum tempore nocere docuit Galenus lib. 2. de Alim. facultatibus

cap.

cap. 6. Dicet forsitan nonnullus, quare prava edulia pręgnantibus, & aliis illico non nocent? cui respondebo: quia eorum non est tam ampla copia in corpore, ut nocere possit, deinceps vero tractu temporis majori aggregata copia, succus reprobis putrefactus morbos gravissimos excitare solet.

Alia accedit, ex Galeno 3. epyd. sect. 3. eom. 73. causa: quia cum fętus in utero dulcissimo alatur sanguine, deteriorem, melancholicum, malignum, putridum relinquit; qui si non rite expurgetur, pro rationis multitudine irreparabilia mala, post partum accidere necesse est.

Eicet enim menstrua purgatio post partum recte procedat, & uteri plenitudo particularis per evacuationem lochiorum bene respondentium sit exhausta, tamen ob dictas causas in genere venoso multa melancholici humoris copia remansit, qui ob crassitiem & lentorem expurgari non potuit, quo dato, febris suborta, non tantum concitatur, ex humore in utero, ejusque vasis contento, sed ab humore huic generi venoso impacto, quia affectus toti communis factus est, in majoribus consistens venis.

Menstrua in hoc, si non respondeant, febrisque urgeat valenter, quid faciendum? si ę brachio evacuas, naturam retrahes ad partes superas, & menstrua constringes: nam venę sectio quę fit ę brachio, mulierum menstrua



retinere solent,affirmante Galeno lib. de curat.per sang. miss. cap. 11. Ergo è talo; non ob menstrua,quia rectè procedunt,sed ob febre, & plethoram,quæ cum in superis locata sit partibus, non potest evacuari per inferiora: in minori tamen copia, ne geminata vacuatione vires prosternantur: nam aliquid relinquendum est menstruæ purgationi rectè procedenti. Loquor de casu,in quo menstrua rite respondent,præsertim cum hæc vacuatio non sufficiat pro multitudinis ratione.

Si vero rectè non respondent, tunc è talo detrahendus sanguis est,& tantum detrahendus quantum plenitudo commonet. Si vero minutè procedant, tantum evacuandum ut ex conjunctis ambobus,hoc est menstruis minutè procedentibus naturæ motum promoveamus.Hæc sententia Galeni est 1.Aphor.20 Quoniam quæ excernuntur imperfectè supplere nos operantes convenit. Et 9. meth. cap. 5. Sic fatur: Quod si tempore mittendi sanguinis menses moveri contingant,aut Hæmorrhøis sit reclusa, si inspecto fluentis impetu ipse satis fore videbitur, ut quod requiris, evacuet, naturæ rem omnem permittes; sin minus,tantum ipsi detrahes quo ex ambobus perficiatur quod postulas.

Sententia memoria repetenda cum morbi cum menstruo complicati sunt.

Si vero post partum, non tantam sanguinis copiam per uterum excernat ægra, quia crassus



crassus & lentus est, viæ angustæ, & sanguis in superioribus partibus, in venis majoribus, inter alas, & inguina detineatur, quem natura nonnumquam ad intestina emittit, sua acrimonia tunicam eorum rodendo, Dyssenteriam creat; si vero flatuum copiam permixtam habeat, tormina excitat, & umbilici dolores. Si vero iste humor in media via sit, facit Diarrhæam, quæ simplex alvi profluvium est: quæ symptomata post partum si superveniant, cum febre, medicis dubitandi ansam præbent, nam alvum fluere periculosum est; quia evacuatio non sit per locum convenientem, & à natura destinatum, qualis est uterus. Si vero astringas, ægram in præcipitem ages; quia quæ comprimunt alvum, menstrua retinent, quod periculosum existit.

Quid ergo agendum in hoc casu ancipiti? Hoc modo distinguendum est. Alvi fluxus vel accidit in initio morbi, vel in fine. Si in initio, est symptomaticus, ostendens naturam oneratam, qui cæterarum vacuationum symptomaticarum more tractandus est, præcipue cum ex eo nullam indicationem habeamus vacuationum, quæ in initio contingunt: in hunc sensum audi Galenum lib. 2. aphor. 42. qui sic loquitur: in initio morbi, nihil ad bonum vacuari contingit: omnia enim sunt casus præter naturam, earum quæ sunt in corpore vacuationum; oportet enim præire prius concoctionem, subsequi excre-

tionem, & postremo vacationem ut bona sit crisis, atque iudicium. Vides quomodo Galenus contemnat, & respuat tanquam inutiles vacationes, quæ in initio accidunt tempore cruditis, cum materia adhuc incocta sit: nam in initio cruditas humorum adest, 1. cris. 12. In statu vero concoctio fit. 3. cris. 2. unde omnes hæ evacuationes in initio factæ, reprobæ sunt; quia non tantum quantitatem multam humoris ostendunt, & naturam gravatam præsupponunt, sed qualitatem denunciant humoris, qui acrimonia sua & mordacitate pungit naturam, quæ stimolata acrimonia humoris ante tempus determinatum humorem externere permittit; quare in initio factæ hæ evacuationes inutiles sunt, & si aliqualem utilitatem ostendunt, ea est, quia Natura minus remanet gravata humore, quin deinceps debet fieri materia morbi; quare evacuationes symptomaticæ si aliquo modo juvare possunt, ut causa juvant, quia materia morbi evacuatur. ut signa vero, inutiles sunt, quia ostendunt naturam laceffitam.

Loquor de omnibus universalibus evacuationibus per varias corporis regiones celebratis, per quas natura humorem peccantem expellere tentat, ut per Vterum, Hæmorrhoidales venas, alvi fluxum, per urinam, fluxum sanguinis è naribus, per sudorem, per vomitum, & per quoslibet abscessus, seu evacuationes in diversis partibus, peractas.

Ha-

Harum nulla in morbi initio, in quo cruditas adest, & non concoctus humor, quid boni significabit, nam omnia quæ accidunt decretoria tunc sunt, & non judicantia, quæ aut lethalia, aut difficilis sunt indicationis ex Hippocrate 2. Epyd. 9.

Quare alvi fluxus post partum eveniens, cæterorum symptomatum ritu tractandus est; & si menstrua retineantur, urgeatque febris, & vires valeant, intrepide è talo mittendus est sanguis, prout Mercatus lib. 4. de morb. mulier. cap. 11. asseruit: nam detracta copia regulatur fluxus, & moderatur, dummodo parce è talo sanguinem emittas, ne duplicata evacuatione vires resolves: quia aliquid condonandum est fluxui vires debilitanti.

Si alvi fluxus eveniat in principio, licet menstrua retineantur aut diminutè procedant, & sequatur tolerantia, & conferentia, tunc semper præ oculis habendum, num sequatur ex vacuatione juvamentum: Quod intellexit Hippocrates per verbum *confert* & per aliud verbum *egri facile tolerant*: nam omnis evacuatio si natura ea levamen sentiat, tametsi sit symptomatrica, non impedienda: ut divinus citatus Senex voluit lib. 1. Aphor. 2. qui ita loquitur: In perturbationibus ventris, & vomitibus spontaneis, si talia purgentur qualia purgari oportet, confert, & facile ferunt; sin minus, contra. Sic & vasorum

inanitio si talis fiet, qualis fieri debet, confert, & bene tolerant; sin minus, contra. ut idem denuo, eodem vero libro textu 23. demonstrat his verbis: Dejectiones non multitudine sunt æstimandæ, sed si talia dejianantur, qualia conveniunt, & ægri facile ferunt, bonum. Quare si alvi fluxus post partum eveniat, & ex eo sequatur levamen, & febris conquiescat, vel minuatur, permittendus, licet menstrua sint retenta, vel minute procedant: nam tunc juvat, quia alvi fluxus, post partum eveniens, si sequatur ægræ conferentia, & tolerantia, hoc est appareat aliquod juvamen, utilis est, quia vicem menstruæ purgationis supplet: nec refert, quod non sit per convenientem regionem: nam hoc licet verum sit, est tamen per inferiorem regionem utero vicinam; & per eas corporis partes per quas natura consueta est peccantem humorem in venis contentum expurgare. id ut scias esse verum, lege Hippocratem 5. aphor. 33. ubi habet, *menstruis deficientibus, sanguis è naribus fluens, bonum.* Quasi diceret, menstruis deficientibus sanguis ex utero emanans, optime; sic per nares bonum etiam, quia multitudo & causa morbi vacuatur. Etiam si per Hæmorrhoides. Ergo si per has vias utilis erit, etiam per secessum, id est alvi fluxum, dummodo sequatur conferentia, & tolerantia; hoc si contigerit, nihil faciendum, sed totum opus naturæ relinquendum.

Verum si post alvi fluxum, nullum sequatur juvamentum, febrisque accrescat, & lochia non respondeant, tunc fluxum moderaberis submovendo causam; & si vires adsint, & talo sanguinem mittes: si vero hæ non sufficiant, tunc scarifica suras, quæ vacuatio menstrua provocat suppressa: affirmante Galeno lib. de cur. rat. per sang. miss. cap. 11. & maxime si fæmina sit raræ texturæ, sanguinemque tenuem servare consueverit, in hisce superficialiæ, aut mediocres scarificationes fiant: sicut in nigris, quæ crassum sanguinem habent, & melancholicum, profundæ magis utiles.

Fluxui sis solus intentus; quem modice constringes, ne ex eorum usu viæ ad uterum perreptantes arctiores fiant, & menstrua comprimantur: quare extrinsecus solum primo impetu ventriculo astringentia adhiberi oportet, ut oleum Mastichinum, Cytôniorum, cum pulvere rosarum, coralli, & Diarhodonis.

Cerevisia sit chalybeata, clysteres, si forte adsit acrimonia humoris, parabis astringentes: ex hordeo integro fol. ros. plantaginis, cum melle ros. collato, aut vitellis ovorum.

Si vero immoderatio fiat fluxus necesse est exhibere Rhabarbarum, cortices Myrobalani Inde, aut Chebuli, prout humor redundaverit, idque cum aqua rosarum, & syrupo è Rosis siccis.



Hauftus hic non tantum bis terve exhibendus, sed sæpe, & magis si ex Diarrhæa ob acrimoniam humoris in Dysenteriam vergat, dummodo solliciti simus de intestinorum absterfione, cuius affectus curationem esse similem Dysenteriae communiter evenienti certum est.

Sed si hic alvi fluxus in morbi fine contingat, tunc maiorem utilitatem adferre solet, quia supervenit concocto morbo; & magis, si sequatur conferentia, quia tunc, defectum purgationis uteri, si forte adfuit, vel partem crassiorem humoris in venis contenti, alvo excitata natura supplere fludet, quod ex conferentia facile est rimari: & tunc nihil tentandum, sed totum opus naturæ committendum; quoniam ut dicebat Hippocrates 1. aphor. 20. Quæ judicantur aut judicata sunt integra, neque movere, neque novare oportet, sed sinere.

Cave, cave, ne in Diarrhæa post partum, vel morbum, criticè eveniente, alicui medicamenta exhibeas; & præcipue si sequatur levamen, ut confirmat Galenus in commento citati aphorismi, dum dicit: Vbi igitur vel integra judicatio facta est, vel adhuc fit, totum naturæ permittere, & nihil nos novare oportet. Vbi vero indeficienter judicat, id quod efficit supplere nos convenit: ideo rectè olim loquutus sic Avicenna 1. 4. tract. 2. cap. 7. Quod si natura non movet, move tu, motu &



& hora ejus; sed si autem movet, aut movit, omitte eam & operationem ejus. Verbi gratia, corripitur Iohannes febris ardenti, accidit alvi profluvium in initio, quod est symptomaticum, ut in initio esse solent, quia sunt casus præter naturam, earum quæ sunt in corpore dispositionum, ex Galeno 2. aphor. 42. tunc non imitanda natura, nec æger medicamentis præcipitandus purgantibus, quia naturæ motus malus, & reprobus; quia illa tunc non excernit humorem tempore conveniente; qui si non bene, quantitate & qualitate peccans cum sit, Hypocatharsin procreat, cum Avicenna 4.1. cap. 3.

Si vero hic fluxus contingat in morbi medio, die septimo, aut undecimo, aut in fine, concocto morbo fluxus rationem habere oportet, si morbus per fluxum judicatur, & æger leviter fert, nihil faciendum; sicut, si morbus est judicatus, quia tunc natura jam movit, & judicavit, & eam missam facito, & actionem ejus. Si vero non bene judicetur per fluxum febris, & reliquæ adsint in corpore morbi, tunc naturam juva per locum ad quem ipsa expellere tentat. Exempli Gratia, si per urinas, provoca urinam; si per vomitum, tenta vomitum; si per sudores, excita sudores; si per uterum, seca talum: nam hujus sectio tam menstrua quam Hæmorrhoides excitat; si per nares, venam cubiti scinde.

Vires si renuant, cucurbitulas costis impone.

pone. Demum cave ne vacuationes perfectas interrumpas, motus vero imperfectos promovere studeas; nam hoc est quod supra dixit Avicenna.

Si vero, ut ad nostrum institutum redeamus, alvi fluxus in fine eveniat & levet ægrum, nihil faciendum. Si vero superfluous sit, ut fere solet, vel quia jecur est intemperatum, & bilem generat in majori copia quæ ad intestina delapsa, irritat naturam, & movet fluxum; tunc jecur epythematis temperandum, salvatella secanda, Rhabarbarum vel per infusionem vel in substantia exhibendum.

Si interim Diarrhæa accadat ex alia causa ut ex debili stomacho, siene, capite, tunc curandus est fluxus juxta naturam partis à qua dependet. Bona hæc doctrina est, semperque recolenda: nam nullum est frequentius symptoma in febribus alvi fluxu.

Objiciet aliquis: bonum esse provocare fluxum in initio morbi auctoritate Hippocratis instructus, qui dicit: fluxum curare fluxum. Respondeo: Hippocratem non esse intelligendum de alvi fluxu, sed de venæ sectione: quoniam fluxus sanguinis, qui fit per venam sectam, curat fluxum sanguinis ex naribus, quod pro me ita Galenus defendit lib. de cur. Rat. per sang. miss. cap. i r. quo loco sic habet: non contemnenda est sanguinis missio, tanquam revulsorium auxilium, quod sæpe me facere vidistis in erumpente sanguinis fluxu.

fluxu è naribus. ubi una hora sectâ venâ fluxum compescui. Sic idem fluxus sanguinis curat sputum, per vomitum, per uterum, per Hæmorrhoides, quando nimia fit evacuatio, demonstrante Galeno lib. 5. meth. cap. 3.

Et si adhuc urgeat quispiam: de fluxu alvi Hippocratem esse intelligendum; huic ita ego responsum volo: fluxum tempestive factum per alvum curare immodicum fluxum, non vero ut hic asserit ineptè diminutum: hoc est, fluxus fluxum immodicum curat, hoc est alvum nimis citatam coercet. Idque non medicamentis purgantibus, quia hoc esset præcipitare naturam & solvere ventrem supra ventris fluxum, quod perniciosum est; sed faciendum medicamentis astringentibus, quæ stiptica sua facultate simul purgant, ut Rhabbarum, Myrobalani &c.

Ex hisce dictis ratio sumi potest, quomodo Medicus debeat procedere cum evacuationibus symptomaticis: quæ non flocci faciendæ ob dictas rationes.

*Exemplum, de Epilepsia uteri, parturientis.*

**P**Rægnans unum cum sætum peperisset Epilepsiâ gravissimâ corripiebatur, adhibitis omnibus quæ in ejus utilitatem excogitari possent, enixa est gemellos, & à gravissimo malo liberata, convaleuit.

Morbum Herculeum plerosque mortales  
inva-

invadere à Galeno sæpius est proclamatum lib. 3. de locis affect. cap. 7. Quo loco dicit, quod Epilepsia, Convulsio est non perpetua, sed ex temporum accidens intervallis, cum mentis ac sensuum læsione.

Hæc triplex est: prima, proprietate in cerebro à crasso, mucosoque, flatulentoque humore pronata. Alia à ventriculo, quæ cum cerebro maximum consensum habet: tertia, ab inferioribus partibus, ut vasis spermaticis, tibia, pollice, pedè, & alijs, è quibus aura insurgit cerebro inimica atque infensa, ipsumque concutiens, & feriens. Cerebrum autem insurgens contra noxam comprimitur, & ex hac compressione obstructio fit, & veluti dimicatione & luctatione facta, fit Epilepsia, dum aura cerebrum concutere nititur, & hoc illam expellere satagit, & in hac pugna convulsio, quousque tandem aura, aut vaporosus spiritus è partibus inferioribus elevatus evanescit, & resolvitur.

Sicut ab inferioribus partibus epilepsia concitatur, sic & ab utero originem frequentissime ducere asserit Hippocrates lib. de virgin. morbis, Mercat. lib. 2. de morb. mul. cap. 5 de Epilepsiæ varietate ex utero.

Hæc vel accidit quando mulier gravida est, vel in partu, vel post partum.

Epilepsiam gravidarum oriri ab excrementis putridis in utero retentis firmat Fernell. lib. 5. pathol. cap. 3.

Hæc

Hæc curanda est Epilepsia alterius instar, Enematis, frixionibus, cucurbitulis. & si ingens adsit apparatus morbosus, vena secta, expurganda mulier est, & alia facienda quæ auctores in curatione Epilepsia consuluere. Attamen multa cum præmeditatione, gravidarum enim status medicamenta respuit; ergo vena secanda erit in minori copia propter uteri gestationem, hoc intelligendum est, si vehemens sit Epilepsia, & convulsionum vehementia agram devexet; timorque sit, ne ex his causis fœtus suffocetur, & abortus fiat.

Vtrum sanguinem in carnosâ, rubicundâ, sanguinea, in septimo, octavo, nono que mense, constituta, è talo trahere debeam cum doctissimo Zacuto Lusitano lib. 1. Hist 32. necdum scio, rationibus quam gravissimis munitus, quas in florilegio meo satis late videbit Lector.

Si vero in ipso actu parturitionis accidit Epilepsia, ut huic mulieri, & forte præ debilitate fœtum non pariat, aut hic non excretus moreretur, & graviori concussionem affligeretur, ob veneficos humores cerebrum occupantes, quid faciendum?

Iuvandum esse partum, simulque vapores ad inferiores partes divertendos, quo minus cerebrum concuterent, dicerem. Fricarem crura, fomenta, decocta que facilitantia partum, utero imponerem, Sic & clysteria injicerem



rem, atque bezoardica exhiberem. Hæc si robusta sit, & febris ingens, partim ob Epilepsiam, partim etiam ob difficilem partum, sanguinem ex malleolis sine ulla hæsitacione emitterem: quod etiam faciendum iussit Hippocrates lib. 1, de morb. mul. n. 100. Si vero prægnans multo tempore cohibeatur, & parere non possit; sed diebus pluribus, & partus doloribus laboret, sit autem juvenis in vigore, multoque sanguine referta, secare oportet venas in malleolis, & sanguinem detrahare virium respectu habito. Quem usum laudant Mauritius Cordæus, & Mercatus lib. 4. de morb. mul. cap. 3.

Huic sternutatoria ex castoreo, galbano, assa fætida, parata conveniunt. Purgatio nequaquam, ne forte humores in superis partibus redundantes, in uterum lapsu præcipituant, fætumque suffocent.

Si vero post partum Epilepsia accidat, eam, si rectè menstrua procedant, à spurcissima seminis parte evenire, experimentum suadet. Retento menstruo, etiam excitatur à crasso humore in utero relicto, sic & à sanguine, qui post partum retentus, omnium fero morborum causa communis est.

Cui occurro (verecor ne ex sympathica epilepsia, ideopatica fiat) phlegmagogis, inter quæ primum locum habet, Agaricus, & quam plurima alia, quæ late nobis commemorata sunt à Mercato lib. 2. de morb. mul. cap. 6.

Castro



Castro lib. 2. de morb. mul. cap. 2. Et Valer.  
lib. 4. obs. cap. 6.

*Exemplum, de inflammatione, & pruritu in  
Pterygomate, Nymphæ, & clytore.*

**H** Onesta quædam matrona in medio in-  
gravidationis, seu gestationis tempore  
constituta, de summa punctione, & pruritu  
intolerabili, non in vulvæ labiis exterioribus,  
sed in illis alis, quæ ab Anatomicis pterygo-  
mata & nymphæ dicuntur, conquerens;  
præmissis universalibus, solo succo granato-  
rum acidorum parti admoto, ab hac scabie,  
prurituque, laus Deo, evasit.

Vteri pruritus fæminas tam in, quam  
extra gravidationem infestare certum est.

Hic ab acri mordacique humore, seu icho-  
re bilioso ortum ducit in fæminis præsertim  
calidi temperamenti, hirsutis, & graciliori-  
bus. Non solum hic humor pungit & irritat  
has partes, sed exulcerat adeo, ut ulcera ca-  
coëtica efficiat.

Signa sunt manifesta, nam præter pustulas  
grani mylii similes in labiis vulvæ subortas,  
pruritus, ardorem, & dolorem sentiunt; imo  
vigilant, sitiunt, febricitant.

Curatio notissima. Aër sit frigidus, humi-  
dus, cibus sit ejusdem naturæ tenuis, bonæ  
concoctionis, potus sit aqua hordei cum syr.  
ros. lax, vel cassiæ pulpa, vel Rhabarbaro: quæ  
cum

cum attemperantia sint, biliosum humorem retundunt.

Serum lactis, alioquin in similibus affectibus singulare præsidium, gravidis ita cruciatu liceret ne exhibere; diureticum cum sit, & menstrua provocans?

Concedi posse assero, dummodo in eo astringentia ut Rhabarbarum est, & Myrobalani citrini, infusa, macerataque fuerint.

De venæsectione in talo hæsitatio summa esse potest: nam, cum hoc remedium hoc in casu sit optimum, expertum ab Otteo, Zacuto Lusit. jure merito posse administrari dicet quispiam, præcipue si mulier sit robusta, plethorica, viribus valida.

Dico hanc esse tutissimam viam pro uteri pruritu sanando, ob causam conjunctam, grævida si non esset; sed hæc cum provocativa & vacuativa sit, & in medio gestationis tempore constituta, non auderem. Sed bene, si in proximo partui, quoniam tunc talis phlebotomia juvaret, teste Matheo Gradio, In consult. 77. Quare tutius secarem utramque basilicam.

Hiscæ si non cessaverit affectus, sæpe contumax ob excrementorum defluxum; utere Epithematis hepatis apponendis, vel injectionibus humorem in vulva infixum temperantibus, quæ parantur ex hordeo, lactuca, violis, malvis, rosis, foliis vitis, flor. Nymphaeæ, aqua fontana, & lacte mulieris.

Lac

Lac Virginis maxime huic convenit malo, sic & succus granatorum acetosorum, quo ego usus fui, in hoc, & similibus affectibus, summo cum levamine.

Ne utaris stipticis, in initio mali, nam alias humorem repelles ad interiores sedes, sicuti legimus Empiricum tempore Galeni fecisse lib. 4. meth. cap. 4.

Balneum in hoc statu convenit minime, quia relaxat, & abortum concitat.

Fontanella, quam in aliis fæminis utilem esse prædixi, in gravidis inutilis est, quoniam caustica vi dolorem & abortum concitant, atque fætum præcipitant.

Quæres num hæc fæmina laboraverit morbo gallico?

Negative respondeo: nam præterquam quod hic affectus omnibus fæminis communis est citra contagium, nec ex fæmina nec marito ejus ullum indicium accipitur: quare si indifferenter, & promiscue sudorifica remedia lui venereæ appropriata huic malo applies, ægris mortem accelerabis, nam uteri pruritus & vulvæ ab humore calido, sicco, falso, acri, bilioso ortus, calidis applicitis, exasperatur, & hepar incandescens humorem attenuat, & ita cum sæpe sæpius ad faciem, & cutem detrudit, ex quo oritur insuperabilis morbus ille Elephantiasis.

*Exemplum, de Menstruis suppressis.*

**F**ilia quædam ætate viginri annorum, post suppressa lochia, in febrem incidit continuam, quæ, factis evacuationibus universalibus, tam per venam sectam, quam per medicamentum purgans, & apozemata varia, convalescere non potuit, quin febre persistente, & contabescente filia, tussis ingravesceret magis, & exasperaretur.

Quæritur modo pro hujus curatione, num Medicus debet esse sollicitus de provocandis lochiis, an vero de Tussi, quæ spirituales partes infestat, & ex qua tabes & mors impendere solent?

Hanc rem determinare difficile est: nam si partes inferiores perpendamus ab iis originem mali scaturire, non dubitabimus cum Hippocrate lib. de locis in homine. Et lib. de virg. morb.

Tussim etiam ab hoc fonte emanare credendum est, quandoquidem uterus cum omnibus nostri corporis partibus consensum habeat, & præsertim cum pectore quod mutua distentione & contractione materias in inferioribus partibus sitas, continuo ad se convocat. Deinde febris hæc ex obstructione dependet; ergo obstructio prius curanda referantibus, attenuantibus, & aperientibus. Ultimo iecur, subjectum febris hujus, non bene ob-

obstructiones ventilatur, quod hoc pacto deobstruendum, roborandum est, & refrigerandum.

Ex altera parte quod tussis primo curanda sit cæteris neglectis indicationibus, urgentissimum argumentum facit, quia humor est in parte principe impactus, vel ad hanc decumbit continuo: unde si partes spiritales humore lento, & crasso infartæ, non abstergantur, & mundificentur, timor est ne procedant in pulmones, quibus obstructis, & nequientibus cordi parare refrigerium utile & bonum, omnes corporis partes debilitantur, & non rite concoquentes Atrophiam patiuntur.

Accedit quod calor igneus in corde ab eo procedat, colliquet carnem, & sanguinem, unde carniū extenuatio sequitur & contabescencia.

Secundo, si febris primo curetur ex obstructione suborta, relicta tussi, debet curari attenuantibus, & aperientibus: sed hæc thoracis vias aperiunt, dilatant, & cum calida sint, jecur, & cor inflammant, sanguinem acriorem reddunt fluxioni paratum, cor excalfaciunt, & sic liquant humores, redduntque corpora apta Hæmopthoisi, vel Tabi.

Hæc Ratio est, ob quam multi Galenum lib. 4. de locis aff. cap. 8. calumniantur, qui in exspuentibus crassum humorem, pectori non nisi calida applicabat. Id verum esse, ille de Archigine prodidit, qui non ut multi, hoc



tempore, pertinaciter tuebatur errorem, difficile enim est, homo cum sit, non etiam in multis errare.

Quare tussis à calido humore genita, vel à frigido, lentoque succo originem ducens, tractanda primo est modice frigidis, humidisque abstergentibus medicamentis, quoniam ita attemperamus calorem, humorem exassantem, & in calculum vertentem, uti saepe vidimus in similibus affectibus: & exemplum posuimus in annotationibus nostris supra praxin Dodonæi cap. de Tussi. Cujus etiam meminit Trallianus lib. 5. cap. 4. quo graviter contra Galenum insurgit.

Ergo in initio purgatio instituenda lenioribus pharmacis, ut sunt pulpa cassiæ, manna, Diacatholicum, syrupus Violatus, Rosarum pallidarum, & aliis syrupis, qui præditi sunt facultate abstergente.

Aperientia & attenuantia, fugienda. Humor incrassandus, & humectandus, syrupis violati compositi, papaveris, Glycirrhyzæ, Apozematis factis ex decocto violarum, jubarum, & fructuum dictorum sebesten.

Et cum caput in primis patiatur debileque sit generando crassos succos ad pectus decumbentes, idcirco id roborandum cucuphis factis ex herbis exsiccantibus.

Et cum non possit impediri quin non emittat humorem in pectus, quia adest diuturna intemperies, idcirco humor ad ignobiliores ducen-



ducendus partes, fontanellis in brachiis factis

Per intervalla pilulæ de Cynoglossa exhibendæ. Quod si febris persistat, & corpus ægrorum contabescat, hi tanquam Hæctici curandi, lac caprinum exhibendum, quod contemperat, adstergit, nutrit, impinguat. Roborandus ventriculus, firmandum jecur, & tandem ad balnea deveniendum.

*Exemplum, de Abscessu in femore dextro.*

**I**Vvenis orphanus incidit in tumorem in femore dextro, qui cum summè excrevisset, aperitur, ex quo multum materiæ substantiæ crassioris, subalbicantis, digitis extrahit Chirurgus. Perseverante ulcere tandem ad cicatricem deductum est, elatum vero ad magnam molem; deinde rursus apertum, ex eo magna carnis excrescientia visitur, quæ partim forfice, partim causticis, à dexterrimo *Mr. Alberto Hop* jussu excellentissimi Doctoris *S. Costeri* ablata. Huc accedit quod pedem difficile admodum movebat.

Dicam itaque de difficili motu flexuræ, de carnis mole.

Excrescientia carnea sic aucta, morbus est in magnitudine, ut docuit Galen. lib. de diff. morb. cap. 9.

Non silendum vero, excrescientias carnis fieri in ulceribus ratione ipsius ulceris. Non est autem simplex hæc carnis exulceratio, verum potius abscessus: atque putarim fuisse hic

vel Steatoma, vel Atheroma, respectu materie  
sebum, vel pulsem æmulantis.

Nihil autem mirandum in magnam mole-  
lem carnem excrefcere, siquidem *Antonius*  
*Benevenius* in libro suo de mirandis, gravio-  
ris cuiusdam casus meminit, dum scribit se  
curasse mulierem ab excrefcencia carnea ad  
pondus sexaginta librarum accedente.

Huic sententiæ astipulatur etiam *Iohannes*  
*Langius* Epistola 43. Et nos fatuum vidimus,  
cui tanta adnata est carnis excrefcencia, ut à  
viginti quinque libris nihil abfuerit.

Vidimus & alium, excrefcenciam carneam  
vertebris annexam habuisse triginta libra-  
rum pondere.

Quod ad præsentem casum attinet, existi-  
mo hanc excrefcenciam non tam esse ratione  
vulneris, quam propriæ excrefcenciæ carneæ.

Causa mali quærenda. Generalis fuit mul-  
ti sanguinis fluxus, qua non sufficiente succe-  
dit & altera facultas, videlicet carnifica.

Sed quæret quis quæ causa copiosi sangui-  
nis? Quod ad copiosum sanguinis fluxum at-  
tinet, fit, quia attrahitur ratione vacui: vel quæ  
potior causa, propter viarum amplitudinem.  
Non esset etiam præter rationem existimare  
fieri multi sanguinis fluxum à constipatione  
cutis: nam ut dixit Hippocrates: cutis consti-  
patio carnis incrementum. Hæc pro .i. quesito.

Vlterius quæritur, quid convertatur in car-  
nem? Duplex ejus ratio est, altera quia caro

gene-

generata est ante exulcerationem; altera, quod in præsentī casu facultas carnificæ sit quadamtenus adaucta. Atque quæ hic caro est, æquivoce caro dicitur, quod fiat parte imbecilli existente, ex intemperie frigida, & humida.

At quærat quis, cur motus pedis plantam usque omnino impeditus fuerit? moveatur quidem, sed flexione difficili.

Huic Respondemus partim propter diversam nervorum originem, partim propter magnorum nervorum, qui in femore aut obstructionem aut compressionem patiuntur, concursum. id quod in planta pedis non fit.

Atque hæc de his sufficiant.

*Exemplum, de genu inflato.*

**I**Vveni genu inflato laboranti causticum cum in parte exteriori applicaret Chirurgus, aperto tumore ex eo flatus fætidissimus emanavit, cujus patella, cariata atque ossa erant.

Inflatio genu Medicos Chirurgosque anxios reddere solet, ut sæpe vidimus; quandoquidem ægri post longos, intolerabilesque dolores claudi remanserunt, & malum hoc vel in fistulam, vel in cancrum ulcus mutatum fuit.

Tumor hic in frigidis & humidis corporibus nascitur ex materia flatulenta, nebulosa, & crassa, quæ tendinum, musculorumque cavitate ita infarcit & opplet, ut præ dolo-

re, & pulsatione quæ in hoc visitur, Chirurgos sæpe decipiat. Qui decepti intrepidè tumefactam parrem scalpello secant, ex qua, loco puris, flatus fætidus exire solet.

Curatu malum hoc est difficillimum, ob rationes quam plurimas. Prima. Quia hæc pars in declivi loco posita est, ad quem excrementa suapte natura decurrunt. Secunda. Ob partis motum, humorem ad se attrahentem. Tertia. Ob coarticulationis magnitudinem, nam in magna cavitate flatus nebulosi, & viscida pituita, tenaciter adherent. Quarta. Quia hæc pars exanguis est, & frigida, & præinopia caloris flatus non discutit.

Curationem inter omnes auctores optimè depinxit Guido, qui lib. 1. de Tumor. P. N. titulo de genu Inflatione sic inquit: Et scias quod in ventroso genu apostemate sentitur materia intus; & si secatur, non exit nisi flatus. Avicenna etiam 7-4. cap. de genu Inflato hoc negotium ex professo disputat.

Curationis summa est, ut vacuetur totum prius, deinde pars. Curatur totum victu exiccante, calida diæta, & flatus experte. Venæ sectio non admittenda. Purgatio optima, quæ flatus crassosque succos evacuat. Præparetur humor incidentibus. Sudorifica optima ex radicibus Chinæ, Salsaparillæ, ligno Guajaci, Sassafras.

Balnea naturalia, & usus vinatorum effervescentium approbantur practicis. Sic & artificialia.

Hiscæ

Hiscæ si non mitescat affectus, partem ure candenti ferro, quoniã mucosus humor ignis vi absumitur, flatu exhalat, pars roboratur.

Vnguenta conveniunt Marciaton, Aregon, Agrippæ, olea Euphorbei, Anisi, Guajaci, Castorei, piperum, Therebinthinæ, quibus admiscetur spiritus vini.

Multoties accidit, ut absumpto flatu æger bene ambulet, sanusque videatur, & quandoque postea de novo flatulenta materia, & serosa aggregetur, quæ iterum genu elevat, uti nobis videre liquit, non solum in hoc ægro, sed quam plurimis aliis; quid tunc agendum? Fidissimo experimento utilissimum esse probavi Emplastrum Vigonis de stercore capri-  
no, quod tale est. *℞ Stercoris caprini unciam j. fursuris macri unciam semi. s. Farinæ lupinorum, crebi ana Drach. iij. cum aceti acerrimi q. s. F. Cataplasma.* Sic utor stercore bovino recenti, permixto cum oleo lumbricorum, Gummi Thacamacca, & Terebinthina.

Si non succumbat hisce, necesse est experi-ri emplastrum de Ranis Vigonis, cum triplicato Mercurio.

Si pars rubicunda sit, decem aut duodecim Hirudines genu inflato apponendas cura.

Tres, hoc morbo affectos, fonticulis in parte domestica supra genu palmi longitudine, apertis, cutatos vidi: nam materia partibus superioribus ad affectam defluens his intercipitur, & expurgatur.



Aratione non alienum est, revulsionis, & derivationis causa, in altero crure etiam aperire, quia mire ægram præservat partem.

*Exemplum 2. de genu inflato.*

**Q**VADRAGENARIA paupercula curis laboribusque confecta, quæ licet menstrua singulis mensibus ordinate haberet, tamen flatulentia genu laboravit: hæc hirsuta cum esset & jecore calido, & melancholica, in pede lævo, maculæ quædam visæ, quibus neglectis, tractu temporis, asperæ, rugosæ Rhinocerotis pedum vel testarum simillimæ apparuere, quæ tandem pedis internam, externamque partem miraculose occuparunt, tam duræ, ut si digitis totam cutem elevares, id faceres sine ullo sensu, vel dolore mulieris.

Tumores omnes ex succo sæculento pronati, semper duritiem secum trahunt, quia hic humor terrenus est, ac durus, qui cum melancholicus sit, illico acrimoniam induit, & dolorem concitat, at ubi jam induruerit nullus dolor sentitur; uti apparet in prædicto tumore; qui niger est, durus, inæqualis, sensuque carens. Ab Arabibus Hypopia vocatur.

Recordor quod in Nosocomio cum excellentissimo, doctissimoque Doctore Costero ejus ordinario, vidi Senem qui à tibia ad minimos usque digitos pedum, habebat hanc maculam nigram cum quadam raritate: nam præter nigritiem, è cute aculii junci instar acutissi-



tissimi, in radice crassi, & in cuspide tenuissimi, unde totus pes puncticulis & istis aculeis erat infertus, animalis cujusdam dicti Echini instar, promanabant.

De præfagio hujus maculæ, certum hoc malum esse pessimum; & ni curetur abscessus, alii, ex causa superiori foyente jecore nempe, & liene in tibia, & in cute oriri possunt qui negotium amplius facessant, quare curare illico oportet.

Decreto optimo vitæ regimine, in sex rebus non naturalibus, præsertim in victu arcendo melancholico, cum pars non possit curari prius, quam totum; necesse est, ut hoc, facta evacuatione, persanemus.

Malo huic revulsionis, & evacuationis causa, & ad jecur temperandum, sanguinis missio necessaria est, hocque ex salvatella. parce tamen.

Caute purgatio instituenda, quia pars inferior laborat, ne forte humor præcipitetur, ulceraque foveat: Quare præparabimus humorem melancholicum, syrupis Boraginis, Fumariæ, de pomis Saboris, aquis lupulor. boraginis, melissæ, fumariæ.

Purgatio fiat ex confectioe Hamech, pulpa cassiæ, Diasenna, syr. ros. cum sennis, polipodii, & Epythymi.

Magnum auxilium est serum lactis, in quo per noctem myrobalani, senna, & alia melanagoga infusa fuerint.

Maculæ nullum applicandum auxilium, nam sublata causa fovente, squammæ sponte decident. Ad hoc institutum lege Galenum lib. 14. meth. cap. 17, qui historiam narrat de muliere Romana Herpete in malliolo laborante, cui medici applicabant unguenta astringentia, & restricto humore, ulcus in inguine repullulabat: hæc curata Galeni ope, unguentis abjectis, sero lactis cui addiderat scammonium.

Hoc medicamentum pro vacuando humore melancholico singulare est, & ut idem testatur 2. ad Glauconem pro curanda lepra, Elephantiasi, Carbunculo, & cæteris vitiis hujus generis.

Et quia hic affectus ex imbecillitate partium dependet superiorum, nempe à jecore calido, & liene turgente melancholico succo: idcirco in usum balnea utilissima sunt facta ex decocto Malvæ, Violarie, Camæmilli, Pampinorum vitis, rosar. Lactucæ, Nymphaeæ, &c.

Hirudinum impositio supra Hæmorrhoides utilissima, & postquam totum corpus bene sit evacuatum non absonum videtur mihi nonnullas sanguisugas loco affecto affigere, quarum suctu humor in eo impactus melancholicus, absque dubio, vacuabitur.

Pars tam diu fovenda, lavanda, donec squammæ mollescant, & decident, præscripto decocto.

Fiat

Fiat fonticulus in crure dextro : hoc enim auxilio non tantum humor ad partem contrariam contrahetur, sed jecur expirabit, & sic præparabitur humori via, qua ab eminenti malo agri liberabuntur.

*Exemplum, de Febre maligna.*

**I**Uvenis quidam carnosus & robustus, post rigorem incaluit cum siti, pulsu frequenti, vehementi, & magno, urina rubra, cum lassitudine totius corporis ulcerosa, & omnibus aliis signis, quæ plenitudinem gravatam adesse testabantur. Demum synocha febre laborare videbatur. Attamen bis secta vena convaluit, catharticoque exhibito incidit in Paraphrenitidem, manuum jactationem, anxietatem, vigilias, & alia quæ meningum inflammationem adesse significabant, futurumque delirium portendebant.

Quæritur modo quæ hæc sit febris, & quod adhibendum auxilium? Respondeo. Febrem esse synocham, malignam tamen. Esse synocham ex allatis signis patet, ut probat Galenus lib. 9. meth. cap. 4. Malignam esse patebit ex causis sequentibus. Prima. Quia invasit partem principem & præstantem, nempe cerebrum, unde delirium; sed non perpetuum, quandoquidem, non per primariam affectionem, sed per consensum, elevatis vaporibus ab aura venenosa ex minera putredinis prognata, idque in majoribus venis, à quibus

bus ab apparatu morboſo vapores eleuantur cerebrum ſtimulantes, animalemq; facultatem irritantes.

Hj cum partim ſint bilioſi, & mordaces, dolorem capitis, & vigiliam adferunt. Partim pituitoſi fluxionis participes, Coma fit, vel per ſe ad Lethargum tendens, vel cum vigilia, & fit Coma vigil, quibus ex ſignis certo prædici poteſt futura Phrenitis; quæ inflammatio eſt cerebri, & membranarum ejus, ex Galeno 2 de ſymp. cauſ. cap. ultimo.

Arguitur ſecundo eſſe febris maligna, quia habebat ſe melius in principio, procedente verò morbo grauius & in Paraphrenitidem incurrebat: de hoc malo legat qui velit Galenum lib. 6. Epid. ſect. 6. comment. 15. & 3. criſ. cap. 4.

Hic licet parvus videatur, poteſtate tamen maximus eſt, quare decipiuntur eo celeberrimi medici. Malignitas ejus in initio adhuc latitans, clam, furtimque & medico & laboranti inſidiatur.

In hac febre pulſus adſunt boni, urina bona, bene cocta, teſte Avicenna 2-4. tract. 1. cap. 2. & 8. quare caute agendum. Nam hoc pulſu, & urina bonis, moriebantur ægri apud Hippocratem 1. prorrh. ſect. 2. text. 24. & Galenum lib. 3. de præſag. ex pulſ. cap. 3. & 4. quia cauſa hujus morbi non eſt putreſcentia ſolum cujus coctio in urina eſt, ſed venenata qualitas, quæ naturam proſternit, & tandem ſpi-

Spiritus exstinguit : unde Fernelius 4. pathol. cap. 13. febrim malignam definit quæ non modo calore , sed venenata qualitate cor fatigat.

In similibus casibus multoties urina fit alba juxta oraculum Senis, quibus in febribus urina clara est, & perspicua, malum: præsertim in delirantibus.

Significat, bilem urinam tingentem caput versus volasse, Phrenitidem concitaturam, quæ ortum ex bile ducit: ratiocinante Galeno lib. 5. aph. & magis urina si sit perturbata jumentorum similis, quoniam iis dolor capitis vel adest, vel erit.

Toto conatu illico humor depellendus est à capite, ne ex Paraphrenitide Phrenitis fiat.

Ergo detondendi capilli, & bregmati oxyrhodia applicanda actu frigida cum Galeno 13. meth. cap. 21. ut demulceatur humor biliosus, & acris attemperetur, & repellatur. fiant ita: *R. Aqua plantaginis*, uncias IV. *aquæ rosarum*, uncias ij. *olei rosati*, *Aceti ros.* ana unciam j. M. F. *Oxyrrh.* quod imbibatur linteo capiti applicando.

Fiant frictiones crurum ad revellendum, & ligaturæ. Cucurbitulæ costis surisque adponendæ ut docent Mercatus, & Pereda Paschalii scholiastes lib. 2. meth. cap. 2. hæ loco sunt venæ sectionis, tamen non ita vires deicientes, quas valentes servare oportet. Hirudines per apertionem venarum Hæmorrhoida-



dalium à capite revellere sine virium dispendio certissimum est, quare iis utere.

Clysteria semper injicienda emollientia, & lenientia ad humorem educendum biliosum appropriata. Restaurandę vires jure Gallinę, vel vervecis cum succo recente limonum: edat sæpe: quia, qui in hoc malo bene edit atque bibit, citius à morbo liberatur, teste Avicenna 1. 4. tract. 4. cap. 4.

Potus sit decoctum hordei cum tamarindis, & succo limonum. Cerevisia tenuis cum prædictis macerata. Calida, ut vinum & similia fugienda. Cibus sit refrigerans, & humectans, putredinem arcens, ut poma, pyra assa saccharoque respersa, pruna cocta, lactuca, & borago coctæ & cætera; Conservæ cerasorum, Ribesiorum, viol. borag. calend. caules lactucę optimæ. Conf. Mitridatii, Theriaces, Diascordii frac. Alkerimes, & Hyachynt. convenientissimæ, cum aqua boraginis, acetosæ, vel cardui benedicti mixtæ. Magisterium perlarum, lapis bezoardicus laudatissimus. Sic & species liberantis, Diamargariti frigidi: Lætificantis, & aliæ.

Notandum unum, Theriacam & Mitridatium suspecta esse in calidis & æstuantibus febribus: quia impensè viscera calefaciunt, & inflammant quamvis aquis frigidis & cardiacis permixta sint: quare utere potius confectioe Hyachint. Diascordio & hujusmodi.

Dices Galenum magni fecisse has compositiones.



sitiones. non minus ego, si quis loquatur de peste quæ plus veneno, & mala qualitate cor fatigat, quam putredine.

Si vero morbus in melius tendat, humores coquere necesse est; & si ægri purgandi videantur, iuva levioribus, ut sunt cassia, syr. ros. lax. manna, Rhabarbarum, Agaricus.

Cavendum semper à vehementioribus; nam fervefaciunt humores, ac calorem de novo accendunt. Si nonnullæ crassioris humoris reliquiæ restent, per Epicrasim eas expurga blandiori apozemate, ex Hordeo, Rhabarbaro, agarico, fennis, herbis aperientibus, & cordialibus, parato. Cui adde vel mannam, vel syrupum ros. lax. & similia.

Si procedente morbo jecur, maneat inflammatum, serum lactis propina Rhabarbaro infusum.

Post decimum quartum, aut vegesimum, qui terminus acutorum est, diem, seca basilicam, Epithematis jecur fove, Renes refrigera, & ptisanam impera.

Interim si vigilia infestet, tempora unguenda oleo populei, cui adjecta sunt x. vel xv. grana opii aceti dissoluti, vel Drachma Philonii Rom, exhibenda in juscule, vel aqua lactucæ: tamen cum summa præmeditatione.

*Exemplum.*

**M** Atrona honesta obesa, cum in die critico, imo apparentibus sudoribus ex Medici jussu haustum expurgantem assumebat, obiit ad vesperam.

Hoc loco, hoc tempore jure merito mihi cum Galeno exclamare licet, nonnullos Medicos (dicam medicastro) nulla facta præmeditatione de Diebus judicatoriis, remedia in iisdem præscribere naturam pervertentia; uti vidi summo cum dolore in curatione hujus ægræ, potius inactatione: quæ, absumpto pharmaco, post paucas horas obiit.

Quare hos inimicos naturæ & ægrotantium hostes; imo homicidas appello.

Quis enim sanæ mentis compos in hac muliere, factis prius tempestive vacuationibus, tam phlebotomia, quam cathartico, septimo die exonerante sese natura per sudorem, quæ optima est evacuatio in venosi generis morbis, (quoniam universaliter totum leuat corpus) aliud auderet exhibere auxilium, perturbare naturam, ne dicam purgationem consulere, ex Diametro vacuationi, repugnantem? Certe lege Hippocratem aliter, lib. 4. acut. textu. 10. sentientem dum de ardenti febre sic loquitur: Et si è naribus fluxerit sanguis, solvitur ægritudo, atque si sudores supervenerint. Quare Galenus medicorum stupiditatem lib. de præcog. ad Posthu-

num rectè deridet, qui post quintum diem juveni febre prehenso, non tantum operante natura, sed instantibus signis Hæmorrhagiæ sanguinem emittere volebant: ignorantes doctrinæ Hippocratis, 1. aph. 20. *quæ judicantur movere non oportet*. Præsertim in die critico, pharmaco purgante exhibito quod natura sua humorem pervertit.

Obtrudes, magnam humoris esse sarcinam, nisi levemus naturam, non posse illam sibi sufficere. quare necesse est, ut aliquo auxilio juvetur.

Verum quidem id esse, respondeo, sed per eandem regionem juvandam naturam esse cum Hippocrate assero; quare septimo die, si prius in urina concoctio adest (& licet non adesset) sudorem provocare debemus, imitantes naturam, exhibito potu calido, humido referante, & si adsit malignitas cardiacis pugnandum: tali forma paratis: *℞ Diascordii fracaſt. scrup. ij. Lapid. Bezoardici orient. scr. semis. syr. è succo card. ben. unciam semis. aq. card. ben. vel boraginis uncias ij. & semis. Misce. f. Haustus.* Vel, solo lapide Bezoardico, vel confectione Hyacynthorum, vel Theriaces, vel Mitridatii.

Si urgeant anxietudines in actu sudoris, ad exterarum partes vapores venenosi evocandi, imitando naturam, idque cucurbitulis quæ venenum foras trahunt, poros aperiunt, sudorem provocant, & naturam levant.

Sed

Sed antequam ulterius procedam quid de sudore senserit Hippocrates lib. 1. progn. 26. hic agendum duxi : quem duplicem constituit, nempe optimum, & bonum. Sudor optimus, inquit ipse, is est, qui omnes acutos morbos si die decretorio evenit, solvit: Bonus vero, si & toto corpore prodeat, faciatque, ut æger ferat facilius morbum. Quo textu aperte patet, quod purgatio, hoc in casu administrata, pessima fuerit. nam bonus erat sudor & in die iudicatorio, à toto prodiens corpore; qui licet tunc ægram non juvaret, poterat deinde juvare, provocando eum, & non interturbando.

Hoc supposito; Rogabis, nunquid in die decretorio auxilium celebrandum? at ego hoc non dico, quia arbitror in die iudicatorio, & non indicato à suo indicante, si febris infestet, concoctio non adsit in vrina, auxilium esse celebrandum mihi persuadeo. Quare urgente morbo, & cogente necessitate in die decretorio non iudicante, & non indicato, tam sanguinis missione, quam medicamento purgante opus esse affirmo.

Videlicet, corripiatur Ambrosius acuta febre, in quarto appareat alvi fluxus, aut sudor; in septimo talis spectatur evacuatio, quia speciem evacuationis, indicabat quarto die natura, quare iudicans observandus. Demum, quod si adsit inflammatio interna, aut urgeat morbus, suaque sævitie periculum mine-

tur die judicatorio non judicante, potest, imo debet celebrari vacuatio.

Attamen nostrum exemplum versatur circa diem decretorium actu decernentem, & judicantem per sudorem morbum, quare cane & angue pejus detestanda purgatio est, quæ ex directo sudori a versatur.

Si vero post motum peractum, parvum aut longum sudoris levamen sequatur, perseveratque morbus, urgetque febris, tunc si natura non movet, move tu, motu & hora ejus, quare necesse est iterum deonerare per aliam regionem convenientiorem, & sic levata natura concoquat quod concoqui est aptum, & expellat id, quod expelli debet. Si aliter feceris ægros præcipientes dabis in mortem. Ideo optime dicebat Galenus: miser æger qui in mali Medici manus, tanquam in alteram belluam inciderit: bene Fortunatus, qui à methodico Medico curatur; nam hic tempus auxilii peragendis accommodatum inveniet.

Quod cum ignorabat hic nomine solo Medicus, absque dubio hanc ægram acuta febre prehensam, interfecit.

*Exemplum, de Esu Cicute.*

**V**Etula, vel ut melius, mulier quinquagenaria ab aliquot annis cum peste laborasset, & à peste liberata somnum capere non potuisset, consilium ut mihi retulit, cum nonnullis mulierculis inivit, & cum nulla ars sit quæ



quæ plures habeat opifices arte medica, ex illis una dixit ut acetarium sumeret sub vespera cum pauculo Cicutæ aspersum, ex cuius esu bene subdormiuit: ea utebatur in diem meæ visitationis, quo arripiebatur feбри admodum periculosa, nempe Synocha putrida, ego ut soleo præscribo alterantia, humectantia, purgantia, venam seco, & cucurbitulas adhibeo. Post decimum quartum diem æstus cessat ille febrilis. Conqueritur de vigiliis nimis. Præmissis universalibus ut hic feci, ausus sum exhibere duo grana Laudani Opiati, sumit, inde non quieuit. Reversus, se non dormiisse asserit, adjicio tertium granum, renuit natura; tandem ad quartum, septimum, octo-  
vum, & nonum venio, sed ægra mansit denuo inquieta. Ab illa peto causam hujus insomniatatis. Retulit ea quæ præmemoravi. tunc consilium mutavi, & ad assueta me verto, dicoque ut sumeret acetarium Cicutæ more solito inspersum, quo utitur & optime quieuit, & postea Deo, mihi que gratias egit maximas.

Dom. NICOLAO FONTANO,  
Amico integerrimo salutem dicit  
IOHANNES BETH. M. D.

**V**T nauta maris profunditates perscrutari, fluctuumque gyros & anfractus pervagari non dedignatur, ut mundi cognitionem habeat; sic Fontanus Medicus exercita-  
tissi-



tissimus, patris Nobilissimi piæ memoriæ vestigia imitans, hominem *μικρολόμος* contemplatur, arcanas rerum naturas, & causas abditas cognoscit, signa deprehendit, futuros morborum eventus multo ante prospicit, sanitatem conservat, morbos profligat, ac animam ferè è corpore fugientem non solum retinet, sed & plerumque velut ab Orco revocat: quod cum noverim, duo à te exempla admiratione digna repetam, & dispiciam, primum mulieris alicujus quinquagenariæ cum Peste laborasset, & liberata somnum capere non posset, etiamsi grana octo vel novem Laudani Opiati exhiberentur, tandem assumpto acetario Cicutæ more solito asperso optime sane quievit.

In quo duo sunt inquirenda & discutienda; cur illa mulier ex usu Laudani Opiati nullum senserit commodum?

Alterum, cur Cicutæ sua vi deleteria mulierem non læserit?

Secundum mulieris vetulæ extenuatæ, cujus brachia cum tangerentur, si brachia brachia, sin tibiæ tibiæ frangebantur. Vtrum ossium tanta possit esse extenuatio rationem vix invenio, verum ossium articulationes ob ligamentorum debilitatem dislocari & divari-  
cari posse facillimè credidero.

In quibus te mihi satis facturum spero. Vale raptim è Musæo meo vigesimo quarto die Decemb. Anno 1638. *Tuus idem qui semper*  
*Johannes Beth.* *Eru*

*Eruditissimo, expertissimoque*

Dom. Doct. IOHANNI BETH,  
amicorum optimo. S.P.

**L**itteræ tuæ videntur nimium hyperbolicæ  
Clarissime Domine Doctor cum tibi satis  
constet artis Medicæ incertitudo, experientiæ  
fallacitas, & iudicii difficultas, non enim tam  
proclive est animas oreo destinatas inde rur-  
sus expediri; hoc enim divinum est, nulli nec  
Æsculapio etiam datum, tametsi temeraria  
eredit Antiquitas, intra terminos enim no-  
stros nobis persistendum est.

Quod ad quæstiones tuas attinet, dignæ  
sunt quibus respondeatur.

Ad primam dico plura esse, quæ effectus  
medicamentorum impediunt, quare Laudani  
Opiati suapte natura somniferi actionem in-  
terturbat canalium angustia, quæ vel ex æta-  
te, vel ex crassorum lentorumque humorum  
copia evenire solet; quo factum est, ut opium  
positis hisce impedimentis, vires suas exere-  
re nequeat; contrariò effecturum in tempe-  
ramento contrario calido, & deobstructis  
vis, per quas patentes, vapor somniferus  
opii ad cerebrum, somni domicilium, ascen-  
dere potest. Hanc solutionem multo ante  
confirmavit Galenus celebri illa historia lata,  
8. simpl. 17. de quadam ano, quæ assumpta  
multa portione cicutæ, qua plures interne-  
cari

cari poterat , ea pro alimento utebatur.

Evidens ibi patet exemplum de sturnis, qui cum vescantur cicuta, lædi non solent, nec in somnum profundum incidunt , quia sturni strictas habent vias, per quas conniventes, vapor communicari nequit.

Ad secundam dico. Cicutam non habere vim deleteriam natura suapte , nec esse à tota substantia , seu toto genere lethalem ; sed quantitate sola, quæ si in parva copia assumatur, minime lædit , sed diviæta à natura & superata à calore nutrit , & in pituitam & postea in sanguinem convertitur.

Nec mireris inter coquendum, elevatis vaporibus frigidis & lentis somnum conciliasse cæterorum alimentorum frigidorum ritu, quæ somnum movent , & nutriunt, de quorum genere sunt lactuca, acetosa, portulaca, & si quæ alia.

Neque quod ex opii usu somnolentia sit sequuta, nam opium utpote magis inimicum naturæ non ita natura amplectitur , sed respuit , quo pacto non coquit : & sic fumos somniferos non elevat.

Dico secundo , opium est magis densum; solidum, non ita per corpus distribuitur , & sic non tam cito somnum excitat.

Solvo tertio , quod multoties Medici usu opii finem non consequuntur. Quæris causam ? quia partes calidæ amaræ plures existunt in opio , quæ sæpius calorem innatum

exacuunt, & pro somnolentia pervigilium concitant.

Quare si harum dubitationum experimento fides est exhibenda, illis hoc modo respondendum esse puto.

Vale mi Domine & *Tuum Fontanum* Te amantem redama. *Ex Museo 20. Martii.*  
1639.

*Exemplum prodigiosum, ex oblato veneno,  
Capillorum defluvium.*

Doctor

FRANCISCVS de PAZ,  
HISPANIARVM REGIS,

&

*Serenissimi Cardinalis*

FERDINANDI

*Medicus celeberrimus.*

**F**ontane, annus agitur tertius quo aliquid scitu dignum tibi non rescripsi, nunc alacri, & benevolo animo, etsi morbus incurabilis obstet, ætasque sanè decrepita, id quod hætenus non feci, facio, commotus exempli novitate raritateque.

Æsta-

Æstate præterita, illustrissimum cum quendam comitem tribus miliaribus à Bruxellis habitantem, sæva pleuritide laborantem sanitati, auxilio Dei ter Optimi terque Maximi restituissem, & equo à sua Excellentia abiissem, accessi suburbium, ibique inveni quatuor robustos colonos mortuos, qui ista nocte poculis invicem sese invitarunt: Et quod magis admirandum erat, post mortem statim fiebant imberbes, calvi in capite, genis, facie, & mento. Me præsentem, magna statim apparuit hominum turba, retulitque à malo quodam homine in vinum injectum fuisse venenum, cujus pernicie, ipsi qui in mensa illa nocte fuerant epulati, vitam cum morte commutarunt.

Quod venenum interficiat, perimatque cor velocissime, nullus it inficias, imo ita notum est, ut probatione non indigeat. De Defluvio capillorum sum sollicitus, nec hujus dubii solutionem indagare queo, quare exoratum te volo, Mi Fontane, ut hujus quæstionis explicationem aggrediaris, quam à te posse dissolvi semper putavi, & puto; cum sciam te in Galeni doctrina esse versatissimum: pro ut præclara opera tua in lucem edita ubertim contestantur. Vale & me amare incunctanter perge.

*Bruxell. 10. Martii 1639.*

*Tuus Franciscus de Paz.*



*Illustri Viro*

Dom. FRANCISCO de PAZ,  
Regis Hispaniæ, & Serenissimi Cardi-  
nalis Infantis Ferdinandi, summo  
Medicinæ Antistiti.

**V***Ir magne*: Id nimirum videbatur expe-  
riti ingenium tuum magnum exercita-  
tumque elegantis aulæ, cum proxima nuper  
humanitate Tua, vel in laudes meas prove-  
ctus, non dedignaris admittere cultorem ho-  
minem non ambitiosè arrogantem laudis  
immeritæ, & sic satis felicem magnificumque  
apud se, si tuas illas divinas planè heroicafq;  
in arte nostra virtutes sentire, intelligere, &  
fas sit, complecti TIBI videatur. Sed alias fe-  
licius, hæc fortassis persequemur: Nunc ad  
jussa, ecce, expedio me.

Venenum esse nostræ naturæ adversum &  
contrarium, facultates, in quarum Symmetria  
totius hominis fabrica consistit, prosterne-  
re, spiritus resolvere, & extinguere inculcat Ga-  
lenus lib. de Elementis. De simpl. Med. facul-  
tatibus, edoctus à Dioscoride, Plinio, Nican-  
dro, Eliano, Solino, qui variis exemplis id  
confirmant, quodque explicant ejus inter-  
pretes Vlisses Aldrovandus, Conradus Ge-  
snerus, Dalachampius, Claudius Salmasius, &  
alii, sextum Dioscoridis librum enucleantes,  
ut sunt Pena, Lobelus, Dodonæus, Ruellius,  
Bruins-



Bruinsfeldius, Mercellus Virgilus, Hermolaus.

Referamex iis textum unum Galeni. lib. 6 de loc. aff. cap. 5. qui tantam vim & efficaciam veneno attribuit, ut si sputum, vel aculeus animalis venenosi cutem tetigerit, ilico occumbat animal, ita enim habet: Tam præsentaneum est venenum canis rabiosi, ut venenosissimi Scorpionis instar, si sputum cutem attigerit, ilico moriatur animal est necessarium.

Denique quid tempus consumo in re manifesta? cum satis perspicuum sit, hos ex veneni malitia oblatis, & rabie dira occubuisse.

Quod autem venenum fuerit ignotum est, illi enim tamquam fulmine icti, postquam vinum hauserunt, mortui sunt: nullum ex se caliditatis, aut frigiditatis, aut alterius excessus notas præbentes.

Sed quæ fuerit causa defluyii capillorum, hoc opus, hic labor est. Inveniri venena quæ certa membra labefaciunt, & feriunt, res est certissima: Sic Cantharides, vesicam exulcerant; Napellus, pulmonem dilaniat; Aconitum, cor abrumpit: ergo hoc certum, oblatum venenum pilos ex toto corpore decidere facit.

Sed, licet hæc solutio plausibilis sit, mihi tamen haud arrisit unquā, quia in monumentis Antiquorum nec non Recentiorum, scriptum est, reperiri venenum, ob cuius malitiam ex

toto corpore pilorum accidat defluuium.

Dico ergo hac in dubia quaestione, quod venenum oblatum, spiritus exstinxit, virtutes prostravit, & mortuas reddidit; ideo retentrix in cute non potuit radices pilorum sua in sede retinere, quare illi sponte sua, velut arbor sine radice, cecidere.

Hæc est causa, cur post mortem in cadaveribus contingant sanguinis profluvia per os, nares, pudendum, anum, & uterum, quia scilicet, exeunt omnia à virtute omnino resoluta, non benè gubernata.

Hæc si Excellentiaæ Tuæ placuerit solutio, mihi non tam gratum erit quàm quod gratissimum: sin minus, tardo huic parce ingenio, quod tanti dubii solutionem non acquisiuit.

Interim vale Vir ter Maxime, & Æsclepiadum familiae decus splendidissimum.

*Amsteldami 20, Martii, 1639.*

*Excell. vestrae addictissimus servus*

NIC. FONTANVS Med.

*Exemplum de stupenda, in sene decrepito,  
Hæmorrhagia.*

LVDOVICVS NONNIVS

*Antuuerpiensis,*

NICOLAO FONTANO I. F.

Medico eximio, S. P.

**A**ccefcit, Vir doctissime, Florilegium tuum ad manus nostras, varijs sane Medi-

Medicis floribus delibutum, cujus dulcedine inescatus, crede mihi, quod non mentior, dies noctesque transigo, & in quæstionibus enodatis à te artificio miro, totus sum, & visis solutionibus, pedibus manibusque gestio, ita es tersus in scribendo, politus in solvendo, facilis in explicando. Quid plura? in te video venerandam Antiquitatem omni ex parte descriptam; quapropter ne te pigeat hujus admirandi exempli solutionem aggredi.

Autumno præterito vocatus ut inviscerem Senem decrepitum, & qui octuaginta annos jam compleverat, eum invenio per faciem totam sanguine obfuscaturum. ad pedes lectuli erant vasa sanguine plena, & nares velut ex fonte perenni cruorem eructabant.

Tetigi pulsum, hunc plenum, fortem robustumque inveni. Nulla, in illo, apparebat capitis debilitas, nulla vertigo, nulla mentis vacillatio, aut desipientia, quæ, vel in validissimis juvenibus ex tam effusa vacuatione sæpe contingit. Manus non erant tremulæ, somnus non interruptus, appetitus avidissimus, sitis nulla, aberat febris.

Demum iis rectè pensatis, in victu parvus, & potu abstemius erat.

Sanguis in vase concretus ad stateram appensus septem libras pependit, & quod magis est, ipse confessus quod in anno hanc copiosam Hæmorrhagiam ter, & aliquando quater patiebatur strenuè. quæ evacuatio nullam

virium jacturam adferebat, nec ex ea in corpore sentiebat gravamen ullum, & me per Deum immortalem est hortatus, ut totum negotium Naturę committerem, imo ne prescriberem auxilia, quę ad cruorę compescendum à Medicis factitari solent; se enim viginti annis huic vacuationi esse assuetum dictabat, cujus auxilio senectam transigebat salubriter; nam sanguis concretus & in altas cerebri partes restagnans Apoplexię, Epylepsię, Cari, Vertiginis, & aliorum sævissimorum capitis affectuum est causa, & hoc modo sine ullo auxilio, victu mediocri nutritus, citra remediorum opem convaluit. Quam ob rem vir eloquentissime à te exoptulo, ut enucleetur in sene tam longęvo, frigido, sicco, excarni, cujus corpus potius pituitę est ferax quam sanguinis, tanta hujus humoris copia repululet, & in corpore tam citissimę accrescat.

Hoc si feceris in posterum nullo alio Æsculapio nisi te, indigebo, cujus ingenium semper fui admiratus & in hoc solvendo dubio amplius admirabor. Vale, Medicorum Maxime mihi que ad nutum impera: invenies enim semper me tuarum laudum incessantem præconem.

*Antverpię 4. Decemb. 1639.*

*Tuus ut suus L. Nonnius.*

*Illustri Viro*

Dom. LVDOVICO NONNIO

Medico Antverpiensi. S. P.

**O**ptatò tuas jucundissimas accipio, Charissime Nonni, dum enim hic libellus meus exemplorum rarorum sub prælo est, quem tuis exornas jucundissimis petitionibus.

Similem non recuso provinciam; nam tua auctoritate decoratus in manus hominum prodibit amœnus, & à Zoilorum calumniantium livida protervia in totum evadet immunis; qui vitam suam alacriorem reddere nequeunt aliorum doctissimis, si non nutriantur alimentis, ut doces in Diætetico tuo, quo superioris ævi Medicos superas excessu multo. Gavissus enim fui, te mihi currenti calcaria addere, ut non solum hoc exemplo, sed & aliis ab Excellentia tua proponendis, me exerceam, quod libenter facio.

Plurimum differunt temperamenta à temperamentis, ætates ab ætatibus. Fere receptissimum est apud nostros in temperamento, & ætate frigida, frigidum humorem regigni; ita in juvenibus accrescit bilis, in senibus mucosa pituita, crudus sanguis, Contrarium si obtigerit; monstrosus est & ab arte expungendum.

Monstrosos autem morbos eventus & cu-



rationes reperiri, plures nostræ artis Medici percelebres, appositis palam exemplis, scite confirmarunt, quorum Catalogus legatur apud Scenkium, & Mercellum Donatum. Ne ergo mireris, si iuvenes scateant pituita, senes sanguine, quoniam ait Galenus lib. de curand. rat. per sang. missionem cap. 13. Septuagenarios strenue ferre venæ sectiones, hi Eufarci sunt robusto corpore præditi. De eorum curatione longam fecit Theoriam Valleriola lib. 6. observ. ultima.

Exemplum, omnem quasi fidem excedens Zacutus Lusitanus lib. 1. Histor. 84. proposuit, quo gloriatur se vidisse Senem monachum, abstemium & in communitate, victu tenui utentem, singulis quibusque mensibus sæva Ophthalmiâ tentatum, cumque venâ duodecies in die, sectâ, singulis quibusque vicibus satis liberaliter, sanitati restituisse.

Illis est hepar vegetum, fervidum sanguinisque refectioni aptissimum: vividi sunt, sobrii victu potuque, non Veneris deliciis indulgentes, quare vegetas vires habent, sanguinis benè cocti procreatrices, & firmissima viscera; ideo mirum non est, etiamsi tanta sanguinis quantitas, effluerit, & æger tuus firmus rubicundusque è lecto surrexerit.

Hæc dicta sufficiant pro tanto emedullando dubio, quæ Excellentia tua sint plausibilia, quippe ex mediis Medicinæ penetralibus descripta.

Vale



Vale & me tuæ selectissimæ Doctrinæ admiratorem ama & fove.

7. Decemb. Anno 1639.

à Tuo nunquam defuturo

*Nicolao Fontano Med.*

*Nobili, & Doctissimo Viro*

DOM. NICOLAO FONTANO

Medico celeberrimo. S. P.

**S** Vrripuit mihi te, Clarissime atque Expertissime Domine Fontane, Amice fautorque honoratissime, occupatio tua, quo minus abiens ab Amstelodamo te compellarem: Nam quamquam bis in domo tua fuerim, Vestram tamen Claritatem alloqui non licuit, praxi præpeditam. Itaque quod non potuit vox, exsequuntur literæ, atque tibi pro liberali, atque (quod mihi multo gratius est) amicissima mei acceptione gratias maximas ago; eandem relaturus, cum occasio sese præbuerit.

Antequam autem hæc concludam, intermittere non potui, quin aliquid adjicerem, quod ad Medicinam, commune nostrum studium, faceret. Nuper aurum fulminans fecimus, cujus si granum unum, aut duo carbone desuper lentè accendas, bombardam minorem, sclopetas (ignosce inopiis vocum) intelligo, sonitu certè æquat, si non antecellit; ut merito ridenda sit Freitagii socordia, &

contradicendi studium, dum tale quid fieri posse naturaliter pernegat, & si omninò effectus evidentia convincatur, ad Dæmonem hujus causam refert.

Dignum certè hæc patellâ operculum, & hoc Philosopho hæc Philosophia.

Febrem quoque quotidianam, ut videbatur, longo tempore duraturam exhibito semel cathartico Antimonio ad grana duo cum scrupulo semis cremoris Tartari, & extracto fol. Sennæ in pilulas duas minutulas redacto, jugulavimus. operationem suam octies per inferiora perficit, per superiora semel: quod tamen medicamento non ascribo, sed ægroto, qui nihil apud se retinere potuit jam ab aliquo tempore.

Hydropicum quoque pridie in Nosocomio Leidensi secuiimus, jecur satis erat magnum, nec valde decolor, lien parvus valde, nec magnitudine renem excedebat, renes pinguedine undique obsiti, ut suspicare liceat Hydropem huic potius renum vitio (nam pinguedo undique eis circumnata renum intemperiem frigidam denotat, & per consequens attractionis seri imbecillitatem) adjuvante Liene, qui alioquin quoque multo sero perfusus esse solet, advenisse.

Sed tuo hæc limato permitto judicio. Ego hisce concludo, amicè rogans, ut inclusas quam ocysimè Regiomontum cures. Velis quoque à me conjugem tuam, cum filio & filio-

filiola à me salutare. Salve ipse, vale, meque  
tui tuorumque observantissimum ama.

*Leidæ rapt. Anno 1639. 24. Octob.*

Dominationi tuæ ad obsequia

*M. Albertus Kyperus.*

*Doctissimo Viro,*

D. Doct. ALBERTO KYPERO  
liberalium artium Magistro & Medico  
dexterrimo. S. P.

**Q**Uod Dominus me inviserit tametsi ab-  
sentem, officii mei ratione, mihi tam  
est gratum quam si me præsto compellasset:  
tamen fortunam causor quæ me tum domui  
nostræ subduxerit. ipso me meridie adisses,  
tunc enim raro abesse soleo, pergratum ta-  
men mihi fecisti, quod hisce literulis amicum  
tuum inviseris, & quæstiones illas de auro  
fulminante proposueris exercitii causa, qui-  
bus ita pro modulo meo respondebo.

Quo ad aurum fulminans aliqua ratio da-  
ri potest, aliqua non potest. Nam si aurum in  
alia solvatur aqua, utpote in spiritu salis, vel  
simili, & præcipitetur oleo Tartari, pulvis ille  
aureus præcipitatus non fulminabit: sed si in  
aqua regis solvatur aurum, & oleo Tartari  
præceps agatur, fulmen concipiet, uti vulgo  
notum est Chimicis, idque fit ratione Nitri,  
quod alias etiam flammam & parit, & concipit,  
ut satis jam perspectum est.

H s

Sed

Sed tamen unus restat scrupulus, cur etiam alia metalla aqua Regis soluta, & oleum Tartari in fundum dejecta non edant fulmen? hoc opus, hic labor est, aptam reddere responsionem, nisi velimus, aut cogamur potius hoc ascribere Sulphuri auri proprio, & peculiari, quod etiam arbitror ita firmiter statuendum esse, & ob eam causam videtur Freitagius esse lapsus.

Hæc si tibi responsa arrideant, benè; sin minus, tu accusandus qui à non Chimico talia flagitaveris.

Scribis mihi de Antimonio illo purgativo: sed jam quæstio est prima, num alia purgantia præter Antimonium, ut Cremor Tartari & Senna, id sola efficere possint sine Antimonio?

Secunda, num illud ita præparatum sit, ut sine subsidio aliorum, vim habeat tantum per inferiora purganda & non superiora?

Tertia demum, quomodo Antimonium illud per inferiora purgans præparandum sit: nam in hoc tota difficultas versatur; cum Antimonium natura sua Anokeicato stimulet, & medicamentum sit calumniosum propter vehementiam suam.

Quæso igitur, si placeat Domino, edoceat modum Antimonii illius purgativi per inferiora tantum conficiendi; nam commune illud artificium Antimonii vomitivi & Diaphoretici, jam lippis, & tonsoribus notum, sed

sed tuum arcanum & secretum, est.

Interim si alia habes nobis communica.

Vale mi Kypere.

*Raptim*

*Amst. 3. Nov. 1639.*

Cui sum

*Nicolaus Fontanus.*

## L E C T O R I.

Hæc pauca sunt ex plurimis, quæ tecum, benevole Lector communicare volui, quæ si æquo animo acceperis, mihi animum facies, ut & reliquas observationes meas, quæ me in praxi meâ sæpe dubium habuerunt, evulgem.

Nunc plura non addo, quam ut gratias Deo nostro accinam pro hoc labore exantlato, eundemque in auxilium nostrum porro advocem,

*Trinuni Deo Laus & Gloria in secula.*



Quorum voto, præsens ful-  
citur opus.

*A.*

**A** Ristoteles.

Alcunus.

Averrhoës.

Avicennas.

Aulus Gellius.

Amatus Lusitanus.

Albucasis.

Andræas Laurentius.

Aëtius.

Arnoldus de Villa nova.

Apulejus.

Andræas Lacuna.

Altomarus.

*B.*

**B** Acchius.

Benivenius.

Brachelius.

Bruyn-



Bruinfeldius.

Brixius Baudronius.

C.

**C** Arpus.

**C** Cornelius Celsus.

Castrensis.

Cardanus.

Christophorus à Vega.

Columbus.

Cælius Rhodoginus.

Cælius Calcagninus.

Cæsar Claudinus.

Conradus Gesnerus.

D.

**D** Avid Propheta.

**D** Dodonæus.

Dalekampus.

Dioscorides.

E.

**Æ** Lianus.

*F.*

**F**Ernelius.  
F. Fortunatus Plempius.  
Fallopius.  
Forestus.  
Frambofarius.  
Frietagus.

*G.*

**G**Alenus.  
Giraldus.  
Guido de Cauliaco.

*H.*

**H**Ippocrates.  
Hermolaus Barbarus.  
Herodotus.  
Hendricus Savillius.  
Heurnius.  
Hieronymus Mercurialis.  
Hieronymus ab aqua pen-  
dente.

Iohan.

*I.*

**J**ohannes Mesues.  
Jachinus.  
Jacotius.  
Jacobus Hollerius.  
Johannes de Vigo.  
Jacobus Guillemau.  
Jacobus de partibus.

*L.*

**L**evinus Lemnius.  
Lobelius.  
Ludovicus Nonnius.  
Leonardus Fuchsius.  
Langius.

*M.*

**M**aximus Tyrius.  
Macrobius.  
Marcellus Donatus.  
Musa Brassavolus.  
Marcellus Empyricus.

Ma-

Manardus.  
Monardus.  
Montanus.  
Mauritius Cordeus.  
Matheus Gradus.  
Mathiolus.  
Mercellus Virgilus.

N.

**N**icolaus Massa.  
Nicolaus Propositus.  
Nicolaus Myrepsius.  
Nicolaus Niculus.  
Nicander.

O.

**O**vidius.  
Ottheus.

P.

**P**lato.  
Plinius.  
Paulus Ægineta.

Pa-

Paschalius.

Pereda.

Pareus.

Pigræus.

Pena.

*R.*

**R** Hafis.

Rodoricus à Castro.

Rutgartius.

Renodeus.

Riolanus.

Ruellius.

*S.*

**S** Ynesius.

Scenkhius.

Salius Diversus.

Scipio Gentilis.

Scaliger.

Sidonius.

Salmasius.

Solinus.

Theo-

T.

**T**heophrastus.

Tralianus.

Thomas à Viega.

V.

**V**idus Vidius Florentinus.

Valleriola.

Valerius Maximus.

Vesalius.

Ursinus.

Vallesius.

Ulysses Aldrovandus.

Z.

**Z**acutus Lusitanus.

Exem.



## Exemplorum Elenchus.

1. **E**xemplum. De duobus Orphanis Alope-  
cia laborantibus, quorum unus oleo pa-  
pyri curatur; alter vero fortissimis medicamentis  
adhibitis, incuratus remansit. fol. 6.  
Medicinam praeceptis constare certis, variare  
tamen periculis accidentium pro varietate lo-  
corum, temporumque. Ratio quare incur-  
tus mansit. fol. 10
2. De vetula, cujus ossa vel tactu rupta. Pro-  
dita causa. fol. 20
3. De vulnere Thoracis. Propendens pars ab-  
scissa ager convalescit. fol. 11  
Rationes. fol. 12
4. De milite hasta in cerebro laeso. fol. 16
5. De puero carente cerebro. ibid.
6. De Excrescentia vesicaria mira. ibid.
7. De puero sine pulmone. fol.
8. De osse gutturi infixio. fol. 13  
De causis quaesitum. fol. 16
9. De fatuo & muto, qui tribus septimanis an-  
te mortis diem loquebatur. fol. 17
10. De juvene Gonorrhea virulenta cum phre-  
nitide laborante, Drachma una Philonii Ro-  
mani assumpta, sanato. fol. 21
10. De puerpera Apoplexia laborante, vene  
sectione Cephalica, curata. fol. 23
12. De Apoplexia ex sanguine suborta. fol. 30  
Cur Apoplectici, & femina utero strangula-  
ta possint vivere sine pulsu, aut ulla respira-  
tione. fol. 32
13. De

13. *De Epilepsia cum Paralyfi.* fol. 32  
*De unctionibus & synapismis.* fol. 34  
*Cur arteria circa collum laqueis constricta nihil patitur animal, neque statim, neque postea?* fol. 38  
*Verum Apoplecticis aut Paralyticis cessante iam fluxu, conveniant fonticuli.* fol. 44  
*Exercitatio de Paralyfi.* fol. 46  
*Virum in hac febris excitanda.* ibid.  
*Ex qua parte secanda vena.* ibid.  
14. *De gutta Serena.* fol. 47  
*Num ex Arsenico sublimato citra aliquod toxicum, possit homo incidere in Guttam Serenam, aliamve cecitatem.* fol. 68  
15. *Iuvenis Ophthalmia laborans, sectâ arteria temporali, curatur.* fol. 50  
*Num liceat arterias scindere.* ibid.  
16. *De scirrho in lacuna palati circa Vvulam suborto.* fol. 51  
17. *De Peripneumonia, cucurbitulis costis appositis, miraculose curata.* fol. 52  
18. *De puero sine pulmone.* fol. 56  
19. *De levi Pleuritide fomentis calidis, absque vena sectione, curata.* fol. 57  
20. *De Sputo cruento mirabili.* ibid.  
21. *De corde admodum magno.* fol. 59  
22. *De eodem in Hyacintho Burga.* ibid.  
23. *De syncope ex alteratione.* fol. 60  
*Ejus curatio fit per vena sectionem.* fol. 63  
24. *De strumis non solum gulam, asperamque arteriam occupantibus, sed pulmones, orificium*

Exemplorum Elenchus.

- cium stomachi, omentum, mesenterium, intesti-  
na, & ipsam vesicam.* fol. 66
25. *De vomitu continuo.* fol. 67
26. *De curatione caninae appetentiae, ex infuso  
Antimonii, & vino.* fol. 74
27. *De Diarrhaa biliosa conversa in Dysen-  
teriam.* fol. 77
- De Dysenteriae speciebus.* fol. 78
- De ejus curatione.* fol. 80
- Quod in Dysenteria venae sectio sit ex usu con-  
tra Amatium Lusitanum.* ibid.
- Quod sectio salvatella sit omnium optima, ce-  
teris non conferentibus auxiliis, ex Galeno.* fol. 81
- Ad tormina praesentaneum est remedium  
omentum Arietinum, vel Vervecinum umbi-  
lico impositum.* fol. 82
- Fonticuli huic malo sunt convenientes.* fol. 83
28. *De Iliaca passione.* fol. 84
29. *De curatione Iliacae passionis epoto Mercu-  
rio vivo, sic & assumptis globulis.* ibid.
30. *De Hepatis Inflammatione.* fol. 85
- Quomodo distinguatur à Pleuritide.* fol. 87
31. *De Anasarca. De Hepate subalbido, de  
liene magno lapidibus albißimis pleno.* fol. 92
32. *De icterico venae sectione facta in brachio  
dextro admissa, sanato.* fol. 92
33. *Debilis Senex Ictericia laborans, venae se-  
ctione obit.* fol. 94
34. *De Hydrope Ascitis.* ibid.
- Dari Hydropem, jecore salvo particularẽ. ibi.*
35. *De*

Exemplorum Elenchus.

33. *De Hydrope particulari in digito. Eius cura.* fol. 96
36. *De pedis Oedemate.* fol. 97
37. *De lue Venerea.* fol. 100  
*Guttula tremula Hydrargyri post annum mortuâ filiâ à me circa juncturas inventa. ibi.*  
*Exercitationes de Hydrargyro f. 104. & 105*
38. *De Gallico morbo cum gummate, & carie, osseque corrupto.* fol. 106  
*Num morbus Gallicus detur Hereditarius.* fol. 108
39. *De Liene magno & duro.* fol. 110
40. *De Hirudinum prestantia mira.* fol. 112
41. *Mulier melancholica iis curatur.* ibid.  
*Num sympathia quadam iis curantur melancholici?* fol. 114
42. *De calculo Renum in Septuagenario. f. 115*  
*Laus Therebinthinae Venetae.* fol. 117
43. *De calculo Renum exploso per lumbos. f. 119*
44. *De fœtu mortuo per uncum extracto, matre salva.* fol. 122
45. *De puerpera febre & Diarrhea biliosa laborante.* fol. 124  
*Utrum in ea liceat provocare fluxum.* f. 134
46. *De Epilepsia uteri, parturientis.* fol. 135  
*Utrum huic liceat secare venam cum doctissimo Zacuto Lusitano?* fol. 137
47. *De inflammatione, & pruritu in pterygomate, & Nymphis, & Clytore.* fol. 130
48. *De menstruâ suppressâ cum tussi.* fol. 142  
*Num Medicus debeat esse sollicitus de provocan-*

Exemplorum Elenchus.

- candis lochiis, an vero de tussi.* *ibid.*
49. *De Abscessu in femore dextro.* fol. 145
50. *De genu inflato.* fol. 147
51. *De genu inflato cum squammis & maculis*  
fol. 150
52. *De aculiiis in pede.* *ibid.*
53. *De febre maligna.* fol. 153
54. *Matrona obesa in die critico, assumpto phar-*  
*maco, moritur.* fol. 158
55. *De vetula cicutam comedente.* fol. 161
56. *De oblato veneno capillorum defluvium.*  
fol. 166
57. *De stupenda in sene decrepito Hemorrh-*  
*gia.* fol. 146
58. *De auro fulminante.* fol. 151

F I N I S.



